

十朝东华录

咸丰朝

第十函

函九册

十朝东华录
第十函

PDG

三月癸丑朔督國藩奏臣接到家信知臣父於二月初四日病故臣例應丁憂湖廣臣自咸豐二年奉命典試江西行至太湖縣聞臣丁母憂回籍百日奉旨飭辦團練三年冬間疊奉援鄂援皖肅清江面之命聲明臣係丁憂人員辦理稍有起色即當回籍補行終喪五年九月蒙恩補授兵部右侍郎時雖已既闕而臣之私心常以未得守制為隱憾今又逢丁父憂惟願自責抱痛何極臣州去臣家不過十日程途應即日奔喪回籍臣經手事件以水師為一大端署提督楊載福駐紮九江所統外江水師十五營道員

彭玉麟駐紮吳城所統內湖水師入營合計船隻五百餘號改位至二千餘尊之多此非臣一人所能為力臣在衡州時僅奏明遣

船百六十號岳州以下雖陸續增添而九江控後則水師中喪其時同援湖北者僅船百餘號頃彭玉麟力支危局胡林翼楊載福

事無規模而又有廣東督臣購彈汗殿湖南撫臣督率官紳廣置船隻子藥於是外江之水師始振陷入都湖者亦僅船百餘號賴

江西撫臣竭力維持增修船廠籌備子藥於是內湖之水師亦振合四省之物力各督撫之經營楊載福等數年之戰功乃克成此

一支水軍臣不過因人成事豈敢無其實而居其名惟臣因事離營內外水軍或分枝不定相應請旨特派署提臣楊載福總統外

江內湖水師事務惠崇道彭玉麟協理外江內湖水師事務庶幾號令歸一楊載福戰功最偉才識遠勝於臣彭玉麟備歷險艱

有烈士風伏乞臣聖恩時加訓勳該二人必能肅清江面仍請旨飭下湖北撫臣胡林翼月等銀三萬兩江西撫臣文俊月等銀二

萬兩解交楊載福彭玉麟水營俾此軍不至餓疲則不特為攻剿九江湖口所必需即將來圍攻金陵巡防長江亦必多所裨益自

水師而外性相勇係同籍之人寶勇係久從之卒於臣略有關係見在李續賓之湘勇駐紮九江精勁樸實隱然巨鎮劉騰鴻之湘

勇普承亮之寶勇駐紮瑞州嚴明勤謹足當大敵但使餉項稍敷必可樹立功績臣在軍中亦無所益即不在軍亦無所損此外江

西水陸諸軍及各省援師自去歲以來皆由撫臣與臣會商調遣今臣丁憂開缺應由福與與撫臣會商辦理近日遊匪內亂武漢

雖清壹州奉新等處克復江西局勢似有轉機臣猝遣父喪不復能料理營務合無懇懇臣天恩准臣在籍守制稍盡人子之心臣

已商將軍福興巡撫文俊的請一人前來瑞州拊循各營將士臣即由瑞州奔喪回里臣上諭內閣曾國藩見丁父憂業經降旨

賞假三月回籍治喪所帶湖南兵勇暫交其弟曾國華管帶惟曾國華職分較卑仍須有大員統帶方能得力所有曾國藩前帶水

師兵勇著派提督銜湖北鄧陽鎮總兵楊載福就近統帶廣東惠潮嘉道彭玉麟協同調度該侍郎假滿後著仍遵前旨即赴江西

督辦軍務以資統帶○諭軍機大臣等前據駱秉章奏曾國藩見丁父憂當經降旨令該侍郎回籍賞假三月治喪見在曾國藩即

由瑞州回籍福興文俊何人前往瑞州接辦軍務福興原擬往勦撫建一節令是查另派大員帶兵前往撫建抑該將軍仍自行前

往務須斟酌盡善不可顧此失彼至曾國華本係降服著傳諭該員仍遵前旨暫留江西管帶兵勇歸楊載福等調度俟曾國藩假

滿回至江西再令回籍其水師軍營所需糧餉最關緊要著文俊設法籌辦並否照官文胡林翼一體籌撥接濟毋使缺乏楊載福

駐紮九江屢獲勝仗今命就近統帶曾國藩一軍聲勢必能聯絡著即與彭玉麟協力同心督兵期以克復堅城肅清江面將此由五百里各諭令知之○甲寅諭軍機大臣等福興等奏籌辦攻守情形並王懿德等奏江西全省藩籬且係接壤閩浙之路該將軍見已帶兵赴鄂擬請飭張從勇防堵崇安各一摺逆匪窺伺廣信已非一日該郡爲江西全省藩籬且係接壤閩浙之路該將軍見已帶兵赴鄂擬請飭張從龍之兵酌候調遣先保東路要區再圖規復他處所請向台機宜惟閩省崇安縣屬分水等關距鉛山甚近光澤縣黃石口村莊已被該逆焚毀聯甲兵勇已駐鐵牛關且內地賊匪復在建陽書坊一帶嘯聚內外兼顧兵力不敷雖經王懿德等另調各標營官兵一千名並募漳泉壯勇各五千名令署總兵懷塔布帶往崇安駐紮而邊防喫重所有張從龍等兵勇已經該督撫飭令固守杉關兼辦鐵牛關防務其續調赴江援剿之福甯漳泉兵勇一千六百名亦據該督撫載兩堵禦此時自難調往廣信本日復據晏瑞書奏稱廣信存城兵勇尙有八千名足資堵剿是以令饒廷選駐紮玉山防堵福興抵廣信後如有可用之兵著酌量調撥或由貴遠七陽鉛山等處相機進剿翼與閩兵會同王懿德等亦須飭令懷塔布等一面嚴防本境一面隨時應進俟福興帶兵行近建昌即行會台不復區分畛域株守閩疆至江西逆勢方張福興已赴廣信曾國藩於拜摺後卽行回籍瑞州一軍見派何員接辦抑止要曾國華統帶著文俊妥籌辦理隨時具奏將此由六百里各諭令知之○乙卯諭軍機大臣等王慶雲奏南陽等處被水災民請籌賑恤一摺河南省上年被蝗春兩復未俊濕糧價昂貴據閩南陽一帶饑民至以樹皮充食該處本多逆匪恐其乘機蠢動且襄樊匪徒見竄內鄉浙川尤虞勾結滋事上年該省辦賑賑動倉穀四萬石據英桂奏散放以後尙須留爲今春青黃不接之時酌量放糶卽著英桂等體察情形所有兩陽一帶災荒較重之區應將此項餘穀倉穀散放接濟惟災區較廣深恐不敷並著督飭該地方官等勸諭紳富協力捐貲源源賑濟以期弭患未萌將此由四百里諭知英桂並傳諭布政使英榮知之○丙辰諭內閣綿綸等奏勦匪獲勝首犯投誠並官文胡林翼奏勦辦襄陽匪徒情形各一摺湖北匪徒劉尙義等自荊門州被勦後竄踞南漳縣屬武安壩地方二月十四十五等日經知府唐訓方帶勇追勦殲斃七八百名逃散無數自十七日至二十日副都統銜巴揚阿帶兵踵至四面圍攻復斃匪眾無算該匪等窮蹙無路於二十三日率眾投誠業經綿綸等委員察看係屬實情著准其分別辦理所有被脅難民卽行妥爲遣散投誠各犯歸入巴揚阿營中隨同打仗立功贖罪其未經回籍各川勇並著分起委員妥爲押解毋任再滋事端見在穀城等處另股匪徒尙未盡淨著官文胡林翼卽飭巴揚阿唐訓方等實力進剿趕緊肅清並會同陝豫官軍合力接捕盡絕根株毋留餘孽○諭軍機大臣等前因正陽關情形喫緊諭令勝保酌撥兵勇數百名往援或令袁甲三酌帶兵勇前往本日據袁甲三馳奏竄劫股匪直撲正陽關並有李兆受帶領粵匪由正陽關竄圍壽州雖經官軍疊次擊敗該匪等尙在城外盤踞等語是該處匪蹤延蔓實爲可慮袁甲三自係尙未奉到前旨惟此時情形緊急著卽馳赴正陽關督同金光飭等實力堵剿並先將竄往

勇赴毫協同宋連泰進攻俾得速行蒞事至正陽關壽州等處均屬境境福濟身任巡撫不得因派委有人竟以該之豫首此時如有兵勇可撥著起程撥前往會合袁甲三金尤勛所帶兵勇實力攻勦毋得稍存膜視將此由六百里各諭令知之○袁甲三奏珍匪起事之初本非逆亦非敵寇不過鄉里先見意氣爭強因而號召無賴倚爲爪牙久之窮民趨附聲勢恣意搶掠或擇肥而噬或冤難相報漸致橫行無忌不得不興師動眾示以兵威又或兵力偶挫見銳愈張或辦理失宜該太甚該匪等自知罪在不赦不甘待斃每一交仗勝則附從益眾敗則死黨益堅迨至蹂躪之區村落咸墟無可掠食又不得不分赴完善之地焚搶搜括使夥黨有利可圖不至離散此所以東奔西突日久未能掃除也查自古用兵職厥果魁發從罔治非徒施寬大之恩也怡亂民如治亂絲未有不爲分辦而能得其條理者從前嘉慶年間三省教匪作亂用兵七八年疊奉 上諭遠格施恩曲爲寬宥宵人心始獲安定今捻匪滋事合計三省兵力斬擒不下十萬草薙禽備不可勝誅在事諸臣非不出不晚諭勸令改過投誠其中畏法悔罪者亦復不少惟既已陷於賊中深恐官雖不究而被害之家必將尋難搜殺未奉恩綸終懷猶豫可否顯懇 天恩明降諭旨除張落刑冀得等罪大惡極必須設法斬擒以彰天討並聚眾抗拒者仍須一意勦捕外其被俘入夥者或殺賊立功或自拔來歸一概准予自新並不究其既往庶無歸之民各有生路賊勢日孤人心日定化莠爲良似亦蕩平之一助也得旨汝此奏自保實情勦擒因應隨時相機辦理惟目下尙非其時須俟大獲勝仗後必應降旨若見在止博寬大之名倒懸者未解徒長梟獍之兇餘非計之得也○于湖北傷亡協領德廉祭葬世職○丁巳諭內閣福濟奏因病懇請開缺專辦軍務等語安徽省自和春調往江南鄭魁士復經獲咎福濟以巡撫督辦軍務責任自重况見在賊勢猖獗已陷軍務與地方公事均係緊要何得輒請開缺致負委任所請著不准行○諭軍機大臣等前因皖省無爲州城被陷即諭官文等分兵一千名赴應助剿嗣因桐城兵潰廬州喫緊復經諭令官文等將前調官兵一千名迅速派往並諭要端書鄧紹良就近酌撥兵一千名或數百名渡江繞道赴廬州軍營聽候福濟調遣本日據福濟奏逆匪大股衝撲柘皋我軍迎擊失利柘皋距廬止數十里孤城危急已在呼吸之間等語該處需兵情形實屬萬分緊急前諭官文胡林翼派調之官兵一千名無論刻下業經啟程與否著再添派官兵一千名並派得力大員管帶由黃州至宿松太湖一帶擊赴廬州軍營交福濟調遣至前諭在甯國軍營酌撥官兵一千名並著晏端書飭令迅速馳赴廬州藉資援救毋稍遲緩另據福濟片奏藩司畢承昭前在浙江措交浙海關賠款銀二千二百九十兩零見因皖省緊迫擬請解皖捐助軍需所有浙關賠項該藩司已在廬州豐臺呈繳即可扣抵欠撥皖餉著晏端書查明畢承昭在浙措交賠項銀兩迅速派員解赴廬州軍營以應急需將此由六百里加緊各諭令知之○諭福濟奏壽州被圍緊急請飭勝保迅督大隊赴援一摺逆匪擁眾數萬由正陽進逼壽州四面合圍情形萬分緊急雖經福濟由廬州撥兵堵禦惟逆勢方張恐兵力難資抵禦勝保此時正在北路勦辦捻匪北路藩籬亦關緊要能否分身前赴壽州殊未可定著英桂勝保迅即籌商如勝保可以帶兵前往即行的帶兵勇馳往救援如一時未能兼顧亦

應派兵助剿不得因其地處淮南稍存畛域之見昨有旨命袁甲三前赴正陽督同金光訪進剿正陽距壽州不遠數十里袁甲三帶兵前進即可先解該州之圍以扼淮河南北要衝至柘皋防兵失利退守失塘關廬州門戶已失前調湖北皖南兵各一千名本日已降旨飭催並諭湖北再添調一千名由宿松太湖一帶赴皖其德興阿和春營中兵勇前據奏報實已無可抽撥所有江北派出之官兵五百名早已抵盧丹陽派往之官兵八百名即著福濟趕緊催提以資攻剿所請飭催餉銀之處已據戶部疊次飛催矣將此由六百里加緊各諭令知之○安徽巡撫福濟奏軍務摺報仍令鄭魁士會商得旨汝於該鎮懇懇參保迄無定見云伊度越諸將則身任封圻者能無愧乎見○便明降諭旨又派伊統帥非為汝惜實為大局所關也○復安徽剿賊陣亡已革總兵官郝光甲職子祭葬世職誥武節○子安徽刑難訓導夏濟川等湖北殉難司獄陳惟和祭葬世職○已未諭內閣英桂奏襄樊土匪闖入內鄉縣城經官兵會同克復一摺二月十七日襄樊土匪竄擾內鄉縣署知縣楊鏞帶勇出城迎擊賊已分股竄入縣城總兵邱聯恩等合隊進剿該匪出西南兩門抗拒我兵槍斃齊施斃賊甚多匪眾往西北敗退我兵追擊二十餘里該匪等開北門逃竄立將城池克復見在餘匪回竄楚境著邱聯恩乘此聲威迅速追捕究剿賊類勿留餘孽署內鄉縣知縣楊鏞有無棄城逃避情事並在城文武各員弁下落著英桂查明具奏○諭軍機大臣等英桂奏蕩蕩匪徒竄擾見籌剿籌等語據稱嵩縣所屬龍王廟一帶突有匪徒豎旗訛索錢文經官兵往捕膽敢在汝澗鎮等處放火焚燒聚眾抗拒該處係完善之區豈容匪徒肆行焚掠亟應及早撲滅以靖地方著英桂嚴飭河南府知府樊瑛認真督剿迅獲首犯解散脅從毋任蔓延為患見在內鄉股匪業經擊退邱聯恩等勦辦竄匪如已得手亦可酌量抽撥兵勇以資進剿惟豫省兵力較單該縣逼近陝境即著督望顏就近酌派兵勇會合豫兵前往勦辦並飭所屬整頓團練勿令匪蹤越竄勝保督辦固始擒匪已解城圍見在潁州擒賊屯聚勝保由烏龍集進剿正可先將羶郡擒匪勦除遏其北竄至壽州被圍雖經福濟派兵往援但兵力甚單恐難濟事前令袁甲三往正陽是否能策應壽州抑須再添兵勇助剿方能得力著英桂勝保迅籌妥辦見當捻勢鳴張又有句結粵匪之說該撫等務當督率皖豫官兵聯絡一氣毋分畛域以期迅速奏功將此由六百里各諭令知之○諭前因廬州賊眾兵單餉需缺乏當諭晏謙書迅撥兩軍營官兵一千名赴廬救援並著撥銀四五萬兩以資接濟茲據該撫奏稱皖南三雷同時告急自顧不暇兵力已無可籌撥自保實在情形惟餉銀毫無接濟豈得謂之不分畛域見在廬州缺餉危在呼吸浙江近在鄰封若生親其餉竭兵散大局攸關何堪設想該撫於省局籌餉則操為之謀於鄰封則涓滴莫及何氣習之深若是著晏謙書竭力設法量籌接濟迅解廬州不准藉詞推諉致滋貽誤將此由六百里諭令知之○諭江南軍務從前張國樸與福興共事尚能迅解金壇之圍乃自和春到後數月之久句容一邑尚未克復是否和春與張國樸意見不合以致該鎮未能用命軍營統帥全在能得人心儻駕馭無方健將不肯出力貽誤非輕怕夏近在常州必能確有見聞著即確查密奏至余萬清收用劣員虛應朋縈和春奏請撤去幫辦軍務業已降旨允准惟余萬清攻勦鎮江如果不能得力

該大臣早應據實參奏何以因收用慮慮翔一節輒請撤去幫辦恐和春因該員別有芳蹟遇事而被善怡反一併密行訪查和春
萬清平庸著該督會同和春於江南軍營察看何員可以接辦鎮江軍務酌保一二人速行奏聞候旨更換再本日崇恩奏匪黨防
護海運事宜一摺據稱近年滋事洋盜皆係閩廣艇匪若能於余山一帶扼據險要盜匪斷難北竄等語本年海運漕船已據該督
等酌定章程募雇勇船在洋巡緝並有輪船分別駐泊著即嚴飭該員并務於余山五條沙一帶巡防扼守毋令閩廣匪船乘間北
竄並遵照成案令護漕師船至東省石島洋面交督明白再行南下俾南北水師均有責成庶不至稍有疏失將此由四百里密諭
知之○辛酉以克復甯國府城復道員鄧瀛職免知府顧培文罪均畱任效力○壬戌諭內閣和春奏攻剿溧水連奪賊壘大獲勝
仗一摺江南溧水賊匪經官兵屢次痛勦勢已窮蹙二月初七日賊由烏山曹村一帶來援和春派令副將魯占鼐等奮力勦殺斃
賊百餘名金陵安慶大股賊匪竄至鄆山琴壘佛振邦晉同馬步分路進攻並於山後埋伏賊匪五六千人分股迎敵兵勇且戰且
卻佯敗誘賊都司鄧聯科等伏兵齊出逆匪大股奔逃我軍乘勝追勦斬賊甚眾二十日賊匪復過河築壘三座和春派李定太等
分途齊進賊匪約三三千人出巢迎敵周天培等帶兵搶至外濠槍砲連環火箭噴筒齊發賊眾驚潰立將賊營四座奪獲餘匪奔
逃退至河濱落水者不計其數兵勇搶至河岸又斃多賊復將鄆山五座賊壘奪獲賊向柘塘逃逸所有該處賊營一律踏毀共計
奪獲賊壘二十六座斃賊三千餘名該逆負隅死守著和春即督飭在事文武員弁迅將城池趕緊克復毋得再事遷延致干重咎
○諭軍機大臣等御史毛昶熙奏山東省城被災較重請飭查辦賑濟並稱該省於咸豐四年曾買雜糧六萬餘石爲守城之儲至
今仍存省城可撥爲賑恤之用又聞該省上年開捐賑局共存銀三十一萬餘兩除用過外尚存二十五萬餘兩亦可酌撥賑濟各
等語東省連年被災曾經發帑賑濟誠恐不能遍及且閱時已久民間生計更難自應酌籌調濟該御史所稱糧石銀兩是否確存
實有此數著崇恩即飭查明酌量動用就被災較重之區辦理賑濟以恤民艱並著一面奏聞一面先行籌辦用副朕惠愛黎元至
意將此諭令知之○諭和春奏攻剿溧水奪獲賊壘並句容鎮江獲勝情形各摺片江南軍務自蕪荊山大營失陷向榮病故後金
陵城外悉無大兵控扼句容溧水不過嚴爾小縣該逆以之牽掣我軍而分其黨與四出滋擾見在安徽首巢無舒六相繼失陷賊
蹤距廬州僅止數十里情形萬分緊要池州蕪湖之賊窺伺備甯浙防又形喫重由大兵不能進傷金陵故巨逆得以安居城中從
容布置賊勢甚熾日多幾致官兵應接不暇見當各省荒旱兵餉缺乏日復一日伊於何底和春前在安徽督師得力張國樞在江
南軍營亦素稱奮勇何至區區小邑曠日持久不能攻克本日據奏溧水之戰挫斬尚多句容之戰仍未見得力著即督飭將士謀
勇兼施先將兩城攻下以便移師金陵使該逆有所顧忌稍戢其猖獗之形而我兵不爲句容溧水牽掣亦可分援安徽等處以期
次第廓清毋得再事遷延貽誤大局將此由六百里諭令知之○癸亥祀先農親耕藉田○諭軍機大臣等前據福濟奏請由湖
南撥解米石當經諭令駱秉章酌量籌辦茲據奏稱湖南省上年早歉米價日昂買米四萬石需銀八萬兩合之水陸運腳共需銀

十六七萬兩且自新州至六安需用人夫八萬名亦斷難於招雇各等語自係實在情形惟皖省缺乏米糧甚關緊要昨據英桂奏稱前次運送皖餉米麥六千石行至潁州因途匪竄踞三河尖河路梗塞見將米石起存阜陽縣倉尙未運解此項米麥亦可藉濟急需本日業經諭知英桂設法解至廬州著福濟卽行派員前往迎提以資兵食所請飭令勝保由正陽進剿六安之處亦已諭知英桂勝保酌量辦理廬州情形緊要前諭調之皖南官兵已據晏端書奏稱一時未能分撥湖北軍營已派臬司李孟羣帶兵一千五百名赴皖助剿該撫卽督同鄭魁士妥爲布置協力堵擊奏定三已有旨令其統領原帶貴州官兵前赴和春軍營隨同勦辦矣將此由六百里諭令知之○福濟鄭魁士奏據署廬鳳道金光筋稟稱二月十九日賊船數百號賊馬數百匹向西北撲來城上開放火槍擊斃馬賊六名賊旋退回二十日該逆擁眾由南關攻城該署道會同遊擊成桂等督飭署壽州知州黃元吉暨鳳臺縣知縣李霖統率兵勇由西門出城馳出賊營該逆迎拒經勇目李士申等及壽州營兵奮擊刺斃賊數百名斬首五十餘級焚毀賊營七座二十一日該逆由東門外遷擁而來我軍開砲轟擊當斃馬賊數名步賊數十名賊不敢進遙聞東北十餘里外槍聲不絕保團練姚紹孔擬在該處築壘遇賊接仗其北門外四頂山忽見黃旗備補恐賊紮營卽令李霖督飭勇目朱在國追城衝擊該逆東過二十二日以後該逆更番攻城徹夜衝突間用雲梯爬城並皆擊退至二十五日夜調齊兵勇衝出東門各鄉火光四起該逆不知虛實疑我援兵猝至內外夾攻倉皇失措棄營狂走互相踐踏死者不計其數該署道等追剿二十餘里計斃賊三千餘名割獲首級六百餘顆城圍已解等情查壽州係淮南重地該城僅以數千兵勇支撐八日之久非謀勇素裕斷難保此危城金光筋等激勸軍民同心守禦出賊不意暗布奇謀遂令逆鋒頓挫立解重圍實屬議力過人賊難回窺正綏該署道業經追剿惟逆眾數萬非孤軍所能支持應懇飭催勝保督帶大隊由正陽進剿六安與皖軍會台方能廓清餘孽等駐守廬州三面皆賊竭力守禦勉強相持斷難他顧如勝保能剋日抵六藉分賊勢當可轉危爲安 上諭本日據福濟等奏壽州城圍已解請飭勝保由正陽進剿六安以分賊勢等語勝保見由烏龍集回勦頑匪諒必續獲勝仗如該處賊匪漸次塌蕩可以無虞北京自應徑趨六安會台皖軍藉分廬州賊勢廬州三面皆賊情形甚爲喫緊福濟兵力甚單必須速爲援應著卽與英桂妥速籌商酌量辦理袁甲三接奉前旨是召已赴正陽見在壽州既無須助勦能否卽由正陽馳赴六安分剿粵逆亦著英桂等妥商速辦前據英桂奏籌解皖省米麥六千石因三河尖河路梗塞尙存阜陽縣倉見在廬州待米甚殷著英桂卽將前項米麥設法速解廬州以資接濟再據御史毛昶熙奏河南光州一帶饑民乏食至掘食草根樹皮請籌撫恤等語該處逼近匪蹤饑饉連已堪憫惻隱感恫事尤屬可虞著英桂卽行籌款酌量賑恤毋使流而爲匪將此由六百里各諭令知之○以紳民勤賊出力永廣湖南新甯縣文武學額各三名○以壽州守城出力賞選員金光筋按察使銜知州黃元吉花翎○甲子論軍機大臣等昨有旨令奏定三帶貴州官兵前赴江南隨同和春攻

期本日據奏定三奏已與福濟會商帶領吉林馬隊及陝西官兵由臨淮水陸並進疏通節道相機進剿等語見在廬州三面皆賊勢成坐困所恃以通節道者惟在臨淮一路即福濟前奏亦稱逆匪若由六安直抵臨淮則軍火糧餉無路可通是保全臨淮實關廬州大局該提督見既帶兵前往即著暫留臨淮一帶俟剿辦略有就緒再行前赴江南前據庚辰奏籌辦米二千石解赴臨淮轉解院會同復諭各部撥等運備米一二千石解往諭令怡夏於截漕等項下等款解皖必從淮河經過即著奏定三督飭兵勇將淮河北岸匪蹤隨時剿辦妥為護送該提督營中所需糧餉即可於此項銀米經過之時酌量截留以資接濟其餘銀米仍派兵解赴廬州毋稍疏失至請由北路添兵助剿之處此時實無可分撥勝保見在穎州剿匪儘彼處得手自可馳赴六安會剿正陽一路與臨淮聲息相通已令袁甲三帶兵前進俟到關後即可與該提督合力進剿徐泗各路兵勇相距非遙亦可隨時知會互為聲援也

將此由六百里各諭令知之○丙寅諭軍機大臣等福興文俊奏兵力不敷請添調北路勁旅一摺江西西路各城圍攻正緊惟東路空虛特甚該將軍所擬力保廣信分攻撫州白係要著惟北路勁兵分調已多此時實無可抽撥湖北水陸兩軍在九江者數萬一萬既據福興咨商官文等於李續賓所帶兵勇內分撥數千名即著官文胡林翼酌速辦如九江即可克復固應分兵接濟若攻克需時亦應移緩就急酌量抽調據該將軍擬先赴瑞州再回廣信兩處相距不遠誠恐東路策應不及著於行抵瑞州後即由梅港東鄉一帶節節進剿直抵廣信以固閩浙藩籬瑞州營中有無可分之兵或酌量帶往亦著妥籌分撥但不可顧此失彼致西路又形單弱南昌首城見存曾國藩兵勇尚有若干能否分撥前赴撫州亦著福興等酌量辦理再前據妥籌書奏廣信存城兵勇不下八千名福興前赴該郡亦可就近調撥分投剿辦至所請出浙協撥兵餉難經諭令晏端書酌籌銀兩陸續解赴廣信惟浙江撤解皖南廬州等處軍餉數已不少恐即勉力支應為數斷不能多文俊統轄全省不應一籌莫展專恃仰給鄰封著即督同藩司妥為籌畫以資接濟毋得生誤事機將此由六百里各諭令知之○諭福興奏軍餉欠缺仍請飭浙省接濟等語福興一軍餉需前據何桂清奏稱該將軍過浙時曾先後籌銀六千兩應付並聲明以後艱於籌撥應由江省地方官支應自係為皖南等處善籌辦法需餉較鉅勢難分撥茲據福興奏賊軍疲事處萬難不得不仍請浙省協濟亦屬實情且該將軍見須由省前赴廣信該處為浙省藩籬尤應就近接濟即以自因彈困著晏端書不必拘定按月若干之數酌量籌撥陸續解銀數萬兩至福興廣信軍營毋得心存膜視致誤事機將此由五百里諭令知之○丁卯命文俊來京以著齡為江西巡撫龍啟瑞為江西布政使

○己巳子安徵陣亡參將師長甄祭葬世職○庚午前軍機大臣等英桂勝保奏進剿逆擒獲勝保情形各摺片擒匪大股慶聚水溝集經勝保督兵奮擊屢獲勝仗惟該匪死黨尚多兵力不能分撥自應由西北節節進攻以期漸次肅清勝保見在進攻柳溝侯柳溝一破即進營三河尖目前賊勢自應如此辦理該逆奔突靡常軍情旦夕不同必須相度機宜統籌全局英桂見由新蔡進紫阜陽縣之驛口橋如勝保勒辦得手仍須移營前進總期聲勢聯絡互相策應方為妥善壽州雖已解圍賴上一帶尚當要緊見在大同馬隊

吉林餘丁業已到營俟直隸官兵到後卽一面進攻一面分兵應援賴上袁甲三如不能前進正陽亦須分兵策應著英桂等體察緩急情形毋得顧此失彼致有貽誤將此由六百里諭令知之○辛未諭軍機大臣等恒春奏滇省回夷各匪滋擾勦辦正當喫緊帶兵將領乏員見著那陽鎮總兵王國才熟悉滇省情形回民畏服請飭該署總兵迅速來滇協勦等語楚北水陸各軍均已乘勞東下王國才正在黃梅小池口一帶剿賊自係帶兵得力之員惟滇省勦辦回夷各匪尙未得手較楚省尤爲喫重著官文胡林翼卽飭該總兵前往滇省交恒春調遣藉資熟手將此由四百里諭令知之○諭胡林翼奏軍餉缺乏請飭山西等省按月籌解等語湖北水陸各軍併力東下關緊剿匪全局襄陽等處征兵亦須士飽馬騰以期速行蕪事見在該省年歲荒歉米價昂貴官兵欠餉五六月不等軍中僅以糜粥度日情形實屬窘迫該撫請飭山西陝西四川廣東各按月籌銀五萬兩解往以資散放自應亟籌協濟山西陝西四川三省撥解楚餉會揀該督撫等陸續奏報惟楚省需餉較鉅仍著吳振斌王慶雲會望願竭力籌措源源接濟縱不能如按月五萬兩之數亦須每月撥解數萬兩俾供支放至廣東省於奉撥楚餉並未將解過數目奏報此時需餉甚急著葉名琛先行撥銀數萬兩派委委員迅速起解嗣後仍著按月籌撥毋得稍涉推諉致誤要需將此由五百里各諭令知之○以湖北勦賊出力子候補同知李續宜等加銜升敘有差○予雲南陣亡同知鄭自耀等祭葬世職○壬申諭軍機大臣等和春奏軍餉緊迫請責成江蘇督撫籌辦並請催各省撥款一摺所有山東河南廣東等省撥款已降旨飭催並諭怡慶趙德祿無論地丁關稅捐項實力妥籌源源接濟矣和春軍營每月需餉至四十餘萬之多江蘇雖財賦之區見在止有蘇松二府尙屬完善上年又遇災荒正項錢糧既多鈔錢關稅亦未能暢旺力有不逮亦係實情上年經和春參奏當卽嚴飭籌款接濟旋據該督撫奏稱解銀三十五萬兩至大營撥發其餘十五萬兩分給鎮江各營年內得以敷衍見又三月之久自應續籌接濟惟一隅之地勢難資其供給全軍和春前在安徽該營兵餉皆由外省協撥並非安徽一省所能支應近日廬州缺餉亦諒江蘇督撫籌濟總因用一處所日多一日需餉日少一日爲今之計惟有早克一城卽可省一處兵勇爲撙節權節之上策和春自到江南向容深水未見克復一城而兩次參劾督撫恐其誤信小人之言以致文武不和有誤大局朕旣重任和春不得不加之訓諭卽如怡良久任封疆老成應練近因年衰多病屢經該督自陳趙德祿初任巡撫尙少諳練朕亦深知何桂清實心任事因病開缺病痊仍當畀以重任督撫大吏朕心自有權衡也至於統兵征剿乃和春專責著與張國樞協力同心早克兩城使附近地方漸臻安堵則徵收捐輸皆易爲力至江蘇勦辦各府各有紳董會同地方官承辦四年以來民情尙屬允協和春前派常州紳士趙振祥等各員前往蘇松勸捐恐本地紳董轉得藉口卽責於事無益總兵谷繼霖籍隸山東於蘇省情形更不相習本日已諭知怡良趙德祿責成本地紳士會同地方官妥爲勸諭所有和春前派各員並著毋庸前往將此由六百里諭令知之○諭前因江南大營兵餉缺乏諭令葉名琛等將廣東省月濟江南餉銀十萬兩出東河南兩省應撥江南餉各五萬兩迅將籌解並令崇恩於京餉項下劃解銀十萬兩未據該督撫籌覆奏本日

據和春奏八營兵餉欠至四月有餘兵丁時有鼓譟情形急迫請飭催協餉以資接濟等語該營餉需較鉅本省解款不敷支放全賴各省協濟葉名琛等於奉撥各項未即報解自因本省用款較多一時未能兼顧惟江南一軍關係東南大局見在既有桐嶺兵潰之虞急應設法籌濟著葉名琛將月濟江南餉銀並上年欠款迅速設法陸續撥解山東省應解銀五萬兩除去年解過一萬兩外尚短銀四萬兩並京餉項下劃撥銀十萬兩河南省應解銀五萬兩著崇恩英桂遵照前旨分別籌解該督撫等務當悉心籌畫毋得稍涉推諉致滋貽誤將此由六百里各諭令知之○諭本日和春奏兵勇缺餉日多請飭趕緊設法籌撥一摺江南各營兵勇每月須餉銀四十餘萬兩前經諭令怡良趙德轍源源接濟嗣據奏稱年內湊撥大營糧臺銀三十五萬兩其餘十五萬兩分給鎮江等各營僅得敷行度歲此後需餉尚多不可不認真籌畫設法辦理除截留漕米羅價儘數撥給外所有地丁及江海關稅並海運經費抽釐各項著該督撫一併湊解無誤要需至蘇省年歲荒歉正款無多不得不剴切勸捐借資民力該省勸捐本係各府紳董承辦民情尚屬相安上年和春另派谷繼琛等五人往蘇松二府勸捐恐本處紳董難得藉口卸肩而伊等人地生疏究屬隔風已諭和春毋庸派辦以後仍著該督撫責成該地方官會同本地紳董妥為勸諭接濟和春大營江蘇藩司何俊是否年老難勝緊副之任當此錢糧支絀之時必責精明練達之員方足以資籌畫而裕經費著怡良趙德轍查明該藩司如不勝任卽一面具奏一面撤任毋至貽誤將此由六百里諭令知之○諭本日據文俊奏江西軍餉支絀請飭四川協濟一摺江西初賊正當喫緊四川見係完善之區雖調撥軍餉不僅一處自應竭力籌撥以顯大局著吳振斌設法籌款每月撥解江西餉銀數萬兩以資接濟毋誤要需又據樂斌奏請飭川省變糧常平倉穀共有一百二十餘萬石若按照例價每石糶銀五錢五分計可得銀六十餘萬兩所難價銀解部設局收買米石見在京師米價昂貴倉儲短絀兵民粒食維艱自應寬為籌備惟此項米石囤積日久恐不免有黴變之虞著卽迅速查明趕緊設法籌糶備為數不敷並著於濟社二倉內存穀糶變湊足五六十萬兩之數派員解赴京師以資收買將此由四百里諭令知之○文俊奏查饒州北界彭澤都昌東鄉祁門建德逆匪環伺防兵又單上年十二月間鄂省敗匪萬餘自都昌闖入鄱陽之泥灣等處經都司畢金科等往勦該逆竄往浮梁縣景德鎮並有安徽收匪七八千由祁門亦竄至浮梁縣署知縣楊鏞帶勇堵勦先勝後敗逆匪遂先後由樂平萬年安仁等縣竄入撫州餘尚占踞景德鎮正月初二日畢金科因浮梁縣約會夾攻於初四日抵鎮而浮梁勇尚未齊畢金科即率本營進剿分派千總李飛龍等由各巷口衝入自帶哨官李克封等由正街進詎伏賊四起塵戰逾時竟致潰敗畢金科力竭陣亡饒郡大震駐防各勇潰散餘俱移紫角山前十八日署饒州府知府馮詢移請駐防餘千之都司林保赴郡協剿二十三日千總陳開榜等獲畢金科屍身正收殮聞聞大股賊匪由四十里街來撲郡城林保即帶勇迎勦賊匪已自北門撲入林保督隊堵截砍倒黃旗賊目一名直入賊陣左右衝突殲斃十餘名賊匪四面合圍林保身受三傷幸哨官時連科等馳至合力抵禦殺賊數十水師礮船開礮擊斃無數賊敗退屯聚油墩一帶此皖鄂敗匪分竄各屬情形也廣信

府屬之賈溪縣賊連據建德州調撥知縣李元度帶勇守禦撫州賊匪屢擾賈溪縣之上清庵潭及安仁縣之鄧家埠均經李元度擊退正月二十一等日另股賊匪四五千復由景德鎮竄過萬年將赴撫郡李元度即飭彭斯舉等帶隊於二十三日赴安仁截剿逆匪見官兵已至旋即折回萬年二十四日竄擾賈溪之百丈嶺一帶李元度飛調彭斯舉等同費一面派吳修敦等帶隊放哨丁家坊之賊即退回三板橋二十五日該逆改竄弋陽縣彭斯舉等督兵進剿弋陽縣知縣善普率勇備導路遇賊六七十人悉爲我軍所殺附城屋內有賊百餘復圍殺大半黃兆霖等乘勢直衝入城遇賊即殺忽逆黨數千三面包圍黃兆霖爲火彈燒傷與彭斯舉等突圍而出是日三板橋續到賊二千餘李元度隨將彭斯舉等調回堵禦該逆亦併歸弋陽彭斯舉等跟蹤追擊善普及同城文武亦率團來會其先到弋陽之賊已搭浮橋過河後到一股尙踞弋邑彭斯舉等自北門進攻賊正過河截殺七八十人賊爭趨浮橋擠落水者不少對河賊黨情急將浮橋拆斷未幾過河之賊復被我軍殲斃多名餘賊竄往黃土港而去當將縣城收復二月初一日該逆竄擾河口鎮經署同知孫家鏞等於三更時進剿該逆不知我軍多寡即望鉛山奔竄沿途追殺十七名初三日該逆冒雨來撲鉛山北門署知縣陳汝楨等開砲堵禦不意西門城牆雨後鬆塌逆匪即由缺口衝入數十人縱火焚毀衙署陳汝楨等趕往撲救值外委李化龍自河口趕到逆匪疑爲援軍遂即退竄約殺賊四十餘人該逆旋竄鉛山弋陽邊界之吳坊一帶並窺伺閩省之雲際關被該處兵勇擊回見俱竄往建昌而景鎮地方於初九日又到股匪數千擾及賈溪萬年餘千一帶此信都各屬被擾情形也道員劉子濤上年駐兵樟樹十二月初二日派蔡康業等陸勇及康國器等水師擊沈賊划淹斃賊匪二十餘名初三日臨江之賊來犯亦爲擊走復探得三溪館地方有賊千餘營盤四座劉子濤親率兵勇進剿殺賊焚壘連日復率水師及平江勇攻破銅鑼地方賊營三座斃賊五百餘人三十日臨都賊匪來撲我營劉子濤令何堯臣等分路迎敵平江勇楊三保首砍執黃旗賊一名賊勢稍卻各軍馳勦該逆自相踐踏死傷甚多直追至臨江城下而還正月十二日復派平江勇數百名赴蛟湖接仗失利幸經水師截住賊不敢進十九日探聞撫州賊匪合統鄒賊約數萬人赴援瑞臨劉子濤即派李逢春等各帶礮船赴新淦截擊逆匪擄得民船百餘艘欲渡我軍開礮轟擊賊即紛紛上岸追逐三四里將被擄民船奪回二十一日離樟樹十五里之香溪地方有賊數千劉子濤乘其遠來立派羅玉祥等疾馳進剿該逆不戰而遁追殺數十人是日又有股匪數千窺撲豐城劉子濤即帶領礮船助剿鏖戰二時賊始敗退二十三至二十七等日逆匪數千窺至距樟樹二十里之潭埠地方屢次窺撲均經水陸各軍先後擊敗二月初三日探知黃竹巷地方有賊數千劉子濤即令水陸各軍進剿初五至十四等日擊敗來援沙湖賊匪攻破蕭公廟賊營遂併力齊攻香溪賊眾膽落盡望新淦竄去此樟樹豐城屢次防剿情形也補用道劉長佑知府蕭啟江克復袁州後劉長佑收復新淦進攻臨江之西蕭啟江先期上高進攻贛江之北蕭啟江行抵上高縣之漢塘地方策營賊分股來撲蕭啟江開營縱擊敗之進攻上高縣城該逆鼠竄收復城池授勳官盤地方焚毀僞監軍傅家演巢穴進攻隘關嶺各路獲勝斃賊數百名落水溺

翼善誦算連聞臨江有賊數萬分萬餘至陰陽嶺撲營湖坊及劉公廟各來大股勢如湖湧蕭啟江令蕭啟淮等分投迎剿慶戰四時殺賊六百餘人生擒數十名餘匪敗竄二月初八日臨江逆匪二萬復分路來犯蕭啟江督同各將并迎擊苦戰竟日殺賊多名餘賊敗匿影家村道員劉長佑一軍敗賊於陽關探聞撫州來賊四五千與臨郡之賊三四千應聚羅坊劉長佑率隊往剿賊列陣於羅坊前後不下萬餘人劉長佑派各營前後鈔剿坤一等匹馬衝突各勇奮力直前再按再磨街後之賊先敗街前之賊隨亦沿河潰走追殺二十餘里共計斃匪四百餘名生擒十五名是日即紮營羅坊並調雷防袁郡都司黃三清移守新喻本年正月初間移營太坪地方俟蕭啟江兵至會攻郡垣詎意臨郡賊匪數萬撲營劉長佑正在抵禦伏賊四五千自後路突起以致各營全陷劉長佑退回新喻該逆自大坪撲營後欲悉眾來犯陰關嶺蕭啟江一軍其為突重瑞州大營已抽撥湘實等勇一千五百名黃應此分攻臨江劉長佑失利退回情形也查劉長佑一軍挫銳退回蕭啟江駐紮陰關嶺勢甚岌岌瑞州不得不分兵救應吉安又添援賊萬餘我軍苦戰實甚急宜控兵圍攻德建搆賊所必殺既可分臨吉賊勢亦可保全廣信要區而本省急切無兵可撥前經西安將軍福興會奏請調外省精兵惟有靜候諭旨遵辦都司畢金科身經百戰驍勇超羣此次深入重地被害甚慘懇請飭部照遊擊陣亡例從優議卹其餘員弁應請分別辦理奏入予畢金科祭葬世職如遊擊例訓導沈其秀等祭葬世職○癸酉臨內閣怡良趙德燾奏遵旨籌辦團練一摺前因文慶等奏請實行團練疊經降旨諭令各督撫體察地方情形酌辦理茲據該督等奏審度形勢分別派員管理籌辦周安江蘇見在逼近賊氛團練尤關緊要該官紳等果能實心經理既可保衛鄉關尤可助剿賊匪除淮安徐州二府由該督等查明邵燦庚長責成徐州道王夢齡辦理外所有裏下河各州縣及通海二州屬即著署兩淮鹽運使郭沛霖督辦江甯府屬之六合江浦二縣著已革道溫紹原督辦上江句容等縣及揚州府屬之江甘儀徵等縣著各該管知府督辦常州鎮江二府屬著常鎮道壽松年會同已革臬司袁文經督辦蘇松太一帶著該省臬司督辦凡有見任各官該督撫派令督辦者均加督辦團練街其有由司督辦者該管之道府州作為協理由委員及道員督辦者該管知府作為協理由知府督辦者該管同知作為協理均著加協理團練街以專責成一俟軍務完竣即行撤銷該員等務當督飭州縣各官遴選公正紳耆會同經理查照原奏章程隨時考察嚴定賞罰經費則民捐民辦勿許科勒丁壯則各保各鄉免其徵調以副朕除暴安良至意○諭軍機大臣等曰粵匪東竄以來江蘇省籌解大營軍餉皆取給於地丁關稅並由各商協撥之款從無貽誤因荒故錢糧錫錢居多關稅未能暢旺各省撥款又因用兵之處較多以致解數寥寥見據和春怡良等先後奏到後稱江南大營兵餉積欠四月有餘兵丁時有鼓譟之事難經降旨嚴催廣東等省將欠解各款趕緊起解恐一時未能即到兵勇嗷嗷待餉豈能枵腹荷戈若再遲延大局將不可問因思用兵禦寇原以保全黎庶且各省捐輸軍餉朕無不立沛恩施惟民力不齊為數零星又無濟於大勢成豐四年間陝西巡撫王慶雲曾有捐借兼行之舉頗著成效不獨江蘇省可以照辦即浙省善濟皖南江西江南等處餉需亦屬支絀如

能查照辦理除本省供支外亦可協濟江南軍餉著怡良趙德燾晏清書督同省垣紳士並派委員分赴各府州縣會同各該紳士查明上戶若干開報該督撫即責成公正紳士婉委勸導隨時請獎其有爲數較多自一萬數萬以至十萬兩者自應分別差等邊格施恩或賞給鹽運使銜或賞給副將銜或加銜之外另賞花翎或賞給舉人一體合試均准該督撫等酌量請旨以期踴躍其有力可多捐而不願請獎者即由該督撫等飭由該司按數給與借咨印帖白城豐八年起分年給還作正開銷仍按照原數多寡分別建坊給匾以示優獎所派委員紳士務擇素行廉正才情幹練者分投勸辦萬不准有徇勢侵吞致滋流弊中戶以下所有見行捐輸抽釐等項仍著照常辦理毋庸另勸捐借以免煩苛地方官吏等儘敢將未經開報各戶藉端需索即著嚴參懲辦該督撫等務當各就地方情形詳加體察酌量辦理以實軍需當此用兵之際凡食毛踐土之儉各異天良必有踊躍出資同仇敵愾者儘能積有成數即撥江南大營以資接濟庶兵無乏而於民生亦不至擾累將此由四百里各諭令知之○諭怡良趙德燾奏軍餉來源已竭請飭鄰省互籌協濟等語江南軍餉每月需銀四十餘萬兩本省所出每月不過二十餘萬兩見在句容大營及水陸各營久撥過多兵勇赴糧臺喧鬧若不急籌協濟恐餉竭兵濇全局瓦解浙江與蘇常等府境地相接即休戚相關似此窘迫情形必應於無可籌撥之中設法源源接濟藉以支持大局除昨據晏清書奏撥銀一萬兩解赴江南大營外著該撫仍遵前訊自本年二月起按月協濟即不能如六萬兩之數或四五萬兩源源解往藉以安定軍心不得以無款可籌空言籌撥將此由五百里諭令知之○甲戌諭內閣胡林翼奏官兵生擒匪首袁樊肅清一摺襄陽匪徒高二先等被官軍屢次擊敗竄匿張家集等地方二月初五日候補道唐訓方參領等督兵乘雪夜行四面進攻初六日遇賊於白家集被擊反走官兵分五路星夜追剿於郭家岡地方將匪首高二先等生擒正法餘匪斃斃淨盡襄樊漸肅清此股匪徒自上年九月滋事擾害甚眾襄樊文武力守危城胡林翼派往各員勤辦迅速均屬著有微勞所有出力員弁及協餉之紳團等著准其擇尤保奏○諭軍機大臣等本日據袁甲三奏正陽賊勢稍鬆擬先清北路再行南下惟軍情緩急常進退難以豫定亳州見乏得力將領請飭英桂於道員以上選派一員來亳駐紮各等語袁甲三見雖駐紮亳州係北路官軍得手後即須統兵前進與勝保一軍聲勢聯絡而亳州東北一帶伏莽尙多必須明幹大員駐紮方不至顧此失彼惟河南省道員以上文員每多未經行陣深恐難期得力著英桂勝保於見在帶兵之副將參將等官中擇其堪資統領者即行選派一日地赴亳州軍營如袁甲三統兵南下即可責令該員實力防剿以遏歸亳北路之衝將此由五百里諭令知之○丙子諭軍機大臣等將曹遠奏賊甯州漢回搆殺分別勸撫一摺該州爲回漢夷民錯處之地此次起釁本因閩省漢民報復回仇教宣威之回將城南所屬村房燒毀境內回匪四起竟至圍撲州署知州周守正雖經撤任而匪勢未衰漢夷居民終懷疑忌驟調兵回恐滋結釁回釁成巨變遂行議撫亦恐漢夷民心不厭且業與既多良莠不一未必輸誠聽命見在該省辦理漢回其誤即在曹主招撫以致回匪不長威漢民亦不懷德該州回夷雜處辦理不得其手難免藉端生事該撫業經酌調官

兵如果該同民等悔罪投誠縛送准予自新儻仍執迷不悟必當嚴以兵威不可遷就了事無論同漢夷人總須論其曲直不得稍有偏袒方足折服其心仍一面剴切曉諭一面知照恒春等知意嚴防毋令勾結延蔓將此由六百里諭令知之○己卯諭內閣福濟奏攻剿壽州竄賊獲勝並攻毀枸杞園賊營等語逆賊自壽州解圍後屯聚三十里鋪支家店一帶並於正陽池東之枸杞園筑營三座經署道金光節等帶兵於雙橋地方接戰賊賊甚多練總孫家燾等各帶練兵三千名在城南橫擊我軍乘勢急攻斃賊二千餘名該署道復於行近枸杞園地方將兵勇馬匹分路圍擊立將賊營三座奪毀追殺十餘里斃賊五六百名餘賊敗竄仍著福濟飭令該署道將竄賊分投剿擊悉數殲除俾自壽州至正陽一帶得以迅就肅清○諭福濟奏兵勇索餉滋鬧遺失關防自請嚴議一摺廬州大營湖南兵及楚勇廣勇等因該撫巡視城垣輒敢藉索餉爲詞肆行滋鬧以致該撫關防失去實屬目無法紀著福濟即將該滋事兵勇查明從嚴懲辦並將不能彈壓之帶兵各員據實參辦以示懲儆福濟自請嚴議之處著加恩改爲交部議處並著禮部將安徽巡撫關防即行鑄造頒給以昭信守○諭福濟奏藩司因拮据損傷懇請開缺一摺安徽布政使畢承昭因山東兵丁索餉出堂彈壓以致人多擠跌腰骨損傷著准其開缺回籍調理所有約束不嚴之總兵驚瑞遊擊施得守備恩清胡運河孔拉豐阿業普費頤衛守備張際元均著摘去頂戴以示懲儆○諭軍機大臣等福濟奏皖營兵勇缺餉請飭於江南釐捐項下酌提撥解等語皖省早荒米貴無款可籌致各營兵勇索餉滋鬧勢甚危急所奏自係實情惟江南大營近據和春奏到因欠餉多月兵勇亦有鼓譟之事是江南與廬州情形同一緊迫福濟所稱江南釐金已收銀二百餘萬兩不知隨收隨放豈有鉅款存儲至廬州軍餉本年各省節次報解者山西已有十萬兩陝西已有五萬兩河南九千餘兩浙江於本月奏到解銀二萬兩江蘇於本日奏到解銀三萬兩爲數已屬不少其或因道路梗塞日久未達福濟准當派兵疏通設法迎前進以濟急需勿使已經起解之餉阻滯附近地方自誤餉需再前據吏長奏籌米二千石解赴臨淮奏定三覓在帶兵赴臨淮一帶原爲疏通商道起見如果淮河一帶並無梗阻則此項米石無難運到又本日英桂奏河南解赴廬州米麥六千石尚在阜陽因無路可通不能前進福濟當設法迎提聊資接濟毋得一籌莫展以致坐困安徽藩司已簡放李孟羣該員由湖北帶兵前來投應廬州諒計日可到矣將此由六百里加緊諭令知之○諭英桂勝保奏剿捻正當喫緊粵逆又圖北竄請飭派兵助剿等語項上縣城當歸陳穎亮之衝勝保既親督前往諒能得力所請添兵之處九江郡城尚未克復楚軍何能分半赴豫况已撥往江西廣信並李孟羣帶兵一千五百名援應廬州武漢存兵已屬無多本日仍諭令官文胡林翼如襄樊已就肅清即於該處官兵內酌撥一千名馳赴英桂等軍營調遣未知能否應付並遲迷如何勝保前奏截留經過河南之陝甘官兵究竟是否到營速穩騰阿馬隊並見在暫留之察哈爾馬隊及山東官兵等爲數已不甚單自應先籌迎剿以遏賊鋒不可專恃添兵致令賊氛愈熾至直隸防兵據雙鏡奏報已於二月二十九日由甯智廟啟程史榮椿一軍據邵燦等奏報已赴亳州會同袁甲三培勦由該清營等另派吉林餘兵大同馬隊各二百名赴潁州助剿

英桂勝保即當迅速起程以資攻剿至李孟羣由楚赴皖本為廬州喫緊起見本日已將該員改放安徽布政使尤應趕緊赴任備此項兵勇路經河南地方該撫等不得率請截留致滋貽誤將此由六百里諭令知之○諭英桂勝保奏擒匪句結粵逆竄擾嶺上勢甚危急光州亦形喫重該撫所帶兵勇不敷堵剿請於楚省酌撥馬步勁兵三四千名赴豫援應等語見在湖北襄樊一帶雖漸就肅清而巴揚阿一軍尚須在彼彈壓前後諭令酌量抽調應援廬州廣信等處其在九江者尚未克復城池自難分撥惟是河南安徽交界擒匪與粵逆句連賊眾兵單係屬實情若不籌兵接濟深恐滋蔓難圖見在楚省情形究為稍緩著官文胡林翼妥為籌畫如襄樊一路已就肅清無須重兵彈壓即於此項官兵內奏撥一千名派委得力將弁管帶前赴河南交英桂勝保調遣以資助剿將此由六百里諭令知之○以李孟羣為安徽布政使羅遵殿為湖北按察使

由兩淮鹽運使遷

○于安徽紳亡知縣金寶樹等奏葬世

職○辛巳諭內閣葉名琛奏廣東省員弁越境會剿匪徒堵平賊巢一摺廣西佃匪占踞橫州永瀆縣地方各村疊次圍撲城池擾及廣東廉州府屬之合浦靈山等處經葉名琛派台高廉道蔡徵藩署廉州府知府沈保頤會同參將廖達章遊擊秦鳳山等督兵越境進剿於上年正月至二月先後攻破匪巢六十餘處將占踞之二百餘村全行收復擊獲匪徒堵平巢穴辦理尙屬奮勉所有在事出力官紳及前次會剿南甯府等州等處匪徒出力各員弁均著葉名琛查明奏請獎勵○諭葉名琛奏廣甯懷集兩縣剿匪出力請保出力員弁一摺兩縣交界之廣甯懷集二縣壤地毗連匪徒易於藏匿官軍克復廣甯縣城後匪徒數千餘人句結土匪滋擾自五年八月至本年四月經廣東署督標中營都司鍾文彩及廣甯縣知縣朱甸霖署廣西懷集縣知縣元慶等督率兩百文武員弁兵勇會合紳團先後將妙村各路匪徒首夥殲除淨盡賊巢概行焚毀奪獲槍礮器械鉛藥不計其數地方一律肅清該官紳等均能不分畛域認真勦捕辦理尙屬安速所有此次出力文武紳團兵勇著葉名琛查明與前次克復廣甯縣城出力員弁併案保奏候朕施恩○葉名琛奏英吉利船隻自退出省河後復經官兵連旬擊剿疊次焚燒船隻兩旬之久尙無動靜聞該國以咆哈巴夏禮不應與中國啟釁另派人來粵定議虛實尙未可定奏入 上諭以先定主見為將來定議地步備此次派來之人尙講情理亦須以禮相接勿使再有藉口俾得自為轉圜○以廣西柳州府城被賊竄陷提督惠慶解任來京下部嚴議巡撫勞崇光下部議處○是月減安徽亳州等九州縣上年被災額賦十分之一賑恤河南南陽縣被旱災民

咸豐東華錄七十

夏四月壬午朔子四川被賊州同崑秀察詳世職○甲申諭內閣恆春奏分期各路回夷復勝情形一摺雲南迤西回匪經官兵追剿將積匪蘇發貴等擒獲正法見在師羅各營俱各誠心輸服江外肅清已革副將陳得功前因妄殺回功發往新疆不准逗遛茲雖剿辦尙知愧奮惟該員復罪較重所請免其發遣之處仍不准行著侯績再行奏請○諭軍機大臣等據德勒克多爾濟等奏俄羅斯欲遣使來京商辦密事一摺復據理藩院奏俄羅斯兩麻巴拉第具呈亦稱該國上司諭文欲差大臣進京等語著

該大臣等明白曉諭告以中國與爾國文好多年從無差大臣前來商辦要件之事本國但知遵守舊章永遠和好今爾國遠隔
巴拉第在京聖柩爾國因英國有窺伺占踞之心欲差大臣來商機密事件已由理藩院具奏大皇帝念爾國道路遙遠向無差大
臣進京之事已諭理藩院行知該國照例但送學生進京毋庸特派大臣前來至爾國既誠心文好從前止有恰克圖一處通商今
大皇帝又准在伊犁塔爾巴哈台兩處通商相待可謂優厚見惟塔爾巴哈台焚燒夷寨一事應行查辦爾國既敦和好之情即當
派員會同該大臣等秉公辦理速行了結以便照舊通商無傷和好此外並無應議事件毋庸特派大臣前來如此明白曉諭不可
謂兵防備故事張皇所有理藩院行薩納特文底鈔給閱看將此諭令知之○子雲南被戕知縣周錫桐等祭葬世職○乙酉諭軍
機大臣等樂斌奏湖北撤回陝甘官兵未能調赴勝保軍營等語陝西撫標提標各兵業已撤回歸伍其肅州等協官兵亦已回抵
隆德距各原營不遠且該兵丁見多患病兼在湖北繳出器械白應分別收伍未能調赴河南惟大股捻匪勢勝保等擊敗後復勾
結粵匪竄擾上光州一帶情形亦甚喫重英桂等所帶兵勇不敷堵剿亟應設法湊撥以遏賊氛前據曾望顏奏因嵩縣肅清截
止甯夏練兵四百名令其毋庸來陝此項兵丁如果得力堪以出調即著樂斌飭令前赴河南交英桂勝保調遣將此由五百里
令知之○丙戌官文胡林翼奏查小池口下數十里與江西湖口對峙之改黨楓樹塢獨山鎮等處先後添築礮臺數十座外浚深
濠藉爲小池口屏蔽以拒我師三月初九日江甯將軍都興阿先派營總蔣林等帶馬隊二百名會同石清吉步隊繞道馳赴小池
口東路埋伏續派翼長多隆阿率領馬步各軍進剿殺盡都興阿自領總管巴依爾呼蘭副將鮑超駐小池口之西賊分三路出撲
經鮑超等擊退其一股往投段窩後蔣林等伏兵前後掩殺斃賊無數時多隆阿甫至投窩見賊壘已成該逆又出眾數千列陣
抗拒總管密雅明阿等射斃騎馬賊目數名餘逆敗退立將賊壘十餘座毀平追殺至八里江斃賊千數百名溺死無算十三日
多隆阿等由黃梅馳至楓樹塢賊匪匿山扼險築壘數里知我軍至賊又分三路出拒各二三千人多隆阿亦分三路應之同副將
王國才由中路進巴依爾呼蘭同提督孔廣順等由南路進綠島等由北路直前逆眾抵死抗拒王國才等復分兵繞出山南賊壘
之後擊斃守壘悍賊多名賊陣大亂紛紛潰竄巴依爾呼蘭等分路掩殺生擒四十餘名逆賊三千數百名時已日暮
多隆阿即傳令乘勝進剿獨山鎮賊遂於十五日四鼓捲甲馳赴至獨山鎮之陶岸嶺地方賊匪沿山築壘七大座外環深溝護
以樹柵竹籬多隆阿因仰攻不易遂令孔廣順等以輕騎誘賊出巢而令馬步各隊分伏要隘值月明如晝該逆見我軍隊伍星散
賊軍出壘迎敵我軍馬隊縱橫衝殺賊勢披靡而多隆阿等又已潛令開化勇起濠拔柵躍登賊壘齊拋火彈焚燒賊壘數百火光
燭天賊軍狂奔我軍踏平賊壘奮力圍剿屍橫遍野又追殺三十餘里斃賊五千餘名先後溺水死者千餘名生擒數百名洵足以
大挫兇鋒 上諭內閣此次剿平小池口附近賊匪進至獨松先後斬擒賊首萬餘餘殺辦理甚屬得手著官文等即飭帶兵各員率
茲銳氣迅克小池口並九江府城以遏賊衝所有出力員弁兵勇著官文胡林翼會同查明並歷次獲勝出力人員彙案保奏候朕

施恩○滬軍機大臣等前因湖北軍餉缺乏諭王慶雲等每月撥解銀數萬兩俾資支放茲據胡林翼奏餉欠兵饑請於山西藩庫河東鹽庫速籌銀三十萬兩等語山西協濟各路兵餉所撥甚多未必有此鉅款惟見在都興阿進剿皖賊四次奪壘十一座楊誠福水師正擬會攻湖口便圖安慶李續賓步隊亦素稱得力此三軍勁旅不可多得若聽其缺餉疲軍威不振實於大局有妨該撫請撥二十萬兩尚不過稍濟匱乏以爲進戰地步著王慶雲於按月協濟外竭力設法酌量籌撥雖不能如所請之數聽須先撥一二十萬俾資接濟庶不至如杯水車薪無益於事著卽妥籌速奏將此由五百里諭令知之○丁亥諭軍機大臣等譚廷襄奏酌擬推行大錢及設局加鑄鐵錢一摺直隸行使大錢雖稱二成搭放民間竟有以制錢九百二十文作錢一千者致大錢日形壅滯該署督奏稱如果各州縣販賣通搭二成大錢自必日見流通所見諒有把握卽著照所擬試辦各屬如有陽奉陰違者著卽督同司道等官嚴行刺察毋許稍有政異參差之弊至徵收錢糧民間如一時無從購買大錢勢不能不准其暫以制錢抵交方免抑勒病民該署督摺內所稱設局經理鈔票開鑄鼓鑄錢文並片內所稱搭收錢文按月用印票呈報備查之處均著照所擬妥爲籌辦總期實力奉行不至有名無實將此諭令知之○諭王慶雲奏請更換調豫官兵以資防守一摺據稱河南省前調山西太原鎮等營官兵一千名經英桂酌留五百名派防永城見在善南南路辦防兵力不敷若將別鎮兵丁調往自不如本鎮之兵熟悉地利較可得力擬於大同鎮屬調兵五百名赴豫將前調官兵五百名撥回等語山西省南路防堵既需本鎮官兵自應酌量調撥務資得力著王慶雲卽將大同鎮兵五百名剋日調齊派委委員管理星馳赴豫一俟此項官兵到防所有太原等鎮兵五百名卽著英桂飭令原帶兵官珠綱杭阿管帶同營將此由四百里各諭令知之○諭王懿德等奏逆匪開入閩疆邵武府光澤縣相繼失守見擬將署衢州鎮總兵饒廷選統帶之福建兵勇一千名由玉山調回建甯並咨調廣東兵二千名赴閩會剿仍請旨飭催等語江西大股賊匪由光澤竄陷邵武勢極剽悍亟應調兵堵禦該省與粵東接壤赴援較易所有王懿德咨調兵二千名著葉名琛酌量情形如數調撥派得力大員統帶星馳赴閩交王懿德調遣其應需口糧卽由廣東源源接濟並著咨行沿途經過地方毋許截留貽誤餉廷選一軍前因廣饒賊氛甚熾經晏端書調赴玉山防堵見王懿德擬將此項兵勇調回建甯因爲軍務緊急起見惟玉山爲全浙門戶堵剿亦甚緊要著晏端書酌量緩急如玉山防務尙有委員可以更替自應卽令饒廷選回閩助剿儘因饒廷選久駐該處驟難更換浙省見有何項兵勇可調卽著晏端書速爲調撥派委委員管帶赴閩其王懿德另摺所稱已調提督鍾寶三帶溫台兵五百名赴閩之處並著晏端書卽令迅速啟程毋稍遲緩是建等處防兵一聞粵匪入境輒致驚潰據王懿德聲稱卽日出省前赴上游著卽將邵武等城迅速籌復毋令日久滋蔓將此由五百里各諭令知之○以福建邵武光澤府縣二城被賊竄陷革副將張從龍參將琳調職並退問○予江西傷亡典史王科等祭葬世職○戊子諭軍機大臣等前諭獲奏定三赴和春軍營助勦本日復諭令統帶所部兵員勇一千二百名卽日由臨淮啟程惟蘇州防剿正在喫緊奏定三帶去兵勇自應於江西軍營酌撥

抵還除前據和春奏撥兵八百餘名派委協領玉崑等帶赴廬州外著再酌撥兵勇數百名共湊足一千二百名以抵還奉定三帶
去兵數並催玉崑等先行迅速赴廬積撥之兵卽飭速往以資援應將此由六百里諭令知之○論福濟等奏遣散老弱兵丁請另
行補足換防一摺安徽原調陝甘提馬營兵五百名今僅存一百九十餘名再汰老弱所存不過一百五十名該撫等請飭陝甘提
補三百五十名前往廬州以符原撥五百名之數自爲攻剿需兵起見見在陝甘調赴他省之兵已屬不少昨復諭令將甯夏鎮兵
四百名調赴河南此次福濟等所請能否知數挑補著樂斌酌量情形不必拘定原調營分但有兵力精壯可用者卽派委員管帶
前赴廬州交福濟調遣將此由五百里諭令知之○論寄諭安徽巡撫福濟廬州存營兵丁既多老弱自應酌量撤遣以收實用惟
所請各由原營照數補足一節如原提屬須挑補兵三百五十名尙足以成一隊已諭令樂斌酌量挑撥其直隸熱河雲雲山東
湖南等處汰缺兵數未據該撫奏明以每百名裁撤二十名計之應補之數當亦無多若每處添撥百餘名或數十名徒多徵調之
煩無補征勦之用況見在北省幾無可調之兵著卽知照各處停其調兵補數以省勞費新授安徽藩司李孟羣已由湖北帶兵二
千五百名前赴廬州得此大隊赴援較之零星添補更爲得力奏定三駐紮臨淮原爲疏通餉道旣據該撫登稱見駐紮縣餉道已
無虞梗阻著傳諭該提督卽帶貴州兵及眞勝勇一千二百名遵旨馳赴丹陽和春軍營助剿其漢中兵及吉林馬隊仍留於臨淮
以資扼守至和春營中前已派兵八百名馳赴廬州本日復諭該大臣酌量挑撥與奏定三帶往兵數相當惟江南兵力亦非有餘
能否添派諒和春必能斟酌妥辦也將此由六百里諭令知之○己丑諭軍機大臣等英桂勝保奏柳清集勒賦獲勝並調邱聯恩
回防光息一摺捻匪大股見聚柳溝老巢勝保赴援上之路爲其中阻自應急籌攻克以通南北聲援光息一帶焚搶之匪據稱
係李兆受一股則其中難保無勇匪在內該撫等所調邱聯恩官兵及刷質孫之勇是否足資堵禦尤不可不妥善籌兼顧至察哈爾
官兵旣不得力無論有馬無馬著全行撤遣飭令歸伍其調赴廬州之五百名亦著全數遣回此項官兵啟程毋庸令其乘騎馬匹
卽由地方官酌備車輛沿途遞送其見存馬匹撥留軍營以資攻剿黑龍江官兵徵調已多無可再調本日已諭德興阿等將前此
撥赴揚州之黑龍江餘丁五百名飭令赴豫著英桂等卽行催提並將邵傑等派赴穎州之吉林餘丁二百名一併催提到營以符
該撫等請調之數可期得力將此由六百里諭令知之○諭前據德興阿等奏營總佛爾茶阿所帶黑龍江餘丁五百名派令駐紮
儀徵樸樹灣歸參領富明阿管領本日據英桂勝保奏見在偏攻柳溝賊巢察哈爾馬隊不能得力請分別撤回歸伍添調黑龍江
餘丁六百名來營助剿等語察哈爾馬隊旣不得力業已諭令全數撤回惟黑龍江餘丁屢據該將軍覆稱無可再調且程途寫遠
見在勦捻正當喫緊豈能久待著德興阿等卽將駐紮樸樹灣之黑龍江餘丁五百名派員管帶迅速前赴勝保軍營以資調遣其
樸樹灣一帶防堵緊要並著德興阿等酌量妥善布置添兵前往扼守毋稍疏懈將此由六百里諭令知之○浙江巡撫晏端書奏
江右股匪竄擾閩省浙東一帶防剿喫緊請將署衢州總兵官饒廷選仍留署任辦理防堵得旨近有奇諭令汝酌度今觀此奏饒

延選實難赴閩者仍留防所○王辰諭軍機大臣等有人奏湖南省各廳州縣捐助軍餉自數萬至數十萬不等未經按照定章奏

請加廣學額中領民開幾疑捐輸變敘之典爲虛文請飭覈實變奏等語各該省捐助軍餉其按照舊章督撫請加中額學額者

無不立沛恩施湖南以一首防勸數百並籌應兵餉五載以來民間捐輸不少自應及早查明彙奏請獎著路秉章即將該省各廳

州縣捐銀並合省共捐銀數目已未收銀若干查明彙奏將此由四百里諭令知之○癸巳諭軍機大臣等文俊奏江西軍餉不繼

請飭四川道員張思銳勸諭在川貿易之江西商人捐輸接濟一摺江西軍務需餉浩繁經費不繼自保實在情形惟江西商人既

託業川省所有川省捐輸該商等自必在列勢難因原籍需餉重令出資從前派員赴鄰省勸捐亦經辦有成案惟以有餘省分協

濟不足之區原不拘定因何省需餉專勸該省商人致分畛域即如張思銳原籍江西自必情殷桑梓四川總督原可委令辦捐江

西巡撫亦可擇公正紳士或明幹委員前往會辦著吳振斌著齡體察情形會商辦理不得專勸江西在川貿易之人指捐本省軍

餉轉涉詳細也將此由五百里各諭令知之○怡良以病免命何桂清以二品頂帶著兩江總督江蘇未到任前以趙德轍暫行

兼署○甲午常雲祀 天於 圖丘○尊藏 宣宗成皇帝實錄 聖訓於 皇史宬○乙未恭懸 慕東陵 御書扁額○諭軍

機大臣等蔣壽遠奏察平府屬之朶從縣城錦屏汛城先後失守請飭催湖南兵勇進援等語湖南援剿貴州兵勇前據蔣壽遠奏奉

調二千二百餘名派萬年新等統帶於上年十一月下旬先後行抵靖州何以遲未到黔見在朶從縣城錦屏汛城先後失守該處

距黎平窺遠鞭長莫及自應迅催此項兵勇趕緊赴援著蔣壽遠飭萬年新等刻日由靖州進剿並飭兆琛所帶之勇迅速啟程

毋得遲延貽誤將此由五百里諭令知之○予貴州陣亡遊擊何觀元等殉難同知邵鴻儒等祭葬世職○丙申諭軍機大臣等德

興阿等奏瓜州大獲勝仗並水陸攻勦情形一摺此次進攻瓜州賊壘旬日之間俘斬甚多自應乘此銳氣亟圖攻克惟江浦爲南

北要衝自二月十九日該逆出巢被擊後迄今將近兩月如何設法籌攻該大臣等未經奏及已革候補道溫紹原在軍營數年

募勇助勦頗資得力前經德興阿因其干預保舉奏請革職原屬咎由自取見在該革員仍留六合防堵若責令帶勇隨同官兵迅

圖克復江浦許其立功自效以贖前愆該革員諒必感激思奮當此禦侮需才之際正宜賞罰並行以收指臂之助也瓜州賊勢日

蹙當有克復之機見在金陵逆首以句容溧水牽掣我軍坐守金陵毫無顧忌得以分兵四出擾及蘆墟內窺東壩使我防不勝防

儘能先克瓜州則水師即可進取金山鎮江之賊勢成孤立不難水陸夾攻以圖克復而金陵失其犄角之勢冀有轉機著該大臣

等統籌全局謀勇兼施毋得日久因循坐待兵疲餉乏致有意外之虞將此由六百里諭令知之○袁甲三奏進剿鄧家圩等處賊

匪疊次獲勝見已移營督兵備圩環攻賊勢漸形窮蹙覺得旨覽奏移營獲勝各情尚屬得手雖云各圩往來之路已斷惟賊信能通

可見不過圍其一半著即迅速進攻勿令竄逸○以周士銓爲河南按察使○丁酉諭內閣英桂勝保奏連獲大勝攻破柵

溝賊巢一摺捻匪竄踞三河尖以柳溝集爲門戶勝保督派兵勇分路進攻將巢內賊匪悉數殲斃平毀柵溝集賊巢尚爲得手著

英桂等籌防將士迅將三河尖老巢剋日殲除並即撥兵援應額上其竄撲固始逆匪業經官兵擊退仍著英桂等調兵防堵毋稍疏懈○給乘章奏楚軍克復袁州分宜各城復江西西路諸賊仍堅踞瑞州臨江吉安三府城池臣飭即補道劉長佑率所部五千人由分宜進期新喻以攻臨江之西南知府蕭啟江率所部三千五百人由萬載進復上高以攻臨江之西北維時吉安諸軍兵力尙單復調參將田興起新舊虎威軍一千二百餘名與劉長佑分道前進劉長佑率所部進駐分宜於上年十二月初九日即攻克寶山賊壘乘勝尾追立復新喻縣城餘賊擊退節掃蕩而前見在劉長佑一軍已進駐羅坊其蕭啟江一軍於上年十二月十三及本年正月二十七二月初三等日在上高縣等處屢獲大勝先後斃賊數千臣以該軍尙單飭直隸州知州劉鵬鴻等馳往助之又密飭道員王鑫不必專駐一隅惟確探悍賊大股所在星馳馳剿庶臨吉瑞一帶有此一支勁旅策應三城有一先下兵力足敷調遣自可剋期掃蕩 上諭湖南官軍克復袁州分宜郡縣復江西西路諸賊仍踞臨江等處經該撫飭令即補道劉長佑由分宜進期平寶山賊壘立將新喻縣城克復蕭啟江劉鵬鴻自瑞州分援各軍復斬擒數千名見在劉長佑仍進駐羅坊該撫飭調記名道王鑫馳往援期無難剋期掃蕩迅復堅城前此劉長佑營盤被陷本有應得之咎念該員屢著勞績且身受重傷仍能轉戰爲勝著從寬免其置議所有陣亡各員弁等並著該撫查明具奏○諭軍機大臣等英桂勝保奏請飭黃良楷挑選舊屬練勇家等語英桂等攻克柳溝集賊巢惟額上粵逆方張三河槍巢未破既須力扼西北又應兼顧東南兵力不敷分緝自係實情但練勇一項在本地防堵得力者或未能徵調遠行恐未必有二千名之多此次英桂等所謂曹屬各勇著崇恩即飭候補道黃良楷認真挑選擇其曾經打仗素知紀律者或數百名或一千名備齊軍裝器械即派黃良楷並添派幹弁數員管帶前赴英桂勝保軍營聽候調遣每月應需口糧卽由山東藩司籌款撥解以資接濟將此由五百里諭令知之○論本日據駱秉章奏廣西賊首馬廷科與叛弁黃金亮結爲死黨回竄興安靈川復添入賊首傅中榮等三股二月間傅中榮等攻陷柳州府城賊首孔亞幅等均各糾黨勾結逼近省城桂林情形危急旬日未接文報等語廣西潯州未復柳州又陷茲聞賊勢猖獗已近省城勢崇光何以並未奏報見在湖南兵力過單駱秉章僅能分撥嚴守要隘前經葉名琛派廣東提督鹿壽前赴粵西勦潯州匪徒此時駐兵何處此外本省兵勇尙堪徵調者共有若干名或飛咨廣東撥兵援應著勞崇光即將見辦情形迅速馳奏以慰廑念將此由六百里諭令知之○雲貴總督恆春等奏已革副將陳得功前經御史李培祐劾其習教各款查明均非實情見在師宗縣帶勇頗著戰績請免發遣責令勦辦回匪得旨師宗一帶見未全行肅清正須該革員一手辦理況詳查各情並非實在著仍遵第三次諭旨俟續著勞績即行奏請免遣俾知奮勉以贖前愆○駱秉章奏查安福既克臣卽札飭駐防茶陵州縣縣官軍各自防所進攻江西永新永甯蓮花廳等廳縣並委知縣劉拔元等由桂東進攻江西崇義上猶龍泉等縣上年十二月間趙煥聯率所部兵勇千五百人進剿永甯縣城共斃賊二百餘名遂復縣城復有三堡之捷斃賊五百餘名十九日有花木凹之捷斃賊數千是日鄧縣官軍亦有橋嶺之捷斃賊亦近

千名千總胡國安會同江西地方官兵至永新運花廳則賊已聞風潛竄遂並入城三廳縣一律肅清劉拔元復約同桂陽縣官紳帶勇進剿崇義於上堡地方遇賊擒斬五百餘名適江西南安府官兵亦到同復縣城紳士李召棠等又擊賊於淋洋殺賊數百名而上猶賊已潛逃十一月十五日胡兼善等進剿龍泉之陽湖賊巢斃賊七百餘名十七日分路擊賊於山坳士卒入險各懷鬪志斃賊甚多遂移營搜剿黃坑樟木坑之賊正月十六至二月初十等日各路亦疊有新擒該賊悉數退踞龍泉縣城萬安之賊及崇義上猶永新永甯各賊亦均退聚於此比官軍圍城而營賊軍五千餘分兩路出城來撲劉拔元等豫伏營前賊至伏起共斃賊八九百名臣富嚴飭各軍相機進剿以期將失陷城池悉行收復報聞○戊戌歲內閩近年江浙二省辦理海運湖廣等省辦理折色所有停運軍船前經戶部奏請將年分較遠者迅即變價並節次奏請飭催漕運總督查辦茲復據該部奏稱迄今年餘尚未據該漕督奏明辦理著邵燦即將見辦情形迅速具奏並著有漕省分各督撫迅將各該省停運軍船分別已未歸次並年分較遠可以拆變船隻數目及節年應徵造船銀兩餘數若干統限兩箇月詳細查明具奏妥速辦理以歸覈實而節虛糜○諭軍機大臣等前據崇恩奏派委總兵王鵬年登州府知府汪承鏞等籌護新漕並據怡良等奏稱雇募勇船會同水師巡緝當經諭知怡良遵照成案令護漕師船至東省石島洋面交替明白再行南下俾南北水師各專責成本日據端華等奏江浙運糧莊合順等沙船四隻在山東蘇山養馬島各洋面被盜劫去漕米多寡不等並劫去經費銀二千三百餘兩等語漕糧為天庾正供數日之間四船先後被劫該水師將弁所司何事實非尋常疏忽可比著趙德轍崇恩速即查明所有蘇山等洋面如在石島遼北著崇恩將東省所派銀將等從嚴參辦若在石島遼南則江省將弁無可辭咎即著趙德轍嚴參懲辦續來漕船尚有百餘隻之多應如何嚴密巡護並著趙德轍崇恩嚴督各該水師將弁實力經理毋許再有疏失被劫沙船內除王鹽鄉一船係在養馬島失事其餘三船均在蘇山被劫恐該處海島內必有匪巢屯踞並著崇恩督飭將弁密速接捕以清盜藪此次劫案務須人賊並獲毋令漏網儻或竄入津沽等處著譚廷襄飭令各該海口員弁先事嚴防不准稍涉疏懈致令闖入將此由五百里各諭令知之○諭本日據福興文俊奏吉安官軍再克峽江水師焚毀賊船淨盡一摺見在該省西路軍情瑞州已嚴密兜圍臨江之賊亦紛紛敗散惟由新淦渡河東行者約一二萬人恐其併入撫州一路或分竄建昌廣信是東路情形倍形喫重福興見在趕緊出省籌辦東路防剿事宜是否先往廣信抑係先往撫建著即相機酌辦先其所急何路最要即先由何路進兵文俊在任兩年毫無布置致令江西賊匪擾及閩省光澤邵武相繼失守若不力加整頓必致不可收拾見已投書諭為江西巡撫著即會同福興籌畫機宜務使各路軍情日有起色方為不負委任福興出省後即著著齡悉心籌辦妥為調度毋得稍涉因循致有貽誤將此由六百里諭令知之○庚子年陣亡遊擊馬鎮國深粹世職○辛丑年安 孝靜康慈皇后梓宮於 慕東陵○諭軍機大臣等有人奏署兩淮鹽運使淮揚道郭沛霖著任四年之久所徵淮南稅課日形短絀通泰所屬二十場每年抽稅可得制錢一百萬串咸豐五年分該司造報淮南奏銷僅收錢十萬餘

串近來添卡愈多徵稅愈少並信任秦州運判洪國柱冒領運庫銀五萬兩未經報銷洪國柱侵蝕秦州稅錢八千餘串是不批辦
該署司代爲彌縫完結各等語照例各帑項大宗淮南所屬引地向多完善之區當此餉需支絀宜如何竭力籌維若如所奏尙縱
屬員虧短稅項尙復成何事體著王桂清趙德熾按照摺內所指各節將該署運司任內所徵稅課徹底查明據實奏奏洪國柱如
查有侵挪庫銀稅錢等弊著卽先行撤任一併覈究懲辦以肅政本日降旨令常鎮道爲松年著南淮鹽運使已革請司韓英見
已發往河南差委著該署督等於職英到江南後卽飭令協理兩淮鹽務並令喬松年等認真經理力清弊竇俾鹽務日有起色以
裕餉需是爲至要原摺著鈔給閱看將此諭令知之○浙江巡撫晏端書奏議接辦浙鹽運赴江楚銷售卽以課項接濟餉需俟
准鹽運道疏通再行奏明停止並請令補用三品京堂張芾就近督運允之○命已革江蘇布政使聯英發往江南交署兩江總督
何桂清差委○王寅論軍機大臣等福壽等奏皖餉不繼大局難支一摺據稱各營兵勇裁汰老弱尙不下二三萬眾加以李孟羣
帶來楚兵每月需銀十七八萬兩方可敷衍近日山陝江省解來餉項數萬兩僅敷十餘日口糧請於江海關每月撥解司容大當
二十萬兩內每月分撥皖銀二萬兩並片奏開淮安府庫存有捐濟制錢三萬串楊村制價銀三千兩係豫備金陵善後之需請暫
將此款那用等語皖省缺餉情形實較他省爲緊急前此無集之陷桐城之潰皆由餉絀不給山陝等省協濟之項既不能如數撥
解何可坐視飢疲致令軍心渙散著何桂清趙德熾卽於江海關月解司容餉項內分撥二萬兩解赴福壽軍營精實支給其淮安
府庫是否存有捐項及制價銀兩並著該署督等查明如可暫那亦著一併解往以應要需將此由六百里諭令知之○諭安徽軍
餉缺乏自係實情惟本年山陝河南浙江蘇陸給撥解皖餉數已不少並據庚長英桂奏籌米支八千石解赴該省前曾令福
濟設法迎提見在本省既無可籌撥自應先就各省已撥之款趕緊催提並疏通糧道俾得源源接濟斷不可專待部撥之款致有
貽誤將此由六百里諭令知之○以廣西新甯州城被匪圍困單代理知州徐師銘把總梁現外委黃大邦職仍舊營效力○子江
南陣亡從九品彭玉超等廣西陣亡遊擊韓鳳祭葬世職○甲辰論軍機大臣等邵燦等奏派撥兵勇會剿邛郫等處搶匪一摺前
因邛郫城界內有新起搶匪肆擾諭令崇恩酌派官兵會同徐州帶兵各員乘力殲除茲據該漕督等奏該匪被勦敗退分撲宿遷之
阿塘驛復經我軍回擊見在阿塘紅花埠驛路肅清惟邛郫海沫各處素多土匪該匪沿途襲擊已有二千餘人勢甚猖獗懇經邵
燦唐長分派弁兵前往海沫一帶鈔擊崇恩餘亦派員帶兵會剿此股新搶雖經東竄不可區分珍域致令匪勢騷擾著崇恩飭
地方文武並派出官兵越境會剿杜其回竄俾得及早撲滅並著邵燦等飭令侍衛伊興額遊擊安田同知朱善張等各帶兵勇馳
往海沫一帶相機兜剿毋令蔓延將此由五百里各諭令知之○以 孝靜康慈皇后梓宮奉安禮成子恭理事務王大臣加級有
差賞恭請 昇嶽校尉民夫銀○丙午午守護 西陵及承辦 慕東陵事務大臣官員加級有差賞領催馬甲兵丁一月錢糧○
戎中署兩江總督何桂清奏送親北上宿遷道中接奉寄諭卽折回江南所有等防餉事宜容益任後與撫 盡心經理得旨卿

曠茲鉅任一切展布朕將拭目以俟惟汝進京有何人在側可奏來朕甚念焉○以紳民力保危城禾廣湖北襄陽縣文武學額各二名○已酉諭內閣御史李培祐奏請將失守城池人員應得罪名飭令迅速查辦一摺粵匪滋事以來各督失守城池之文武

員弁業經查辦者已屬不少茲據該御史奏稱河南湖北江西安徽等省尚有未經查辦各員不足以昭炯戒著吏兵二部查明具奏毋令日久延宕致有疏縱○諭軍機大臣等前因福濟駐兵柔縣廬州餉道無虞梗阻特諭秦定三即帶貴州官兵及眞勝勇一

千二百名馳赴和春軍營助剿本日據福濟奏正陽關業經攻克臨淮一帶更無須該提督帶兵駐守見在江南軍營攻剿喫緊著秦定三即帶所部兵勇勉日前往丹陽毋許再事延擱其各省撤解院餉經由道路即著福濟設法疏通以資接濟將此由六百里

各諭令知之○以富廉張錫庚爲左副都御史並原由大理寺評議○恭修 宣宗成皇帝本紀告成子提調等官升敘有差○福濟鄭魁士奏查正陽挑水陸之衝爲皖豫緊要門戶自捻逆盤踞南北各軍聲息不通等飛飭署廬鳳道金光鈞於壽州解圍後

相繼進取於四月初開派把總黃鳴鑄管帶幹勇五百餘名由水陸進襲搶獲大小賊船五十八隻斃賊三四百名復督壽州知州黃元吉會齊團練進攻隱賢集將賊館一律平毀賊匪均歸正陽老巢不下十數竊該署道於初十日督同遊擊成桂等統帶兵勇

齊向正陽進攻行至雙橋集即見逆眾擁擁而來當經成桂擊退該署道督勇追殺約斃一千餘名十三日探得正陽水陸人數雖取被我軍連日備攻勢漸窮蹙該署道即飭把總黃鳴鑄由水路晝夜轟擊一面親督成桂等進撲正陽直抵五里鋪將陸路賊營

全行毀斃斃賊二千餘名黃鳴鑄亦會同縣丞劉錫齡等由水路力攻該逆仍歸鎮內死力堅守十六日該署道乘賊不備督飭各營衝入鎮內前後檢殺斃賊二百餘名黃元吉率同各團截殺又斃賊一千餘名當即克復正陽關所有此次尤爲出力各員謹先

行開列奏請獎勵奏入賞金光鈞成桂巴國魯名號○子安置陣亡知縣張雲祥祭葬世職○庚戌諭內閣王懿德奏請將因病取巧之臬司懲處等語福建按察使保泰在延平防勤因病告假業經該督查明尚非藉詞規避惟不候代理人員接印交卸輒將印

信委員齎送回省就醫究屬迹涉取巧保泰著交部議處○諭軍機大臣等王懿德奏逆匪連陷縣城並建甯府城被圍請飭調兵助剿各等語江右逆匪聞人聞疆自攻陷光澤邵武後建甯府屬之崇安建陽邵武府屬之泰甯建甯四縣城池相繼失守逆氛猖

飲復敢圍攻建甯府城賊眾兵單該督請催饒廷選仍統原帶福建兵勇一千名折回浦城並令鍾寶三統帶溫台精兵五百名由溫州福甯一帶趨赴延平披覽所奏情形實屬萬分緊急王懿德由首赴延信勅所帶兵數僅有福甯兵五百名首標兵二百名當

此寇氛四逼非厚實精銳難資堵遏昨據姜端書奏已調溫台兵七百餘名由鍾寶三帶從福甯取道邵武金處兵三百餘名飭吉祿帶往福甯著姜端書飭令迅速趨入閩境毋稍稽延饒廷選一軍因三衢防務喫重未能折回聞首惟該撫昨奏派往三衢防堵

有甯國魁勇八百餘名派往仙霞嶺駐紮亦有操練兵五百餘名楚勇六百餘名願以固浙省藩籬惟與其在仙霞等處株守待賊不如越境追剿與閩兵合力速解建郡之圍著姜端書即飭堵剿仙霞將弁拔隊前進再由三衢防堵兵勇內酌撥千名一併前赴

建寧王懿德調度以明廷歸賊氛所有浙省派往兵勇並著晏瑞書接濟軍餉俾免鈔之一面飛咨鍾寶三兼程援救邵武毋再
遲延王懿德業已出省前赴延平著即親督各兵相機調度以期殲滅華匪毋令再有蔓延將此由六百里各諭令知之○是月展
賑山東濮州等十四州縣被災貧民一月口糧展緩福建將樂等十一縣及麻沙等縣丞所屬被災被擾地方新舊蠲賦調免順昌
等六縣及仁壽等縣丞所屬被災地方上年額賦貸湖南鳳凰等五廳縣丁佃行種口糧

五月壬子胡林翼奏查鄂省克復後該匪日思上犯武漢三月二十六日安徽布政使李孟羣率二千五百人援皖啟行後臣接據
署新州知州彭應鯉稟報探得悍賊七八千人於四月初四日竄踞安徽英山縣城又由六安霍山壽州等處分股上竄當即飛調
各團分扼要隘親督練勇赴英山羅田交界之樂利河駐紮著新水縣劉榮聲勇駐該縣之雞鳴河查爾山朱洋河一帶越李孟羣
援皖之師亦至節飭都司盧又熊集於羅田境上初五日彭應鯉擊賊梁家灘勝之初六日英山之賊分股出撲我營彭應鯉又將
之斬三百餘名生擒六十七名盧又熊截賊於途斬大旗手七名追至桐梓壩生擒四十名而返賊即退回英山初七日賊添集六
安霍山之賊又至盧又熊戰於樂利河身受多傷勇丁稍和季孟羣揮軍援之仍將賊擊退次日賊分五路撲雞鳴河一帶把總徐
兆逢會同紳勇擊退初九日羅田團勇擊擄糧之賊獲米百餘石而是日酉刻新水團勇失利於雞鳴河季孟羣飭盧又熊率師往
援仍有斬擒賊乃於一晝夜內合數路之眾併力奮撲意在乘虛而上彭應鯉探聞率領李孟羣即飭參將趙鴻舉等分投迎剿密
令羅田縣在籍同知廖新率團勇鈔賊之後十一日賊隊大至我軍一由兩河口攻其南一由四口塘攻其北一由西路攻樂利河
彭應鯉由大畝河戴家畝等處進駐扼賊下竄自辰至申鏖戰四時之久斃賊二千餘名生擒三百餘名反走之賊則為慶新之勇
迎頭截擊彭應鯉率勇乘勝克復英山縣城其竄至雞鳴河之賊經盧又熊會同各勇截於河干使不能越遂向太湖一帶東竄
現在各軍圍剿新州之賊查北坪之黃梅廣濟羅田新水皆與皖省接壤李孟羣稟稱自羅田橫至新水新州之界有賊營十餘
處而新州新水另有股匪萬餘分適竄入下游官軍均在賊後請即派兵接剿遏其上竄臣查皖省宿太等處無處非賊豫省三河
尖等處賊蹤尚熾江南將軍都興阿咨稱大股賊眾竄備必須添益兵力臣即飛調興國防兵二千五百人於四月十二日由新州
渡江進紮張家坊又調前赴襄陽之廣義兩營回省而先派參將葉永泰率虎營六百人自省馳赴北岸會同堵剿不敢稍分畛域
且使援皖之師無慮後路梗塞仍飛飭李孟羣迅即取道六安馳赴廬州至彭應鯉率領羅田團勇越境討賊疊著戰功此次克復
英山尤堪嘉尚李孟羣以援皖之師途次接仗亦協機宜所有尤為出力之知州彭應鯉可否以知府用其餘出力官紳員弁應請
查明彙奏

上諭內閣賊匪竄踞安徽英山縣經援兵疊勝收復城池勦辦尚為得手著即乘勝進攻俾北岸一帶迅就肅清所有
尤為出力之湖北署新州知州彭應鯉著以知府用其餘在事出力員弁並著官文胡林翼查明保奏○甲寅諭內閣昨兵部帶領
引見揀發湖北遊擊委用之武英文陞一員年力均壯開弓亦尚合式何以發箭均屬無準難保非有意規避昨已降旨發往湖北

交官文差遣委用即著該督隨時察看保該員等不知齋勉並有意存取巧之處即行據實嚴參○命崇恩來京陛見以吳廷棟署山東巡撫由布政使著○乙卯能興阿等奏報攻剿瓜州獲勝情形得旨仍著實力進攻不可專候江南捷信○河南巡撫英桂等奏袁

甲三督兵毫境後臺州賊圩攻破後再令袁甲三酌帶兵勇來穎協剿其亳州接捕餘匪各事宜即令史榮椿督辦報可○丁巳諭御前大臣軍機大臣等今日引見後著御前大臣軍機大臣會同議廷真妥議流通大錢暨鑄制錢辦法並將將來設有窒礙之處作何補救之方一併議及庶免京外情形有所隔膜惟不必另立章程徒涉紛更定期潛移默運益民生而裕經費禱御前大臣

載垣等奏疏通大錢並搭收錢糧應先由直隸酌定章程再由戶部核計方能中外相符不至隔膜應請自本年下忙為始直隸徵收錢糧悉照銀七票三辦理其大錢三成即納在鈔票三成之內交票交錢悉聽其便仍於各府設立鈔局准以鈔票與大錢互相

易換再以大錢分發各行店按二八搭配行使庶鈔票與大錢互相通融以為補救再查鐵錢局及五字各官號捐銅局平糶處共存鐵當十錢五百餘萬串已足敷搭用所有鐵錢局尚鑄二成大錢應照見議停鑄其停鑄銅制錢加鑄銅大錢應由戶工兩部酌

改卯額分別奏辦總以鐵制錢與銅大錢相輔而行仍以寶鈔運實於虛以便民利用從之○江西巡撫文俊奏瑞州一軍疊獲勝仗賊勢日漸窮蹙臨江之賊自陰門嶺敗後大半回竄撫州其勢已弱見經劉長佑等督率江楚兵勇水陸合攻聲勢甚盛得旨瑞

臨兩處微有轉機著趕緊飭令攻剿迅期掃蕩勿任餘賊負隅又提竄他處徒受牽掣日後止能收復空城未殺多賊以一奏報塞責也○以湖北官軍援剿江西克復奉新靖安崇義等縣城實總兵官壽山阿隆阿守備吳修敦普承忠花翎餘升賞有差○已未

官文部與阿胡林翼奏臣官文胡林翼接據安徽布政使李孟羣稟報賊首陳玉城由桐城率三萬餘眾又裹脅皖省餓民數萬併力上犯已分道竄入黃梅廣濟蕪州蕪水羅田五州縣境希圖梗截大營後路並以阻遏援皖之師路或賊眾防不勝防亟應厚集

兵力以資堵剿等語臣等再四籌商實無可增之兵止能移緩救急當抽調李續賓所部一千五百人渡江駐小池口而以原駐小池口總超五營分移孔隆黃梅其蕪州羅田一帶則調興國防兵福武寶三營渡江應援恭鳳二營繼之又由省調虎營六百人助

剿李孟羣援皖之師則由羅田直抵英山過其上竄四月十八日知縣李景翰率福管都司金殿安率前左寶營守衛余雲龍率武營由黃石嶺大路前進署蕪州知州彭應鯉都司盧又焦等率羅田勇由王家壩小路前進同攻張家坊賊與青石嶺官軍相持羅

田勇鈔後夾擊盧又焦督勇接應大勝之捷賊千餘名內有偽指揮一名十九日賊眾大股來犯福武寶各營三路分進賊又分七路來衝李景湖率勇直前斬賊數十名賊勢稍卻而七路之賊漫山遍野寶武二營為賊隔截李景湖率千總張鶴高等衝突虛

戰軍算不敵同時陣亡參將張黃恭揮兵迎擊福武寶三營又回兵合攻賊百名賊始敗退二十日參將葉承奉率虎營守都司徐統恩率鳳營亦至賊於河北分六股河南分八股約萬餘眾各營堅壁以待賊數次誘戰相持不勦日午賊懈始尾追之頗有新

獲次日賊又分股萬餘竄撲大子嶺蕪州青石嶺各營因營官戰死軍中缺食勇丁稍潰其不潰者退保蕪州臣胡林翼飛調候補

胡林翼飛調候補

知府邢高魁由興國渡江一面等運米石飭令重加整頓力扼蘄州又加派都司段清平等率平超二營一千二百人由省疾趨黃州會同署黃州府知府許賡善署黃州縣知縣黎道鈞扼蘄水上竄之路官文先期調副都統舒保所部馬隊百人由襄陽回援副都統銜巴揚阿還散川勇甫抵宜昌亦檄令迅速回援此賊犯新羅方有勝敗並抽調救援之情形也都興阿駐下游陸家黃

偵知賊窺黃梅縣屬之亭前驛渡河橋一帶隨派多隆阿率馬隊往剿四月二十日賊分三路各萬餘來撲縣城多隆阿同王國才及各營總分路擊之馬隊踰溝越嶺追賊過河殺賊壘二座忽賊由山坳鈔我步軍之後我軍回騎渡河策應賊四百餘名探知

各處賊壘共六十餘座我軍馬步分防相距百餘里策應不便派砲超以蓮字二營移孔說擊李續賓以九江三營移陸家黃而小池口之賊乘隙突出總管總巴克坦布等督隊馳剿都興阿由孔龍台隊後應援新頗多先是賊伏二三千於蘆葦中而以悍賊數

百誘戰官軍在江岸遙見蘆葦隱動遂以槍箭環施馬隊亦由江岸鈔擊立斃伏賊七百餘名生擒九十名餘皆帶傷而逃是夜我軍分百人潛過渡河橋攜帶火器伏於麥田深處二十四日都興阿率馬步隊攻渡河橋多隆阿等各帶馬步隊分路奮進賊竊聚

數萬隔河對放槍礮我軍鼓勇渡河立破賊營數座賊即反奔我伏兵遂向各營擊拋擲火彈賊益驚潰焚毀賊壘二十七座斃賊二千數百名此下游馬步各軍移動獲勝之情形也等查武漢復後該逆無日不思上竄且自江甯桐城安慶至九江千里而

遙沿江並無官軍阻截微民游勇濶入城中非合全軍之力不能截遏賊鋒查九江及興國各營均已抽撥移紮而蘄義平超四營又分赴黃州蘄水省城守兵不滿千名添兵則餉無可籌餉竭則兵心益渙見在楊載福水師聯布江面尙爲安靜馬隊千餘疊文

力戰頗覺疲勞已飛催舒保巴揚阿納依璋阿各率馬隊馳赴策應除飭各路水陸馬步乘勝力攻外所有陣亡知縣李景調等可否仰懇 天恩從優議卹以慰忠魂 上諭內閣皖省賊匪分竄湖北新水邊界經官文等調援策應疊獲勝仗大挫賊鋒著卹激

勵將弁乘勝進攻將領至拔賊盡數殲除毋令上竄所有陣亡之知縣李景調著照知府例從優議卹千總張鴻高楊高桂均著照都司例從優議卹把總胡開禮六品翎頂米大倫均著照千總例從優議卹○諭軍機大臣等前據英桂等因兵力不敷奏請飭調

湖北高兵當經諭令官文等的調千兵赴豫會剿茲據該大臣等奏賊取兵單楚軍亦難調撥請飭陝西省即調龍澤厚一軍馳赴英桂軍營等語龍澤厚所帶陝兵前經英桂等奏因尤固一帶喫緊已飛咨該副將前往援剿見在龍澤厚是否已赴尤固尙未據

英桂等續報著督望顏迅卽飭令該副將前往河南聽候英桂等調遣至三河尖逆匪敗竄復踞方家集員峒抗拒英桂等應督兵前進痛加剿洗所有直隸省調赴潁州官兵一千名此時諒已到營所調山東省黃良楷管帶曹錫勳勇當亦到營兵力不爲單

薄著卽將方家集一帶逆匪趕緊會剿次第肅清毋再延宕將此由六百里各諭令知之 夷申諭軍機大臣等和春奏連日攻勦句容逆匪獲勝情形一摺此次官兵連日進攻句容和春張國樑均能親督兵勇捨斬尙多惟該逆員峒日久幸擊我兵傳振培攻剿深亦雖經獲勝我軍亦有傷亡終尙未能得手且聞該逆有內竄高淳之意雖經和春等撥兵堵剿但句容深亦二城不克日久

必生他變當此餉缺兵疲豈可日事遷延不思迅圖克復著和春張國樑督飭傅振邦等分路圍攻迅將三城克復再圖併力攻打鎮江毋得坐耗錢糧自取罪戾再據福濟奏奏定三軍營管帶黔兵之遊擊嘉桂榮都司黃國亮居心險詐遇事把持句串不法兵勇赴盱眙五河等縣勒派捐輸民情怨悵奏定三已由正陽關馳赴江南著和春嚴密訪查如蘇桂榮黃國亮實有把持生事情弊卽行據實嚴參毋稍徇隱將此由六百里諭令知之○貴州巡撫蔣蔚遠奏請雷新授提督修攀梅總兵官蔣玉龍巴揚阿協同督辦軍務暫緩陞見允之○予江南陣亡參將滿祿等祭葬世職○辛酉命前任甘肅布政使常績以三品京堂候補王茂謙軍機大臣等有人奏江南大營有保升總兵之副將王浚前在廣東署副將任內失機參革後投效廣西黃緣開復去年五月向榮派赴仙鶴門攻剿因該副將平日剋扣兵餉是以兵不用命連戰失利敗至馬羣地方致大營不能紮住退守丹陽其時兵勇聲言如將該副將正法卽當奮勇爭先同心殺賊該副將知犯眾怒請假經旬和春到後復令該副將充當翼長將士均聽指揮恐貽誤軍情各等語該副將惟怯無能屢經獲咎又復營私扣餉致失兵心值此防勦喫緊之時未可畀以重權和春初到江南未必知工浚債事前情今既有人指參著該大臣秉公查辦據實嚴參毋得稍存回護致誤大局再朕聞江南大營壯勇人數過多往往不能打仗徒費錢糧甚至於丹陽一帶潛行劫掠以營盤爲藏身之地地方官無從擊辦當此軍餉支絀急應裁汰浮濫又況此輩行同賊盜豈可令其匿迹軍營著和春卽將無用之勇設法裁撤並查明滋事各勇擊交地方官嚴行審辦以肅軍律又聞營中委員責難辦事者本屬無多此外皆徇情濫收一爲希冀保舉一爲圖得薪水口分其中奸猾之員竟以軍營爲利藪軍士每憂缺餉而若輩轉坐享膏腴尤爲可惡並著和春查明將各營濫設委員嚴行裁汰以期餉歸實用不至虛糜將此由四百里諭令知之○袁甲三奏擒匪分踞王姚鄧三圩勢成犄角王圩距鄧圩中隔一溝不及二里圍攻尙易得手姚圩在鄧圩南七八里我兵勢難分布且東南一帶衝地伏莽我軍由東西北三路進攻必須先破王圩方可次第直下該匪屢創之後堅壁深溝伏匿不出官飭史榮椿朱連泰等設法誘賊王圩一味堅守姚鄧兩圩之匪於四月十一至十四等日疊出馬步千餘人紛撲營盤我軍踴躍迎戰殺賊甚多生擒十六名卽於西北搶築壘臺連次轟塌圩內房屋多處十六日進攻王圩該匪於寨內用槍礮抵禦我軍鎗過車濠地礮火器聲賊甚多圩內人聲鼎沸南面乘間逃出數十人瞥見我軍馬隊復又回圩死守二十一日鄧圩賊匪數百潛出劉委被戎軍剿殺殆盡二十六日突出悍賊二千餘過溝直撲我營兵勇左右鈔擊賊匪敗退其不及回圩者竄匿深林生擒四十餘名餘俱縱火焚斃無一漏網二十七日復於王圩西南東南偏紫二營緊扼賊吭二十九日各圩賊旗同時偃息有鄉民數十人奔赴大營以三圩賊匪均斷髮戴幟說求乞命當飭委員細心盤詰明白問尊諭以被脅良民如果真心悔罪必須立將逆首擒獻賊營官賊圩一律毀平方能代懇天恩網開一面否則萬難允准遣令回圩趕緊商明稟覆候至次日並無信息思此輩稟說若不制其死命必貽後患初一日先分馬步隊由東南前進作爲欲攻鄧圩之勢該匪於內濠之外分布千餘人環我軍營營百餘立時回圩西北

攻王圩之兵... 出營... 分佈... 二千... 援兵... 馬... 二百... 從南... 米... 我軍... 馬... 步... 擊... 賊... 三... 四... 百... 人

以該匪屢受大創勢已窮蹙惟賒屆麥收南賊時有竄回之信必須趕緊堵除免致勾結初三日親赴礮臺督催諸軍分四路進

攻王圩並派馬步隊排列東南一帶以防兩圩賊援我軍同時齊進立將賊濠三道填平該匪等伏匿圩內礮子如雨我軍衝鋒直

抵橋根搭架雲梯守備龔燧輪奮勇揮戈直上匪等死拒出身牆外用短兵格鬪礮石飛擲我兵受傷甚多而勇氣百倍奪獲大礮

三尊賊勢不支呼吸可破而天忽大雨火藥全溼梯滑不能立足不得已緩緩撤回其鄧圩來援之賊亦被馬隊壓退擊斃數十人

初五日復在王圩正西五六十步外冒雨搶築一營高築二丈礮臺礮敵王圩從上擊下尤為得勢惟當督同該鎮等乘此賊勢

窮蹙趕緊合圍以期立平賊壘不敢稍有遷延再前准勝保函稱南路大兵擬攻贛上屬營分兵南下豫備夾擊當即撥勇六百

名派員管帶覆勝保酌定駐紮地方會合攻勦旋據函稱贛上圍解無須北路分兵前往等語惟查南路賊蹤分窺見均在沙河

以南其沙河以北處處賊巢句結響應防不勝防初一日攻圩交仗聞即有南來馬賊幸被擊退訊據獲犯供稱係南窺後首到老

關率黨同救圩匪難保不去而復來且見在三圩之外由毫至潁不下數十圩均以響應為詞其中可畏可驚首鼠兩端者正復不

少已派員分路巡查各圩造具戶口清冊相機辦理此潁河以南情形也至潁河以北自前月之望南賊窺回者絡繹不絕若

查擊太嚴恐偏回南路激成死黨無以解散脅從若任其往來日久嘯聚又成北路之患當經飭委道員支方廉督同文武委員

帶兵往巡其被脅逃回業經獲髮者准其族鄰出具保結收人團練以期化莠為良其不肯薙髮者自係仍思接應捻匪萬難寬宥

經支方廉等先後擒斬四百餘名內如著名捻首蘇添喜黃秋陳豹孫長青龔信等同時併夥匪眾膽寒以見在而論似尚不至別

有句結惟見因攻圩喫緊移紮南路潁北數百里毗連豫疆宋郡練勇及分防永城之山西官兵均經撫臣英桂裁撤自為節省

軍餉起見而北路過於空虛宋郡藩籬毫無可恃再四籌思苦無良策應如何妥善防範恭候訓示遵行再見駐之地距毫城

已逾百里攻破三圩後尚須掃蕩而南北路萬難放心前於三月內奉旨飭派來毫駐紮之武職大員經疊次函致英桂至今尚

未定議已由再行函催上諭該匪分距三圩互相犄角其並無悔禍之意已可概見查甲三察其乞降之詐併力進攻復偏圩

築營憑高下擊辦理尙合機宜惟該匪既與南賊句通則聲息尚難遽斷必須迅速攻克堵除一處賊圩即少一路枝節雖據奏稱

王圩之賊萬分窮蹙鄧圩之賊亦被遏截而轉驛麥收將熟豫南賊窺回窺則死灰難免復然史榮椿朱連泰等均係得力鎮將

正當乘此聲威一氣掃蕩即與英桂等會兵進剿不可久為圩賊牽掣致分兵力至所請駐毫帶兵大員英桂等前奏原以有史榮

椿在彼毋庸另派惟袁甲三攻破賊圩南下之後若令史榮椿坐守亳州則帶兵進剿少一得力大員恐於事轉無裨益歸德練勇

及永城防兵均已裁撤潁河以北不免空虛著英桂勝保酌量另派大員能督辦後路防守事宜者前赴亳州一俟袁甲三史榮椿

攻克三圩統兵前進即著派出之員駐守亳州隨地按捕以固豫省藩籬將此由六百里各諭令知之○癸亥諭內閣樊燮奏勦捕

十月東... 成豐七十

十月東... 成豐七十

十月東... 成豐七十

十月東... 成豐七十

番匪獲勝一摺上年甘肅嘉峪關外驛路時有山內果洛克賊番出伺行劫經提督索文派兵入山搜捕將潛匿祝魯果賊番痛剿除本年四月間探有賊番在素賴地方插帳復派兵勇前往攻擊賊番搶占雪山抗拒槍斃對違晝夜環擊兵勇復由開道繞至賊後兩面夾攻盡斃一百餘名斬獲首級八十三顆生擒番僧一名番賊一名跌落崖湖雪害者不計其數奪獲牛馬驢羊六千餘隻立將巢穴燒毀淨盡積年兇匪全股殲擒辦理尙屬認真所有在事出力官兵勇著該督查明擇尤保奏候朕施恩○諭軍機大臣等安徽藩司李孟羣由湖北帶兵赴援廬州途次克復英山業經官文等馳奏本日據該藩司奏稱逆匪自剿敗後復糾大股屯聚張家坊地方圍襲黃梅大軍之後而霍六逆匪有竄至河南商城境內者有進窺英山者該藩司添募壯勇嚴扼羅田隨勒隨進每月需餉三萬餘兩皖省道路不通湖北續撥餉銀支放已盡請飭撥專餉以資辦辦所奏自係實情英霍斬黃等處賊勢蔓延楚皖兩軍皆有鞭長莫及之勢今得該藩司一軍盡力勦辦則上可以固湖北藩籬下可以通廬州道路關緊實爲緊要該藩司原帶兵勇二千五百名兩次添募又四千餘名每月需銀三萬兩尙不爲多著官文胡林翼先速籌銀二萬兩解赴該藩司軍營以資接濟此後如廬州道路尙未能通仍著官文等酌量籌餉協濟至皖省餉需起解在途者尙有十餘萬兩李孟羣一軍已到安徽地界福濟豈能置之度外著於各省撥餉解到後疏通道路酌量分撥解往俾得迅速剿辦直達廬州又李孟羣片奏皖楚文界各疆必須激勸團練以助官軍等語所奏甚爲剴切所有兩省交界地方官紳士民團練殺賊及捐賞練勇著有勞績者卽著該藩司查明擬定獎勵如係安徽所屬卽詳明福濟如係湖北所屬卽詳明官文胡林翼奏請優獎以昭激勸將此由六百里諭知官文胡林翼福濟並傳諭李孟羣知之○諭慶瑞奏汀州府及屬縣相繼失守等語江西逆匪竄入閩省地方邵武失陷建甯被圍近已竄陷汀州府城暨甯化縣城會匪連陷清流歸化而泉州府城亦被匪徒乘機攻撲下游騷動各處蔓延情形深爲可慮前已諭令葉名琛撥兵一千名赴閩本日又令添撥一千或數百名一併星馳馳勦惟汀泉二府相距寬遠泉州與福州省城較近自應先援泉州或分兵援應汀州已令葉名琛酌量辦理著王懿德察看情形飛咨廣東先其所急無誤事機閩省各路匪徒蠢起已成燎原之勢援兵未到之先應如何調兵分布王懿德已赴延平居中調度慶瑞駐守省垣務須嚴扼要隘以待調遣兵勇分路進剿所有漸趨援兵是否已到建郡自擊退賊匪之後能否撥兵固守堵禦邵武賊蹤至汀州等屬失守該撫僅據各路稟報並著查明詳細情形及文武各員下落一併具奏將此由六百里諭令知之○諭閩省賊勢蔓延兵單餉缺王懿德見往延平居中調度若無鄰省重兵救援恐成瓦解之勢前諭葉名琛調撥廣東兵二千名並籌濟口糧諒已遵照辦理惟彼時止爲援應邵武一府起見今汀州失陷泉州被圍恐兵力尙屬不敷著葉名琛再行酌量添調或三千名或數百名派委得力大員一併統帶星馳赴閩其經由道路泉州逼近省城自應先援泉州次邵武汀州雖與廣東接壤其距泉州尙遠能否分兵協剿之處並著葉名琛斟酌辦理毋誤事機將此由六百里諭令知之○乙丑諭軍機大臣等有人奏淮揚各屬下河水利請飭將運河各屆壩相時啟閉一摺據稱淮揚一帶近歲

田畝歉收不盡由豐工未築清淮以下無水之故實因高寶五壩耳壩未啟有司既恐啟閉經費無出勞紳土豪復藉買水爲名罔飽鎔鑿以重賂營謀竟敢於官河築壩截使下游涓滴無沾而下游入壩概不堵築致運河水無停蓄上游灌溉無資邇來漕艘既歸海運水利專在民田儻能及時啟閉藉可蓄水濟旱歲費工程不過萬金並可計畝攤捐等語河工設立壩壩原以利運便民必當因時制宜俾田畝無水旱之憂於民食軍餉均有益著何桂清庚長按照摺內所稱各情形詳細體察酌量辦理原摺著鈔給閱看將此各諭令知之○諭前因江南大營壯勇蓄出滋事並委員人數過多諭令和春分別擊獲裁汰連日復有人奏江南抽捐名目過多糧臺委員百餘任意開銷蘇常兩府二三百里內設立抽釐局卡至數十處之多稽查難備弊竇百出近復有幫爲廠捐鋪捐丁捐之說科派紛繁徒滋擾累糧臺委員於兵禮則抵換醜米於捐款則需索使費鎮江潮勇二千名最爲不法不服調遣四出搶掠擾害行旅常州所駐督標新勇七百名亦多劫案皆以營盤爲藉身之地無從緝捕又與收養之金陵難民恃眾橫行實爲心腹之患等語因思勦捐一事原屬不得已之舉若多設名目而利歸浮蠹徒使上擔虛名民受重困既無裨正餉尤恐別起事端著何桂清趙德輶將江南抽釐卡局擇其扼要之地歸併數處其餘悉加裁汰使便於稽察不令委員漁利及土棍冒名擾及行商轉致商人裹足正課無收江北之揚州適奏一帶亦著派委委員察訪仍責成文煜及該地方官嚴實辦理毋得多派冗員致滋流弊其捐輸名目有瑣屑病民者酌量裁撤以歸簡易而杜侵漁所有糧臺濫設之委員著會同和春嚴加裁汰其從中射利積慣侵吞者嚴參懲辦並將常州所駐兵勇滋事者分別查擊無用者分別遣散毋令與難民勾結致貽後患以節浮費而靖地方將此諭令知之○丁卯諭內閣邵慶庚長奏捻匪大股攻撲沭陽當即擊退並將全股斬平一摺捻匪陳遐齡等結夥肆擾又有孟二等率黨煽集應敢進撲沭陽縣城城中早已準備遠參領果全等帶兵追賊至沭陽南岸葉家嶺殺賊三十餘人賊擾新桃河我軍誘敵知縣董保成遊擊海洪阿等伏勇驟起並與城內鄉團聲勢聯絡戮賊數百賊分股過河鈔襲者又經知縣郝植松守備鄭永林等兵勇夾擊斃馬步賊一百數十餘名該匪大潰州兵乘勝窮追沿途擊殺共斃賊一千餘名其餘分竄各路及至海州贛榆等處者兵勇分投截擊並經侍衛伊興額等在二岔河生擒捻首孟二及夥匪潘金朋等三十餘名知府趙作實在伊家林拔獲匪犯張小珩等二十餘名各路陸續投捕及殺斃合共三百餘名沭陽邳州宿遷郟城一帶地方均已肅清此股捻匪在新挑河被擊大敗全夥散竄徐州兵與清河勇練盡力捕勦殲除殆盡並將首匪孟二季廣等擒戮所辦尚爲妥速仍著邵慶等督飭該地方員弁將在逃之捻首陳遐齡陳玉標二名緝拏務獲以絕根株而靖地方○戊辰諭軍機大臣等王懿德奏閩省軍情緊急餉需匱乏請飭廣東浙江省各撥見銀十萬兩等語見在福建上下游各路防剿各屬地丁等款已無可徵收兵餉萬分支絀若因欠給過多致兵勇紛紛潰潰關繫非細惟粵浙兩省兇亦需餉浩繁撥解恐難如數著某琛晏瑞書於無可籌撥之中先各撥見銀數萬兩迅速解聞以濟該省目前之急毋稍延誤又據奏稱閩省郡縣屢陷兵力單薄已飛咨江蘇省飭令前上海道吳健彰就近召募廣勇五

百名管帶赴閩助剿等語吳健彰見在丹陽軍營能否即帶勇赴閩著何桂清趙德轍酌辦再有人奏江南各營欠餉甚鉅深虞兵勇潰散所辦釐捐亦不及浙省捐輸之踴躍請飭江浙巡撫公同商酌於浙省中揀派大員會同江蘇司道籌辦餉糈等語江浙督糧相依總當不分畛域同心籌餉即著何桂清趙德轍晏端書體察情形會商妥辦將此由六百里各諭令知之○諭王懿德奏馳抵延郡統籌軍情一摺前據慶遠奏逆匪攻陷建泰二縣後復窺甯化縣城並句結千刀會匪連破汀州清流歸化府縣城池此次王懿德奏報僅及建甯府勦賊並甯化縣被擾等語自因文報梗阻未能遽知汀郡情形汀州所屬多與江廣兩省壤地相接並與上游之延平下游之龍巖漳州處處毗連賊勢蔓延亟應杜其旁竄之路見在建郡城圍未解該匪已於雞公嶺築堡安礮阻我進兵之道鍾寶三援師能由福甯直達建甯即可令吳越印川所統兵勇上下兜剿以分賊勢建陽逆蹤未退則順昌扼守宜嚴延平雖係三面受敵之地王懿德既已抵郡駐師正可居中策應兼顧建汀兩路以爲省垣屏蔽惟林俊事黨復在泉州圍撲府城著飭署提督張廣信悉數殲除葉名琛於前撥精兵二千名外再酌添一千名或數百名一併赴閩助剿王懿德惟當先就見有兵力周密布置以勦爲防不得專待客兵致貽貽誤將此由六百里諭令知之○子福建陣亡知縣何鎮之祭葬世職建祠○己巳千廣東被戕知縣夏謙祭葬世職○庚午賞已革江蘇巡撫許乃釗三品頂帶命往江南欽差大臣和春軍營辦理文案○辛未英桂勝保奏擒匪盤踞方家集萬三河尖犄角因大兵進逼堅匿不出培壘濶濶爲負固苟延之計必須斷其接濟勦辦方能得手見值麥秋因撥兵保護村民收穫免致被賊偷割其准太各縣及周家口向屯糧米之處飭令地方官凡遇商販非給有印票不准行運並將出產確確處所嚴禁出境設卡稽查竊據逃出雜民供稱該逆因資糧不繼恐喪脅之眾一時潰散防備頗嚴潛逃者每日數十百人不等臣等出示剴切曉諭凡悔罪來歸者許以免死日來解散四五千人旋據龔得等亦以投誠之詞具稟哀懇臣等深知該逆兇狡百出意圖緩兵因密飭將備加意嚴防臣勝保於五月初二日督隊出營嚴陣以待該逆果無降意當令穆騰阿樂善阿法克吉布分陳西兩路前進西面之兵逼近賊巢近至濠邊拋擲礮火彈逆眾驚亂東西兩面出賊三千餘名拚死圍襲穆騰兵邱聯恩知州蒯賀孫知縣廖慶謀等召募名餘賊任奔回巢死守臣等因思該逆分踞洪河南岸僅攻北岸終難得力遂添調總霧越濠拔檣將入賊壘逆眾併力拒守我兵拋入火具焚燬無數並賊其股臣勝保親督大軍與穆騰阿樂善等自北岸進攻乘不意直薄賊壘賊不及防破圍而入乘勢追殺賊屍枕藉立將洪河浮橋燒斷並焚南岸房屋賊匪窮蹙臣等慮多南岸伏兵出其子並進獵獲及淹斃焚斃者積屍滿河潰逃之賊亦追殺殆盡共斃賊三千餘名臣勝保恐該逆被創逃竄豫撥馬隊在徐家橋地里城一帶埋伏是夜有賊騎數十乘破立時擊殺十餘人地里城亦來賊騎二百餘經法克吉布等追殺四五十人餘皆敗退回巢據獲匪供稱逆首孫葵心已在陣前殲斃龔得受傷甚重見擁眾二萬欲往三河尖建集黨夥再圍拒守或竄逃他處等情又據署

感風道金光筋來稟張落刑等因恐三河尖不能入踞以三百餘船載糧重順流而下意欲運送雒河老巢路過正陽關經該署道
率兵勇擊沈賊船數十隻殺賊數百名因賊眾大多力難截回已向東北竄駛當即飛飭下游各州縣迎頭堵截等語查見在賊情
稍緩均在方家集既被勒窮蹙惟有趨緊進攻一俟削平賊壘即行進掃三河尖老巢以期盡殲醜類但恐該逆或西竄新息或東
趨正陽關以圖回竄雒河除由臣等酌派兵勇嚴扼西路並查照袁甲三堵遏北路其正陽關東路止有金光筋兵勇在壽州等處
防堵兵力尚單查奏定三一軍在皖年久地理情形俱為熟悉見聞有由隄淮前往句容之信因思江南軍務尚為得手在彼似非
必不可少之兵應請旨飭下奏定三帶領兵勇移紮正陽關相機截剿以杜紛竄而固藩籬 上諭軍機大臣等該逆大股搶匪經
官軍南北夾擊窮蹙已甚正當四面圍攻殲除淨盡如果接濟斷絕嚴密合圍自不難聚而殲滅惟此時邱聯恩一軍已調赴禹州
南夏續調官兵又被留省城能澤厚一軍尚未到營賊恐兵力不敷圍剿該逆又將乘隙竄逸英桂等務當趕緊進剿就近殲除設
有逸出敗匪即撥馬隊追趕嚴勒勿令更擾他處先將此股殲盡則三河尖賊勢自孤剿辦更易得手至張逆先遣輜重竄越正陽
關雖據聲稱意圖回竄雒河亦難保不因方家集賊巢垂破豫圍別占地方以為犄角之勢見在奏定三一軍已於前月二十四日
啟程前赴江南勢難再令折回著英桂勝保酌度緩急應如何分兵協助金光筋之處即行妥籌速辦並一面知照袁甲三嚴防雒
河杜其回竄又英桂片奏派兵勦辦禹州匪徒等語此股匪徒距省較近亟應迅圖撲滅著即飭知邱聯恩等趕緊剿捕勿使滋蔓
詔澤厚一軍前據曾望顏奏稱已令挑選精銳一千名剋日趕豫著英桂勝保催提如該副將到豫禹州匪徒已盡即飭馳赴大營
聽候調遣不可令其株守宛郡將此由六百里諭令知之○癸酉烏什辦事大臣保恆等奏開墾烏什驛駝巴什地方荒地並芝罘
道等工完竣請自咸豐八年為始按照成案每畝五升科則一律以小麥升科如所請行○甲戌諭軍機大臣等葉名琛奏糧價驟
長請在鄂省招商免稅以資接濟一摺廣東省民食向藉粵西販運及洋米入口接濟粵西路梗兼之上年各屬歉收洋米亦復不
至以致糧價昂貴福建湖南兩省皆與廣東接壤著王懿德等嚴密稽察各飭所屬州縣徧行出示曉諭勸令商人名運米穀赴粵
糧賣由官給照經過關卡概免納稅沿途經過地方嚴禁奸徒阻難阻滯湖南商販復由樂昌仁化等處運入廣東福建商販或由
潮州府屬入境或由海道徑達廣東省河各任其便應足以廣招徠而資民食再湖南舉人左宗棠前經督國奏保以郎中分發
兵部行走復經駁棄章奏該員有志觀光俟湖南軍務告竣遇會擬回粵圖滿辦理軍務抑或無意仕進與人寡合難以位置著略
試之年再行給咨送部引見見當軍務需才該員素有謀略能否秉章揀具奏將此由五百里各諭令知之○諭福濟鄭魁士奏
通籌各路情形請飭備李孟羣帶兵來處等語皖省軍務自桐城退守以後六安等處均為賊踞自應厚集兵力以圖攻剿李孟羣
一軍由湖北赴援途次克復英山而該逆復糾大股屯踞張家坊地方圖襲黃梅大軍之後該藩司見在羅田霍六一帶節節進攻
過其上竄武漢之路即以掃蕩廬州附近之賊並非遷延不進該藩司已入安徽境內非同遠在他省福濟等何以不通消息至於

請旨飭催者即探明李孟羣行至何處自行札商屬令酌量緩急相機前進儘沿途賊匪向領兵力亦豈能舍應剿之賊專以保守
廬州爲事著福濟鄭魁士先就見有兵勇妥爲布置實力防剿毋稍疏失至所奏奏定三摺將兩守臨淮之富和關保旗吉林馬隊
帶往江南及浮支兵餉等情當再論知和春查辦也將此由六百里諭知福濟鄭魁士並傳諭李孟羣知之○先是駐藏大臣赫特
買等奏整飭番兵營制酌擬章程六條一唐古忒番兵每遇缺出隨時挑補該管番員不得任意停壓一藏營番兵爲數無多請於
番民挑選餘丁二千一百六十五名充額設番兵應遵乾隆年間舊章仍使漢番互相稽查一唐古忒番兵所需馬槍刀矛不敷應
用擬令噶布倫等官及前後藏世家捐贖籌辦酌予議敘一前藏地方遼闊好究易於滋賊兼之廓番往來通衢稽查尤關緊要請
於駐藏大臣巡閱之外酌委將備巡查一將備慎重探防噶布倫等應約東番軍無事不得與廓番往來免致別生事端命軍機大
臣會同兵部理藩院議至是奏均應如所擬辦理從之○子安徵陣亡參將章金章廣東陣亡學正蕭廣輝祭葬世職○丙子諭軍
機大臣等前據德勒克多爾濟奏俄羅斯咨行理藩院文稱欲由黑龍江徑行赴京當即諭令景清奕山等據理攔阻茲又奏稱欲
由天津赴京商辦英吉利法蘭西之事該使臣已於五月初五日由恰克圖啟程約略聞五月二十日前後到津等語旨諭理藩院
行知該國並無機密要事可商毋庸特派大臣前來著譚廷襄密飭天津鎮道妥爲防範不可稍事張皇將此密諭譚廷襄並傳諭
長蘆鹽政烏勒洪額知之○戊寅諭內閣我朝 積德累仁燕 天昌後 皇考宣宗成皇帝於載字輩公以下續選溥毓恆慶四
字依次命名洵足昭佑啟而迓蕃履朕惟雲訪運衍卜世廷長特命大學士軍機大臣續擬四字同道光六年存記六字開單具奏
茲據恭摺進呈經朕選用查開增祺四字自啟字輩分以下按字命名引用勿替其餘六字仍著軍機大臣存記俟將來續擬時再
加四字一併進呈候朕酌定我國家景祚延鴻億萬年繼繼承承永遠合典此旨並著繕錄二分一交內閣一交上書房封識○諭
王懿德奏江西逆匪竄入閩境邵武等處相繼失守請與巡撫一併嚴議等語王懿德慶端均著加恩改爲交部議處○諭王懿德
奏官軍剿賊大勝建甯郡城解圍一摺著建甯府知府劉胡宸會同文武固守深得民心該紳民等屢助官軍殺賊共保危城均堪
嘉尚所有此次出力文武員弁兵勇紳民准其擇尤保奏仍著暫飭在事文武迅將匪徒乘勢剿滅克復邵武等處城池毋任延蔓
○予福建殉節道員王訓等祭葬世職建祠○已卯諭內閣戶部奏軍需鉅款延不報銷請將承辦各員先行懲處一摺江南大營
糧臺自咸豐三年正月起到七年正月止均由前任長蘆鹽運使彭玉雯江西鹽法道熊我經手辦理迄今並未將文放款目報部
節經該部嚴催仍復延宕逾限日久款目愈紛轉轉愈甚必致毫無稽覈該員等專辦糧臺自應依限造報何以屢催罔應難保無
意存含混豫爲冒銷地步彭玉雯熊我均著先行摘去頂帶交部嚴加議處仍責令趕緊造冊報認聽候查覈儘再遲延著該部再
行嚴參查辦至該糧臺襄辦委員人數尚多相率疲玩均屬可惡著何桂清查取職名分別年月久暫一併交部議處○諭軍機大
臣等桂隆果奏列馬匹並請飭催兵勇等語官軍克復方家集亟應乘勢進剿所有撥赴廬州馬一千匹准其酌留四百匹餘

州土駒即就近解赴盧州備用並分咨邵燦庚長福清遵照辦理其餘馬六百匹仍迅速解往盧州毋得再行截留至龍澤厚一軍
案經赴豫著英桂勝保仍遵前旨飛咨迎提黃良楷練勇前據崇恩奏該員見在患病已挑還練勇八百名派候補守備李琦龍候
補知縣劉錦堂等管帶啟程等語此項練勇諒亦卽日到營矣另片奏請飭山西撥借銀十萬兩等語山西籌解京餉及各處軍需
甚多恐未能有此鉅款接濟豫省惟不過暫時通融或可移緩就急已諭令王慶雲酌撥銀數萬兩解赴英桂等軍營俟河南下忙
錢糧收有成數卽著如數撥還山西毋許稽延將此由六百里諭令知之○諭見在英桂等勒辦方家集捻匪業已攻破賊巢辦理
尙爲得手惟兵餉短絀自應力籌接濟著王慶雲設法籌措酌借銀數萬兩派員解往英桂等軍營以濟要需俟豫省下忙錢糧收
有成數卽行歸款將此由五百里諭令知之○英桂勝保奏等攻破方家集南岸賊巢後卽於四月十一日督兵由東北進攻我
賊施放火器傷斃守牆賊匪甚多正欲踰濼登壘忽由西面擁出馬步賊數千鈔我後路臣勝保令各隊分三路迎擊其步賊被我
兵槍斃無數馬賊亦經吉林墨龍江馬隊擊斃二百餘名當卽敗退是夜我軍暗襲賊營甫登濼牆逆黨死拒經兵勇用長矛刺斃
數十人賊軍斃後自相殘殺不計其數十二十三等日連次進攻用大礮轟塌賊壘賊甚多南岸之兵復燒毀賊船十餘隻十四
十六等日該逆全股撲出臣勝保派穆騰阿領馬隊乘著領步隊嚴陣以待該逆知我有備將欲退回我兵乘勢壓下逆眾狂奔被
殲甚多臣等以賊窮思竄當卽會商布置臣英桂仍駐紮驛口橋督飭兵勇嚴扼西北竄路臣勝保卽於十七日派榮善率格洪額
王鳳祥等各帶兵勇分三路進攻該逆列隊於壘左右見官兵前進意在奪路而逃勢極洶湧我兵開放槍礮擊斃無算該逆不敵
回巢全股向東南奔逃我兵乘勝擁入濼牆焚其木柵投殺未逃之賊約二千人救出男婦幼孩數百立將賊壘一律平毀其逃竄
之賊飛飭穆騰阿帶馬隊分三路壓下臣勝保亦親督步隊追擊至地里城一帶追殺三十餘里賊屍枕藉餘賊數千向王家壩老
觀巷三河尖賊巢逃匿一面飛飭邱聯恩副將廖慶謀由南岸迅赴徐集一帶駐紮以防南竄臣勝保卽日進紮中興獨居王家
壩三河尖之中以便相機進攻使該逆首尾不能兼顧查亳州鄧王二圩一帶伏莽止圖牽掣我師若能將三河尖等處大股殲除
自易次第蕪事無如臣等兵力僅有此數又三河尖跨河爲吳萬姓合圍已飛飭署鳳道金光勛由東路正陽關一帶設伏橫擊
以遏賊匪竄回雒河之路並飛調山東道員黃良楷迅速前來以資攻剿惟到營尙無確期深恐緩不濟急臣等惟有就此得勝之
師極力攻剿仍相度緩急分兵遏截邱聯恩連日追賊喫緊未能卽往許禹一帶剿匪又此股匪徒業經地方官截擊欲竄回角子
山巢穴臣英桂以軍情旦夕異宜當卽飛飭臬司周士鏗先行出首督率許州一路兵勇緊躡賊蹤認真剿辦俟三河尖王家壩等
處攻剿得手南岸之兵肆以酌遣再合邱聯恩帶兵赴葉縣等處會剿所有此次督攻方家集尤爲出力各員先行開列懇恩獎勵
兵出力員弁兵勇俟查明彙奏請獎奏入貢邱聯恩巴圖魯名號榮善提督銜○庚辰夏至祭地於方澤○是月展緩廣東
得豐等三縣被擾未完地丁銀米撫恤直隸東明縣被水災民

閏五月辛巳朔于貴州死事知縣邱樹桐等江西列難在籍翰林院庶吉士徐鵬等祭葬世職○胡林翼奏皖賊分竄黃梅經江南將軍都興阿勦敗自是賊營移平就險移小併大意在堅守伺隙五月初五日復賊由大河鋪進北依山增壘三座十二日賊全數擁出攻撲孔廣順等營並攻黃梅縣城都興阿在陸家荷聞信即派多隆阿調齊馬步隊分赴援應時賊正攻撲孔廣順各營我軍堅壁不動賊近以礮轟之多隆阿分兩路進攻賊於要路排槍抗拒鏖戰多時賊又四面撲出參領西林布杜嘎爾等由進西山坡衝入賊眾披靡我軍追二三里而返計殲賊二百餘名兵勇亦聞有傷亡其六安霍山之賊自我軍克復英山後日思上竄安徽藩司李孟羣以援皖之師駐紮羅田境上蘄州袁家坊之賊則知府邢高魁統興國防兵並由省調往之義寶虎三營合九江調援之仁營駐於劉家河以起平二營合署蘄州知州彭應鯉並羅田元勇駐分路街互相策應五月初四日李孟羣派知府朱啟仁等合彭應鯉擊張家坊之賊於分路街勝之初十日賊撲獅子口彭應鯉朱啟仁分三路進並會馬隊由劉公河夾擊又勝之賊退踞望天坂青石嶺等處初七八等日賊大出擄掠張得勝會合團勇在黃牛衝擊敗後復渡河分期敗退之賊沿途爲英羅團勇所截張得勝奮追賊無算初八日晚駐於英山界初九日張得勝等仍率團勇兜剿該逆列隊山頭相持四時之久守備陳炳南策馬斬大旗賊一名軍軍齊進賊大潰東竄太湖共計斃賊千餘名擒斬百數十名初十日張家坊之賊犯分路街參將趙鴻舉策馬渡橋都司盧又熊等分左右齊進彭應鯉率新羅之勇衝擊追至胡家涼亭斃賊無算十四日探知黃梅大股之賊欲撲獅子口我軍兩路迎擊斃賊五百餘名殺傷檢點七名擒指揮十名賊眾敗潰追斬六千餘級超平二營乘勝攻入盧又熊繼進破賊三十賊忽分股竄沙滸司致清平揮刀直前適我軍馬隊繼至賊仍回望天坂堅守不出查楚皖兩省之交東則太湖宿松北則英山霍山六安山路紛防不勝防賊之分路四至竄欲牽掣我軍使我軍不能兼顧彼乃乘隙而入直窺武漢於北岸厚集兵力而尤慮賊運江西之崇陽通城興國大冶乘我空虛狼奔豕突見在副都統巴揚阿舒保馬隊先後齊抵鄂州更調道員唐訓方一軍合力攻勦並可遙扼與治似於防備更爲周密黃梅大河鋪雙城驛一帶賊營斃二三十里張家坊之賊又退踞雙城驛另抽大股橫竄黃梅廣濟賊情狡譎已飛飭各軍分路進剿務期肅清邊界使李孟羣援皖之師無虞梗阻而李續賓之軍得專意下游力圖鄂報聞○壬午諭內閣袁甲三奏攻破王圩賊寨總獲全勝一摺亳州捻匪踞守王圩與姚鄧兩圩互相犄角抗拒官兵經袁甲三督兵圍攻環築礮臺晝夜轟擊每日擊斃賊數十人及百餘人不等並於本月十五十八等日將王姚兩圩出壘刺斃之賊殲拾五百餘名其附近鄧圩之鄧家莊丁家莊高賊藏身之所亦經官兵燒毀村內伏賊悉被殲除並將姚圩附近麥垛一律焚燒二十一

日復乘風向王圩施放火箭延燒房屋並將放火賊匪轟斃百餘名二十二日官兵復逼近圩根拋擲火彈火包被斃難民同時逃出圩內匪夥李和尙等乘機放火爲官兵內應兵勇一擁而入立將王圩攻破餘燒斃斃斃斃外生擒賊匪王大存等四十三

籌獲礮礮礮器械不計其數勦辦尙屬得手者卽乘此聲威將姚邵兩圩賊巢迅速掃除毋留餘孽所有此次攻破王圩賊巢出力之員弁兵勇准其擇尤保奏候朕施恩○諭軍機大臣等字詢奏請暫行招商販運米煤接濟省城等語河南省城所需糧食煤斤尙恃各路水運自粵匪竄擾後船隻概行封禁日用缺乏商民坐困該河督所請暫行招商運舟販運自爲亟籌民食起見著准其暫行變通以資接濟惟通舟處所止准至省城爲止不得逐漸鬆懈駛往下游該河督仍當嚴飭兩岸委員會同沿河各州縣帶領團練兵勇常川巡察不准奸民濶迹如南路有警立即將各船收集上流仍行封禁或竟擊沈以免偷渡總期使民防河兩無妨礙將此諭令知之○諭扎拉芬奏庫車回匪滋事曉諭解散首逆就擒等語庫車回子聚眾滋擾經烏爾清阿曉諭良回散其黨與飭帶鄉勇回兵前往勦捕業將首逆數名擒獲餘黨漸即解散所有調赴喀什噶爾換防官兵二百餘員名著卽飭令前赴防所各城回軍近尙安謐何以庫車之素比提等莊斗然滋事著俟該委員等查明啟復根由卽據實具奏並著妥爲安輯毋令再滋事端將此諭令知之○命前貴州布政使文謙赴直隸交署總督譚廷襄差委○癸未署兩江總督何桂清奏金陵爲賊首老巢盤踞數年根深蒂固非先斷長江接濟而從鎮江句容太平三路進兵斷難制其死命見在賊之精銳聚於句容城小而堅最不易拔惟深水克復大局更有轉機鎮江賊勢亦頗衰微臣親赴京覲山察知城中首逆吳如埤堅守其被脅逃出者接踵○深水之捷賊應之我攻其西則下游之賊應之故雖得鎮江不得太平而金陵猶不能破也蕪湖又爲太平之上游皆爲賊守我攻其東則上游之賊當甯國克復其不能徑取蕪湖者以深水未復後路可虞恐賊由定埠梅渚等處一走東壩一犯建平耳今幸深水已平擬分兵紮博望鎮東壩之兵進紮固城鎮宣城之兵進紮老鴉山固城博望俱可直取太平固太平城內守賊無多取之甚易至老鴉山一路尤爲內保宣城外取蕪湖扼要之地亦可會同吳全美等水師肅清江面斷賊往來傳聞石達開由銅井渡江逃往江北洪逆合眾賊禾賊追之禾賊亦乘勢逃去足見該逆自相殘害眾叛親離首逆自不在遠臣惟有竭力運籌接濟軍餉俾得馬厲士飽早奏膚功○上諭軍機大臣等何桂清所奏通籌全局剴切詳明具見爲國丹忱不負委任江南財賦錢清正供而外惟上海一關堪充軍餉自廣東英夷滋擾夷貨不通戈牛聚於上海徵收關稅自應較前倍旺若如所奏原議月撥餉銀二十萬見止十四萬兩僅非經理不善卽係隱匿侵漁著蘇松太道藍蔚受由同知在滬多年朕聞其遇事把持視海關爲利藪一切公事不令他人豫謀該處小口甚多私販出入稅課偷漏殆不可問該員係實任揚州知府何必令其久署斯缺轉將實授之湯雲松展轉委署卽或湯雲松人地生疏難勝此缺蘇省豈無勝任之員可以接署難保非營求而得况關稅既不加充安知非盡飽私橐耶至捐輸一節借資民力必宜先服民心朕聞蘇州府城三縣捐輸已及四次而江甯甯甯昭昆等屬皆止一次甚有一次書捐尙未繳出者松江太倉常州捐數亦屬寥寥似此多寡不同必致推諉觀望既係分府勸捐則各屬皆宜遴選正人豈可令射利之徒庸身其開包庇侵漁

弊端百出該署督所稱隱漏大戶有人把持誠所不免以朕所聞在籍中允馮桂芬辦理勸捐多有徇庇其親戚富戶之在吳江太湖廳等處者率多隱匿該員家本寒素自勸捐之後置買田產建蓋房屋頗成富家其中情弊尤不可問一人如此從而效尤者當更不少若不從嚴究辦何以帖服人心苦何桂清嚴密訪查據實參處以儆其餘並各飭地方官遴選公正紳耆承辦勸捐以免偏枯而除積弊至海運漕糧爲天庾正供京師缺米情形如此緊急萬不得已而截留充餉州縣既以賤價出售何不照部定章程銀米並放而必盡放銀兩復以重價買米一出一入之間傷耗甚多是否彼時因糧臺不肯收米必欲得銀所致抑係地方官藉以侵吞入己並著查明從重嚴參留浙之雲南糧道王有齡該署督既知其實能得力著准其調赴江蘇與之商議先以整頓上海稅務爲第一要著如果實有把握奏聞後再降諭旨前因藩司何俊年老恐不勝任該督撫查參仍著何桂清趙德翰查明參奏並先將藍蔚雯撤回揚州本任另行派員署理上海道印務另片奏溧水克復統籌道事宜並石逆逃往江北等語已諭和春等妥速布置並諭德興阿福濟等防範江北矣將此由六百里諭令知之○蕭何桂清奏通籌江南近日剿辦情形等語據稱金陵賊匪精銳聚於句容城小而堅最不易拔探聞五月二十三日克復溧水大局幸有曉機鎮江老賊不過數十人其被脅逃出者接踵今溧水大捷賊艦益寡宜乘此聲勢併力進取句容鎮江擬將溧水之兵分紮博望鎮東壩之兵進紮固城鎮宣城之兵進紮老驛山並會同吳全美等水師肅清江面斷賊往來則金陵一城自成孤注又聞五月十一日逆首石達開由銅井渡江逃往江北洪逆令槩賊禾賊追之禾賊亦乘勢逃去逆匪既生內訌機會更不可失鎮江賊勢甚微或先取鎮江後圍句容亦得古人攻瑕之意而上游太湖蕪湖一帶必須分兵斷其援應方能南路夾攻直搗金陵著該大臣等將何桂清所奏各情妥籌辦理前據福濟奏提督秦定三於四月二十七日由臨淮帶兵啟程在廬州支銀三千兩至聚縣支銀七千一百兩抵臨淮後截匪米六百石合銀六千兩在定遠縣截匪山東餉銀二千兩在五河縣截敵西餉銀一萬四千兩一月有餘共用餉銀三萬餘兩見偵餉需支絀豈容任意浮支著該大臣等查覈銀數除應行支領外所有浮支銀米卽於該營兵餉內按數坐扣以杜冒濫並著察看秦定三如果年力就衰不能約束兵勇卽行據實參奏將此由六百里諭令知之○諭本日據何桂清奏傳聞五月十一日逆首石達開由銅井渡江逃往江北洪逆令槩賊禾賊追之禾賊亦乘勢逃去各等語石達開係著名劇賊此時不踞金陵逃往江北足見羣賊內訌叛親離惟石賊素稱驍悍兼多詭詐此時逃往江北必係不附洪逆意欲自成一隊見在江浦未復霍六桐城安慶太平一帶遍地賊蹤該逆襲脅賊黨乘間北竄不可不防著德興阿翁同書福濟偵探石達開逃往何處卽以重兵扼剿杜其北竄之路或設法離間設計誘擒使逆渠授首餘賊聞風畏懼不難以次殲蕩將此由六百里各諭令知之○江西巡撫耆齡奏報到任日期得旨開汝在南鎮一帶頗著聲威擢升藩司亦稱有爲今既身任疆圉尤應深顧大局勿墜前聲力圖振作○甲申諭內閣前據王懿德奏逆匪竄入福建邵武光澤等處城池相繼失守督糧道王調等力竭被害業經降旨諒卹此外失守各員尙未查明下落難保無先期逃避情事

地方文武均有守土之責若聞警輒逃何以爲斯民禦災捍患偷生無恥實堪痛恨著王鈺德查明被獲地方如有先期逃避者卽著以軍法從事毋稍姑容再自用兵以來各省殉難人員總統兵大臣及各督撫奏請獎卹者無不立沛恩施該員等見危授命大節慷慨急應隨時查辦乃近來多有外省漏未請卹致各員家屬紛紛呈請者非所以慰忠魂嗣後遇有捐軀盡節人員著各路統兵大臣並各督撫等迅速查明請卹毋稍稽延○諭和春等奏官軍克復溧水縣城一摺五月十四等日逆賊竄至駱山偷築營壘經總兵傅振邦督同李志和等帶領馬步隊分攻截擊尖山又出賊匪橫衝經周天培等伏兵痛剿毀平賊營八座拔賊復在博望湯村築壘艾孫我軍追殺奪獲賊壘數十座直逼城下傅振邦等往來調度連拋火礮西南門外賊營火起驚亂虎坤元等奮勇先登北西二門同時分兵追擊逆匪自相踐踏餘賊由東北門衝突逃出經弁兵轟斃共約六千餘名生擒三百餘名內有偽副丞相高姓等二十餘名訊明正法逆匪自上年五月竄踞溧水縣城賊援廣至經傅振邦等督率員弁兵勇奮力勦擊先後斃賊不下二萬有奇該逆勢已窮蹙克復聖城殲除羣醜洵足以寒賊膽而快人心傅振邦等盡心籌畫勦辦有方實屬謀勇兼優著和春等查明在事出力人員一併保奏候朕施恩○子江甯殉難副將伍郎阿等祭葬世職○乙酉會國藩奏 奏奉溫諭仰見我 皇上俯鑒臣子之隱曲示矜憐不棄鴛下之才由加器使凡屬旁觀猶爲感泣矧在身受能無奮興惟 陛下情有不敢不隱陳於 聖主之前者 通籍時祖父母皆無恙在京十四年在軍五年堂上四人先後見青生前未伸一日之養歿後又不克守三年之制寸心愧負實爲難安前代及我朝奪情之舉被人彈劾者層見疊出而兩次奪情則從古所無 臣到籍以來展轉思維欲終制則無以報吾 君高厚生成之德欲奪情則無以報吾親恩勸鞠育之懷欲再出從軍則無以謝後世之清議欲不出則無以謝忠難相從之軍士進退狼狽不知所裁查近日軍務 皇上潛移默運實已挽回十分之七八以大局言之河北蕩平洪楊內亂武漢肅清水師精勁迥非咸豐二三年氣象可比以江西言之西路克復十餘州縣潯瑞吉臨皆駐重兵亦迥非上年春夏情形可比自 臣出營而後又聞瑞州長濠日固臨江四面合圍吉安賊船焚燒一空東路貴溪屢獲大捷江西軍事漸有起色將軍巡撫兩 臣辦理裕如添 臣一人未必有益少 臣一人不見其損 臣假期將滿辦事未畢合無懇懇 天恩按照上年賈楨終制之例准 臣在籍終制感激鴻慈永無既極 上諭內閣會同禮部以母憂守制在籍奉諭幫辦團練當賊氛肆擾皖鄂卽能統帶湖南船勇墨經從戎數載以來戰功懋著忠誠耿耿朝野皆知伊父會麟書因閩水師偶挫又令伊子曾國華帶勇遠來援應尤屬一門忠義朕心實深嘉尚今該侍郎以假期將滿陳請終制並援上年賈楨奏請終制蒙允之例覽其情詞懇切原屬人子不得已之苦心惟見在江西軍務未竣該侍郎所帶楚軍素聽指揮當茲勦賊喫緊亟應假滿回營力圖報效曾國藩身膺督兵重任更非賈楨可比著仍遵前旨假滿後卽赴江西督辦軍務並著理兵部侍郎以資統率俟九江克復江面肅清朕必賞假令其回籍營葬俾得忠孝兩全毫無餘憾該侍郎殫心事主卽以善承伊父教忠報國之誠當爲天下後世所共諒也○丙戌茂桂勝保奏官軍攻克方家集後逆匪竄踞王

家塙欲與三河尖老巢相爲犄角圍拒我師五月二十日勝保派程騰阿管帶馬隊官兵分兩路齊進直薄王家塙賊壘該逆初猶併力死拒迨火箭射入延燒草房逆眾驚亂撲河而逃我兵趁勢鈔擊殲斃無數其撲過河岸者又經馬隊截殺殆盡二十一日翼張各逆幸黨四五千名直撲營盤勝保揮令馬隊向前衝敵並於橋口施放火箭立斃賊眾五六百名迨至三河尖老巢始行收隊二十三、四等日乘勝督兵進攻將小曹集家棧劉家店柳家溝口各壘一律平毀擒斬四五百名六七百名不等其賊船順流東駛者經署同知縣知縣張謙等督率兵勇由淮河南岸截剿搶斬二百餘名奪獲賊船十一隻餘匪向東奔竄該縣等沿河追殺生擒張應孜等一百餘名其三河尖東北六十里鋪一路爲該逆回窺淮河要道屯聚死黨悍賊尤眾我兵連日進攻南路密派馬隊分往東北直前掩殺該逆不料我兵驟至倉皇出拒潰散不支計殲斃不下五六百名逆眾陸續潰散二十五日豫挑善謀水性兵勇數百名臭水潛渡南岸繞越北而乘踏越固而上噴筒火彈拋入賊壘該逆驚亂自相踐踏我兵一齊撲入逆眾相率狂奔勝保一面飛飭兵勇先將河中船隻焚燬並奪小舟駕至對岸接應後隊官兵陸續過河接敵餘匪立將三河尖老巢克復救出老幼難民千餘人一面飭令馬隊跟蹤追剿賊奔三河尖越東之南照集地方該處本有賊巢情急擁眾竄入我兵接踵而至剿斃四五百名餘賊奔撲河中臭水爭渡淹斃及中槍箭死者浮屍蔽河而下餘賊齊上南岸奔逃見飛傍署感恩道金光勳在正陽關一帶迎頭截擊勝保督兵進剿英桂亦即移營前進接應後路逆期早殄羣兒不甯餘孽在事員弁兵勇可否仰懇恩施擇尤保奏上諭內閣官軍自攻克方家集後逆眾復窺王家塙與三河尖匪巢特角抗拒經勝保督兵乘勝進攻將附近三河尖之小曹集家棧劉家店柳家溝口各賊壘一律平毀並將三河尖老巢克復兩旬之間屢獲大勝阜陽一帶賊巢漸次肅清勝保勦辦擒匪所向克捷著賞還乾翎以示獎勵其在事出力員弁兵勇著英桂等擇尤保奏候朕施恩○諭軍機大臣等王慶雲奏酌擬續勦捐輸一摺山西省京協各餉撥解浩繁該省庫款益形支絀自應寬爲籌備以資接濟山西省民風敦厚好義急公自軍興以來捐輸軍餉頗形踴躍一經奏到朕卽立沛恩施以資觀感茲據該撫奏稱平陽府及絳州忻州等處紳民人等皆深知大義卽可妥爲諭勸捐借並行其已捐之太原汾州二府所屬尚不乏急公報效之人亦著一併勸令輸將次第保奏該撫務當揀派委員會同該地方官及公正紳士悉照舊章辦理毋得假手吏胥抑勒苛求致滋流弊將此諭令知之○丁亥官文胡林翼奏查李續賓於九江城外開濬長濠自官牌峽迤南而東至白水湖尾計長三十餘里踰山背西重甯東門大路爲誘戰追襲之地濠深二丈寬三丈五尺復慮及上游陸家溝轉運賊可越琵琶亭而截我糧路其東達梅家洲湖口縣姑塘等處亂山層疊路曲卒回尤易伏賊乃於要隘安置大礮並多發偵探晝夜梭巡二月初九日掘濠及東面城賊忽出四千餘人西面之新塙亦出賊二千餘李續賓禁諸營勿出隊自率馬步繞出八里坡後圍又設伏於馬嶺嶺釘開坡後礮營悉力奮擊計逾兩時賊漸逼近各軍開礮齊出斬三

百餘級又追殺七百餘名其西面之賊亦經水陸各軍殲斃五百餘名初十日賊復出三四千於八里坡西塙亦出賊二千另伏

賊於坡後茶巷李續黃令南路西路諸營出戰令東路勿遠出自率馬步總譚家駝楊樹膏等處先敗其伙仍飭踞伏以待南路之賊初不知其伏之已敗也且戰且走甫至坡後伏勇突起東路營亦同時撲出賊大敗狂竄回城西路之賊亦敗四路共獲賊千餘名我軍陣亡藍翎千總毛丁山藍翎把總盧入盛外委陳德林三員十五日探知安慶來援賊七八千人賊賊大出約二萬人我軍首尾迎擊馬隊從中衝出殲其前鋒二十餘名賊不少卻水師從甘棠湖直繞城下轟東路之賊官牌映詰營於湖坪夾擊西路之賊遂收復沿湖助擊東南諸營乘勢衝突賊首尾不能相顧悉眾狂竄諸營尾追及城下敵子如雨其由城南窺入者我兵以連環槍轟之水師復以大礮圍擊無得脫者共獲賊五千餘名傷者無數我軍陣亡藍翎守備陳得華藍翎把總陳文蔚外委陳光玉蕭有貴四員自是三月之久賊伏不出而南岸長濠且告竣矣四月初聞皖賊數萬人號稱十萬分犯蕪州羅田黃梅邊界江甯將軍都興阿移師分期李續賓亦即分兵渡江駐陸家新又分軍上援蕪州於是城賊乃逐日出抗憑濠施放槍礮我軍禦之互有傷亡李續賓因勾各營憑濠分守而自移湘右營駐資旗嶺並增募勇了一千人駐嶺之左右聯絡諸營以扼其要其渡江接守之仁營亦增募四百人以厚其力五月初十日賊眾大出以悍者踰濠來撲我營李續賓令諸軍勿遠出戰俟賊過濠及半以新習之馬隊衝之賊又大敗奪路反奔搶斬甚眾是日首逆林啟榮親出督陣我軍斃其偽檢點指揮各一名蓋賊以分軍渡江竟敢乘虛來犯也總兵楊載福以賊賊分竄遂黃州各屬皆濱江州縣因抽分水師廠船由九江上至蕪州擇要停泊並飭副將李成謀等密塞官牌映港內與副將朱昂陸水陸相依五月初二日楊載福自至蕪州是日官牌映水師見賊船數十艘上駛李成謀等即時出隊賊分兩路敗竄李成謀從新河追之易景照從老河口追之會於湖口而湖口賊船三百餘號由梅家洲兩岸鈔出又另股從扁擔峽包我軍船之後其時西南風大起李成謀以長龍船抵扁擔峽之賊自以三板乘風擊賊賊入湖口李成謀不知深入賊巢距本營已百餘里及回至扁擔峽而湖口賊船復出尾追扁擔峽賊船又沿南岸繞出我前李成謀溯流上至小池口賊賊復增礮齊發我軍逆風逆水舟行不速被賊毀沈長龍五號三板十三號追上遊來搜事已無及初三日楊載福聞信回營親督水師巡江賊揚帆直拒李成謀衝入奪回三板四隻擊沈賊船無數查九江城賊營伏不出我軍肉薄攻堅終難得手必須長圍坐困乃可永斷接濟惟李續賓原統不過萬人尙關其東北一路未能合圍近以北岸邊界警報日至又分去四千人渡江協剿必俟北岸肅清乃可專意圍剿此次李成謀孤軍深入致有挫失尙於全軍無損楊載福先期上巡蕪州相離太遠可否避免處分出自逾格 天恩陣亡之守備陳得華等應請從優議卹 上諭內閣官軍傷及九江賊匪經李續賓撫撫設伏疊獲勝仗水師以深入致挫旋復獲勝總兵楊載福副將李成謀均著免其議處所有陣亡之守備陳得華等著交部從優議卹○官文胡林翼奏北岸之賊自爲陳玉城李秀城句結皖捻俄民號稱十萬自四月以來由宿松太湖英山霍山分犯蕪州黃梅廣濟羅田邊界亦不下六七萬人其黃梅一路徑將軍都興阿等疊次剿辦連破賊壘七處殺賊三千餘人而依險結寨之賊營尙多仰攻不易我軍稍銳微有傷亡都興

阿以一軍當小池口漣港大河鋪三路之衝日夜接應亦極疲勞其廣濟一路副都統街巴揚阿率四營往禦賊已退併蕪州之望
天取合爲一股其鄂州之張家坊青石嶺望天取等處之賊經知府邢高魁等剿辦獲勝舒保率馬隊百騎馳往督隊又大勝之其
羅田一路賊已擊退我軍進紮英山霍山頃據下游探報易賊石達開領股匪數萬人從安慶彭澤分道上行犯揚言分擾湖北並擾
江西我軍備多力分自應併軍會剿迅速兇鋒報聞○申諭順天直隸等處嚴拏私鑄人犯○署兩江總督何桂清奏遵旨察看藩
司何俊精力尙健得旨閱該員精力已衰汝尙嚴督商酌汝云邊易生手轉恐茫無頭緒設該員即時因病
出缺尙慮接辦無人耶○戊子諭軍機大臣等編輿阿等奏揚營軍餉缺乏請於上海勸捐抽釐一摺自係爲軍務緊急起見惟捐
輸抽釐總宜事歸畫一方不至商民藉口上海地方商販固形旺盛而本處地方已早有抽釐之舉若再由江北派員往收是同一
貨物而兩處抽收不但近重徵且章程亦難歸畫一上年和春軍營派谷糧煤等往蘇常一帶勸捐曾經諭令停止原以勸捐一
事應由地方辦理若由軍營委員勸辦恐地方官紳轉得藉詞諉卸今德興阿等請由江北派員赴上海勸捐抽釐揆諸事宜必多
窒礙至沙船捐輸非可視爲常例而抽釐請要尤爲各省所無亦與江南見辦章程不符何桂清前奏正欲將上海稅務力加整頓
尙未辦有頭緒斷不可使出多門更難釐剔所有上海抽釐及沙船能否勸捐之處著何桂清趙德輿委公正明幹之員前往
查覈辦理江北糧臺毋庸派員前往經何桂清等此次整頓之後江海關稅務定有起色運項較多即可兼顧揚營軍餉原不必專
指上海一處卽蘇常等府如果捐項有餘亦可藉資挹注江南北同係該督撫所轄地方不得稍分畛域致令向隅將此由五百
里各諭令知之○庚寅諭內閣恆春舒興阿奏委員會辦匪徒迅速肅事一摺雲南武定州屬祿勸縣地方有土匪匪及川黔外
匪先後焚殺擾擾該督等派令文武各員覓見有兵勇旬日之間卽將首匪殲斃餘匪次第剿除不至日久蔓延辦理尙屬妥速
所有在事出力文武員弁兵練著准其分別擇尤保奏毋許冒濫○壬辰以恭修 慕東陵 隆恩殿工竣恭請 孝靜康慈皇后
神牌還闕○諭軍機大臣等李孟聖奏沿途剿洗皖境嶺到股匪擬卽進攻霍六一摺此次逆匪二萬餘人自霍邱圍犯湖北李孟
聖以二千五百人殲擒渠逆並將夥匪剿殺殆盡實能謀勇兼備深堪嘉尙員弁兵勇著准其彙入克復英山案內由官文胡林翼
分別保奏英山羅田鄉勇協助官兵剿賊甚爲得力並著從優請獎以示鼓勵賊踞霍六兩城又有李兆受一股踞葉家集互爲犄
角亟宜乘勝剿洗以除楚豫之患該藩司見葉英霍交界地方著卽會同金光劬合力夾攻迅殲醜類俟攻克霍六兩城後江西等
廳赴廬州與福濟諸軍會合剿捕各屬匪黨前據官文等奏易賊石達開領賊數萬從安慶彭澤上犯聲言分擾湖北並擾江西等
語石逆最爲兇悍此次上竄之賊是否該逆卽在其中抑前往江西想李孟聖必有所聞著探明具奏另片奏請飭湖北在籍刑部
主事王柏心赴營等語王柏心學問淹通忠義奮發既據李孟聖保奏著卽由該藩司傳旨令該員到營幫同籌畫用兵機宜其禮
部主事駱敏修應得獎勵著准其併案詳請辦理○予江蘇陣亡遊擊王紹麟等祭葬世職○癸巳諭軍機大臣等前據何桂清奏

逆首石達開由銅井渡江逃往江北曾諭令和春等乘賊內訌規取金陵並諭德興阿等扼其北竄之路茲據福濟縣魁士奏稱石
達由金陵帶其黨與數千由無爲州前往上游張貼偽示察其詞意因洪逆疑石逆懼害脫逃並所獲賊信有易王私自出京營
不同去之語是金陵逆賊內變已成確有實據石達開係著名劇賊且聞其善於要結人心此次逃出金陵必欲自成一隊非上竄
湖北卽蔓延江西廣濟黃梅等處官文等已厚集官兵堵剿又有李孟羣在英霍交界地方駐紮屢獲勝仗是境當可無虞聞江西
瑞臨等府皆係石逆攻陷見在尚有賊兵踞守則其竄往江西乃意中之事若福興書船探明該逆蹤跡併力截剿乘其人心渙散
之際設法散其黨與使該逆勢成孤立迅就殲擒江西各賊自必聞風瓦解辦較易爲力將此由五百里諭令知之○以安徽穎
上縣官紳守城出力豁免咸豐五六年新舊錢漕承廣文武學額各三名○于安徽陣亡從九品藍書田等祭葬世職○甲午
諭內閣御史尹耕雲奏軍營文員保舉太濫請從嚴分別覈辦一摺前據英桂勝保奏期辦拏匪出力人員單內有候補知府洪
貞謙請交軍機處記名俟補知府後遇有本省道員缺出請旨簡放報捐知府候補知縣張席珍請免補知縣以知府歸河南候補
班補用候補知縣許成榮請免選本班以直隸州分發山西歸候補班前遇缺補用業經降旨允准該御史以文員在營當差不過
辦理糧臺文案並無攻堅陷陣之勞獎勵未免過優所奏不爲無見洪貞謙張席珍成榮三員著該部另行覈給獎勵具奏請旨
其前保之案著卽撤銷嗣後各路統兵大員保舉出力人員務當秉公覈實毋許冒濫除打仗各員躬冒矢石懋著戰功准其從優
請獎外其餘辦理糧臺文案人員必須隨營年久始准錄其勞績酌量保舉仍不得與親歷行陣之員同邀優獎其在營年分尙淺
濫竽充數者概不准徇情保奏以杜特進之門至從前所請記名簡放及指省補用各項文員均著俟該省軍務竣送部引見再
降諭旨○乙未以孫葆元爲禮部左侍郎附錄○命已革大學士謝爾琿額以四品京堂候補○于湖南殉難知縣李春暉祭葬世
職○丙申諭軍機大臣等赫特賀滿慶奏廓爾喀呈遞謝恩表文恭肅呈覽一摺前因廓爾喀甫經息兵降旨將本年例貢免其進
呈一次以示體恤所賞敕諭已由理藩院頒發諒該大臣等此時當可接奉轉發該國王祇領矣覽此次所進表文情詞恭順具見
向化之誠自應加以褒獎著赫特賀滿慶繳諭該國王以此次表文業經呈覽大皇帝鑒其懼忱深爲嘉悅嗣後但當謹守藩封自
能長遠庇佑也表文及鈔錄各件均留覽將此諭令知之○丁酉諭軍機大臣等本日據譚廷襄奏直隸各屬蝗孽蠢動業已飛入直隸境
認真撲捕尙未能一律淨盡磁州所屬各村莊及成安元城邯鄲等縣均有飛蝗入境等語河南各屬蝗孽蠢動業已飛入直隸境
內其本地傷皆田禾當已不少著英桂卽行飭屬趕緊撲捕務期淨絕根株並將辦理不力之員嚴參懲辦將此諭令知之○英桂
勝保奏該逆自南照集被剿潰敗後順水向東竄駛等飛飭官兵跟蹤追剿一面督隊繼進五月二十七日追至潤河集地方該
逆紛紛登船搶奔南岸船隻多被延燒該逆爭先渡河擁擠落水淹斃及斬獲者不下五六百名我兵盡力追殺二十八日追至廟
臺集垂岡集八里衝一帶復斃賊二三百名四五百名不等二十九日馳過顧上縣地方屢經蹂躪村落墟且正陽關近又爲捻

竄踞隨在將士枵腹荷戈困苦萬狀見由縣南四十里之黃岡鋪直擄正陽關對岸沙關賊壘該逆并死出拒我兵乘其列隊未定奮力衝擊殲逆匪三四百名餘賊奔入壘中三十日臣勝保親督大隊前進南抵賊巢見河中橋帆林立船約二三百隻自正陽直抵沙關又名八里塚地方均有賊軍盤踞該逆搭造浮橋跨河立壘惟有先將八里塚攻克方能進攻正陽當即揮兵前進該逆擁眾出巢於柳林一帶密派馬隊吶喊衝扶我軍兩翼鈔殺而前步賊先亂馬賊正在接應又被我兵槍礮密擊賊勢不支始各紛紛敗退兵勇一齊壓下立斃逆匪六七百名餘眾搶過浮橋勢如盪掩其不及登岸者大半隨流漂沒我兵一面燒斷浮橋一面排列槍礮向船轟擊擊沈兩桅大船數隻餘賊併入正陽關壘中立將沙關攻拔次日復督各隊進剿並飭署盧鳳道金光飭隨同進攻該逆隔河列隊施放槍礮抗拒我軍水陸夾擊擊沈焚毀大小船數十隻逆眾紛紛登岸奔逃我兵乘勢衝緊開放連環槍礮該逆東西狂奔積屍滿岸餘黨悉奔霍邱意欲勾結六霍逆匪又分雷韓狼子等死踞正陽關看守賊船輻重以期牽掣我師等查霍邱在正陽關西南正陽既爲賊踞如我兵渡淮無論腹背受敵即使霍邱攻期得手而正陽逆黨備虛北犯則辦理又形費手擬攻克正陽關後疏通河道保全穎壽一帶地方再行分兵直擄霍邱惟臣勝保移兵東剿霍邱與固始毗連西南一帶恐致空虛已飭南陽鎮總兵邱聯恩等於因霍交界之臨水集一帶聯絡聲勢分布萊營合力防剿以免霍邱餘燼復燃臣英桂見於初五日馳抵潁州督飭見帶兵勇分赴沙河兩岸偵探匪蹤隨時滅滅以清餘孽而爲後路聲援臣勝保見於正陽關北岸逼近紮營添造礮船水陸夾攻奪取正陽關前除寇黨皖豫連境一帶可望漸次肅清又奏正陽逆匪自失北岸巢穴後併股死踞正陽關張龔各逆首亦自霍邱潛來合力死拒臣勝保於閏五月初四日飭金光飭搭造浮橋並撥得力兵勇抽派吉林黑龍江馬隊同往磨河口助戰臣親督大隊由北岸前進該逆於正陽西北柳林中分搭浮橋三座卽由浮橋撲過馬步賊眾數千人直前迎拒臣勝保分兵兩翼以待該逆將次撲進卽從其旁鈔裏衝擊立砍執旗馬賊十餘名槍斃步賊百餘名該逆驚亂回向浮橋奔竄我兵乘勢追殺其斃逆匪五六百名該逆急斷浮橋斃水逃命我兵正開槍礮轟擊連見南岸亦已進攻兵勇直抵關下方欲撲壘而進詎該逆先用馬賊伏匿東南鈔過金光飭兵勇之後壽春練勇先自潰亂逆眾擁擁下臣勝保急麾馬隊連渡南岸並傳令步隊官兵隔岸施放槍礮橫擊斃賊甚眾正在分布收隊聞當據該營飛報金光飭左營俄制猶立船頭應兵督陣迫逆眾撲近岸邊船夫猛力砍斷篋纜不期沙河湍急舟卽盪覆金光飭登時陣亡查金光飭以文吏盡瘁行聞善政武功爲皖中軍興以來首屈一指乃爲賊所乘致沒於陣殊堪憫惜仰懇 天恩優卹以慰忠魂 上諭軍機大臣等捻匪竄往霍邱僅留韓狼子等逆看守輪礮死踞正陽是該關拏兇無多不難即時克復見在官軍若赴霍邱固恐腹背受敵若久爲正陽牽掣則張翼等逆又得嘯聚夷裔勢復猖獗必勝保督飭帶兵將弁剋日進攻不可遲緩金光飭督戰陣亡其所須乘此聲威迅將正陽關攻克方能併力南驅殲擒巨寇著英桂帶練勇向稱得力必須速爲收集遂派得力大員督帶克復正陽後卽可派合帶勇防守至盧鳳道一缺此時尤爲緊要著卽咨

明國濟政部張光第回任或另委明詳委員接署以專責成將此由六百里諭令知之○平安復降六者感風道金光筋祭葬世職如有政使例於壽州建祠諡剛愨○庚子諫內閣御史尹耕雲奏大員從晉太軍請收回成命以嚴賞罰一摺前任大學士直隸總督劉銘傳因逆匪北竄堵剿不力革職治罪原以行軍失律法所必懲嗣因北路肅清量從末減茲由 西陲當差同京念伊久膺疆寄奮入補廝予以西品京堂俾知感愧並非假以事權卽使請耐經額年力未衰尙堪重任朕用一展望領滅之員實難期其振作正與從前棄瑕錄用復任封折者不可同日而語況人材剴切朕心自有權衡該御史所奏著毋庸議○奕山等奏五月二十八日俄艦斯有七八百人分駕木排總帶小船離駛駛至海蘭泡停泊建房二十處並安設砲位協領巴達期費台晤水里使臣據稱請做照恰克圖通商或可彼此相安並請後起人數尙多奏入 上諭奕山等據理折辦妥爲防範○辛丑諭內閣總辦阿翁同書奏火攻船隻駛進瓜州大口陸軍進剿均獲勝仗一摺五月二十八日總兵柳殿華帶領馬步隊分路進攻搶進卓復據賊總辦與阿在江岸督攻同書在四里鋪督攻陳國泰統帶大小師船將火船突入大口焚燒立將賊匪擄門巨艦焚燬及雙桅三桅各船並勇營賊寨房開毀盡守卡賊匪投江者無數各營兵勇越過重險用火彈噴筒大砲攻擊機斃黃衣賊目多名賊數十餘匪瓜州突出賊四五百人又藏藥一百數十名同日余萬清等進攻鎮江約斃賊三百餘名毀賊米船十三隻並獲糧糧糧點翠元發一名水營參將李新明在石埠橋焚燒賊卡數處斃賊數十名生擒九名此次水陸會攻屢獲勝仗期辦尙爲得手著從與阿等乘此聲威迅將瓜州克復肅清江面毋再遲延○何桂清奏查咸豐二年賊竄江南儀徵江浦屢經失陷而六合合儀徵江浦之間時已革道員溫紹原管理該縣於聞警之初即倡募水陸各勇激神紳團並派間諜確探賊情豫爲之備故能將該城賊眾一鼓殲滅後雖數犯圍圍均能出奇制勝且以其餘力上援江浦下救儀徵北援來安江北大營得免西顧之憂而自來安至廬州尙有一綫餘道可通者亦惟溫紹原是也今 欽奉恩命擔任兩江重事艱當以用人爲急務查運甯才足匪特如溫紹原者實不多見該員因公獲咎情有可原且溫紹原雖奉督辦六合江浦圍練之命究係無職人儀徵處民情解體仰懇 天恩俯准將溫紹原開復原官仍以江蘇道員補用以爲維繫眾心之計 上諭江蘇已革候補道溫紹原前在六合縣任內激勸紳民辦理圍練屢次擊退悍賊保障孤城頗資得力嗣因干預保舉經德興阿奏參革職朕念其數年以來保衛江北角地方出色之員業經諭令德興阿等實其會同官兵攻復江浦以贖前愆茲據何桂清奏稱該革員雖已奉旨督辦圍練究係無職人且深恐呼應不靈溫紹原若即開復知府仍俟克復江浦後再行奏請獎勵○何桂清奏自溧水克復後和春水攔酌調勝兵北赴句容爲四面合圍之計而該逆一萬數千人在相距溧水五六十里之湖墅鎮龍都鎮秣陵關三處倚角紮營一以防我溧水官兵乘勝直搗金陵一團回撲溧水並由旁路內犯以以此路萬餘兵勇不能酌撤見在和春張國燾已派傳振邦統帶兵勇八千名由高橋橋進剿虎嵩林統帶兵勇一千四百名分紮溧水城內外以爲後路接應前統兵李志和統帶兵勇一千餘名駐紮洪藍埠以回溧水後路據報賊之

賊悍者威集句容城及高壘等處全被城內死黨不過七八十人餘皆脅從老弱自石埭過赴江北後溧水又經克復金陵賊眾本已危懼而洪逆性復殘忍入有草莽親離之勢至鎮江逆匪中之裏脅來江願求自被而不得者經余萬清設法解散不少雖有可乘之機無如兵力較單未可冒昧從事而我之健將精兵悉盡力攻句容湖墅又未便輕議撤動致為賊所乘必俟克復句容方可移兵東向一鼓而下鎮城其瓜州賊情與鎮相等同富梁水將次得手之時鄧紹良亦於五月二十二至二十五等日連次攻勦無懈賊匪雖經踏平二壘一時尙難得手見機分兵老鴉山接濟吳全美等水師為水陸並進之計仍會商和春張國傑鄧紹良嚴催諸將迅速進攻以冀上慰宵旰之憂上諭軍機大臣等溧水克復該逆尙在湖墅鎮龍都鎮林陵關三處紮營阻我軍進攻之路必須句容克復方能分兵直搗金陵而該逆內訌自相殘害機會自不可失因思徽甯一帶見在情形稍鬆鄧紹良一軍若能乘虛攻搗金陵則並可牽制句容賊勢似屬一舉兩得惟該提督既須嚴防逆匪內竄之路兵力是否足資分撥著和春與何桂清妥為籌畫如有出奇制勝堵穴擒渠之計即行會商布置毋失事機御史錢桂森奏德興阿驕蕩無能久未與賊打仗奏報獲勝情形諸多不實侍衛繆秀性情乖謬遇事把持等語又聞德興阿近日患病行動維艱是否確實著和春何桂清密加察訪據實具奏將此由五百里諭令知之○議軍興以來吉林黑龍江馬隊官兵先後調往各路軍營勦助為數約有一萬二千餘名除經統兵大臣及各督撫奏明撤回歸伍外許冕在江北江南湖北及徐宿皖豫等處隨營備剿者吉林兵尙有六千餘名黑龍江兵尙有二千餘名該兵丁等與南方水土不相習出征日久不免疲勞患病且南省又多水田遠汊馬隊難以施展之處亟應分別撤回以休兵力而收實用著德興阿和春官文胡林翼鄧燦庚長瀾濟英桂勝保等各就該處軍營查明見存吉林兵若干名黑龍江兵若干名酌量可撤者先行撤回歸伍其地勢險要相宜兵力亦無裁之見責攻剿必不可少者仍著留營調遣俟該營兵力足數再行分起奏撤將此由五百里各諭令知之○怡親王載垣等議覆著直隸總督譚廷襄奏推行大錢鈔票章程一准州縣分設票局一持票取錢先儘備票給發餘仍舊照票字辦理一票價隨票長落一加卯鼓鑄以資格放均應如所請辦理從之○壬寅諭內閣禮部奏遵議越南國獎勵一摺前年福建兵船遭風漂至越南由該國供給錢米銀一千餘兩經兩廣總督葉名琛遵旨將銀兩給還該國王堅辭不受具見惻忱可嘉之至著降敕褒獎並賞給該國王金瓶如意段疋等件該督接奉諭旨即先行知該國王仍俟奉到敕諭賞件遇有該國便船飭令攜帶回國如無便船則移交廣西巡撫酌量妥寄以示朕懷柔遠人至意○諭軍機大臣等慶英奏賊匪滋事占踞回城請飭籌撥餉需一摺據稱五月間有浩罕賊匪先在喀什噶爾之七里河浩官水磨一帶盤踞圍城放火延及英吉沙爾該處伯克逃散回城已被占踞見經該大臣調集伊犁喀喇沙爾官兵前往援剿惟軍需浩繁喀什噶爾英吉沙爾兩處兵丁缺乏糧食已有八九萬月葉爾羌庫款無存雖有陝甘解來生息等項銀一萬六千餘兩杯水車薪難敷支給亟須多為籌款以備撥用著慶英在於該省籌辦何項設法籌撥銀數萬兩迅速解往葉爾羌藉資接濟毋稍延誤將此由五百里諭令知之○諭本日

據慶英奏喀什噶爾突有賊匪滋事延及英吉沙爾後據奪占同城官兵出隊復勝各一摺浩罕賊匪倉卒起事勝放攻撲喀什噶爾同城並延及英吉沙爾佔占同城雖經官兵剿擊獲勝而該匪裹脅回民勢極猖獗必應趕緊撲滅以免蔓延慶英見由葉爾羌派撥官兵援剿並知照調任喀什噶爾領隊大臣裕瑞帶土爾扈特和碩特官兵三千名會剿著即飛催前進其咨調伊犁官兵一千五百名著扎拉芬奏於領隊大臣內揀派一員統帶馳日由冰嶺馳赴喀什噶爾以資剿辦巴爾楚克為南四城門戶地方緊要該大臣擬由阿克蘇派兵二百名駐紮著照議辦理喀什噶爾既有官兵二千名自應先就見有兵力迅速剿捕不得坐待外援致令蔓延烏勒欣泰顯有畏葸避退情形著該將軍等查明參奏所請陝甘撥銀數萬兩解往等語已奉令樂斌趕緊籌解矣將此由五百里各諭令知之○癸卯豫內關王懿德奏收復府縣城池並連城獲勝一摺江西逆匪竄踞建光澤縣城五月十四日經各鄉聯甲壯丁糾集萬餘人攻入城內殺斃逆匪無數餘匪紛紛竄逸當將城池克復見經護理延津郡道王肇謙督催將弁由大幹一帶剿洗直抵邵武其汀州府城一匪攻陷後知縣顧立忠招集田兵先後勦殺賊匪九百餘名紳士丁捷芳幸壯丁助剿賊匪百餘名田兵愈聚愈多該逆於四月廿四日竄往上杭沿途復殺百餘名隨即克復府城該府所屬之連城縣於是月二十三日被匪攻撲知縣延棟會同將弁紳勇登陣守禦轟斃賊匪二十餘人西門勇力較單被該匪闖入適文亨里各鄉紳士羅形書等率帶壯勇助剿擊斃逆匪數百人餘匪四散又分路追殺二百餘人割取首級數十顆民心效順餘匪四散著王懿德督飭各路文武官紳兵勇將邵武府城並泰甯等縣以次攻克盡殲賊類此次出力官紳兵勇著該督分別奏請獎勵各員著即詳查請卹○乙巳豫內關晏端書奏餘杭土匪滋事搶獲首要各犯正法地方肅清一摺浙江餘杭縣北鄉有匪徒胡萬城與陳玉峯等糾黨劫掠村民抗糧搜稅經該撫等派委大小文武員弁帶兵勦捕將首要各犯擒獲正法地方見就肅清辦理尚屬安速所有該管地方文武各官應得處分均著加恩寬免其在事出力文武著准其擇尤酌保數員候朕施恩○諭軍機大臣等將劉遠奏鎮遠倒米缺之請借賑湖南倉穀一摺據稱鎮遠印水防勦兵勇待食孔亟府縣倉穀碾動無存勦捐採買均無所出前經戶部奏撥湖南丙辰年地丁銀兩歸還黔省採買借支之款恐一時未能照數撥解請於辰沅二府撥借倉穀三萬石碾運鎮遠軍營等語鎮遠雖苗滋事兵食緊要自係實在情形湖南應解貴州銀兩一時既未能起解即將倉穀碾運亦屬轉移辦理著路秉章即於辰沅兩府屬倉穀內碾動三萬石運赴鎮遠以資接濟俟秋成後察看情形即由湖南撥銀採買還倉同碾運賑借一併在於應解貴州銀款內扣除將此由五百里諭令知之○予浙江陳壽勳承黃柏垣等祭葬世職○丁未豫內關慶祺奏鋪商呈請捐輸助鑄鐵制錢如蒙允准即由該商等籌行勸諭京城各鋪一摺近來京城物價昂貴小民生計艱難朕以當十鐵錢漸形壅滯特命鐵錢局及戶工二部添鑄鐵制錢以便民用雖一時向未充裕而以後源源拮据聞得貴州轉物價自可漸平此項經費業由部臣籌及何至苛派小民該商等如果情殷報效見有捐領局火器營皆可仰邀獎敘正不必以鋪捐為名託詞報效况京師大小鋪戶不下數十萬家豈

能憑此數十人呈詞遂謂商情悉協據軍內所開鋪商任大卿等既非部院官員又非紳士豈可委令勸捐致開抑勒包庇諸弊當此物力支絀之時朕方期設法調劑以恤民艱若令大小鋪戶逐日攤捐物價必因此更昂九非體恤兵民之道國家理財自有權何得任聽市井細民妄行干瀆所奏著不准行○諭軍機大臣等本日據西凌阿慶的奏熱河豐潤縣所屬大關兒地方聚有匪徒約一二十人焚毀衙署搶掠鋪戶居民業經熱河道帶兵前往查拏並由西凌阿等派兵往多倫諾爾地方擇要堵截各等語此股匪徒何以忽然聚集至一二十人之多其有無地方官激變及誘盜貽患各情著英隆迅即查明改費糧由據實具奏其熱河道帶兵若干是否足敷期辦並著酌度辦理總期一鼓殲擒毋致蔓延為患至多倫諾爾地方與大關兒匪徒業經熱河官兵查拏即預防其竄入既據西凌阿等派委總管阿克頓等帶兵四百名前往著即飭令該總管等認真堵截與熱河官軍會合兜拏毋任竄逃將此由四百里各諭令知之○以紳團出力承廣湖北羅田縣文武學額各二名○戊申諭內閣恆春奏分切回夷復勝情形一摺雲南賓居賊匪疊勦未淨官寨匪徒竄入阿那邑糾聚回夷敗匪負隅抗拒五月初一等日經遊擊孫鈺等帶兵攻剿該次共斃匪三百五十餘名又四川守備王占榮等於四月十三等日進攻阿那邑打磨山日者鄉等處共斃匪一千數百名生擒十七名並傷紅衣賊首二名焚毀賊營四座奪獲槍礮牛馬甚多勦辦尙屬得手仍著恆春激勵將弁將賓居及日者鄉逆匪殲除淨盡毋留餘孽其紅岩地方自三月中攻克經該督屢催代理勦辦總兵福兆督兵進攻該員久未與賊接仗實屬玩愒著先行摘去頂帶以示懲儆仍著該本任責令進剿倘再不知奮勉即著嚴參治罪陣亡兵練著查明彙案請卹○諭軍機大臣等前據英奏喀什噶爾賊匪延及英吉沙爾當諭令扎拉芬奏調伊犁官兵一千五百名派領隊大臣一員馳往勦辦茲據該將軍奏稱由伊犁派兵有需時日不若在南路各城就近酌調已兩屬新任伊犁參贊大臣法福禮暫緩赴任即著行抵處所就近調度防剿兼籌並據裕瑞奏慶英咨調蒙古兵三千名俟奎棟到任即督帶啟程各一摺喀什噶爾賊匪倉卒起事人數本不甚多該城有官兵二千名何以不能堵禦且恐烏勒敦泰畏葸惹皇致滋延蔓該將軍以南路各城官兵足資剿捕已屬法福禮就近調度籌畫尙屬妥協仍當偵探情形如賊勢猖獗必須伊犁官兵往剿再行酌調總期剋日肅清以安邊圉法福禮已由葉爾羌啟程著即會同慶英安籌剿辦無誤事機儘情形緊急即乘咨扎拉芬奏酌調官兵星夜馳往援應至土爾扈特霍爾特蒙古兵三千名據裕瑞奏稱該蒙古兵進山度夏距城寫遠恐一時未能湊集兼恐偷需不繼著扎拉芬奏傳諭裕瑞可將此項蒙古官兵酌調二千名俟奎棟到任裕瑞即帶兵星速馳赴喀什噶爾援應所需鹽菜口糧即咨由烏嚕木齊如數運送再據扎拉芬奏遵查阿爾噶依圖金廠一摺該處金廠雖經明誼咨覆自上年申明禁約後竟在尙無民人偷往之金惟愚民趨利若鶩自應隨時查辦毋令外夷藉端起釁明誼已派新車木布哲倫等往卡外查勘著扎拉芬奏與明誼嚴飭所派員弁認真巡查如有流民偷之情形中務令悉數勒回以息爭端將此由五百里諭知扎拉芬奏法福禮慶英並傳裕瑞知之○諭樂斌奏喀什噶爾等處賊匪滋事請飭山味等省籌辦餉需一

招略什噶爾突有浩罕賊匪糾眾滋事延及英吉沙爾占驅回城見經伊犁將軍扎拉芬壽等調派官兵前往剿辦需刻難緩待
經樂斌將河東解到協餉分撥葉爾羌伊犁阿克蘇三處暫濟急需此後甘省無項可撥著王慶雲會望顏各飭該藩司設措銀十
萬兩即日派員解至甘肅分撥應用其該二省欠解協餉並著源源報解俾資接濟至山東河南積欠廿餘萬兩數甚鉅前會諭令山
東儘先籌撥七十萬兩河南儘先籌撥四十萬兩見仍未據解往著吳廷棟英桂各先行籌解銀一二十萬兩下欠之數亦著陸續
措解毋再宕延將此由五百里各諭令知之○以浙江捐輸軍餉承廣鄉試中額一名仁和縣學額八名蕭山三名烏程二名海甯
歸安鄞鎮海餘姚長興海鹽各一名○己酉諭軍機大臣等前據德興阿等奏請於上海勸捐抽釐當經諭令仍歸該督撫辦理並
諭何桂清等不分畛域的撥餉銀接濟江北該督等諒必遵旨籌撥矣本日據德興阿等奏揚營餉請飭江海淮宿等關於部撥
欠解之餉迅速籌解並請飭催山東等省欠解各款等語各省撥款解到尙需時日著何桂清等於江海關稅銀及捐輸項下速撥
銀五六萬兩務於六月內解赴揚州軍營俾資放其准宿等關本有欠款並著查明催趕解毋該軍需該署督前派王有齡前
赴上海辦理校務見在有無把握蘇松常太等屬捐項有無起色著何桂清等悉心籌畫隨時把注以濟江北軍營將此由五百里
諭令知之○諭德興阿前同書奏揚營餉難請飭山東河南陝西等迅解撥款一摺揚州軍營前因餉需不足裁汰兵勇見在兵減
而食仍不繼減放俸支艱窘萬狀各省部撥之項自應迅籌起解以維大局所有山東欠解揚營銀兩著吳廷棟迅速撥解河南省
雖見辦軍務亦應酌量籌撥至陝西省按月籌濟揚營之餉雖經該撫於五月間奏請由部改撥惟據德興阿等奏稱此項餉銀業
已半年未解所有前欠銀兩仍著會望顏即飭藩司籌款陸續補解以資接濟毋該軍需將此由五百里各諭令知之○諭德興阿
等奏請飭山東等省撥款接濟並德興阿等清字摺所稱餉缺情形覽奏均悉揚州軍糧缺之前已諭何桂清等整頓江海關稅務
俟有起色即可兼顧揚營茲復諭令何桂清等速撥銀五六萬兩以資接濟其山東河南陝西三省欠解之項亦已諭令各該撫陸
續撥解矣見在糧臺告匱軍兵待哺嗷嗷該大臣等惟當加意捐循不使藉端鼓譟常州僅隔一江何桂清又素能不分畛域諒必
先其所急陸續接濟近日金陵內訌深水已克機會大有可乘著德興阿激勵各軍攻復瓜州破其犄角之勢庶幾鎮江孤立亦易
得手毋因暫時缺餉貽誤事機將此由五百里諭令知之

咸豐東華錄七十二

六月庚戌朔諭內閣和春奏陳奏事件久未接奉諭旨請飭部查明等語據稱自上年十二月起至本年三月止該大臣陳奏摺件
所奉明發諭旨均未接到部文著該部迅即補鈔彙咨該大臣欽遵辦理並著查明是否發遞延抑係沿途遺失專摺參辦嗣後
各路軍營奏報所奉諭旨該部即迅速鈔錄由驛馳遞不准稍有積壓如再遲誤以致各故官紛紛奏請補發者該部堂官查明
係何處遲延積壓即行參處以肅郵政○諭軍機大臣等前據西凌阿慶昫奏熱河豐南縣大關兒地方聚有匪徒約一千人焚

毀衙署搶掠舖戶居民業經熱河道帶兵前往剿辦並飭總管特克嶺等堵拏復據英陵奏大開兒地方有匪徒聚集搶掠巡檢
盛祖培等往捕將首先糾搶滋擾之劉福汰等格斃餘匪散各四散本日據延襄奏灤平縣賈山寺地方又有礦匪與民人互鬪
見令護理提督及口北道等分別督辦等語此股深平縣匪徒是否即係豐甯縣匪徒抑係另股滋事著譚廷襄確切查明並因何
起費根由據實具奏即飭該護理提督等認真剿辦迅速撲滅毋任蔓延進口難民尤應認真稽查勿令奸宄漏網將此諭令知之
○諭福濟鄭魁士奏李孟羣一軍需餉甚迫請飭豫省就近分撥並廣州待餉請飭各省速解一摺安徽藩司李孟羣由湖北赴援
廬州需餉甚亟廬州至羅田英山道途梗阻不能繞運且無可分運之款河南欠解皖餉九萬七千兩李孟羣行營距豫較近著英
桂先撥銀數萬兩迅速解赴羅英一帶李孟羣軍營以資接濟至廬州兵餉山東開斯報粉每次不過數千為數太少著該撫寬為
籌備按月如數報解毋許延誤山西陝西每月應解餉五萬兩見僅解銀二萬兩該二省協濟各處軍餉較多惟廬州待餉甚急
仍著各該撫設法籌撥源源接濟將此由五百里各諭令知之○于江西降亡府照唐張文治等祭葬世職訓導曾獻謀等祭葬世
職建祠○辛亥諭內閣李鈞奏請續頒寶鈔一摺見在節次伏汛所有東河修理事宜應添物料錢糧自應寬為籌備著戶部即行
頒給寶鈔二十四萬串以濟工需○諭官文胡林翼奏黃梅新州官軍分路初賊復勝毀平賊壘一摺湖北黃梅新州之賊由安徽
宿松等處窺竄其踞黃梅大河鋪者連營二三十里並分竄十里鋪等處五月十四等日將軍都興阿等運破大河鋪等賊壘二
十二日又破十里鋪賊壘分軍進紮賊之來撲及分撥黃梅縣城廣濟縣境者均經各路兵勇分投擊走擒斬甚多東北路賊十餘
營悉行遁走其竄踞新州張家坊一帶者分撲胡家涼亭鴨公灣等軍營官軍連戰斬獲千數百名不等賊踞望天畝並於黃土岡
等處結壘二十七八等日官軍連次進擊並合新州紳勇鈔破范家灣張家坊賊壘斃賊二千餘名官軍乘勢進剿閏五月初二等
日先燒汪家壩夫子嶺賊營三座連次斃賊一二千名或數百餘名黃土岡等處賊壘亦悉毀平張家坊黃土岡賊竄至望天畝等
處伏匿不出官軍連日進攻均有斬擒知府邢高魁朱啟仁率勇至青石嶺將山岡下賊巢數十間焚毀復斃賊千餘名安徽逆匪
大股伺竄疊經剿洗仍著官文等飭令帶兵文武悉力扼剿務將全股肅清○諭書齡奏吉安一軍剿賊復勝一摺吉安賊匪屢次
出撲均經我兵擊退五月十六至二十四等日賊眾分撲各營我軍連日大戰斃賊二千數百名記名道王鑫由吉木進剿水東南
抵周家嶺逆匪分三路來撲王鑫俟該逆逼近親率弁勇鏖戰一時親兵李繩武等連殺悍賊數名賊隊大亂伏兵奮起縱橫截擊
斬首七八百落河者千餘人踏賊五營統計斃匪數千剿辦尚屬得手所有王鑫一軍著書齡擇尤保奏以示獎勵○諭軍機大臣
等勞崇光奏需餉急迫請飭川廣等省速籌接濟等語廣西省地處邊遠連年用兵糧糈已空見在柳潯二府尚稍克復更須勦辦
暨興股匪兵丁索欠甚或結隊追呼亟須他省籌濟方可結實支持今年僅據某名琛撥銀一萬兩路乘章撥銀二萬兩杯水車薪
實屬艱窘湖南省尚有部撥未解銀三萬兩勞崇光已移咨該撫籌解著即設法撥付四川有協濟廣西經費銀十萬兩未經報解

著吳振福迅即如數撥在廣西應用此外廣東已撥未解銀十七萬七千餘兩浙江已撥未解銀四萬兩並著某名琛晏端書移緩就急起日措撥勿再遲誤惟廣西情形遠該省途遠解到需時駱秉章素能不分畛域協濟都疆著再行籌撥銀兩陸續解赴廣西俟川省解款行抵湖向境界則扣歸抵如此就近那移當可接濟要需將此由五百里各諭令知之○王子諱內閣舒興阿奏雲南省需餉孔亟請飭催各省趕解一摺著戶部迅速查明欠解雲南餉需省分分別嚴催解往○舒興阿因病乞假命來京以內閣學士候補以桑春榮爲雲南巡撫劉源灝爲雲南布政使徐之銘爲湖南按察使湖南北○邵燦庚長奏遵拾李月一股回竄王家溝子獲巢閩五月十四日伊興額等率馬步隊四面進逼該賊堅匿不出我軍用大礮連環轟擊復用火箭火彈施放人圩斃賊百餘名賊眾驚亂意欲乘隙逃竄十五十六等日我軍槍礮環攻兵勇同時並進博崇武朱玉成首先踰濠而上身中槍傷仍殺賊不肯稍退將士一擁而入立將賊圍攻破賊斬無算餘賊從缺口逃去伊興額等率兵奮力追剿殺斃馬步賊三百餘名即將王家溝子賊圩立時踏毀統計殺賊一千八百餘名生擒六十一名割取首級三百八十五顆奪獲器械牛驢車馬無數見酌調官兵勇搜剿岳家集餘黨鄂等仍飭各員弁確探李逆逆逃務及渠魁摺福建汀州光澤等處池克復以後經王懿德飭令代理臬司趙以絕根料報聞○癸丑諭內閣王懿德奏官軍克復邵武府城一印川保升參將聖定邦等統率官軍進攻邵武師次麻沙地方逆眾數千人由沙溪黃塘等處來拒官軍會合西鄉團練奮勇進剿殲斃賊匪無數城內之賊聞風膽落紛紛逃竄經聖定邦等分投截剿殲斃數百名城外賊巢悉行焚燬即於閏五月初九日將邵武府城收復零匪技捕淨盡所有在事文武員弁紳勇實屬奮勉出力著王懿德查明保奏○諭袁甲三奏連營進逼鄧圩並分剿援賊楊獲勝仗一摺五月十五十六等日我軍連營分布相度地勢揜營學該逆百計抵拒即擊退二十八日逆匪糾約姚圩馬步賊匪千餘乘虛撲援營後鄧圩之賊同時亦出五六百人擾我新營袁甲三飛派各營兜擊匪眾不支繞道竄回我兵追殺無算二十九日復派馬步兵勇徑撲姚圩斃賊二百餘名並截殺伏賊數百名奪獲槍械旗幟多件初二日擒首劉老淵等率眾三四百人接應鄧圩賊匪我軍鈔裏生擒擒首劉關等四名並將賊眾趕房一律焚燬鄧圩出拒之賊聞風遁回我軍乘勝追殺屍橫遍野二十二日乘夜進攻搶進外濠拋擲火器燒斃賊匪無數匪勢甚爲窮蹙袁甲三督率員弁兵勇嚴密堵截逆賊巢務將姚鄧兩圩次第廓清稍鬆懈○諭軍機大臣等前因御史吳焯奏黑龍江呼蘭城迤北蒙古爾山地方有荒原百餘萬畝可以開墾當降旨交奕山將有無窒礙情形檢查從前原案據實具奏茲據該將軍派員前往踏勘明確繪圖貼說奏稱自綽羅河起至通肯河止數計卡倫內外共有可墾地畝一百二十萬三千餘畝等語蒙古爾山等處向係吉林採獲捕珠之地見據查明可開地畝既有一百二十萬餘畝之多何以歷年經久並未查辦從前或另有深意該將軍請將吉林採獲捕珠之地一併開墾毋庸封禁有無窒礙之處著景道會同奕山各派委員按照可墾地方再行詳晰查勘悉心妥議據實覆奏將此名諭令知之尋奏蒙古爾山一帶向有產生靈珠之名惟自綽羅河至通肯河以及呼蘭河等處水

淺山微澆苗其稀蚌蛤不殖卡倫原地僻人稀從未謀及開墾此外並無深意拘泥封禁殊爲可惜下戶部議奏該處既有荒地一百二十萬餘畝之多自於度支有裨但弛禁開墾必期有利無弊應請飭下該將軍等詳細妥籌若於邊務殊務屯務邊務一有妨礙仍請嚴行封禁從之○乙卯邵燦庚長奏徐軍破王家灣子賊圩後伊興額等駐軍岳家集旋探李月在蒙宿交界屯踞並有逆夥赴淮南求救於張落刑伊興額即帶馬步兵勇由高家寨進剿該逆分股迎拒我軍伴退誘賊伊興額揮兵回戰斃賊二百餘名匪眾驚潰復追殺三四百名李月帶死黨百餘北竄永境當派兵勇分投堵截伊興額親帶馬步各隊晝夜窮追探明該匪暫置陳家集我軍四面兜圍斃賊五十餘名伊興額親自開槍將李月擊中落馬又被勇目李大有砍傷擒獲訊明正法餘賊亂竄追剿十餘里悉數殲盡並無一名漏網統計殺賊八百餘名割取首級二百七十餘顆奪獲器械馬無算等查李月與張落刑等同惡其清獲授三省仰賴 聖主洪福得以生擒正法伊興額身先士卒親擒首實厲謀勇俱全應如何優加獎勵恭候 聖裁

上諭內閣檢首李月與張落刑等樹幟糾黨圍攻城池擾害地方罪大惡極經邵燦庚長派委伊興額等督率兵勇生擒正法並

職醜頗實兄伸國法而快人心副都統銜侍衛伊興額著賞給額圖澤巴圖魯名號所有在事出力員弁兵勇著准其擇尤保奏候

朕施恩卹燦庚長調度有方邵燦著加恩賞戴花翎庚長著交部從優議敘○諭軍機大臣等和春奏官軍克復句容縣城一摺該

大臣等奮勇可嘉將士用命見在句容縣城防守及善後事宜布置想已妥協著即乘此聲威移兵鎮江迅圖克復本日已諭令德

興阿等督率各營兵勇攻勦瓜州並飛調水師進佔金山等處杜賊匪往來援應之路南北夾攻更易得手鎮江克復後再圖金陵該

大臣等迅奏膚功同膺懋賞朕不勝殷盼江南大營勇將林立惟文職大員可與商酌機宜者較少何桂清於江浙地方情形甚爲

熟悉前次攻勦徽甯賊匪調度有方近日籌給餉糧接濟大營不遺餘力嗣後該大臣等進兵機宜可與該督就近面商以期集思

廣益悉臻妥善張國樑已升任湖南提督疊荷恩施該能益加奮勉與和春協力同心統籌營務仰答朕恩也將此由六百里諭令

知之○諭據和春何桂清先後馳奏官軍克復句容各一摺覽奏甚慰此次句容克復即應迅攻鎮江扼斷江路以次進取金陵惟

鎮江瓜州爲江面鎖鑰金山屹峙中流必須兩岸官軍及江面水師同時並舉已諭知德興阿等迅速進攻據德興阿等前奏軍餉

缺乏甚形拮据業經諭令江蘇督撫速撥銀五六萬兩解赴揚營該大臣等所請派員赴上海收捐旣已降旨停止該督撫自應力

籌兼顧毋誤事機至和春軍營所需犒賞何桂清既備論將士此時尤應迅速發給以勵軍心和春張國樑均能奮勇圖功營中健

將亦復不少惟少文職大員隨時商榷軍情何桂清向能實心任事朕已諭令和春與該督就近面商庶可集思廣益在文武和

衷已有明效何桂清必能與和春等同心協力迅奏膚功以慰朕望所有句容善後事宜著該督即派妥員辦理至石逆有竄犯徽

州之信雖經擊退仍恐匪黨踵至繁昌青陽等處並形喫重江西浮梁景德備近婺源雖經妥籌去兵勇三千名而隘口紛歧能否兼顧從前徽甯有警皆由向榮軍營抽撥兵勇赴援何桂清在浙時與張芾邵紹良等會商調度均合機宜今旣兼轄兩江如

徽郡等處應須調兵往援卽著與和春妥商籌派金陵賊情洩散有諱可乘鄧紹良一軍能否先行攻打以爲牽制之計想該督已籌畫具奏在途矣再有人奏江蘇候補知州段洪恩前因譚盜參革於克復嘉定案內開復嗣因查有虧空復行革職六年九月完繳開復其自參革至開復九年之間不繳虧項現在省城差委於寓所設立三具擅率民間案勒令捐輸該不詳報種種聲名狼藉等語著何桂清按照所參情節確實查明從嚴參辦以肅官常原片著鈔給閱看將此由六百里諭令知之○諭本日據和春等奏克復句容縣城見籌進取鎮江後卽可專攻金陵等語江南軍營將士用命得以連克堅城日有起色惟鎮江瓜州勢成犄角非兩北虜併力進攻則賊眾互爲應援官軍難於得手見在和春等既移重兵圍剿鎮江著德興阿會同書激勵將士約期攻剿瓜州不得再有宕延至上游水師本歸德興阿等節制著卽飭令某常春等各率弁兵同時並舉下游焦山師船一併撥令援應屆時陸兵攻剿鎮江水師卽可乘機將金山蒜山蒜山等賊營盡盡俟克復鎮江卽於金山安設水師以爲大江鎖鑰使金陵賊匪不能復行下竄該大臣等督師日久亟應乘此機順利迅速奏功瓜州鼓湖之區非縣城可比經年累月糜餉勞師毫無把握德興阿等尙復何顏對朕耶至該營餉需前曾諭何桂清等於江南關稅等款內分撥接濟諒必陸續解到本日復諭令迅速酌撥以資散放矣將此由六百里諭令知之○實授何桂清兩江總督○以克復句容縣城賞和春太子少保張國棟黃馬褂○丙辰諭內閣御史陳慶松奏米糧來源阻滯請飭直隸總督曉諭商販接濟一摺京師人煙稠密民間糧食全賴近京一帶源源販運以資接濟本年春夏以來雨澤應時直隸各屬產糧處所麥收亦屬中稔乃近日糧價逐漸加增顯有商販把持居奇牟利或地方官強分畛域不令米糧出境於京師民食殊有妨礙著諄廷查各屬如有禁過米石出境者卽行參辦並出示曉諭商販人等源源運京儘敢囤積把持卽由地方官嚴拿懲辦以廣招徠而裕民食○諭戶部奏遺疏廣籌賑濟一摺京師五城飯廠前經降旨展放兩月見值糧價昂貴貧民生計維艱自應加恩量爲調劑著順天府府尹於內城六門外各擇地段添設粥廠六處俾城內感民就近領食每廠每日給粟米二石並著放至年終爲止再由該府尹察看情形辦理該府尹迅卽遵委委員會同五城認真稽查儻有不肖官吏私易米色侵蝕虛糜卽著嚴參其五城飯廠已展放至六七兩月著再加恩添放八九兩月至十月照例開廠仍展至來年四月初五止並著五城御史督率司坊各員隨時稽查勿令胥吏舞弊以資接濟而恤民艱○諭軍機大臣等戶部奏請飭江蘇浙江招商買米一摺本年進倉新漕爲數無幾糴米一項亟應寬爲籌備江浙兩省素稱產米之區上海甯波各口又爲臺米可通之地著何桂清趙德徽晏端書查照成案招商認辦糴米二三十萬石運赴天津官爲收買其米價若干卽由該督撫秉公議定並將承辦商人姓名米數先行奏報此外應加水腳及載貨免稅均有成案可備務卽查照定章奏明辦理將此各諭令知之○戶部議覆伊犁將軍扎拉芬奏防剿喀什噶爾等城回匪需餉孔亟請陝甘總督先籌撥銀十餘萬兩並山西陝西山東等省於欠解甘餉項內各按原奏數目儘先籌解以資接濟允之○已未諭軍機大臣等寄諭伊犁將軍扎拉芬奏等前因烏爾清阿將庫車回子斬梟

多名諭令扎拉芬泰派員前往密查茲據慶英固慶奏稱訪聞起費根由係烏爾清阿家丁串通回子通事蓋行推派以致釀成事端烏爾清阿任聽家丁陳泰李十與通事玉素皮串通蓋派差徭致回犯逆買鐵里等聚眾滋事並不秉公辦理輒將回犯斬梟三十名之多迨回慶路過庫車仍不肯將情節告知幸慶英業已派員前往訪明起費根由若不迅速嚴辦何以服回眾之心烏爾清阿任信家丁陵虐回民糊塗已極特克慎到任尙須時日庫車辦事大臣著固慶前往署理到任後即傳旨將烏爾清阿革職解赴英爾羌交慶英嚴訊確情從重懲處並將該家丁陳泰李十通事玉素皮一併鎖拿歸案審辦其應訊之回婦二名並應行傳質之章京回犯等均著照所請辦理此案情節扎拉芬泰已派員訪查明確如有別項情弊著一面具奏一面知照慶英訊辦將此各諭令知之○伊犛將軍扎拉芬泰調赴喀什噶爾之伊犁官兵啟程進陳征兵遠戍不若近募民勇協防得力得旨所請俱屬妥協遣勇一項若打仗奮勇實在出力者作何安置可查成案奏聞○駱秉章奏查江西賊眾回竄樂安王龔攻破水東賊壘後擬回師潛襲樂安之賊忽探報廣西金田起事老賊偽請天候胡壽階率賊數萬自甯都州來將由沙溪接吉安閏五月初十日王龔分隊迎擊賊大敗奔逃陣斬賊首胡壽階追至瑤嶺路岐而反擊賊羣附而上自相蹂躪官軍槍擊矛戟紛紛下墜復窮追至馬嶺石地方計四十餘里約斃賊五千名大小賊目六七十名生擒賊六百餘名奪獲大小旗幟四千餘件長矛八千餘枝刀靶鳥槍千餘件十一日偽將軍譚姓率眾二三千屯於瑤嶺徘徊不進王龔令所部出隊佯卻以誘之賊始下山官軍分三路疾馳而進賊不戰自潰追至五星石地方賊盡逃竄又追至嚴坊沿途斃賊八九百名各路圍剿技殺逃賊二千有奇查王龔一軍僅三千人卒能以寡擊眾巨懸殲除實爲罕見該員忠勇性生洞曉軍務其步伐整齊軍令明肅有古名將風可否賞加勇號以示優異之處出自恩施奏入賞王龔巴圖魯名號○辛酉命昇福來京以葉圭書爲山東按察使由廣東調○以揚州軍營出力免已革漕運總督楊殿邦罪留營差委○壬戌諭內閣惠親王等奏蒙古王貝勒台吉喇嘛等呈請捐輸馬匹代奏請旨一摺蒙古貝勒台吉喇嘛等因軍營需用馬匹情願共捐馬六千七百匹洵屬出於至誠深堪嘉尚所捐馬匹著即賞收此項馬匹著察哈爾都統於七八月間照數驗收咨報該部後再由理藩院將該王貝勒等奏請獎敘○癸亥諭軍機大臣等福興奏籌餉餉局賊匪兼籌廣信防務一摺江西瑞州等處大兵雲集推東路兵力較單撫建兩城急難收復茲據福興奏欲勸撫建必先將饒屬賊匪肅清以固防防庶皖鄂等處援匪無由假道等語所籌係爲嚴絕賊援起見著福興即飭總兵李定太管帶卽由萬年樂平一路統兵進剿務將饒屬匪匪悉數殲滅毋任賊匪來往自郊至該將軍於李定太進兵後著卽由貴溪弋陽移營前進以爲後路聲援福興移營以後廣信不免空虛所請飭令饒廷選就近兼顧之處著晏端書斟酌情形或將見駐常山之兵移赴玉山或分撥一隊進駐廣信以重防務而顧全局將此由五百里各諭令知之○命何俊來京以楊能格爲江蘇布政使王有齡爲江蘇按察使由雲南調○乙丑諭軍機大臣等扎拉芬泰奏阿克蘇安設糧臺請派員總司其事並慶英固慶倭什確布奏請飭陝甘撥餉各摺片阿克蘇爲南北扼要之地

見在大兵進剿回匪自應安設糧臺以資轉運等語即派海樓總司辦理見在內地軍務未竣需餉浩繁是以欠解甘餉爲數甚鉅此
次回匪倉卒起事一切支發斷難照例前成案辦理著該將軍即傳旨令海樓總司酌用毋許遇事鋪張事竣之後即責成海樓
實報銷一手總理見該軍官兵一千五百名喀喇沙爾等處蒙古兵三千名烏嚕木齊官兵一千五百名前往會剿兵力已厚著
即嚴飭帶兵各員兼程前進將略英兩城回匪痛加剿洗以期及早肅清倘有遷延觀望貽誤事機者即著嚴參懲辦至各省應
解餉銀前已諭令山西陝西山東河南共撥銀數十萬兩已據山西撥銀十萬兩解赴甘肅此外各省本日復降旨飭催該必源源
接濟該將軍大臣等於餉銀到後務須查看各路緩急情形均勻分撥將此由五百里各諭令知之○諭前因喀什噶爾等處賊匪
滋事屢諭陝甘山東河南等省籌解餉需諒皆遵照辦理本日據倭什布奏派兵赴喀什噶爾等處策應並撥兵往阿克蘇防堵
其餉無款可籌請飭陝甘總督即指銀十萬兩解往又據慶英等奏各路調派官兵約六月中齊集葉城彼處兵餉自願不暇急需
內地餉銀並請飭陝甘速解數萬兩等語見在回疆需餉孔亟刻難緩待榮斌諒已在甘省設法籌措先其所急惟該省庫項無存
全賴各省解到方能分撥見據山西巡撫王慶雲奏到已撥銀十萬兩起解在途此外山東省應解銀二十萬兩尚未據奏撥著崇
恩即飭藩司籌款陸續起解毋許遲延河南省前派撥二十萬兩雖見辦軍務恐一時未能湊集仍著慶英桂先行酌撥銀數萬兩以
資接濟至陝西欠解甘餉已諭督望顏儘先籌撥銀五萬兩解甘此外如能酌量籌款並著酌量撥解毋誤要需見在回疆兵力並
非不足惟餉需久絀徵調爲難各該撫等接奉此旨務各籌款迅速解往甘肅以便樂試均勻轉解各城以資支放俾得越日成功
將此由五百里各諭令知之○諭御史王德固奏請添設總兵一摺據稱河南額設總兵二員河北額在省西北南陽鎮在省西南
其東南之歸德等處並未設有專閫大員歸德府爲東面入省門戶地無險阻接壤箱宅萬鴉曹單向爲匪徒出沒之區僅有參將
二員難資鎮壓見值剿擒喫緊請添設總兵一員其毗連歸德之光州陳州府各屬營伍均歸管轄並請將歸德原設參將一員量
移光州補實策應自爲地方緊要酌量變通起見著英桂酌度地方形勢及營伍兵數多寡是否應行添設移改之處交該員奏將
此諭令知之○丙寅官文胡林翼奏皖省賊匪因年荒糶盡裏餓民數十萬由黃梅廣濟蕪州蕪水等處間道上竄我軍分路堵
禦凡大小五十餘戰殺賊萬餘聞五月二十七日南勇各營於蕪州之望天畝開仗獲勝竭力窮追殺賊千餘不意深入險地伏賊
擊起圍鈔我軍營壘全失退至蕪水臣胡林翼甫抵黃州正值我軍收退即駐黃州收集潰勇補製軍械已飛調水師嚴密扼守沿
江並調候補道王鑫同知劉騰鴻自江西來援至李孟羣尙阻英山不能前進餉道阻梗難以接濟即調令自羅田返攻斬水擊賊
之尾並咨行都興阿等若賊匪不遽上竄下游糧道尙通自以穩固九江小池口營壘爲是或分撥馬步相援上援務須妥爲籌畫
惟楚北肅清數月又爲賊窺臣官文胡林翼調度失宜令窮寇復熾咎實難辭應請旨將等交部議處上諭軍機大臣等湖北
爲上游扼要該逆意在必爭此次南勇敗退原因賊勢眾多所致惟該督責備賊民不過處合之眾似尙不難剿散見在胡林翼已

抵黃州收集潰勇補製軍械著即督率各路兵勇迅將上竄各匪分兵截剿毋令蔓延該大臣等見調水師船炮扼守沿江並調王
靈劉騰鴻由江西援剿自因賊軍兵單不敷調遣之故其李孟羣一軍本係赴援廬州見在已抵英山正宜乘勝進剿特遵行調回
則廬州當挫敗之後困守無援必致愈形危迫所有李孟羣一軍著毋庸調回該營兵餉已諭令賑濟設法接濟矣至大隊官兵圍
攻九江小池口正在喫緊務須察看緩急酌量調撥毋得顧此失彼致九江賊勢復張此次斬擒賊匪已至萬餘南勇退敗係因賊
勢太眾官文胡林翼自請議處之處著加恩寬免將此由六百里諭令知之○諭官文胡林翼奏皖省賊匪傾巢竄至新水一摺安
徽道匪裏宿太饑民數十萬由黃梅廣濟新州等處分路開道上竄楚軍分路抵禦挫斬逆匪已至盈萬無如賊勢太眾南勇失
利軍壘全失退至新水胡林翼前往策應業經收拾隊伍分紮黃州湖北水陸各軍正在九江小池口圍攻喫緊之時今中路忽為
賊斷官文等已調李孟羣還攻新水擊賊尾路惟皖省賊氛尚熾李孟羣已抵英山若令折回恐廬州更無援應本日已諭官文等
無庸將李孟羣一軍調回俾仍由英山前進節節剿洗以遏皖省賊勢但道路梗阻湖北不能接濟所有該藩司一軍餉需著福濟
源源分撥毋令缺乏此次皖賊由宿太等處傾巢竄入楚境實因皖省無兵牽制致令該逆恣意上竄福濟鄭魁士生擁重兵何得
保守廬州一籌莫展見在逆匪全力注意楚疆則皖境必有可乘之隙著福濟鄭魁士迅速出兵為搗虛攻瑕之計毋得專待李孟
羣救援致成坐困之勢至安徽雖係殘破之區賊蹤踰地整頓較難然地方官若得幹練之員激勵鄉團安良除莠綏輯一方即少
一方之憂著福濟撫皖有年於察吏安民之道並不講求安望軍務日有起色務當振刷精神力圖補救若徒知索餉以供坐守之
兵於軍務有何裨益耶將此由六百里諭令知之○丁卯諭內閣何桂清奏查明沙船被劫處所應由山東巡撫查參等語本年江
浙運糧莊合順等沙船在蘇山養馬島等處被劫派管將弁不能實力巡護非尋常疏忽可比既據該督等查明石島距江蘇洋面
千里而遙蘇山在石島之西養馬島並無其名惟有養魚池在石島之東均係山東榮城縣管轄著崇恩查明該管水師將弁即
行嚴參懲辦毋稍姑容○戊辰曾國藩奏查湘勇自臣離營後赴江西投效者安謐如常吉安臨江屢獲勝仗將軍福興巡撫蕭齡
先後至瑞州視師犒賞各營皆歡欣踴躍樂為用命可見士無常親惟撫馭者是親不必楚人而後能用楚眾也臣以丁憂人員未
開實缺寸心終抱不安竊疑從戎明臣黃道周目為不祥之人合無顯懇天恩仍准開除兵部侍郎賈缺俾得回籍終制感激鴻
慈實無既極上諭內閣曾國藩以督兵大員正當江西喫緊之際原不應遽請息肩惟據一再陳請情詞懇切朕素知該侍郎並
非畏難苟安之人著照所請准其先開兵部侍郎之缺暫行在籍守制江西如有緩急即行前赴軍營以資督率此外各路軍營設
有需才之處經朕特旨派出該侍郎不得再行瀆請致孤委任諭軍機大臣等德興阿和春等身膺統帥重任江南北朝賊事宜應歸該大臣
遵並據和春將何桂清原文咨會請仍遵前旨辦理以專責成等語德興阿和春等身膺統帥重任江南北朝賊事宜應歸該大臣
等調度何桂清本非專辦軍務此次咨調泊承陞等師船歸和春等調遣原為速克鎮江起見既據和春咨會南北夾攻不分畛域

德興阿等即可仍遵前辦理不至更形掣肘見在籌攻鎮江非水師不能廓清江面況器械彈藥多該逆恃為障庇必得調集師

船先用火攻焚毀方能直抵金山及銀絲等山攻其水營俾後不獨鎮江可克即瓜州亦在掌握中矣據德興阿奏張國棟已到

鎮江和春亦即日移師前往南岸大兵業經雲集德興阿等務當督飭各軍水陸並舉與和春等合力圖功速拔堅城待膺懋賞朕

不勝盼望之至將此由六百里各諭令知之○已以徐樹銘為兵部右侍郎由內閣○庚午諭內閣譚廷襄奏地方梟賊充斥請

變通從嚴懲辦一摺直隸天津河間與山東毗連等屬向多鹽梟出沒數百為羣每經商巡攔阻拒捕搶劫橫行無忌兵役追緝亦

復此擊彼竄若不嚴行懲辦何以除兇暴而靖閭閻嗣後該二府與山東毗連各屬商巡隨同兵役緝匪著准其攜帶鳥槍如遇大

夥梟販仗拒捕准其格殺勿論其尋常自行緝私仍照舊章辦理至地方官查拿梟販如遇大夥匪徒數十人及百人以上橫行

搶劫即照拿辦土匪之例審明後先行就地正法其尋常並非大夥梟販及偷扒灘坵等案仍照定例辦理以示區別該督即通飭

各該州縣率團練加派兵役無分畛域合力兜拏毋任著名梟販得以倖逃法網○辛未諭內閣海模奏阿克蘇地方擊退賊匪

請將伯克獎勵一摺阿克蘇所屬柯爾坪地方突有賊匪五百餘人直撲卡倫經該處伯克哈色木帶領回兵前往迎擊殺賊多名

該匪敗回復帶兵追趕至齊林底卡倫又斃匪十餘名賊眾奔潰追殺十餘里每獲槍矛馬匹多件五品頂翎六品伯克哈色木擊

退賊匪不至蔓延尚屬奮勇可嘉著加恩賞給四品頂帶以示鼓勵○壬申子病故統帶師船蘇松鎮總兵葉常春定海鎮總兵周

士法照軍營病故例優卹○癸酉諭內閣譚廷襄奏遵旨招商運糧赴京懇恩免稅一摺見在譚廷襄嚴查各屬如有州縣

販運米糧由天津通州轉運來京接濟民食所有該商等沿途經過地方著准其免稅以廣招徠仍著譚廷襄嚴查各屬如有州縣

遏糴及商賈把持等弊即行嚴參懲辦○諭王懿德奏官軍克復秦甯縣城一摺閏五月二十一等日福建提督鍾寶三統帶兵勇

進攻秦甯縣賊匪該逆膽敢出撲我軍槍礮齊施斃賊一百七十餘名生擒張得仔等十一名正法餘匪向政抗拒鍾寶三督率各

軍長驅直進即於二十二日將秦甯縣城收復此次鍾寶三親督各軍進剿辦理向為迅速著即乘勝進剿並將建甯縣城克復所

有在事出力員弁著該督查明保奏候朕施恩○烏勒洪額文謙錢忻和奏俄人到津聲稱有知照理藩院公文來津投遞並就近

等候覆信業經派員相機開導該國欲投文不肯說明來意奏入命文謙親往俄船曉諭○直隸永定河溢○甲戌諭內閣王懿

德奏官軍克復建甯縣城一摺閏五月二十六等日福建提督鍾寶三統帶官兵進攻建甯縣賊匪該逆紛紛撲抗拒守備陳詔舞手

刃執旗賊目一名把總汪士忠矛刺悍賊數名各軍槍礮齊施殲斃逆匪數十名該逆紛紛退逃自相踐踏餘匪奔竄入城兵勇奮

力圍攻轟斃城上賊匪多名大軍繼進斃賊一百餘名生擒李長奎等八名正法奪獲大礮火藥器械甚多當將縣城收復餘匪由

北門竄逃經驛甲壯丁窮追斬賊不計其數參將林策勤等分路技捕均有斬擒見在邵武府屬各縣均已一律肅清勦辦尚為迅

速著鍾寶三乘此聲威會攻甯化縣城剋期收復盡殲醜類毋留餘孽具在事出力員弁著該督查明彙案保奏○乙亥諭內

閣昨據御史毛昶熙奏參步軍統領聯順徇私廢法各款當令左都御史肅順而傳諭旨令將所參劣蹟據實詳奏本日復據該御史奏稱已革筆帖式慶陽係聯順親戚今在步軍統領衙門影射辦事攬權納賄廣置房產上年作壽演戲五營將備齊往慶賀營汛爲之一空其爲聯順腹心縱容舞弊已有實據著派端華偕格林沁即將慶陽拏獲會同刑部審訊慶陽家產並著端華等嚴密查封至所參聯順得受營規堆撥兵役每多缺額等款著一併查明具奏聯順著先開步軍統領缺聽候查辦○諭恆春榮奏查回匪竄至省垣見籌勦情形自請嚴議一摺曲江回匪句結激江等處回夷竄至省垣城外肆行焚殺該督撫身膺疆寄未能先事豫防咎有應得除恆春榮經身故加恩寬免外雲南巡撫桑春榮及在省司道等均著交部嚴加議處○諭舒興阿桑春榮奏督臣憤急自盡一摺覽奏殊堪駭異雲貴總督恆春慶歷中外平日辦理尚屬認真因回匪偏近省城難事處危急而城池並未失陷該督自應力籌堵剿乃甫經具摺自請嚴議旋於六月初一日夜與其妻博禹特氏在署自縊封疆大吏當時事艱難之際不思力圖挽救輒以一死卸責不惟無益國事抑且貽誤大局死出無名與致命疆場者不可同日而語惟覽其遺摺因堵剿計窮自怨誤國殃民一死不足蔽辜且掩掩以圖計民生爲念無一語涉及家事其情亦甚可憫所有該督自請嚴議之處著加恩寬免仍給卹予卹典以昭平允○諭黃琮等奏辦理團練無效請交部嚴加議處一摺前任兵部侍郎黃琮江西道監察御史寶瑋廣西左江鎮總兵周鳳岐辦理團練因回匪猝至未能抵禦致撲省城均屬咎有應得惟該員等俱係紳士與地方官究屬有間黃琮寶瑋周鳳岐均著加恩改爲交部議處○諭軍機大臣等本日據恆春榮奏曲江回匪句結同夷竄及省垣請飭撥兵餉復據舒興阿桑春榮奏督臣恆春事急自盡聞之不勝駭異雲貴總督一缺見辦軍務甚爲緊要已降旨著吳振械調補即赴新任毋庸來京請調矣川省接壤滇疆見在大理尚未克復全滇官兵一半外調臨安府屬曲江回匪復句結激江等處同夷潛至呈貢縣聚斂千人衝散團練偪及省城見在桑春榮等籌畫守禦兵餉均缺吳振械著再於川省挑撥精兵二千名親自督帶赴滇並在河籌撥餉銀五萬兩迅速委解爲接濟軍需之用毋得遲延致誤四川總督印務即交藩司祥奎護理雲南回匪滋事已閱年餘其始由地方官區分漢回之見不能秉公剖辦及至勢成燎原復未能分別良莠勸撫兼施以致回匪潛蓄異志常謂漢人欺回日事報復此大恆春等呈遞該回僞示歸咎於劣紳欺陵大吏偏袒覽其措詞尙未敢公然背叛吳振械於雲南情形頗能熟悉經朕委以親鉅重任務即先行出示剴切曉諭但分良莠不分漢回俾先聲奪人解散黨與到滇後思威並用以通權達變之方不爲浮言所惑方能帖服人心挽回大局該督閱歷已深辦事素有把握此中操縱機宜著即悉心籌辦該回僞示並著發給閱看再新授湖南臬司徐之銘籍隸貴州於滇省回務情形尙爲熟悉茲已調任雲南臬司俾該督得收指臂之助將此由六百里諭令知之○諭曲江回匪句結激江回夷至省垣焚殺狂悖已極惟據恆春將該回民僞示咨送軍機處朕覽其詞意尙未敢自居於叛逆總以漢匪叛逆有據爲詞可見前次辦理總未得其平以致回民有所藉口桑春榮已補授巡撫本日復調吳振械爲雲貴總督並諭令由四川

帶兵一千名餉銀五萬兩馳往通省相機辦理未到任以前雲貴總督印務著榮榮暫行兼署趙春所調各兵已到百務當督飭文武各員實力堵剿毋稍疏懈同官係滇省百姓辦理之法但須分別良莠不可歧視漢回務將此意刻切曉諭俾知官兵朝辦毫無偏袒庶幾知感知悔可以解散其黨吳振械到任後該撫即會同籌辦軍務毋請來京請訓將此由六百里諭令知之○調吳振械爲雲貴總督以王慶雲爲四川總督伍福爲山西巡撫常績爲山西布政使

○丙子諭內閣端華留格林沁奏遵旨查封慶慶家產查有私存案卷各件有非體制等語向例各衙門案卷均應收存官所何以已革筆帖式慶陽寓所存有步軍統領衙門案卷及各項報單著聯順明白回奏

二十五日渡濠環擊投誠賊曰內應各勇緣梯登城逆匪猶悍死巷戰兵勇分投兇殺共殲斃三千餘人奪獲軍械一千餘件富將

縣賊克復在事出力人員著該撫查明擇尤保奏○諭著齡奏進剿永豐各股匪徒疊次獲勝一摺候補道王鑫帶兵馳抵永豐在沙溪等處追殺逆匪生擒賊首前據略乘章奏報已降旨分別獎卹茲復據首齡奏稱五月二十一日王鑫由沙溪追賊至鄒源地方焚毀賊營通計斃賊二千餘名生擒數百名其吉安賊匪屢次出掠均經知府趙煥聘等擊敗萬安賊匪亦經水師副將李鳳年奏請

算此次在事出力各員著着齡擇尤請獎○諭軍機大臣等曾國藩援剿江西之師多係楚勇素稱得力茲據給事中李鶴年奏請勇自曾國藩回籍後漸忘記律頗有扭捏情事此項楚勇見歸何人管帶著福興著齡查明如有滋擾情形即飭帶兵之員妥爲約束無令滋事前據曾文奏安徽逆匪分股上竄南勇天刑已微謂王鑫一軍回楚應援但王鑫見在吉安勦匪應屬得力令赴

何人可以接管或因吉安正當喫緊即將王鑫暫留江西俟克復吉安再令前往湖北著福興著齡酌量辦理至福興前奏派李定太帶兵由萬年樂平一路進剿饒州匪徒將軍即由貴溪大陽前進以爲後路督接見在福建連克城池池撫建賊勢稍稽福興止

可督兵節節進剿如能會合圍兵不難痛殲醜類規復撫建二城著福興體察情形相機辦理毋得遷延贖誤將此由五百里諭令印之○戊寅諭內閣和春奏圍攻銅江逆匪獲勝一摺白涿水向容相繼克復後經和春等督飭各軍移營規復鍾江府城張國傑率同虎嵩林等連日紮營備進六月十一日銀臺山賊疊出七八千人分路撲來都司周顯親等迎擊賊數十該逆恃眾抵拒張國傑率領副將李若珠等接戰復斃多名張國傑揮令李若珠等左右夾攻周天培馮子材等從後鈔擊斃賊不計其數並擊倒黃衣悍賊數名乘勝追擊該逆拋散聚駐山梁槍礮回抗我軍目燈槍上斃賊甚眾餘皆敗逃甘露寺金山等處復出賊千餘來接余萬清虎嵩林等督兵分途截剿總兵泊承陞等亦督水軍攻打甘露寺賊營逆勢大敗狂奔官軍追殺至城西門逆賊且落網死

營均在將王廟一帶距瓜州賊營二十餘里每遇出隊甫近賊營兵力已疲不過開槍放礮未幾即力攻擊匪伏衆不出往往未
經接仗旋即收隊所獲匪情非遠有宋能盡賈之處採聽輿論似非無因等復加訪察該大臣從前打仗尚屬勇健近年親
身督勦之時甚少外間有患病沈重行動維艱之語臣和春上年伏聞至江南時繞過蔣王廟曾經接見步履一切如常並無病情
至侍衛趙秀言論尚屬明白似無乖謬情形惟與德輿阿不甚浹洽雖無把持情事但與軍營究屬未宜可否飭令回京供職上
諭軍機大臣等據和春何桂清奏侍衛趙秀帶兵不能得力等語趙秀在揚州軍營曾經德輿阿等保奏賞給副都統銜該侍衛帶
兵打仗究竟能否奮勇著德輿阿等回書秉公確查如果該侍衛在營不能得力即據實具奏再降諭旨命三品頂戴已革江蘇
巡撫許乃到赴欽差大臣和春軍營幫辦軍務賞已革山東巡撫張亮基五品頂戴幫辦雲南勦匪事宜命潘楷來京以禮送
爲首州按察使由刑部議處○是月減江蘇橫浦等六場被災蠲課十分之三

八月東華錄七十三

秋七月庚辰朔享 太廟 諭軍機大臣等本日據常清奏回匪滋事請派令前往會同勦堵等語此次回匪滋事各城派兵堵剿

其十爾恩特等處官兵三千名經裕瑞管帶出境勦辦常清熟悉口外情形既據聲請前往會勦著即准其折回會同勦辦管帶土

爾恩特官兵相機進剿並商同法福禮慶英由葉爾羌一帶探明何路緊要即由何路進剿毋得株守一隅致令該匪蔓延將此由

五百里各派令知之 辛巳諭內閣前因御史吳焯奏江南糧臺委員蒙混侵蝕各營營交何杜河豐德職查奏該據和春會同該

督撫交和裁法元貞隨時察辦並請分別懲處以挽積弊等語嗣後糧臺各員果能潔已奉公實心辦事自應或著勞績請獎或

至辦理不善各員除查無侵吞人已情弊者仍照例參辦外其有營私舞弊欺捏侵蝕該大臣等查有實據無論官階大小著一面

奏聞即將該員以軍法從事以儆其餘○壬午諭內閣惠親王等奏遵議散放八旗駐米一摺著照所請八旗滿洲蒙古漢軍贖內

務府三旗每日每旗各領米六石由戶部發給該旗都統酌量戶口多寡分成散放並著查該御史會同各該旗都統酌量

往監視以昭實覓在米價昂貴八旗生計維艱若次至九月始行散放恐不足以資接濟著各該旗於酌定章程後自本月起即

行散放以示朕恩著速沛至意至入執官紳中有願捐資助賑者即照所議合赴捐銅局及火藥營上兌另設收存以備採買米石

之用○諭軍機大臣等據惠親王等奏風聞吉林所屬地方近來糧石甚賤惟陸運至海關價過多查有遼河一帶東股自吉林圍

場山內發源流至昌圖地面與西股匯流曲折入海截糧二三百石之船尚可行惟自匯流以上東股小淺忽人帶雜行若能用

小船利運則該處糧石可以出境等語見在京師糧價昂貴民食維艱必須豫籌糧石寬爲儲備著慶祺派員會同查明吉林與盛

京通舟河道如可運載糧石直達海口並無阻礙或等款採辦或招商販運該將軍等即行妥議奏明辦理將此各諭令知之○諭

官文胡林翼奏水陸布置情形並營次塔棚長勝一招武漢黃州等處水陸要隘均經官文等派撥精兵扼守賊無從上竄並於

官文胡林翼奏水陸布置情形並營次塔棚長勝一招武漢黃州等處水陸要隘均經官文等派撥精兵扼守賊無從上竄並於

官文胡林翼奏水陸布置情形並營次塔棚長勝一招武漢黃州等處水陸要隘均經官文等派撥精兵扼守賊無從上竄並於

黃梅等處連日接仗獲勝辦理尚屬周妥李孟舉一軍既可無庸折回其王鎬等兵勇前因在吉安剿匪得手論知壽齡酌情形
或俟吉安克復再令該員赴楚此時楚北軍情較緩且江西尤家李嶺宜南勇到營兵力已數增剿辦所有王鎬劉騰鴻各軍善官兵
胡林翼即日行文知照著諭毋庸折回湖北至斬水等處賊匪非痛加剿洗不足以杜其窺伺九江小池口頓兵日久亦應迅速進
攻胡林翼到黃州後重振軍威即著督飭兵勇迅速籌辦毋再延緩將此由六百里諭令知之○諭福清等奏餉需久缺請飭准海
各關按月委解等語皖省鹽課和餘等項各處見存兵勇合計尚有二萬每月需餉十餘萬兩著分給李孟舉一軍而指撥各處
之款解到無幾亟應量為協濟著何桂清趙德轍酌量情形不必拘定准海各關如有可以移緩就急之項即迅速籌撥銀數萬兩
派員解交福清軍營以資接濟將此由六百里諭令知之○諭福清等奏皖省兵餉兩難急難進剿一摺據稱鹽課和餘等項各處
見存兵勇尚有二萬餉需無款可籌請飭山陝各省及准海各關按月如數委解等語山陝兩省撥解贛州餉需雖未能如數而按
與二三萬兩尚無貽誤見在京餉及揚州湖北之餉皆取資於該二省近以回疆滋事復令撥餉數十萬兩是該二省解款甚多未
便專為贛州再事嚴催本日已諭知何桂清趙德轍不必拘定准海各關趕緊籌銀數萬兩解往贛營此項餉銀解到即可分撥李
孟舉行營以資接濟李孟舉一軍本係赴援贛州且已入皖境豈能不由皖省接濟本日據官文奏已撥銀二千兩解往並有兵
勇潰赴漢陽就食之語福清竟稱無項分給將聽其紛紛飢潰隔膜視之耶至德興阿咨調吉林等處官兵一節福清株守梁園既
稱難以進剿則留兵亦止為防守之計見在德興阿軍營正當會攻喫緊之際仍著飭令撥回以資攻剿將來瓜鎮兩處克復尚可
分兵赴皖以圖大舉此時自當先其所急不應以有用之兵徒事防堵也將此由六百里諭令知之○癸未諭內閣上年入秋以後
近畿一帶時見飛蝗旋據直隸等省奏報亦各有飛蝗停落之處疊經降旨嚴飭地方官吏認真撲捕原慮蝻孽滋生致傷禾稼是
以古來捕蝗之法或付之烈炬或填之深溝總以不遺餘孽為要務近聞各省被災之處民間訛稱蝗為神蟲不肯撲捕鄉愚無知
殊為可憫著通諭各省督撫飭令地方官一體出示曉諭如遇飛蝗入境無論是否傷稼務須盡力撲捕勿得惑於俗說任令蔓延
至合典所載劉猛將軍為驅蝗正神於雍正年間會奉 諭旨飭令各省建廟致祭上年飛蝗四起秋稼未傷今年春夏各省奏到
蝻孽滋生處所或並未停落或收捕滑消並有經雷雨掃蕩無蹤者此皆靈爽驅除默為呵護應如何酌量加增致敬之處著禮部
覈議具奏○甲申諭內閣聯順身任大員於奉旨飭令交出之家人遷延不交已逾三日顯有隱匿情弊殊屬可惡著由自取聯順
著先行解任質訊並派端恭恪格林沁即日前往將該員家產查抄母任隱匿奇頌○乙酉諭內閣御史曹登庸奏學政輕浮乖謬
請飭查辦並將所出試題開單呈覽一摺河南學政俞樾出題割裂致令文義難通據該御史開列二十題俱係不成句讀荒謬已
極至所稱科試鄉童生文題誤出破句幾致罷考按試河南府時生索棚規遲留三日均屬有玷官箴俞樾著即革職交英桂督
同藩司瑛榮將所參各款秉公查辦據實具奏毋稍徇隱○諭李孟舉奏官軍收復霍山縣城一摺李孟舉一軍自入安徽攻克英

山縣城當經諭令乘勝進攻霍六該藩司督率長勇進抵霍山城下於六月初三四等日出隊攻剿即收復縣城所辦尙屬得手仍
善該藩司督軍進克六安漸清皖境○袁甲三奏鄧圩之賊本爲三圩領袖兇惡巨匪多聚於此並有龔逆派來總管三圩之首逆
李寅九屬異常狡悍必須極力勦洗當與史榮椿朱連泰等籌商飭令各營接連挑濠一週寬深均約八尺並於沿濠槍築月廳牆
上密開礮眼由下轟擊四面礮臺由上轟擊賊已無可躲避正在督辦開探聞難色集宮吉寺等處游匪糾約悍之一人鄧圩接應
因無路繞越悉在附近姚圩之龐莊聚賭希圖牽掣我兵遂於五月二十八日四更時出隊疾往衝擊該匪猝不及防倉皇四竄立
時殲斃三百餘名旋據報捻首劉老淵等復勾結南路竄賊欲赴鄧圩應援行至楚店集遺其心腹捻首張廷程倫等先至龐莊豫
爲布置適被官兵擒斬餘眾聞風驚潰有竄往東北一帶之說六月初九日趙旗屯上下有馬步賊匪兩股一由東來鈔機大營一
向西去搶奪運糧船隻經臣密派侍衛梁長三等於初七日黎明出隊行至趙旗屯之虞家樓遇賊接仗斃匪八九十名一面派知
府衙田良等乘夜出隊初十日行抵廟集東南之戴家樓適與西竄之匪相值我軍分投鈔擊斃賊百餘人該逆折而南竄於十二
日直撲朱連泰營臣嚴飭各卡併力防守並派各營鈔擊賊即潰退據獲賊供稱劉逆糾合李月餘黨意圖南竄復爲英桂之兵
阻截懇促折回闖入宗家圩內希圖占踞等語正擬乘夜往剿詎該匪復於十三晚間悉眾來撲得勝營經臣飛調兵勇由外堵截
斃賊數百名餘眾驚逃我兵追至圩根斃賊甚多其未及入圩者斬淨盡復飭附近宗圩練德高錫齡等於十四日直撲宗圩斬
擒多名十五日劉逆等復在姚圩附近之李八莊王小莊另營兩窟圖與姚圩聯絡一氣當派知府徐曉峯等帶領兵勇於四更時
出隊先至李八莊賊眾正在紛紛築壘見兵即竄我軍立將圩身平毀旋即進攻宗圩毀其圩牆掃蕩餘孽而回自是鄧圩之賊知
外援已絕圩中糧食俱盡互相搶奪等時間內臣察探賊情實已窮蹙二十二日正欲偏圩直進忽見賊眾一律散去圩門自開破
霄圩民將逆首李寅並本圩逆目鄧大淵鄧長清等及著名悍賊劉破頭等三十五人悉數縛獻跪求乞命當飭史榮椿等分別辦
理並將賊圩燒燬二十五日進攻姚圩忽見圩內逸出二百餘人皆已蓬髮懸求立功贖罪臣察其情詞懇摯因諭令將附近姚圩
之王小莊新圩幫同官兵攻破方准免罪二十六日該圩民隨同兵勇將王小莊立時攻破斬殺甚多餘匪向東逃竄查鄧王姚三
圩領袖抗拒前雖將玉圩攻破而鄧圩負隅常姚圩尙勢難遠及復有另股賊匪添踞三圩四面環擾殘有應接不暇之勢仰理
皇上天威半月之內不惟新舊五圩一氣掃蕩且著名巨惡悉悉數就擒洵足大快人心總兵史榮椿朱連泰前奉諭旨俟攻剿
三圩完竣再行加恩優獎現在鄧圩姚圩均已蕩平可否卽沛恩施恭候 欽定 上諭袁甲三剿賊疊勝連破鄧姚兩圩生擒逆
首並將另股賊匪各圩一律毀平袁甲三調度有方此次勦撫兼施辦理尤爲妥協著加恩賞戴花翎以示獎勵○諭軍機大臣等
李孟羣一軍由湖北赴援廣州一次克復城池見擬進攻六安惟軍餉缺乏士卒飢疲河南勇已散去二千餘人雖經截令歸伍募
明充補而營中不繼潰散環竄該上司見在六安廬州節道尙未能通前經官文英桂各解銀三四千兩接濟業經散放無存著吳

桂丹籌銀三四萬兩就近解赴李孟軍軍營俟有由豫解赴廬州之餉准其截留扣還此路兵勇攻剿頗能得力於皖豫兩省大局
攸關英桂接奉此旨務即迅速籌撥毋延誤至所請飭撥馬隊官兵助剿等語見在各路馬隊惟容照所帶五百名近在宿州著
英桂酌量情形如宿州見在防剿稍鬆即飭容照帶領馳往六安協同李孟擊攻剿將此由六百里諭令知之○諒李孟擊奏克復
霍山縣城擬攻六安附陳勇糧缺乏並請飭撥馬隊等語該藩司自英山進剿後疊次獲勝見當糧源勇飢猶能激勵軍心使士卒
忘其飢疲固殊樂於效命旬日之間即將霍山縣城克復調度允合機宜六安州逆匪聞有窮蹙之勢仍當乘機進剿與廬州官軍
會合庶可次第殲除疊經諭知福濟分撥餉銀總未能設法疏通遑路以致勇多散去雖據官文等奏委解銀二千兩前往接濟亦
恐杯水車薪難資挹注本日復諭英桂撥銀三四萬兩解赴李孟軍軍營俟各省解院餉銀經過豫境再行截留扣抵諒必能就近
協撥至所請添撥馬隊並諭英桂酌量情形如宿州賊勢稍鬆即飭容照帶領馬隊五百名前往該藩司軍營助剿李孟擊務當先
孰見有兵力無圖攻剿六安迅拔州城期與福濟等會合進兵肅此醜類將此由六百里諭令知之○以廣福為理藩院尚書
高郵○以攻剿安徽鄂圩等處賊匪出力提總兵官史榮椿為提督賞總兵官朱連泰巴圖魯名號子陣亡理問銜江繼陶等祭葬
世職○丙戌議軍機大臣等本日據海模培成奏和闐軍臺被擾文報不通各一摺喀什噶爾回匪滋事葉爾羌東路軍臺業經梗
阻和闐草地所設軍臺專通文報關繫甚重乃該匪復敢於波斯坎木軍臺肆行擾亂以致文報不通和闐距該臺六站兵力甚單
培成覓飛香海模將葉爾羌前調應援後路官兵酌撥數百名由草地馳赴和闐順道迎擊喀什沙爾烏魯木齊次往葉爾羌應援
官兵已於六月初八九等日啟程不日均可行抵阿克蘇即可酌撥前往和闐免致由葉爾羌再行折回南路徒費時日該處布魯
特回匪諜類無多不難驅逐出卡肅清道路並善法福禮酌量派兵協剿以期一鼓肅除再昨據崇斌奏餉藉支糶請飭迅速進剿
擄節軍需等語近年甘餉支絀此次初辦回匪雖經飭令各省撥銀為數不下五十萬但恐一時未能湊集前經批諭扎拉芬奏今
昔情勢迥異不能動云成案諒已遵照擄節辦理海模見辦糧臺一切俱當實實未可令帶兵員弁浮冒開銷至軍務一日不了軍
情一日難停尤在法福禮等統兵大員相機進剿迅速奏功以慰朕望將此由五百里各諭令知之○戊子烏勒洪額等奏俄人駛
抵天津停泊海口不聽開導堅欲投文止得將文書接收該國人即回帆他往約於本月二十日仍回天津候信○已丑論內閣英
桂奏剿辦義焚竄匪克復鄧州內鄉兩城股匪殲除淨盡一摺上年十月間袁榮土匪由新野攻陷鄧州經英桂飭令總兵慶德邱
聯恩及候補道周煦徵等督帶兵勇前往剿辦十一月初七日官軍進至鄧境之七里河遇匪步賊匪前來衝突我軍開放大礮斃
賊百餘人邱聯恩等令團勇分兩翼兜抄賊匪退竄立將土城克復初八日五鼓邱聯恩等親督兵勇從城東北兩面槍礮環攻圍
勇吶喊接應賊見官兵勢盛即開西南門潰圍而出邱聯恩等分路追剿斃賊六百餘名生擒匪首程四等四名賊目李得名等十
七名當將州城收復本年二月間楚北均房餘匪由南漳竄陷內鄉縣城邱聯恩自半扎店星馳援剿善兩陽府知府何懷珍及鄧

州紳士高拔究等各帶兵勇鄉團圍趕至內鄉直抵城外驚賊數十人匪眾敗退復趕殺七八百名槍斃騎馬黃衣賊目一名奪獲馬二百餘匹槍斃刀矛不計其數立將縣城收復其嵩縣盧氏一帶匪徒均經該地方官及副將團不傲等會同兵勇擊悉數殲除見在南陽府屬一律肅清西路民情亦俱靜謐均屬著有微勞所有在事員弁紳士兵勇著英桂擇其尤爲出力者酌量保奏毋許冒濫○奕山景遠等奏俄羅斯國人自至黑龍江岸船隻紛紛往還人數多至千餘且欲令江左屯戶移居江右其勢圖占地方已可概見奏入論理藩院行知俄國薩納特衙門查辦○于江西陣亡巡撫劉拔元等河南陣亡主簿彭希良等安徽被戕知縣朱鳳鳴等祭葬世職○庚寅諭內閣端華等奏會審被奪大員請將譯任各官先行革職一摺前因聯順於奉旨飭交家人延不交出當降旨將該員解任並將僱用官項之經管筆帖式爾森等一併解任交端華將格林沁會同刑部審訊茲既訊據慶陽供稱各員得受錢文並每月分給姚大各情均經向聯順告知聯順呈送親供並不據實登覆一切該爲不知顯有掩飾情弊聯順善先行革職筆帖式爾森廉保恩錦恩需均據供認得受錢文著一併革職交端華等嚴行審訊聯順家人姚大海壽善步軍統領衙門順天府五城直隸總督一體嚴密查拏務獲歸案審辦○諭前因聯順被參案內究出步軍統領衙門筆帖式廉保有僱用官項情弊當將該員家產查封惟廉保係勝保之弟兒尙同居所封家產商賈保費財在內雖將來定案時自必分別給還弟念勝保見在帶兵勦匪宜力行問尙有老母在家查封後未免失所此案一時未能訊結著端華僧格林沁會同刑部於查封廉保家產內先將勝保一分查明給還俾伊母得資養贍用示朕眷念勤勞恩施格外之意○諭軍機大臣等何桂清奏遵籌各路軍務等語何桂清自抵江南即行力籌軍餉並能與和春張國樑遇事和衷將軍務情形隨時參酌朕方望其相與有成斷不責其起釁前此咨調下游師船係爲速克鎮江起見朕已諭令德興阿等督飭水軍與南岸同時並舉矣南北兩岸均係該督統轄地方無分畛域嗣後仍遇事咨商速堵妖氛以副盼望所奏金陵向石逆求援不應洪逆日夜不安將有潛窺之意惟蕪湖等處賊蹤飄忽恐將來不犯江西卽擾皖南自應通籌形勢先事圖維見在江南大營尙無可分之兵著俟鎮江得手後卽與和春等商酌分兵前往蕪湖繁昌聯絡水師以清上游江面賊勢既分然後直搗金陵使悍賊不至併歸池太以消後患將此由五百里諭令知之○諭桑春榮奏省城被困情形一指見在新任總督吳拔械已有旨催令將所統川兵二千名餉銀五萬兩星速帶赴滇省交回民既揚言止欲報讐不敢謀逆雖其言未足深信正可乘機曉諭暫戢兇鋒著該撫一面激勵官紳嚴密防禦一面廣爲出示曉諭國民告以前等語稿不敢謀逆卽不應阻遏糧道擱礙要隘至欲奪漢民報讐亦當官爲嚴辦何得糾眾肆行焚殺見在新任總督統轄四川官兵前來赴任並欽派前任巡撫張亮基前來定能持平辦理無論足漢是回反者必當安撫誘者悉予勦除若仍前兇橫則大兵一到不免玉石俱焚如此懼以先聲安其反側當可暫紓目前之急以待吳拔械前來督辦至漢民既遭回民焚掠自應協力同聲若復人懷一心無怪回強漢弱著每諭社城紳士不得各存意見務將城內回民認真安撫使自相聯絡以爲守禦之計將此由五百里諭令

知之○諭本日據桑春榮奏回匪竄擾省垣分踞城外各要路阻遏餉道聞載外援覓在督同司道將弁及在省紳士添募壯丁登陣守禦惟需餉甚鉅庫款及地方捐銀僅敷兩月之用請飭催陝省將奉撥未解銀兩迅即撥解以濟危急等語著旨望顏於應撥滇省下先將銀籌撥銀五萬兩派委委員探明路徑星速解往接濟將此由五百里諭令知之○諭本日據桑春榮奏回匪分踞省數里各要路關廟村寨俱被焚掠聞練陸積李廣域內餉船兵單一無可恃雖據回匪揚言止欲報警不敢為逆而阻遏糧道攔截外援省垣空虛竟成坐困之勢吳振斌計已接奉諭旨所有諭調之四川官兵二千名著迅速批撥親自督帶啟程其餉銀五萬兩並著迅速委解以資接濟前辦張亮基官經辦理漢回互關之案已賞給五品頂帶令前往雲南幫同辦理剿匪事宜又因徐之銘於回苗匪徒情形尚為熟悉調任雲南臬司俾吳振斌得收指臂之助見在回匪尙不敢公然自居叛逆該督到滇後持平酌辦方合機宜滇民痛憐回民其勢豈能盡殺回匪自稱不叛豈應擅自興兵務須號令嚴明恩威並用自能解散黨與帖服人心以副委任將此由六百里諭令知之○壬辰諭內閣 照聖帝君頒佑我朝威靈顯著前已升入中祀備極褒崇茲朕親書萬世人極匾額著造辦處成造一分恭懸京師地安門外 關帝廟所有各省直省府州縣 關帝廟著御書處摹勒頒發一體懸挂其鑿篆書俟摹勒完時由軍機處發交山西巡撫委員齎送解州 關帝廟收藏以昭誠敬○癸巳諭內閣御史陸乘樞奏請嚴禁附近人員捏報親老一摺據稱近來部選及分發人員往往道無老親捏稱繼母或生母年高呈請改近請飭部曉諭予以限期檢舉更正免其議處等語定例親老人員准改近省原屬錫類推恩之意若如所奏捏稱規避出乎情理之外如果實有其人必當從嚴懲辦何得准其檢舉即邀免議該御史既有見聞即著指名參奏不得徒託空言致該部無從查辦○諭軍機大臣等奇諭吉林將軍景瀅等昨據直隸藩司錢忻和等奏俄夷使臣善提雅廷使至天津海口堅欲投文不得已而接收代遞理藩院據該衙門譯出該使臣咨文內有接壤地方尙有未定界址欲會商定議一節中國與俄羅斯地界自康熙年間議定以格爾畢齊河與安嶺為界成約具在原無可議咸豐三年該國欲會查界碑五年秋間吉林黑龍江庫倫三處委員與該國木哩斐岳幅會查因該國不遵舊制未能辨結據奕格等奏稱惟烏特河一處從前為兩國公中之地未曾分界此時善提雅廷來津投文仍以分界為詞已合理藩院行文咨覆特派大臣會同將烏特河一處勘辦分定界址該國接到咨文自必執赴黑龍江邊界著派奕山親往會晤商酌以從前委員會議擬該國派員議論未能公允是以日久未定今伊既係該國大臣正可秉公查辦以清界限如別有要求並著正言拒絕將此由五百里各密諭知之○甲午諭內閣昨因御史陸乘樞奏請嚴禁附近人員捏報親老一摺解旨令該御史指名參奏茲據覆奏仍未實指其人豈能據臆度之詞飭部紛紛查辦惟此等情弊亦難保其必無慮如何立法稽查之處著該部嚴議具奏○官文胡林翼奏遵匪糾集大股於廣濟內湖童司牌一帶踞險變通伺我黃梅各軍之隙六月二十四日據興阿飭孔廣順等各營移紮武穴龍坪等處以資守禦即以十里鋪值生寺各營為前敵又商令楊載福派都司胡友亮曾帶三板船駛入內湖二十五日黃梅北山及

大河鋪迤南一帶賊匪全數推出直撲十里鋪各營翼長多隆阿擇隊迎擊獲勝副將鮑超復乘勝攻毀賊壘一座殺賊三百餘名
二十六日賊又分路擁出漫山遍野多隆阿大震疑兵於十里鋪之北自率勁騎同鮑超濬攻德生寺西路賊壘賊知我軍注意於
北而不意西路之猝至也擊賊駭奔我軍拔柵過濬焚毀賊壘三座同時十里鋪賊亦被我軍衝突奔逃兩路計獲賊千餘名是日
內湖水師亦分撥三板技勇燒賊船百餘隻奪獲二十餘隻又駛至童司牌小河源擊賊壘而相距童司牌數十里之官橋亦有
賊划紫成橋渡復經官兵截擊其船渡而還童曰都興阿復密商李續賓親率隊伍由南岸渡至北岸羅昌驛與都興阿軍會合
進剿該逆於河中搭浮橋三座賊壘亘如常山之蛇壘前長港環繞當即派定隊伍分攻各壘並豫備柴草填港造橋都興阿以
馬隊分路接應二十九日卯刻李續賓齊隊前進搭橋甫成該逆即出眾抗拒我軍嚴陣以待俟賊逼近以劈山礮轟之賊勢稍挫
我軍隊濬齊拋火器賊壘同時火起共斃賊約四百名水師復於橋東橫擊燒毀賊划百數十號該逆擁橋落水並被我兵追殺及
後湖淹斃者計千數百名童司牌兩岸賊壘十三座悉數毀平臣胡林翼率同唐訓方進築黃岡之傅家嶺分設翼長巴揚阿馬步
防守馬鞍山要隘舒保馬隊各路接應七月初一日偵知孫家背賊匪會合上巴河匪黨乘我營壘初定分路偷撲我軍繞出賊後
擊其不備賊眾潰竄參將何紹彩等復率各營齊力追擊沿途斃賊百餘名擒斬長髮老賊六十餘名奪獲旗械多件查新廣逆賊
正張極都興阿李續賓將逆巢悉數毀除分軍駐守實屬調度合宜不特黃梅各軍氣勢益壯即武穴龍坪運糧要道亦臻安堵戰
守皆有可恃見由瑞州調撥李續宜一軍繞道行抵黃州臣胡林翼即當面商機宜乘此聲威將蕪黃逆氛節節掃蕩以便專力攻
取九江又奏貴州安義鎮總兵王國才由黃梅城外移營進紮潯港正督兵啟程即有賊來偷撲王國才督隊開隊斃賊多名賊拋
擲火器逆中我軍火藥王國才被火轟傷登時陣亡查王國才在楚數年屢敵身先士卒大小數百戰所向有功乃因移營禦敵陣
亡不勝悼惜應懇 天恩俯准賞加王國才提督銜飭部照提督陣亡例從優議卹並於陣亡及原籍地方建立專祠以慰忠魂
其同時被傷身故之委員吳炳炆灼張兆麟三員並請一併議卹 上諭此次剿除賊壘疊獲大勝辦理尚為得手著官文等乘此
聲威迅掃逆氛毋畱餘孽○以有鳳兼署四川總督由成都○予湖北陣亡總兵官王國才祭葬世職如提督例廣濟地方及原籍
建祠誦導吳炳炆等祭葬世職○乙未諱內閣禮部奏遵議劉猛將軍可否請加封號一摺劉猛將軍為聖煌正神廟祀有年尚無封
號著該衙門謹擬具奏等因奉旨加保康○丙申諱內閣前因御史尹耕雲奏河南軍營文員保舉過濫當詳旨將洪貞謙張席珍薛成
榮三員撤銷前保之案交該部另行覈獎茲據英桂勝保奏洪貞謙等實係帶隊督戰不僅辦理文案並請將出力文員仍准從優
保奏等語除洪貞謙等三員業經飭部另行覈給獎敘毋庸置議外嗣後各路隨營文員如係專辦糧臺文案並無別項勞績者著
仍遵前旨辦理其有親歷行陣躬冒矢石者原准從優請獎著各路統兵大臣於保奏時將該員實在勞績詳晰登敘候朕施恩以
示區別○諱前因御史尹耕雲奏軍營文員保舉太濫請將從前保奏過缺簡放及指省補用各項文員概候該省事竣送部引見

分別敘所業降旨准行茲據英桂等奏稱軍營文員一時未能遵誼差委必待事竣引見後方能序補未免向隅請援在案候選之例准其簡單請簡並在營候補等語應如何分別辦理之處著該部妥議具奏○論軍機大臣等英桂奏許禹匪徒蔓延日久請親往督剿等語禹州等處匪徒竄入山徑日事妻脅意圖西擾既據奏稱果司周士鎧帶兵無多龍澤厚係隔省大員不相統屬誠恐事權不一亦屬實在情形著英桂即分兵前赴禹密一帶督剿迅將此股匪徒殲除淨盡所有三省剿匪事宜暫交勝保督辦並著袁甲三督帶兵勇前赴潁州擇要駐紮以爲勝保後路聲援其蒙亳等處零匪即責成史榮椿實力提捕毋稍鬆懈至正陽關賊勢已孤正宜乘此得手之際亟圖聚而殲緝該勝保必能策勵軍心指日將關隘攻克英桂俟俾境西路肅清即移傳勝之師與勝保會合可無顧此失彼之虞將此由六百里處英桂勝保袁甲三並傳諭史榮椿知之○按前據御史張雲望奏字字皆戮殲野蕪生於京外順義縣楊各莊各開一萬與盛字號勾串運氣於四鄉囤積糧食謂之包圍每囤以千石計並傳聞該商於近京之東安等處各有店鋪攬買雜糧三十萬之多當交文彩嚴密訪查茲據覆奏東安縣並無囤積糧石之處惟在采育鎮查有山東人李姓本鎮人朱洪陞俱係字謙官號夥計於本年五六月間在該鎮等處採買麥子約七八千石寄存該鎮廣泰堆房等處順義縣楊各莊並無萬與盛字號查得後街萬興成布鋪兼糧店掌櫃人趙姓李姓郭姓與孫運並字升錢鋪掌櫃人韓得祿同夥於本年麥秋時買得麥八百餘石在萬興成囤積惟見存麥僅脹二百餘石又查得楊各莊前街於本年三月間新開萬隆成錢鋪係字升錢鋪掌櫃人所開各等語著張祥河黃宗漢按照文彩覆奏各節派員詳細嚴密訪查其采育鎮等處所存麥石雜糧是否囤積居奇著先行密爲查封其東安縣究竟有無囤積糧石之處何以該御史奏稱有雜糧三十萬石之多並著嚴加訪查毋有不實不盡將此諭令知之○兩江總督何桂清奏爲政費率舊章而杜流弊勿輕信浮言得旨朕既畀卿重任豈能爲浮議所惑無須過慮也○于安撤陣亡協領富隆阿祭葬世職○王寅論內閣前因五城御史保恆等奏請疏通大錢一摺當交戶部覈議具奏茲據該部酌覈覆奏戶工兩局鼓鑄當十銅錢與錢局所鑄鐵制錢分成交搭放民間展轉流通並無窒礙乃近日商賈排斥大錢竟敢私造名目任意刁難以致貧民持錢入市行使維艱殊於錢法大有關係本年五月間經戶部奏定章程於兵餉應領二成見錢全行改放制錢每月輪折稷米五分又搭放制錢五成各官號開放錢票均按入成當十銅錢二成鐵制錢開放嚴計制錢散布民間當可足資周轉總因奸商販運出京希圖射利以致市肆尙少制錢流通而各鋪戶於銅大錢多方排斥亦必有好商從中煽惑以爲重要輕錢地步國寶流通原以便民利用豈容宵小把持致妨兵民生計著步軍統領五城出示曉諭酌定限期所有民間錢鋪及買賣鋪戶均各遵照官號搭用制錢二成之例一律配搭行用儻於所定期限之外有不按成行用者即著隨時查辦如有將鐵制錢囤積或販運出京及將銅大錢任意排斥者即著各該衙門嚴拿懲辦以儆刁風而便民用○諭前因御史曹登庸奏參河南學政俞樾出題剽製及串索規規各等語著革職交英桂督同藩司瑛榮秉公查辦茲據俞樾奏稱考試題目間有截搭並未割裂太甚等語

該學政所出復試文題是否割裂並謬文義難通俱有試卷可憑無煩嘆嘆置諸仍著英桂督同瑛榮調查卷冊揀實具奏俞樾業經革職著聽候查辦 奏佛諭內閣英桂勝保奏水陸疊復勝仗克復臺邱縣城一摺摺匪踞守正陽關特霍邱逆賊時來擾慮本月初十日聯保派勇目陳萬金等帶頭勇並制船隻船隻至城西湖南岸與大股逆匪相值將賊船二百餘隻攔截槍噴齊施賊數十人落水死者無算追至雷邱西門擊破攻擊有投誠之擒匪張金桂出城接應陳萬金等即用爲嚮導趁勢擁入復獲賊三四百人搜獲餘匪追剿二十餘里蕩賊殆盡立將霍邱縣城克復其前路賊船百餘隻駛至新河口經千總敖天印等帶賊船轟斃賊二百餘人奪獲賊船三十餘隻此次克復霍邱縣城水陸均獲大勝嗣拾尙爲得手仍著英桂等激勵將弁迅將正陽關攻克卹除餘匪毋稍遲延 諭候補三品京堂張芾專辦池防剿三載以來頓資奇力前在徽州軍營聞丁母憂呈請回籍營葬當經諭令何桂清候接旨有人卽行傳諭張芾給假六箇月回籍終喪復據河桂清妥摺書據情代奏並張芾自行具摺請回籍營葬後懇恩終制等語現在徐州防務仍常喫緊張芾熟悉情形仍著暫護防剿俟軍務稍平卽遵前旨給假六箇月回籍營葬○諭英桂勝保奏遵保攻克方家集三河尖等處出力員弁兵勇併案請獎開單呈覽一摺搶首以方家集爲門戶三河尖爲老巢前經英桂等督率員弁等疊次攻勦獲勝平毀賊巢十餘處殲斃數萬餘人皖豫交界漸就肅清在事出力各員著有微勞自應量予恩施以昭激勸至所保在營文職至五十餘名之多已不免冒濫况前經吏部奏准擬臺文案各員不准越級保升及免補本班此次單內仍有越次及免補本班人員雖據稱不分文武一概親圖矢石殊難憑信著英桂等確實覈減另行具奏○予河南陳亡知縣王萬齡等祭葬世職○甲辰官文胡林巖奏七月初一日都與阿派翼長多隆阿督帶馬隊副將鮑超督率步隊分五路進攻黃蠟山等處賊巢又分兩翼以截王家河十里鋪兩路之賊石清吉帶兵勇接應姜玉順帶隊截賊後路賊見我軍速至亦分股奔出抗拒屢戰數時之久多隆阿偵知該匪以老弱守堂而伏悍賊於村落以截我軍遂商令鮑超分兵繞攻其後多隆阿派馬隊直衝村落伏賊盡起勢甚兇悍多隆阿揮隊直進殲其悍賊數十名賊始敗竄鮑超即率勇分攻賊壘施放噴筒賊營四面火起擊賊狂奔我軍連夜進剿直至初二日收隊計踏毀黃蠟山甘家畷等處賊壘四十八座共斬賊五千餘名淹斃者不計其數生擒長髮老賊數百高水師楊載福前派都司宋美富帶領戰船扼守新州江面先於六月二十六日拆毀善提壩逆匪浮橋七月初九日復督勇搜剿斬殺自餘生擒長髮七名奪獲洋礮旗幟刀矛無算 胡林巖以係家舊流水灣臨賊爲黃岡斬水之衝亟應設計剿除十一日合李續宜率湘寶信五營進攻以舒保馬隊繼之又派遊擊孫昌凱都司左光培帶水師會剿並令唐訓方等埋伏鳳凰山等處以防援賊十二日李續宜等督隊前進抵滿崎山見賊搭有浮橋兩道與斬水之賊往來相連李續宜分兵立於滿崎山嶺以防斬水之賊抵我後路又派從九李培南等分路進攻而自督千總蕭啟亨等率兵隨舒保馬隊由中路進列陣甫定該逆率眾三四千人分路抗拒相持數時我軍一鼓而前馬隊縱橫衝擊斃其騎馬悍賊十餘名餘賊大亂乘勝追剿該賊驟六座其斬水長賊十餘路

都司巢日昇等督兵迎勦常即收退統計各路陣斬髮斃之賊及投水死者約二千餘名李續宜復率湘寶等營馳往流水灣攻勦賊壘該逆知孫家舊賊已大敗匿而不出適三台河防兵鄧漢章等隊伍及孫昌凱隊續至水陸夾攻竟賊無救越牆之賊四五百人經伏兵全數殲戮其往援孫家舊之賊約三千餘人經唐訓方手余雲龍等奮力擊勦斃賊甚多追殺十餘里而還孫家舊等處業已肅清查黃梅馬步各軍前次童司牌之戰及見在黃嶺山等處大獲全勝前後斬賊以萬計雖係都興阿李續宜調度得宜亦由該將領奮勇圖功其飽超一員連日血戰率同親兵累屍登壘身受傷仍不少卻尤為忠勇罕匹相應仰懇 天恩優加獎勳俾知感奮此外出力員弁兵勇懇請查明保獎 上諭內閣此次黃梅官軍以少擊眾連獲大捷在事將弁兵勇均屬奮勇將銜補用參將鮑超連日血戰尤為出力著以副將儘先遞補並賞加總兵銜以示鼓勵其餘出力員弁兵勇仍著官文等酌量保奏候朕施恩○江西巡撫耆齡奏賊匪屯聚甯都州屬釣峯地方約四五萬人閏五月二十六日王鑫率勇追至釣峯由中路進力斬悍賊數十人賊乃敗走左路山上 履經王開化設伏敗之焚其巢穴追斬二三百人沿河之賊望風奔潰其右路山上賊巢亦經王文瑛攻破逆匪奔竄王鑫令各營搭橋過河追勦陣斬偽將軍毛幅富餘匪散逃約共斃賊二千六七百人時承豐敗匪思竄吉安王鑫率兵回勦二十九日行抵小源地方探聞賊眾數千屯聚古夏地方將撲甯都王鑫即於六月初一日進勦令張運蘭等率勇分伏兩邊山後約開鼓聲而出自率小隊至河邊誘戰悍賊五六千過河來撲王鑫退至山坡俟賊逼近鳴鼓回兵兩旁伏兵齊起該逆即退張運蘭已衝過對岸前後夾擊斃賊甚多迨至謝坊村內另股千餘出拒又被我軍擊斃二百餘人共計斃賊一千三百人初三日又敗賊於東山埔殲斃三千餘人旋探偽老國宗楊宜青等磨聚廣昌詳稱十二萬人欲由甯都承豐趨救吉安分擾贛州湖南王鑫以此股逆匪不除有礙江楚大局遂激勵士卒整頓鄉團剋期進剿並飭朱惟堂等率兵先往樂安勦辦以杜承豐敗匪竄擾十六日王鑫率湘勇由大路進都司張騰壽知縣孫效育各率團勇從左路進十七日黎明抵拒廣昌城五里之三官殿悍賊萬餘分五路而來我軍亦分五路應之王鑫親率勇奮力直衝五路之勇乘勢齊進賊大敗奔竄我軍奮追至長生橋地方忽僞七國宗楊輔青帶賊數萬前來接應敗賊亦復回關王鑫揮勇奮擊張騰壽匹馬陷陣賊又大敗追至南豐縣界而還斃賊約三千餘人生擒一百十三名拔出難民二千餘人該逆屢敗之復心膽皆寒南豐宜黃之賊均已遁去千總朱惟堂等亦於十九日收復樂安縣城正擬進攻擬建據報吉安各營失利隨連夜馳回承豐因新淦賊匪日多與吉安之賊聯為一氣擬先攻新淦次及吉水吉安等情前來查該逆王鑫連剿甯都州敗匪復值大股賊匪圖犯吉安頻摧大敵殲賊不下萬人拔出難民一萬數千人成功之偉實所罕觀見因吉郡各營失利不得不折回策應惟新淦之賊日聚日眾既已上通吉安復思旁援臨瑞必須先行勦除方免受其牽掣 上諭記名道王鑫追剿江西甯都州敗匪適值偽國宗楊連率黨二三萬人由新城往援吉安並偽國宗楊宜青等與石逆援來賊黨詐稱十二萬人欲由甯都承豐趨救吉安分擾贛州湖南均經該道激勵士卒整頓鄉團先後擊敗賊賊不下

萬人拔出難民一萬數千人其所派往甯都剿賊之朱惟堂等亦於六月十九日收復樂安縣城此次王臺剿辦各股匪徒斬馘盈萬大挫兇鋒著即乘此聲威由新淦進攻吉安以期迅克堅城○書諭奏據吳坤修等稟報閏五月十一日瑞州賊匪始以數百人出犯北岸旋由金川門出三股撲南岸湘寶各營分投迎擊該逆即遁入城二十五二十六二十七等日該逆屢次出撲均被我軍擊退六月十九日初更時分風雨交作賊復傾巢而出分作數股丁俊等兩面橫截實前當從旁夾擊該逆一股仍退回城一股三四十人繞過所水橋望西北狂奔普承堯恐逆眾遠竄及他處立派都司章尊錦等不分晝夜先渡跟追劉騰鴻派劉騰鶴等率勇邀截吳坤修亦派兵往駐分宜以扼袁郡該逆始竄奉新昌遷界知防守嚴密不敢入境折向西南分爲兩股頭起七八百人於二十三日竄至峽江縣屬之仁和墟經劉長佑派令鄧金華等併力迎戰康國播等率領戰船沿河夾擊斬賊數百名生擒二名該逆斃拆民房門板渡河水師開礮轟擊溺斃甚眾殘匪二百餘人自墟後衝出程國彥等督勇追至烏口殲戮無算二起約三千人二十一日竄至上高縣泗溪地方因大雨水漲未能渡越章尊錦追至殺賊多百該逆沿河敗逃二十二日竄至上高縣蕭啟江等率勇堵繫上高縣知縣孫文瑞會營督率兵勇往助旋經黃秉珍等追至將馬隊分爲兩路奮勇鎗斃逆大股四散奔竄上高縣城本多坍塌該逆即竄入城黃秉珍等分門追入竭力巷戰殺賊四百餘人馬隊把總賀榮陞立斬偽監軍梁逆復擒首逆偽總制嚴守和一名敗匪由南門逃竄逆首偽檢點賴煥先被火彈燒傷情急棄馬投水餘匪奪船而渡約近千人共計溺斃燬斃之賊將及二千人渡河之賊又經段起樊俊率勇追殺數十人逃散之賊僅三百人望吉安而去瑞郡各營以城賊既經分竄急應乘時攻拔遂於二十及二十八九等日各率存營弁勇晝夜攻擊到騰鴻將大礮移近賊匪礮臺將石橋礮臺轟塌燒斃賊二百餘人並將礮臺挖倒普承堯率勇平濠毀橋直逼城下賊矢石如雨仍不稍退吳坤修亦移大礮對城轟擊竟夜並率勇拔鐵路漆屢次礮城梯欲上均被礮石擊回遊擊劉國斌率水師戰船協攻東門殲賊不少奪獲賊船四號查瑞州之賊被圍經年困極思竄幸普承堯派隊追剿各營跟蹤前進節節截殺殲拾殆盡重新首逆嚴守和等多名使罕兇不至倖逃法網洵足以伸國法而快人心在事尤爲出力之縣丞黃秉珍等擬先請給予獎敘其防範不密之都司劉光明千總李華榮請一併革職留營差遣查長霖係廣東南韶連道吳坤修分管管亦難辭請找去花翎巡檢沈慶安把總黃雲力戰陣亡請飭部從優議卹 上諭此股竄匪經官軍節節截剿不至倖逃法網所有尤爲出力之縣丞黃秉珍著以知縣遇缺即補並賞加同知銜都司章尊錦著以遊擊儘先選用並賞換花翎國子監典簿陳徵言著以通判不論雙單月遇缺即選儘先把總賀榮陞著以守備選缺即補陳徵言賀榮陞並著賞戴藍翎縣丞劉振昭著以知縣儘先選用從九品劉德謙著以府經歷縣丞遇缺即選其防範不密致城賊他竄之都司劉光明千總李華榮均著革職仍留營差遣以觀後效廣東南韶連道吳坤修著找去花翎仍著書諭督飭在營將弁實力進攻並將瑞州城池收復陣亡之巡檢沈慶安把總黃雲均著從優議卹○查給奏閏五月二十一至六月初六等日吉安府城賊匪賊出千餘人或

數百人修疊撲營均經官軍擊退初十日周鳳山進築螺岡東北兩門出賊四千餘并死爭周鳳山派隊迎擊趙煥聯劉培元各督所部疊戰獲賊數百人賊退十一日城賊七千餘露擁來撲周鳳山一面督勇開濠一面分隊接戰賊四百餘人十二至十六等日連日接戰均有斬擒十七日大股賊匪突出西門文翼督率水陸各勇迎擊趙煥聯劉培元周鳳山各派勇夾攻賊敗回巢翌日午刻出賊萬餘包出鳳字營後周鳳山派撥各營分五路迎敵槍礮齊施奮力衝突賊百餘人該逆抵死不逞各勇奮入力殺窮不敵眾又以口糧積欠軍心不固紛紛收潰賊匪撲入營盤放火焚毀該逆乘勢往撲和長兩營趙煥聯劉培元據隊回被馳至營前營內業已火起亦即相繼被陷賊又撲吉字營文翼督同弁勇竭力固守相持至晚賊始退去趙煥聯劉培元營壘該失退紮固江文翼因孤軍無援恐爲賊乘亦即披營撤退該處糧米全無士卒終夜未能得食各營會議退紮安福現在和長兩營督射安福城內吉字營茶城外以資堵剿查吉安八縣一應均已克復所未下者僅一府城今鳳字等營被匪撲陷賊勢轉張探聞該逆已擾及吉水之阜田地方難保不四處延蔓臣飛飭鎮南鎮道選派兵勇三千名星馳赴吉會合吉和長三營再籌進攻並令黃冕等速調龍泉楚賴兩軍移紮泰和遏賊上竄之路此次鳳字營雖首先失利究因連日苦戰兵力疲乏加以欠餉過久人無同心致有此失知府趙煥聯參將劉培元營壘被踏皆因往救鳳字營所致與守禦不力者不同且前此克復永甯吉水等縣並圍攻郡城曾經百戰屢著勞績功堪抵過可否與前任廣東羅定協副將周鳳山均免置議出自逾格鴻慈吉安府知府黃冕擢去頂帶革職留任仍責令餉是其專責乃欠餉日久戰士飢疲以致吉郡之師功敗垂成實難辭咎應請旨將吉安府知府黃冕擢去頂帶革職留任仍責令趕籌餉需軍械以贖前愆都司張開輯被燒殞命陳光字中礮陣亡請照遊擊陣亡例從優議卹外委周九皋李芳固請交部議卹

上諭此次各營官兵失利實因連日苦戰師疲軍餉不繼所有帶兵之知府趙煥聯參將劉培元副將周鳳山均著免其置議吉安府知府黃冕籌辦軍餉是其專責乃因欠發日久以致戰士飢疲實難辭咎著擢去頂帶革職留任責令趕籌餉需軍械庶不致知愧奮即行嚴參治罪都司張開輯被燒殞命陳光字中礮陣亡深堪憫惻均著照遊擊陣亡例從優議卹外委周九皋李芳固均著交部議卹○諭軍機大臣等本日據福興奏江西軍情喫重本省兵力不敷請由江南大營調撥廣勇一千五百名又遊擊興貴等營帶兩起陝甘兵一千餘名西安二起馬隊四百名共計兵勇三千名前往江西助剿並請將原帶廣勇之戴文英馮子材張承清梁成桂原帶陝甘兵之興貴等一併派委管帶馳往各等語見在江南官兵環攻鎮江軍情正當喫緊其勢恐難多調見已諭令葉名琛由廣東撥兵二千名派總兵壽山統帶馳往福興軍營助剿惟江西省東路兵力尙單福興原帶之兵止有千名著和春即將福興指調之將弁兵勇能否派撥若干之處酌量情形迅速調撥一面具奏一面先行知會福興可也將此由六百里各諭令知之○諭福濟等奏餉需匱乏請飭江浙等省按月籌解一摺安徽軍需餉需業經何桂清等急旨陸續撥解惟據福濟等奏稱見在六安賊擾愈集李孟羣一軍阻於流波礧麻埠地方亟應厚集兵力會同攻剿而餉項短絀無軍難振請飭江浙兩省於按月二萬兩

外添撥銀二萬兩浙江山西陝西按月各撥解銀二萬兩等語著河桂清於按月二萬兩外再添撥銀二萬兩奏成四萬按月如數解往山西陝西兩省月解餉餉著恆福會呈額按照每月二萬兩之數務各如期起解勿稍留滯至浙江省於接濟各路餉需之外恐未能再行按月籌解解應惟該處待餉甚迫仍著晏瑞書竭力籌撥以資接濟將此由六百里各諭令知之○諭本年正月間會諭令葉名琛酌調精兵一二千名交參將衛佐邦管帶聞馳赴福興軍營助剿並籌餉接濟迄今未據覆奏本日據福興奏所帶兵勇數止一千請由江海大營添調並稱潮州鎮總兵壽山所帶潮州官兵因南鎮無事已於六月間回粵該將軍所請粵兵壽無音信等語此時江南官兵正當開攻鎮江喫緊一時未必即能分撥南鎮一路業已平靜壽山一軍即可馳赴廣信聽候福興調遣著葉名琛速飭該總兵即行管帶精兵二千名起日前往以資攻剿毋稍遲延至該省夷務日久未見奏報甚深懸繫前據葉名琛奏新來夷酋往散打連地方尋改咬商議尚未到粵見在又逾兩月究竟是否前來此事必須速爲了結固不可稍涉遷就草率從事而日久相持迄無成議設或別生枝節辦理又形棘手廣東民情物力固不難與之久抗儻如從前故事任意駛赴上海天津則廣東雖能自顧而大勢總未了結且海關停市將及一年各省軍餉種種支絀該督豈不知籌及著葉名琛即將見辦情形迅速具奏總以及早定議免致別生變故爲上策也將此由六百里諭令知之○諭法福禮奏賊匪畏脅愈多請添調烏魯木齊官兵以備援剿一摺此次回匪滋事各城派兵進剿共計七千餘名昨據扎拉芬奏報伊犁兵勇行至巴爾楚克該匪聞風而遁立解城圍我軍追剿大獲勝仗見在道路廓清所調烏魯木齊及喀喇沙爾等處官兵亦據烏爾清阿報稱該官兵於六月十七日已由庫車數程前進法福禮尚未知悉所請添調烏魯木齊官兵一千五百名如兵力已敷即可毋庸調撥仍著倭什璋布照數挑選備聽調將此由五百里各諭令知之○調任雲貴總督吳振斌奏雲南漢回互鬪必須有大兵鉅餉痛剿一二處然後可以就撫得旨○所慮甚是所籌亦極妥協○命江甯將軍額興阿在欽差大臣官文軍營幫辦軍務○子湖北陣亡協領密雅明阿等祭葬世職○乙巳諭軍機大臣等培成奏賊勢緊急催調後路官兵應援一摺據稱和闐回匪變亂坡斯坎木洛和瑪瑪三軍臺被燬經該大臣派兵往剿於阿哈雅腰臺地方遇賊接仗賊匪退回張古牙莊忽有帕爾提同子從後截殺傷斃兵勇三十餘名擄去兵丁數名並奪去糧嘍馬槍等件帕爾提離城其近該處同子業被勾結變亂備直撲和闐恐兵單難以抵禦等語賊匪擾及和闐前據葉布沖額奏稱挑派所帶官兵二百名並阿克蘇防兵三百名共五百名交守備劉興帶領由草地進剿其阿克蘇防兵由烏魯木齊備調兵內挑派補還此時劉興所帶官兵當早經行抵和闐即著培成督飭此項官兵實力堵剿和闐僻處一隅就近實無可調之兵惟既據培成奏稱賊勢緊急自應續籌調撥著海模即將烏魯木齊補還派防阿克蘇兵三百名先行飭令由草地前赴和闐與劉興一軍會合和闐得此兵力自己足敷剿辦培成務當悉心調度將匪眾悉數殲除毋任再有延蔓昨因法福禮奏請添兵會諭令倭什璋布挑兵一千五百名備調所有阿克蘇防兵亦聞緊要並著海模飛咨倭什璋布即於備調兵內抽調三百名前赴阿克蘇以

補前調防兵之數母任遲延將此由五百里各諭令知之○諭前據英桂奏禹密匪徒日熾請移見帶之兵親往督剿當經諭令將三百初匪事宜暫交務保督辦並著袁甲三督帶兵勇前赴穎州擇要駐紮以爲勝保後路聲援本日據勝保奏患病情形請飭袁甲三來營據統諸軍俾得請假調理等語覓在攻剿正陽正當喫緊之際勝保既經患病著賞假一月在營調理袁甲三著即馳赴正陽暫行統帶各路兵勇接辦攻剿事務勝保病痊仍著督飭各軍迅將逆匪蕩平袁甲三即詣於正陽關幫同辦理將此由五百里各諭令知之○丙午諭內閣前因京城舖戶人等於行使大錢任意挑剔查巡防王大臣等奏定章程嚴行懲辦茲據步軍統領衙門順天府奏稱該舖戶人等日久玩生於當十銅錢挑剔日甚兵民生計維艱請飭查辦等語自應申明前定章程俾知警惕嗣後各舖戶及各項買賣人等如有不肯行使當十銅錢被首擊獲初犯者柳號一箇月戴示旗營地面再犯者發極邊煙燴充軍遇赦不赦如被告到官畏法悔過免其治罪誣告者照例反坐其銀市交易不准將制錢大錢分定價值市肆各項貨物均不得任意抬價及囤積不售違者從嚴究辦即著步軍統領衙門順天府出示明白曉諭備兵役人等有受賄徇庇或敢於藉端滋擾者均著從嚴懲處此項案件隨到隨辦毋得稍有積壓爾難以做刁風而惑玩泄○據英隆奏剿捕匪徒淨盡地方肅清一摺直隸豐甯縣大剛兒地方匪徒聚眾搶掠經英隆派委熱河道寶音博勒格圍營帶員弁兵勇前往搜捕將要犯劉標等十七名登時擒獲餘匪均經殺斃起獲贖物多件其湯河口等處賊匪亦經樂平縣知縣景蘭等格斃一百九十餘名首犯劉幅汰先經署豐甯縣知縣穆翰等帶兵殲斃並覓除匪一百五十名擊獲各犯訊明就地正法地方一律肅清辦理尙屬妥速著豐甯縣知縣穆翰大關兒巡檢盛祖培把總王濠順同剿匪功過尙定相抵應得疏防處分均著免其查辦出力員弁著准其擇尤酌保數員毋許濫濫○諭軍機大臣等本日有人奏天津所屬之青縣靜海等處有梟匪從嚴揭發登峯及著名匪目王海牛等糾匪肆搶又文安縣所屬之岳村張姓被梟匪搶劫一空獻縣西峯村郭莊西城河城等村河間九吉村武強縣之張法臺隍南村均有強劫之案更有肅甯地面鹽梟勾結土匪八九百人在元城村盤踞此外交河阜城東光大城東安完縣等處被害之居民舖戶不可枚舉等語直隸天津河間等府梟賊充斥前據該處奏請從嚴懲辦當降旨令該督通飭各州縣董率團練加派兵役無分畛域合力兜拏如遇大夥拒捕准其格殺勿論地方官擊獲匪明後先行就地正法諒已通諭遵辦此次所奏各案著該督迅派明幹員弁前赴各屬嚴密查拏務將各匪悉數撲滅毋令一名漏網原摺鈔給閱看將此諭令知之○德興阿奏製造水礮臺情形得旨水礮臺式樣作法著繪圖貼說附報具奏○丁未諭內閣前據已革河南學政俞樾呈遞易原圖據稱由欽定周易折中所載河洛未分未變方圓三角圓內推測而得不知康熙年間大學士李光地等奉旨編輯周易折中於徵蒙論內具載河洛陰陽動靜加減乘除各國又附載此二圖原以易理精微象數兼推其諸餘即可通於算學句股開方等法非以此爲作易之原也今該員輒憑臆見衍爲兩儀四象八卦六十四卦之圖穿鑿附會轉失其真且有尊儒先儒之語尤屬半意妄陳原圖著發還○是月綏山東臨濤等十三州縣及德

州等二衝成旱後風被雹新舊正雜額賦展緩直隸德州等十三州縣並各旗地被旱被雹被蟲新舊額賦有差

咸豐東華錄七十四

八月己酉朔日食○諭軍機大臣等前因勝保患病賞假在營調理諭令袁甲三馳赴正陽關暫行統帶兵勇茲據袁甲三奏稱俟
馮北滿清即移營督攻韓圩兼防正陽後路等語自保尚未接到前旨見在英柱因高密一帶匪徒日熾帶兵親往督勦勝保又患
病給假正陽正在攻剿喫緊之際各路兵勇必須有人統帶袁甲三著即馳往正陽暫行接辦其湖北韓圩之賊即著史榮椿朱連
奎分路督兵攻剿並嚴防該匪回京之路袁甲三俟分撥定妥即赴正陽毋稍遲誤將此由六百里諭令知之○庚戌諭內閣崇綸
李鴻奏請飭催奉天米石迅速運通一摺奉天省額運米豆並採買捐輸米石時近秋分尚未據報開行日期恐該船戶包攬載貨
沿途逗遛以致裝運稽遲更恐節候過遲船隻凍阻刻運維艱著盛京將軍奉天府尹嚴飭該運員及早兌竣開行務於八月內全
數抵津並著直隸總督委員提催即飭天津道豫調刻船一俟海船收口迅即制運赴通交納毋再遲緩○諭前因倭什彈布奏商
民額求免徵鹽課一摺當文戶部議奏茲據該部奏議具奏烏魯木齊鹽課前經業布沖額奏請徵收既據倭什彈布以近年內地
貨來稀少商民無力完繳紛紛具呈求免自係實在情形所有此項鹽課著概行免徵其官文鹽課業經存庫備用來歲即著停止
並領標各營未經完納者毋庸催追已經完納者一併發還以示體恤至辦理鹽課之署迪化州知州英貴印房章京遠春泰已革
山西介休縣知縣程震佑前據業沖額保奏業經降旨分別加恩今既辦無成效該員等前得獎敘著即撤銷○先是御史李培祐
奏請嚴定保舉限制下吏部議至是奏該御史所擬條目多與 欽奉諭旨奏定章程相符仍應遵照辦理至請賞兩枝陳軍營河
工出力准請旨賞帶尋常勞績不准濫請輪磨人員如係軍營勞績出力仍准保奏坊職並准保奏道府其餘各項勞績止准保奏
遇缺題奏至庶吉士一項應請嗣後無論何項勞績止准保奏俟散館後以應升之缺升用概不准保免其散館授職編檢以符定
制從之○辛亥諭軍機大臣等慶英固慶委官兵出隊接仗先勝後挫並請飭改甘總督速接銀兩以濟軍需等語此次葉爾羌官
軍正與西路賊接仗業已獲勝忽有東路賊匪鈔襲其後致稍挫難見在伊犁官兵已由巴爾楚克前赴葉爾羌慶英等正可督飭
弁兵會合夾擊將該匪趕聚殲盡毋令蔓延至所請陝甘撥餉據樂斌七月內奏撥過西路兵餉十四萬兩有葉爾羌銀三萬兩在
內此時計已解到著慶英等遵照前旨迅速剿除匪眾以節餉需將此由五百里諭令知之○諭前因俄使普提雅廷奇稱欲會商
未定界址當諭令奕山親往會晤秉公查辦昨據錢琦相等奏該使於七月二十六日折回天津海口該藩司等派員將理藩院回
文當面付給並告伊已專派大員在黑龍江等候會辦該使既得回文又經地方官以禮貌相待歡欣而去惟稱查勘地界一事尚
須折回本國請示該國主等語自係實情此次普提雅廷路過黑龍江諒必至海蘭泡等處奕山如與接見當告以中國既有咨文
至薩納特衙門將來未定界址自必由該使臣與奕山秉公查勘所有海蘭泡關吞屯精奇哩等處均有該國屬下人蓋房占住見

在界址未定自應先行撤回以守舊章而敦和好即或一時未能全撤亦須飭令安靜居住勿與中國人互生嫌隙該使臣係該國大臣諒能約束屬下靜候查勘倘或該使臣不到黑龍江與奕山晤面奕山亦可曉諭海蘭泡等處人告以該國有大臣普提雅廷即日前來與該將軍查勘界址兩國承敦和好爾等若不候定界址擅自蓋房居住實屬非禮中國必查行該國懲辦如此剴切曉諭仍請加防範先事豫謀以消後患○王子諭內閣王懿德慶瑞奏官軍攻克甯化縣城福建被擾地方一律收復一摺江西逆匪竄擾福建汀州邵武各郡縣經官軍節次攻克收復城池惟甯化一縣尚爲賊踞該督派委汀漳龍道英樸等帶兵馳抵該處守備潘維文等督兵會同攻擊該匪登城抗拒該道激勵兵勇乘夜急攻將西北兩門竄出之賊殲擒殆盡其東門之賊見水過河紛竄者復被我軍截殺無數即將甯化縣城克復此次福建首剿浙江西甯匪三月之內將失陷城池次第克復地方一律肅清辦理尚爲安速所有在事尤爲出力之文武員弁紳士著該督等查明奏請獎敘其傷亡兵勇並著查明咨部請卹○官文翰林翼奏黃州官軍自剿除黃岡縣屬孫家塢等處賊壘後官文咨令各軍乘勝攻勦偵知黃新連界之馬家河等處賊營甚有星羅非出奇制勝以除之則我軍勤多牽掣臣胡林翼遂率營訓方李續宜審察地勢分路進剿十八日臣胡林翼派仁字六營由左路進又兩訓義寶信等五營由中路進各以馬隊輔之又派員營及團勇排列左路爲疑兵而以湘寶三營並信中營隨同副都統舒保馬隊伏中路山陰相機而動寅刻我軍出隊誘敵踰時賊以三千餘人排右路以四千餘賊排中路以七八千賊直撲我左路何紹彩率仁字六營奮力禦之李續宜密派張文煥等分率各營而白帶湘副中營捲旗息鼓分四枝向左路伏山而行出其不意奮擊賊腰何紹彩等見賊將爲我軍所截與馬隊合力圍剿左路之賊大敗中路賊急揮賊隊衝我中路並援賊左路唐訓方等奮力擊退而右路賊亦潰臣胡林翼復督各營勇乘勝追殺直搗賊巢槍斃齊旋舒保統馬隊衝擊賊三時之久連踏賊壘四座我軍中兩路見賊老營已被勇氣百倍馬步合力環攻連踏賊壘四十餘座馬家河等處賊壘悉平計是日焚燬甯甯及檢斬首約四千餘人奪獲軍械無算賊盡竄新水深山我軍追殺十餘里是日之捷李續宜料敵決勝隨機應變實堪嘉尚而將士用命則以仁字六營更爲出力見在上巴河以上黃岡境內一律肅清臣胡林翼見即提師進駐新水臣官文查辦廣山深密峽逆匪四鄉要隘者尚多再得數大戰以次掃蕩則全楚自臻安堵矣報聞○和春奏據張國樞咨稱紅花山一處逼近摩旗山賊壘與虎頭山相離不遠須在此紮營方能扼要因於六月二十日傳集夫役覓夜趕築塢一役之力工纔過半賊匪分股來撲均經我軍擊退隨催夫役將新營築就飭都司王瑞圖管帶川兵駐守又於山下添築一壘以資策應亦令川兵駐紮二十一日雨後摩旗山突出賊匪數千撲我紅花山新營張國樞親帶官軍馳往應援檣墩頻施逆屍枕藉不可勝數賊勢大敗趕李若珠等橫腰截擊又斃無算惟都司王瑞圖連次親放礮斃賊最眾該逆亦以擾礙回拒洞穿胸臆登時陣亡我軍於酉刻收隊約斃賊五六百名連日乘勝移營進逼樞樞兵陳世忠等每聞陸路接仗即率同遊擊葉長青等各駕師船乘風駛赴金銀二山及瓜州新河口一帶封鎖賊船開礮轟擊

該逆堅伏不出東南兩面布置已定惟西面直通金陵沙洲夾江逆黨與糧藥皆從此出進必須另行設法至圍合圍和春即於七月初三日偕許乃鈞親赴鎮江查看地勢非繞出高資逆壘之西度地安營斷彼外援不足以操勝算十二日令張國樑余萬清帶領副將王浚等由西面繞至高資我軍正在紮營逆匪大股出撲張國樑督官軍奮力擊劫接戰多時斃賊甚眾該逆仍復死拒我軍槍礮並進擊倒斃賊數百名始行敗退旋值大雨如注張國樑等帶同官軍冒雨督夫盡處劫斬馘一日夜之力成營八座即派兵勇駐守仍復晝夜添築以期聲勢聯絡十三日早鮑魚套口賊船見我軍紮營江邊駛出窺伺趕水師守備賴鎮海管帶各船由北岸揚帆起碇駛至南岸鮑魚套口施放大礮轟到江邊逆匪礮臺數座並擊沈賊划數隻逆匪敗退十五日黎明入霧迷漫城南逆匪突出千餘人欲撲我軍營盤經虎嵩林余萬清先後擊退斃賊二百餘名奪獲軍械數十件查鎮江逆匪嚴守極堅我軍見於高資偏近賊壘紮營多座直抵江邊金陵水陸外援皆已無路可通三面合圍漸成坐困之勢連日紮營迎勦先後斃賊不下一千餘名都司王瑞圖楊冠孫把總黃立紀羅得勝外委鄭得成均被敵陣亡森堪憫惻應請旨飭部從優議卹得旨王瑞圖等均飭部從優議卹○以克復江南深水縣賊實總兵官傅振邦提督衛開復總兵官虎嵩林革職前在處分○癸丑諭內閣著論奏賊匪竄入縣城請將失事各員分別懲辦等語七月初五初六等日撫州賊匪竄至進賢縣支嶺地方分撲官軍營盤寶勇接應遲延以致賊匪獲出我軍之後各營均被焚燒踴躍賊匪乘勢撲入縣城知縣史昌壽馳赴池溪橋集團助勦舉人焦有森聞縣城有警立帶團勇直抵城下與賊接仗賊匪敗匿城內總兵李定太派守備萬泰等督兵進勦副將周鳳山亦率所部前進該逆知官兵雲集即於十三日遁回撫郡當將縣城收復所有管帶寶勇接應遲延之已革武闕州吏目吳學璧著即革職交各該訊明定擬具奏幫帶寶勇藍翎副運府經歷縣丞鄧國祥著即革職進賢縣知縣史昌壽於縣城被匪撲入雖邀集鄉團與官兵會勦旋即收復惟城池究已被擾皆無可辭著即革職置於地方辦理善後事宜以觀後效管帶志同軍等營補用同知鍾世楨等著將前次堵剿出力准保之案撤銷以示懲儆○江西巡撫齊壽齡奏據廣東南韶連道吳坤修等稟報七月初五日各營進攻瑞州府城吳坤修率彪勇攻北門普承堯率寶勇攻西門劉騰鴻同劉運捷等率湘勇渡過北岸攻東門直抵城下各用雲梯奮力仰擊施放火箭箭筒城上槍礮木石密如雨下我軍奮不顧身前者受傷後者繼進劉騰鴻親執梓政督陣藍翎把總谷文勝被傷陣亡攻至午刻士卒受傷甚多恐損精銳始各收隊初六日以後各營不時進攻十一日夜復大舉攻城普承堯等分率兵勇齊備城根十二日到騰鴻移千斤大礮將橋南賊築礮臺攻破拋擲火彈燒乾臺內逆匪無算劉騰鴻身受槍傷仍裹創奮戰十三日又攻破橋北礮臺劉騰鴻督隊過橋驟中南門賊礮登時陣亡其弟騰鵬騰鶴仍率勇冒險爭先奮攻愈急普承堯令蕭景趕往南城幫同攻勦時城內逆集偽將軍黃沈亦為我礮所斃賊眾畏懼乞降吳坤修得承堯均作許之以懈賊守是夜我軍拋擲火礮焚賊城上更棚逆眾大驚首承堯即督率各營緣梯登城分途刷洗賊賊不計其數賊眾聞城逃走吳坤修之彪勇到回城之戰船伏兵齊起悉數殲除其情急投

河者均爲水師檢斬無一走脫其計殺斃溺斃者二千數百人各營生擒數百名分別記明處斬難民開釋奪獲大礮一百餘尊族
械不計其數當卽克復郡城 查瑞州府城自咸豐五年冬間被石達開攻陷踞爲巢穴未能奪下今拔此堅城蕩蕩蕩遂首功
就誅戮洵足伸 天討而振軍威延計圖攻年餘戰數百餘次攻城三十餘次我軍受傷及陣亡者千餘名在事統帶各員備歷辛
勤其尤爲出力者相應開列請旨給予獎勵其餘在事出力各員弁容俟查明另行請獎各營兵勇俟稍休息卽當分撥進攻撫建
高潮新淦吉安補用直隸州知州劉勝鴻紀律嚴肅謀勇兼優攻剿瑞郡該員之力居多本擬保舉知府並加道銜乃功在垂成因
傷殞命深堪痛惜應請旨飭部將劉勝鴻照道員例從優議卹並於瑞州府建立專祠藍翎把總谷文勝臨陣捐軀亦請從優議卹
上諭該逆自五年冬間竄踞瑞州官軍設法圍攻備歷辛勤所有尤爲出力之卽選副將普承堯著記名以總兵用並賞給扎薩

克圖巴圖魯名號廣東南韶連道吳坤修著賞還花翎文童劉騰鶴著以知縣遇缺卽選並賞加同知銜賞帶藍翎從九品劉騰鶴
著以知縣儘先選用並賞加知州銜升署四川夔慶營道擊劉國斌著以參將儘先補用其餘在事出力員弁兵勇著著論查明保
奏○諭昨據御史尹耕雲奏宗人府刑部會審行劫案內有宗室忠能未經正法請照嘉慶年間喀勒明阿之案勒令自盡當交惠
親王等查議具奏茲據查案進呈喀勒明阿係移居宗室所犯強姦良婦之案係屢次圖殺復加毆傷與忠能之入夥行強並非屬
劫者不同宗室罪名止於絞候斬決本無立決之條今忠能已革去本身宗室鄉赴市曹看視刑復加重責發往黑龍江牢囚監
禁已與斬絞人犯監候者無異並諭令該將軍如該犯不安本分卽行正法實係準情酌理務得其平並未過爲寬縱該御史所奏
著毋庸議嗣後宗室犯案無論罪名輕重該管官按律定擬毋得妄揣朕意疑此案爲曲法施仁致滋疏縱○予江西陣亡直隸州
知州劉勝鴻祭葬世職如道員例瑞州府城建祠○甲寅諭軍機大臣等前據諳廷襄奏直隸順德廣平各屬與豫東交界地方有
游匪勾結土匪滋擾經該督調兵捕拏並委清河道董誥前往查辦因思該處本年被旱成災貧民因覓食維艱以致藉端滋事匪
徒固當嚴辦其被難貧民尤應妥爲安撫見雖帑項支絀而地近畿輿亟應力籌安輯應如何設法籌款賑恤之處著該督酌議章
程卽責成該道嚴辦督同地方官妥爲辦理以濟窮黎而免生事候補副將連年營帶官兵五百名前由景州移駐天津見在該處
地方安靜應否飭令該副將帶前項官兵赴順廣等處以資彈壓並著該督體察情形調撥將此諭令知之○署直隸總督諳廷襄
奏遵旨查辦彙匪見飭各州縣分路兜拏嚴究黨與地方已漸安靜得旨仍著實力捕拏勿令處處嘯聚卽山左匪徒亦應越境協
緝莫分畛域○乙卯諭軍機大臣等慶英等奏某衛夫回城等處擊賊解圍接捕餘匪情形一摺此次賊匪圍困某衛夫漢回兩城
經慶英等派遊擊德祥等帶兵出擊連獲勝仗賊蹤披靡散竄並探知巴爾楚克撲城之匪屢受懲創因知官兵已到圍木舒克軍
臺該匪等張皇逃遁軍威大振見飭兵勇復由瑯瑯一帶接捕餘匪疏通和闕道路辦理甚爲得手惟喀什噶爾及英吉沙爾兩處
賊勢如何尙無確信亟應儘官兵趨程前進以解城圍據慶英等奏西路賊黨聚集尙多兵力僅止二千餘名未敢輕進見在烏

鴨木齊及鴨喇沙爾蒙古各兵計日可到葉爾羌著法福禮迅即督帶前往英吉沙爾等處進剿毋稍延誤致失機宜其葉爾羌等處圍已解並著慶英等將餘黨接除淨盡務絕根株將此由五百里各諭令知之○予廣東被戕府經歷易紹勛祭葬世職○丙辰以捐輸軍餉不廣湖南文鄉試中額四名長沙安福湘潭三縣學額各十名善化九名醴陵六名湘陰五名瀏陽邵陽新化澧各四名補鄉安化保靖各三名益陽湘鄉各二名攸衡陽清泉衡山武岡平江武陵桃源澧浦慈利各一名○丁巳以克復貴州思南石阡思州松桃安化印江玉屏青銅府廳縣各城賞守備吳永清花翎餘升敘有差○子安徽陣亡知府畢大鈺等祭葬世職○戊午祭

大社

大稷○己未諭軍機大臣等文祥奏滇省軍務緊急請迅撥餉需並飭四川再撥兵二千名來滇助剿一摺前據吳振斌

奏稱挑兵二千名帶往撥銀五萬兩解赴雲南省城並另籌銀五萬兩隨同川兵行走此項官兵當已陸續啟程四川赴滇之兵先後調派已有三千餘名此外恐難再撥文祥因省城防剿喫緊於賓居一路抽撥兵練一千名赴援該提督所帶兵力較單著俟川

兵到後即將所派兵練撤回以資勦辦西路道途梗塞軍餉支絀自係實情見在川省共撥銀十萬兩著吳振斌酌量分撥解赴文祥軍營毋令缺乏該提督惟當就現有兵練奮力剿擊並設法疏通道路務使與省城聲息相通互為策應吳振斌即飭帶兵各

員兼程前進毋稍延誤將此由六百里各諭令知之○諭李孟羣奏拔營進攻六安州城請調邱聯恩一軍協剿等語李兆受張蔭刑等逆黨見由霍邱正陽陸續竄至六安州該藩司所帶兵勇僅四千餘人分紮西南兩路恐有顧彼失此之虞惟前請咨照民

已由伊興額帶往見在蕪助徐州此外無可調撥至邱聯恩一軍前據英桂等奏見派在三河尖等處扼要駐紮能否撥往李孟羣軍營著英桂與勝保袁甲三會同商酌設或不能調往即另派得力將弁分帶兵勇前往六安助剿再前據福濟等奏鄭魁士已帶

兵前赴六安援應並以疏通餉道著迅速前進與該藩司併力夾攻不至因兵單因守至李孟羣營中需餉甚急除英桂連次協濟外各自奏撥晚餉乘經起解者尙有數起著福濟隨時分撥毋令缺乏將此由六百里諭知英桂勝保袁甲三福濟鄭魁士並傳諭

李孟羣知之○庚申予江西殉節縣丞胡履震等祭葬世職○撥寶鈔六十萬串修補洪澤湖及南北運河各工○壬戌官文輝林翼奏黃州官軍進駐蘄水臣官文調參將李濟清督帶長龍三板等船十餘號駐紮蘄水之蘭溪及對岸黃石港等處杜賊偷越

胡林翼於七月二十二等日率各師駐紮蘄水之月山偵知各鄉村匪賊不下數萬又新添安徽悍賊萬餘來援二十三日我軍安管甫定賊分左右中三路來撲又另分數支搖旗吶喊勢極兇悍李續宜唐訓方等分率各軍嚴陣以待俟賊至山腳用礮轟擊

團勇亦奮力齊進斃賊多名餘賊敗竄時馬隊分三路衝突臣胡林翼亦督親兵且戰且進齊獲賊屍李續宜與何紹彩會合計保馬隊夾擊直搗賊巢礮齊施登時火光燭天延燒賊壘六十三座並賊屯糧之所一燬而空被殺及掩斃之賊五千餘名馬步或

河追擊又連破賊營偽城五座擒斬賊目偽檢點偽指揮等三十四名奪獲槍礮器械無數二十四五六等日復分路出隊馳赴界首曹家衝等處追剿逆賊望風披靡又被我軍殲斃二千餘名是役也我軍於數日之中剿除賊壘六十餘座設賊七千有奇馬隊

又追剿百餘里實督仰賴 聖主威福將士用命見仍乘勝下勦以期節節掃蕩會攻九江其在事尤爲出力人員相應請旨給予獎勵出自 聖恩此外出力兵勇應請擇尤保奏伏候 聖裁 上諭內閣此次移營進剿竄賊斬賊甚多著官文等嚴飭帶兵將弁乘勝下勦節節掃蕩以期會合諸軍迅克九江府城毋稍延緩○駱秉章奏准江西撫 鈔送克復龍泉縣城摺稿專據副將周鳳山稟報於桂東一軍疊次攻勦及用開誘降收復城池實在情形未經聲敘明白 見確知其詳不敢不爲 皇上一一陳之桂東一軍劉拔元胡兼善吳齊源等二月二十五至三月十四等日疊次勦賊殲斃甚多十六日大破賊於君子垸燒賊營二座斃賊四百餘名二十八日追賊石圍四月初四日勦賊五斗江其斃賊五六百而龍泉北鄉賊氛漸熄吉安援賊圍撲城南老營情形萬緊胡兼善聞警往援行抵藻林距老營尚二十餘里聞知縣劉拔元等已出隊擊賊被賊圍攻眾寡不敵血戰捐軀胡兼善率勇星馳行抵城南飛稟求援 卽飭千總蕭紹鈴率所部勇六百急赴龍泉又調桂東團練黃由謙等率團勇五百先往援應一面札飭吉安各軍就近分軍助勦而以劉拔元所帶中營之勇併歸胡兼善統帶初十日賊眾六七千來撲營盤胡兼善等擊卻之斃賊五百餘名二十三四五月初一等日賊眾萬餘屢次出撲均經胡兼善等擊退初十日周鳳山始由萬安率鳳營抵龍泉城北一帶安營是日蕭紹鈴及桂東團練黃由謙等各率勇抵龍泉西南一帶安營連日派隊環攻城賊固圍不出亦旋退二十七日萬安縣賊八百餘人來援龍泉周鳳山胡兼善等各派隊迎勦斬殆盡閏五月十四夜胡兼善營中幫辦武生胡達善巡哨至西門邊獲逃賊林預信至營訊以城中虛實據稱城內男婦大小約七八千米糧不乏賊首爲武舉鍾起鳳慶生鍾毓靈等而尤以監生陳邦烈舉人榮謙爲最胡兼善恐渠魁漏逸擬設計誘致之遂授以密計縱令入城十七日林預信縋城而下言城中諸賊見尙疑信參半胡兼善仍縱之去並諭令須偕賊首數人來次日賊首鍾起鳳等來營胡兼善仍好言撫之令鍾起鳳鍾毓靈鍾毓靈留營鍾起鳳仍偕妻與林預信復入城二十一日陳邦烈張謙亦至並有賊目劉相桂隨之胡兼善伴席慰諭將七犯分羈各營計於二十四日棄械出城就撫工十二日胡兼善等同詣周鳳山營密告該首逆等均經誘出據備傳單請其分諭各營一律遵照某起賊由某門出歸某營看守防護聽候分別查辦賊出之後不准兵勇入城搶取財物違者治以軍法周鳳山始知誘致之詳胡兼善歸營後令張謙等告知城中各賊准於二十四日卯刻出城屆期城內之賊疑懼未化賊首張謙等願再致信城賊勸其速來是夜賊首劉金輝羅齋公劉名典等希圖夜夜偷竄適幫辦吳齊乙等巡哨至擊獲到營胡兼善仍釋勿誅復遣入城五鼓林預信又引出賊首鍾有漢溫日新陳邦英而劉金輝羅齋公劉名典三犯亦隨之出二十五日胡兼善等列隊各門城內賊眾披門棄械而出各營憤其抗拒日久除婦女老幼分別省釋外概與駢誅二十六日胡兼善始提首逆鍾有漢羅齋公溫日新陳邦英劉名典劉金輝正法二十七日又提首逆張謙陳邦烈運起鳳鍾毓靈劉相桂五犯磔死惟林預信卽林崧生鍾辰學兩犯胡兼善等許以戴罪立功稟請批示辦理 飭令妥爲安插以示法外之仁此收復龍泉縣城之確實情形也周鳳山於收復龍泉縣城後先發稟報任意欺罔

當城賊二十五日出城之時各營止列隊城外並無攻城之事乃捏稱派隊環攻綠梯登城奮力巷戰在城中分路截殺等情賊首羅齋公本萬安著名齋匪劉金輝木龍泉起事首逆經胡兼善於復城後次日提出正法乃捏稱羅齋公於入城時殺戮劉金輝改過自新請免死罪雷營效力至逆首張謙陳邦烈鍾起鳳鍾毓靈等原係胡兼善遣降賊林預信誘致到營乃該副將粟稱胡兼善之勇其中常有兄弟在城爲賊又有哨官陳姓與賊逆張謙有師生之誼顯係心懷忌嫉希圖要功前於該副將稟報克復龍泉時已深疑其不中情事大加駁飭以胡兼善等必兼稟江西彼此互助是非自明不料胡兼善未及具稟江西該副將得以任意捏造虛詞肆其欺罔見據管帶湖勇候補道王鑫就近體訪稟請查辦所稱該副將欺飾要功等情與所聞大略相同仰懇飭下江西撫查明更正從嚴參辦以明賞罰而勵軍心至由湖南陸續調赴龍泉各營紳勇在事既久頗著微勞可否由粵明案保獎之處出自 聖裁又奏據王龔稟報自期敗廣昌縣古夏東山壩巨股賊匪後餘賊之竄露頭被者旋竄廣昌縣六月十七日王龔拔營追之賊分五路拒敵官軍亦分路進剿賊大敗走躡緊追忽逆首僞國宗楊姓率眾萬餘自甘竹來接應賊賊回拒都司張騰雲躍馬衝鋒潮勇一齊猛撲賊復大敗追至南豐縣界竹竹地方始行收隊是戰斃賊約近三千生擒悍賊一百十三名回軍廣昌縣城而前派赴樂安之千總朱惟堂亦與張騰雲及知縣孫效曾於十九日收復樂安縣城王龔方擬直搗撫州建昌兩郡忽吉安城賊攻陷周鳳山營盤其趙煥聯劉培元兩營亦因而被陷僅吉字營全軍無損退保安福縣城王龔聞警遂輟撫建之行還軍永豐縣屬藤田按兵觀釐七月初八日朱惟堂飛稟僞國宗洪揚諸逆率撫建賊數萬竄宜黃崇仁兩縣將趨樂安王龔得報撻甲星馳次日已刻抵樂安縣城奮旗息鼓令賊不覺一面暗催團練聽候調遣十一日未刻接賊八九千人已至南門外距城僅半里王龔發暗號伏兵四面齊出大呼猛撲賊駭而奔我軍窮追四十餘里至甘泉墟計其斃賊五六千始收隊十二日王龔親率所部出太平市甫行十五里賊前隊六七千已到王龔分所部擊之賊大敗追至太平市賊大隊二萬餘盡出接應各勇大呼衝擊追殺三十里至客馬塘是戰斃賊四千二百名而竄伏山林爲圍丁接殺者亦二三千時僞國宗楊逆有眾三萬尙屯林頭地方賊之敗回者往與會合十四日王龔出隊擊之賊列大隊於草岡左右張南翼來迎王龔爲長蛇陣備之縱勇奮擊喚槍礮齊發復令營牌數十從後滾出揮刀亂斫賊大奔潰窮追三四十里始回軍至崇仁屬之鳳岡墟宿鳥是戰殺賊一萬二三千人生擒四百餘名王龔擬乘破竹之勢進規撫建然吉安敗後未能圍攻設令城賊逸出肆擾則一軍孤懸四面受敵餉道堪虞該員一軍接勦江西自擊賊水東至太平市之戰共獲大捷十二斃賊四萬數千江西大局賴有轉機正宜加意保護俾殘寇賊功以紓 聖慮此軍月餉軍械子藥 與總局司道籌商按時措解接濟俾得一意圖成無憂缺乏維是道路相距愈遠近自吉安官軍潰挫時有梗阻之虞見在解餉兩批未知能否徑達合無仰懇 皇上飭下江西撫 督撫遇湖南奏解未到該軍餉項置乏速由江西籌解以資接濟 上諭軍機大臣等前據耆齡奏已革副將周鳳山督兵攻克龍泉縣城當經降旨將該員開復原官遇缺卽選並賞還

花翎矣本日據駱秉章奏該副將心信已厥收備要功既經駱秉章訪得實情著旨即行確查嚴參據實更正以懲欺冒者給去
經接據胡兼善等稟報以致無從詳悉亦無所用其因該路秉章摺著鈔給閱看又據另片奏工部一軍擬由崇仁進剿撫建湖南
所解兩批餉銀因言安收後道路梗阻恐一時不能徑達請飭江西酌量接濟等語並著旨給將王鑫軍營需用餉項軍械子藥先
由江西省局籌解接濟毋使稍有缺乏將此由五百里諭令知之○諭本日據駱秉章奏王鑫一軍赴援江西餉道梗阻請飭江西
就近撥解軍餉接濟已諭令著該部速籌協濟所稱周鳳山於克復龍泉縣城有固功情事並已諭令著該部查辦至湖南派赴龍泉之
官紳兵勇從征日久著有微勞即著駱秉章查明保奏其克復興安案內除補益等各員本日已由勞崇光保奏外其餘出力各
員仍歸駱秉章查明保奏丁受侍郎會同該部酌量降旨准其暫行在籍守制陝西軍務緊急或他省有需人之處仍著候旨前往
昨據給事中李鴻年奏會國藩自丁父憂被蒙賜金給假哀奠慰問此後屢經從戎宜為天下後世所共諒豈容以終制為守經再
三禮請應飭仍赴江西及時圖報等語軍務奪情原屬不得已之舉朕非必欲該侍郎即入仕途然如該給事中所奏亦可見移孝
作忠禮權並用公論自在人心見在江西軍務有揭載福統帶雜無須會國藩前往而湖南本籍附近習勇賊氛未息福統防均
關緊要該侍郎負一鄉重望自當極力圖維急思報稱所有李鶴年原摺著鈔給閱看此諭知駱秉章著傳旨諭令會同藩知之
○諭吳桂奏需用馬匹請飭於近省購解等語豫省現在剿辦皖捻並角子山股匪全恃馬隊鈔擊見在該營馬匹倒斃甚多自應
就近購買陝西為產馬之區著會同該部酌量採買壯馬四百匹委員迅速解送英桂軍營以資攻剿此項馬價即於陝西省欠撥
河南銀四千兩等項下如數扣除將此由五百里諭令知之○官文奏黃州官軍移營進剿遲緩皆因都興與楊載福李續賓李續
宜多隆阿舒保等六員厥功甚偉其智謀勇略皆足以當大任相應據實密陳以備簡用得旨俟楚北軍情稍緩人兵東下之時朕
酌量擢用以期得力○駱秉章奏候補道王鑫馳剿吉安水東援賊疊獲勝仗正擬先剿樂安縣藤田地方忽探報賊日偽將軍潘
姓楊姓及蕭復焉率賊數萬續由甯都來援吉安距沙溪不遠王鑫以賊眾已近沙溪則吉安可危而藤田後路亦便遂報樂安之
行於十九日率四成隊一千二百人由藤田馳赴沙溪一十一日有賊萬餘前來搗戰其氣殊驍王鑫靜以待之密令王文瑞等分
設伏兵王文瑞先與賊遇斬首二百餘賊遂紛紛敗走王鑫從左路追之圍賊山坡殲斃六七百名官軍進至韶源賊眾駭走王鑫
縱火燒燒村壘一面分五路急追之至上因陞口賊返戈抗拒官軍直前衝突則又斃水敗逃官軍復追過河至獅公嶺始收隊而
退是日斃賊約兩千餘生擒賊數百破賊壘三十餘處旗幟軍械輜重山積敗賊竄至甯都州屬之釣峰收合餘黨眾尙數萬王鑫
念此股不急剿除終為後患遂連日拔營追之二十六日令王開化等分路進剿自率兩旗勇由中路進行近釣峰見該逆竄屯蟻
聚村墟皆滿城前近水兩岸徧紮賊營王鑫令先攻城內之賊王文瑞等由墟後包抄之鑫親督弁勇由街口殺入賊長為名聲等
語直衝立斬俘賊數十該逆自相踐踏死者數百各勇直前亂砍賊無算陣斬偽總統廖逆遁出街口餘賊將向江湖逃竄

王文瑞從街口鈔來圍而營之官軍之潛襲賊營者復縱火焚賊賊折奔江漢官軍緊追斃賊二三百名王令王文瑞等乘勝奔
進同時縱火賊被傷斃者無算賊曰請復務策馬而渡湘勇李文瑞斬之而奪其馬約其散賊二千六七百名救出婦孺難民約
近萬人而官軍一千二百人無一傷亡者王令軍至小源適會匪頭目謝雲標一股竄至廣昌縣屬頭賊地方賊目偽國宗伍復勝
率眾數千由廣昌竄至會於古夏圖擾濱都王令率眾襲之六月初一日抵古夏賊眾負山而溪而營王令令張運備等帶旗勇伏
於山後自率親兵十餘騎至溪邊誘之賊見王令護從人少急分數路躍溪而渡王令退至山坡鼓聲大震山後伏兵突出賊反旗
而奔張運備之勇已衝渡水南鈔出賊後官軍前後夾擊賊數百餘賊潰散王令縱勇窮追沿途斬殺七八百名是役共斃賊一
千三四百名生擒偽總制楊沈植及賊目數百初二日編建賊匪回援吉安前隊已抵東山壩王令令王文瑞等由右路沿河而進
親督王開化等過河由左路進初三日右路之勇已抵坪田張運備復令各勇為三路賊匪官軍人少排列以待官軍奮衝敵斃
賊百餘賊始敗潰官軍一面追賊一面圍住該村賊黨衝出者盡為官軍所殲賊陣斬賊首王令令王文瑞等信懸於馬上餘賊敗潰王令
督官軍由左路進賊東山壩里許進賊聞有跡之以為黃龍潭王令令王開化等急擊之賊大敗走官軍夾擊斃賊四五百名王令
令各營分路窮追斬賊巨陳輝南餘賊肆易張運備戰大半其計斃賊三千餘名據王令令偽國宗楊連後隊賊眾二萬餘已抵
廣昌縣之頭岐地方相距僅三十里偽國宗洪遵亦來會合恐尚有數次大敗而擒建甯都之賊間尚有十數萬之多樂安新淦亦
均有大股屯據擬即相機的辦次第剪除 惟王令令自馳到水東援賊以來月餘之久轉戰數百里前後屢獲大捷而所部湘勇僅
有三千餘暑過征勞頓殊甚況賊匪多至百倍近更添由關回竄巨股誠未可視之太輕故有他慮見飭在籍都司王開化千總張
廣勝等迅募湘勇千名陸續前進王令令行營聽其挑補更換並札飭管帶林東勇之編勇訓練善於龍泉軍管挑精勇五百馳往助
剿報聞○以捐輸軍餉承成河南文鄉試中額二名祥符縣學額九名准寧溫各四名始二名關儀洛陽武陟西華項城太康尉
氏濟源宜陽新安許寧陵陝西內孟扶清瀋城各一名○以黃州官軍剿賊後勝賞原府李煊宜副將張文燦巴圖魯名乾餘升推
有差○子廣西被裝知縣宋炳瑛奏錄世職○癸亥諭內閣本年直隸省二麥歉收庫積水未清之區業經降旨加恩停緩錢糧惟
念入夏以來連雨開作順德廣平府屬被旱較重大名府屬復多被水之處小民生計維艱自應酌量蠲緩前經諭令蠲廷真的議
章程妥為辦理茲據奏稱委員查勘晚禾穀豆尚未一律刈穫與分府辦理先行蠲免差徭並放社倉義校俾有不
敷再由藩司籌款酌放折色等語均著照所議辦理其所請蠲發官票銀五十萬兩著戶部即行如數發給俾得通融酌劑以充賑
款餉需仍著該督飭催各屬委員勘定秋災分數奏請恩施用副軫念民依至意 諭欽此○廣東省廣西股匪攻陷南甯等府縣
城池道高應各屬塘湖復勝一摺廣西土匪李七等糾眾肆擾數月之門應照郡邑城池官場軍大恩極理廣東兵勇疊勦樓勝仍
著某各環督飭高廉等屬文武會合廣西官兵殲除匪取迅圖克復毋令蔓延廣西左江鎮總兵色克精阿左江道史德徵木龍先

事豫防代理漢州知州羅定霖代辦南甯府事兼理宣化縣知縣蘇在中不能力保城池均著革職仍留軍營效力○勝保奏前因後路太單面致袁甲三帝兵移款以壯聲勢嗣據函覆韓圩餘孽尚未淨盡未能迅速前來見攻正陽前正在喫緊前敵兵勇尙慮不敷斷難顧及後路沙河以北伏莽未清時虞竊發設乘虛窺伺掣動大局關繫非輕正躊躇間據贛上縣知縣程鈺等稟稱鳳臺縣境內苗家寨生員苗沛霖練眾萬餘滋擾謝家橋辰溝等處聲言在該處築圍查展滿闐一帶本爲珍巢今苗沛霖借團練爲名到處均煽心懷叵測若再勾結恐成尾大不掉之勢惟從前揆逆竄擾鳳儀一帶苗沛霖會經督國邀擊心尙可原此時既未顯形叛逆之迹不能不暫示羈縻且大股捻氛尙未殄盡兵力亦難兼顧當飭鳳臺縣知縣李霖持手諭前往開導一面密飭贛州府知府才子和督同程鈺妥爲撫馭俟稟覆到日再行籌辦是沙河以北地方僅無兵力實敢投馬思逞之心相應請旨飭下袁甲三剋日帶兵南來擇要扼守或分兵在辰溝闐一帶紮營設法控制營可免腹背受敵之虞上諭軍機大臣等前經疊次諭令袁甲三速赴正陽將湖北韓圩之賊交史榮椿朱連泰督剿計此時早已接奉諭旨何以尙未啟行見在英桂三於初九日啟程回省贛州一路僅有顏恆忠等壯勇數百名正陽後路空虛已甚況沙河以北伏莽未清上練復心懷叵測亟應速籌控制著袁甲三即行督帶兵勇馳往正陽所有湖北各匪著仍遵前旨交史榮椿等分路接捕毋再遲延至另片奏請由河南山東山西各先撥銀二萬兩仍每月各撥銀二萬兩等語殊屬不知樽節前此英桂在贛剿捻餉需皆由河南接濟今該撫暫行離營並非不與其事勝保既欲河南濟餉仍可向英桂商辦何待請旨飭撥豈英桂難當即置軍餉於不問耶至山東山西應解京餉甘修楚皖各餉數目繁多勝保豈不知之當此籌餉維艱之際而隨地募勇動以千計安得不倍形支絀况募勇易而遣散難流弊甚多從前勝保在山東即因不能約束川勇致有搶掠村莊之事前車之鑒亦當自知勝保屢次奏報皆言功在垂成而此次忽請按月撥餉似將爲曠日持久之計何以慰朕盼望所請撥餉著英桂傳諭藩司瑛榮仍由河南源源接濟不得以該撫離營稍存膜視此外惟山西省尙可湊撥已諭令恆福酌量籌解然該省撥款過多亦不能按月接濟也勝保袁甲三當力圖進剿俟克復正陽後即行酌撤募勇以節經費將此由六百里諭知英桂勝保袁甲三並傳諭瑛榮知之○諭見在英桂帶兵赴西路禹密一帶接捕竄匪勝保仍督兵進剿正陽山西省前撥解河南餉銀五萬兩業經支發無餘當此喫緊之時自應寬爲籌畫除諭令英桂仍由河南省撥項接濟外著恆福再行酌量籌撥銀數萬兩委員解赴勝保軍營以資軍食毋稍延緩將此由五百里諭令知之○子安徽陣亡縣丞李光豫等廣東殉節知縣刁汝元等祭葬世職○甲子以福建省城圍防出力賞在籍尙書銜太常寺卿廖鴻荃等花翎○乙丑諭軍機大臣等本日據都察院奏山東費縣民人宋德基以幅匪劫殺等情具控鄆城等處匪徒滋事疊經諭令崇恩派撥官兵會同徐州兵勇剿辦據該撫奏稱鄆郟等處肅清及蘭山費縣一帶已派有兵勇駐紮防剿匪徒當不至橫行茲聞該民人呈詞內稱幅匪李希夢等結黨千餘人先在蘭山鄆城地方劫掠因官兵挫敗突入費縣肆行焚殺分擾蒙陰沂水並聞宿遷之匪竄入蘭鄆境

內將與費縣賊匪合夥等語此股匪徒勢已蔓延且宿遷嶧縣等處均有匪徒滋擾業據邵燦等奏報何以未據崇恩將堵剿情形入奏見據該民人宋德基將幅匪頭目姓名住址開單呈控苦鈔給崇恩閱看該撫接奉後即飭克沂曹濟道連鑄並兗州鎮將等迅速將各股匪首嚴密查拏按名獲毋令漏網並派撥兵勇會同各該地方將夥黨接勦務使一律肅清儘存掩飾致釀巨患該撫恐不能當此重咎也將此諭令知之○廣福以病免以肅順爲理藩院尚書瑞常爲左都御史調文清爲吏部左侍郎以玉明

爲禮部左侍郎

由刑部

○丁卯調文煜爲江蘇布政使辦理江南軍營糧臺楊格爲江南布政使辦理江北軍營糧臺○戊辰諭

內閣端華等奏聯順呈遞親供並見訊各情一摺聯順供詞與眾不符之處仍著端華等詳細研鞠以成信讞至八旗步甲查出空

缺有一千五百餘名之多自應急籌挑補以重地方著步軍統領衙門再行確查按名挑補足額並妥議章程以杜虛報冒銷之弊

○山西巡撫恆福奏遼州有河南匪徒勾結飢民擅進黃澤開黎城縣屬偏城鎮地方亦有河南匪徒闖入見派官兵前往相機辦

理兼責彈壓得旨飭令迅速彈壓驅逐勿令到處滋擾○己巳諭內閣前據御史那清阿奏署兩淮鹽運使郭沛霖徵收淮南稅課

日形短絀並信任泰州運判洪國柱督領庫銀侵蝕稅錢代爲彌縫等語當交何桂清趙德轍查明具奏茲據奏稱泰州運判洪國

柱登名本屬平常咸豐三年因辦理防堵領過淮南總局墊發商人捐輸銀二萬兩事閱四年之久既未將用項隨時呈報又延不

造冊請銷難保無侵蝕入己情弊洪國柱著卽革職交署鹽運使聯英責令將所用銀兩趕緊逐款報銷並確查分撥備徵縣銀有

無實在憑據備有侵那等弊著卽嚴審治罪郭沛霖因洪國柱那用稅錢當將撤任勒追尙無代爲彌縫情事紳侯案結時另行具

奏○諭前據英柱等奏軍營保舉各員請准其開單請隨並在營候補等語當經降旨令該部議奏茲據吏部遵議具奏各路軍營

打仗出力人員原准保奏記名以道府用遇缺請旨簡放其辦理糧臺文案各員業經奏定章程不准保奏記名開放其從前記名

各員著仍遵前旨俟軍務告竣送部引見再降諭旨英柱等授在營候選之例仍請開單簡放之處著毋庸議其軍營候補人員本

准按班序補惟投效軍營旋卽保奏另指他省各項文員例應赴部分發引見方准赴所指之省按班序補若於未經到省之先卽

令其在營候補不但員缺虛懸且開取巧之弊嗣後軍營投效人員無論何項勞績保奏另指他省者均著俟軍務告竣給咨送部

引見到省後再行按班序補該撫等所請在營候補之處亦無庸議○諭軍機大臣等本日據法福禮奏後路官兵行抵某爾羌卽

統帶進剿一招喀什噶爾英吉沙爾兩城被圍已經三月亟應督兵救援見在所調官兵到某爾羌者已足五千之數諒已足敷剿

辦所有備調之烏魯木齊官兵一千五百名著毋庸再調以節糜費此次回匪滋事多係高令之眾一經官兵勦擊卽紛紛逃竄若

能乘此聲威奮力迎擊當可剋期殲滅某爾羌復有賊匪滋擾經官兵擊敗之後尙未遠颺著法福禮等督飭官兵前進仍沿

途接剿餘匪並確探喀英兩城情形迅速勦辦毋誤事機至該匪等一經剿敗逃竄出卡難保不去而復來如能設計鈔襲使其大

受懲創方足以破賊膽而固邊疆著該大臣等妥籌辦理此次法福禮所保各員均屬從優念其初次接仗卽獲大勝是以悉照所

請獎勵嗣後保舉出力人員不可失之過優以杜濫將此由五百里各諭令知之○以江蘇山陽縣捐輸軍餉承廣學額四名○庚午諭內閣前開江蘇在籍中允馮桂芬有御此捐戶等情事當經諭令何桂清查明參奏茲據奏稱訪查馮桂芬鄉評毀譽參半其勸捐吳江縣太湖廳兩處均會同眾紳公議尚無包庇情事惟紳士辦理地方公事必須與情推服該員既因勸捐致招物議者勿庸辦理省城局務○以沈桂芬為內閣學士由少詹事○辛未諭內閣何桂清奏端書奏提鎮大員在營丁憂請留辦軍務一摺浙江提督鄧紹良陝安鎮總兵秦如虎先後俱丁母憂見當勸辦喫緊之際未便遽令離營鄧紹良秦如虎均著毋庸開缺即作為著任仍留皖南辦理防勦事務鄧紹良俟軍務稍平再行奏請給假回籍治喪秦如虎屆時著該督酌量奏明辦理○諭慶端書奏海塘埔石各工作情形金衢嚴處等屬同時起蛟致將西塘埔工衝圯數處均已通水浙省海塘為本省杭嘉湖及蘇松常鎮七郡田廬保障攸關緊要著該撫嚴查道廳各員將已圯者趕緊搶築未圯者設法保護毋得再有疏虞至全塘各工此次撥捐甚多並飭承辦各員分別賠修該撫仍隨時親往巡勘以期及早蒞功其被水處所並上游被蛟較重之區淹沒人口田廬著飭屬查勘具奏所有防護不力之署西防同知邢吉甫海防營守備周金標均著革職留任署杭嘉湖道葉堃著交部議處慶端書著一併議處○壬申諭軍機大臣等德興阿翁同書奏連日防剿瓜州情形水陸獲勝一摺前因和春等移督重兵圍攻鎮江疊經諭令德興阿等水陸大舉與和春合力圍攻瓜州俾鎮城可以得手乃本日覽德興阿等奏報自七月二十八日至八月十一等日所稱疊次水陸環攻獲勝情形不過小有斬擒即行收隊賊匪既未大受懲創克復仍屬毫無把握若必待賊匪竄出始行勦擊則彼必竄匿堅守以老我師何日始能擒其巢穴著該大臣等嚴飭將士奮力進攻志在必克毋再遷延時日致生他變至傳聞石逆遺黨分踞下竄係聲東擊西之計亦未可知惟賊情詭詐自當於浦口六合等處嚴密設防所呈水礮臺圖水落時恐不利於運用必常趁此江潮尚旺之時轟擊方能得力見在南岸大兵雲集惟江路未絕接濟該大臣等即一面督飭水師斷其江中援應一面激勵將士約會南岸諸軍同時並舉使該匪不能兼顧不但瓜州可克並可逆作鎮江聲援明知餉需短絀軍士疲勞豈可坐失機宜有負委任將此由六百里諭令知之○癸酉諭內閣英桂奏請覈實清釐州縣交代一摺河南連年辦理軍務兼以吏調頻仍各州縣交代多逾例限尚屬有因著照所請准將從前交代逾限各員處分加恩寬免惟倉庫攸關豈容任意延宕著該撫飭將各屬未結交代在咸豐七年七月以前者即以奉文之日起限一箇月一律算清結報備再遷延或查有虧缺情弊即行據實嚴參懲辦○諭軍機大臣等李孟羣奏餉需告匱請飭四川按月撥銀三萬兩並請由楚省鹽課先行墊解等語李孟羣一軍由楚入皖已抵六安該處粵捻各匪麇聚勦辦正在喫緊餉需未容匱缺惟四川省奉撥款項較多著有以斟酌情形即不能如該藩司所請每月三萬兩之數務即速為籌撥銀兩接濟並著按月解至荊州即由官文等飭令刑宜施道莊受祺妥為轉解其川餉未到以前即著官文胡林翼於該省鹽課內先行籌墊解往俾得將欠發兵餉早為散放至楚省協濟李孟羣軍餉前會諭令該大臣等於先解二萬兩外

仍源源接濟此時該藩司需餉孔殷並著官文胡林翼遵照前旨速籌協濟將此由六百里各諭令知之○伊犁參贊大臣法福賚奏葉爾光境內賊匪經官兵擊敗後復行嘯聚滋擾督兵迎剿接仗獲勝得旨速回營恐恐回不過志在搶掠一聞兵至飽颺而歸觀此情形恐真賊已潛出卡止獸被脅良回聚而難散欲歸不能欲降不敢若不隨剿隨撫勢必愈殺愈多見在兵力不爲不厚務須另分奇兵由開道襲其歸路正兵多張旗幟以壯聲威庶幾成功較速不至餉虛糜兵徒勞也○乙亥諭內閣戶部奏參河南省應解京餉藉詞撙塞軍需用款並不報銷一摺河南省三次部撥銀共三百五十萬兩除解過運鎮等處銀三十萬兩外餘俱未解部庫經該部屢次奏催置若罔聞至軍需動用並不照部定章程按期造報任意延宕顯係借軍需爲名目以掩各屬虧那情弊該省額徵正雜錢糧甲於北省似此因循疲玩該大吏等天良安在若不加以懲創何以重國帑而儉效尤河南巡撫英桂布政使瑛瑩均著先行交部議處所有應解京餉銀每月十萬兩著按期解部毋許遲延其歷年軍需動用各款著勒限三箇月造冊報部覈銷備查仍前延玩定將該撫等嚴懲不貸○丙子河南巡撫英桂奏奉命移師回豫督剿西路竄匪見已馳抵許州催提後起兵勇妥籌進剿得旨匪蹤忽靡常追剿萬不能得力著嚴飭各府縣合力堵截毋任其分竄以舉出境爲了事也○丁丑諭內閣法福賚奏克復英吉沙爾回城並漢城解圍大獲勝仗一摺賊匪占踞英吉沙爾回城前經法福禮督兵在大榆獲勝後復在柳樹泉地方遇匪數千官軍槍砲齊施並用馬隊擊退賊軍奎英帶同烏魯木齊官兵兩翼馬隊轟潰前後伏賊乘勝追擊賊匪不計其數奪獲馬匹軍械甚多當將回城克復其圍攻漢城之賊亦皆聞風逃竄此次法福禮等剿辦踞城賊匪尙屬迅速著即接捕逸匪督率得勝官兵進剿喀什噶爾殲除醜類肅清地方所有打仗出力人員及陣亡兵勇著該大臣等查明具奏○諭軍機大臣等據署安徽藩司恩錫奏皖省軍需短絀請於原撥協餉之外另撥整餉十萬兩等語已批令戶部迅速籌撥矣據奏皖省各路兵勇共計一萬八千餘名現在患病者有五六千人之多當此軍餉支絀之時留此疲病之兵攻剿不能得力徒糜糧餉於事無益况屬隣等近日打仗止在廬州附近安用一萬八千之眾著即督飭帶兵各員認真查覈將老弱及患病兵丁酌量裁撤歸伍以節餉需而收實用至該撫前次撤遣兵丁已諭令各原營照數補足此項兵丁諒亦陸續到營如查有疲弱者亦應一併裁汰毋令濫竽充數本日所奏水陸勝仗該匪並未大受懲創著即激勵弁兵迅速攻剿毋得以待餉爲名僅知保守廬州不思漸次肅清致千重營將此由六百里諭令福濟鄭魁士知之○戊寅官文都興阿胡林翼奏官軍由斯水進剿賊眾逃回宿太者約十餘萬而黃梅小池口僞城踞賊抗拒如故臣官文咨行楊載福鄭興河等速拔小池口僞城撤其犄角臣胡林翼督所部各營董李續賓唐訓方等湘勇由上游斯水新州而達廣濟黃梅節節夾剿勢如破竹焚毀賊巢擒斬逆黨不可勝數八月初四日更餘臣都興阿令多隆阿鮑超各挑馬步隊伍分路潛進先襲燒其後山賊眾我兵四路衝擊轟斃及落河淹死之賊甚多馬步各軍連夜追剿計沿途殺賊三千餘生擒百餘名正法奪獲大礮六十餘位擡槍器械無算天明追至桂家廠渡河橋復踏毀賊壘十餘座維時黃梅境內已漸蕩清僅

小池口賊窟尙死守待援也。胡林翼遂令楊載福等移營進逼晝夜環攻連毀賊壘數處三十四等日楊載福李續賓等各營四面環攻十五日風雨大至該逆猶從城上踰施槍礮而我軍奮勵愈甚。都興阿又派馬隊施放火箭城內賊篷登時火起煙焰迷天各勇四面俱上該逆捨命狂奔被我軍截殺無數奪門而出者復經巴克坦布等率馬隊分路窮追至一百八十餘里斬殺殆盡城內被礮擊死之賊堆積如山查黃梅小池口與潯城隔江對峙爲江皖入楚咽喉重地該逆踞此險要以通皖賊之聲援資九江之犄角今仰仗 聖主威福將士齊心用命得以拔此偽城盡滅醜類全楚肅清實足以彰 天討而快人心見卽派軍駐紮小池口以固全楚門戶探悉九江逆眾倍嚴守禦援賊日增。等惟當督飭各軍相機進取迅掃逆氛所有在事出力員弁兵勇可否擇尤保奏。上諭內閣官軍掃蕩蕪黃賊巢攻拔小池口其逃竄餘匪復經巴克坦布等分路斬殺殆盡全楚境地一律肅清剿辦尙屬得手著官文等督飭在事文武乘此聲威攻克九江並分兵追剿逃竄宿太股匪以期迅掃餘逆疏通江路所有此次出力員弁兵勇著准其擇尤保奏候朕施恩○是月滿綏福建長汀等二十三州縣及興福廳等處被擾地方節年丁耗銀米減徵安徽亳州等九州縣及屯坐各衛災區漕米一成並緩徵旌德等四州縣節年新舊額賦有差

咸豐東華錄七十五

九月庚辰諭內閣譚廷襄奏請藉開助賑一摺直隸大順廣等屬被水被旱前經諭令該署督妥爲安撫茲據奏稱業經籌動倉穀酌撥銀錢先行散放並稱辦賑之處多係辦團之處如寓賑於團就各處地方勸諭紳商捐輸銀米卽挑運壯丁巡防盜賊由董率經理按期散放可裕民食而靖地方等語著照所請所有捐辦紳商准其照直隸捐米章程給獎並准將前次部頒空名執照發給卽責成清河道董醇總司其事所有已捐銀錢一併提充賑款以今年冬三月爲度俟年底再行察看情形辦理毋得假手吏胥致滋擾累用副朕軫念民艱至意○諭前因樂斌奏安徽軍營咨調補額兵丁請由本地募補一摺當交兵部議奏茲據奏稱軍營空缺兵丁就地補充流弊多端難期得力並請飭嚴革積弊等語所有安徽省咨調陝甘補額兵丁仍著樂斌照數派往嗣後軍營調取各省兵丁如有空缺查明係何營分隨時知照該省於原營照數挑補俟積有一二百名之數再由該軍營大臣奏請調派一面將原調兵數若干應補空額若干咨照原省選派俟奉旨後卽行飭令啟程至各省調撥官兵該管大臣務當認真挑選擇其年力富強技精膽壯者始令前往軍營到營後再由該軍營大臣校閱如查有老弱退怯者據實參奏其在營官兵除實係受傷患病准其撤回醫治外儘有捏病及潛逃等事卽將該兵丁按律懲辦並將該管官從重懲處該管官於本營逃兵匿不舉報者一併治罪庶徵調不至煩仍而紀律嚴明兵皆得力矣將此通諭各路統兵大臣將軍督撫提鎮等務各實力整頓以飭戎行毋負朕諄諄告誡之意。駱秉章奏王鑫經 調赴江西剿賊疊獲全勝駐軍崇仁縣之風聞盛以海署遣征斗患瘧痾而軍士數月苦戰屍氣薰蒸疾多不起其雷駐永豐縣城者卽還伺知張運蘭竹之七月十四日探報吉安府城偽檢點傳忠信率賊萬餘至吉水縣城遣先

鋒賊偽將軍何姓率賊二千將窺永豐縣張運蘭會同代理永豐縣知縣章激等督勇迎剿斬擒二百餘名十六日傳逆由烏江來撲張運蘭等復於城外野蠻橋敗之斬擒一千二百餘名王鑫以賊勢尚強派都司銜守備朱惟堂赴永豐助剿適 臣所調同知王勳訓導胡兼善帶勇繼至二十五日探報傳逆屯踞坪山王勳令黃萬友朱惟堂由小路先鈔賊後而自率親勇嚴陣待之賊眾排隊出抗官軍屹立不動相持間奇兵左右衝出新賊六七百追至雙源舖烏江等處共斃賊千餘是日王鑫在鳳岡墟接署知縣靳丹書稟報知賊擾近公坡墟料其將竄樂安而靳丹書所部太單時已病莫能興力疾趨援二十六日抵清涼探報二十五日靳丹書已擊賊陣亡賊聞王鑫大隊掩至仍由公坡退竄崇仁縣境王鑫移師入樂安縣城而瘧疾未減肝氣復動漸臻危篤竟於八月初四日病故 臣當飭同知張運蘭知縣王開化督其全軍分起管帶札令該道之兄王勳暫攝理全軍事務俟道路稍通護喪歸楚 臣維已故按察使銜候補道王會本湘鄉縣文生自成豐二年賊犯長沙即在籍辦理團練與其師已故浙江甯紹台道羅澤南以忠義激其鄉人講求東伍選士之法湘勇軍律之精實基於此自札委帶勇以來剿除衛永郴桂各屬土匪捍禦兩粵會匪援剿江鄂賊匪身經數百戰前後殺賊不下十餘萬克復城池二十餘而所將之勇丁少僅數百多不過數千紀律嚴明所向有功所著練勇劄言陣法新編練勇臆說尺一偶存各書皆可見諸行事該道自蒙 天恩由諸生擢今職刻思圖效涓埃忠愛之忱矢諸竊窹其父王宗疏常加訓勉屬無以親老為念該員日在行間亦未敢乞假歸省該員年甫三十有三方謂報國善親為日正長不料以勞瘁悲憤遽殞其生也合無仰懇 天恩逾格將該員晉贈布政使銜照三品例從優議卹並特予諡法以獎資勞湖南江西建立專祠以彰戰蹟並請賞給該員父母二品封典以為教忠者勸 上諭按察使銜候補道王鑫由湖南生員帶勇剿除衛永郴桂各屬土匪兩粵會匪並越境進剿湖北江西逆匪紀律嚴明身經數百戰前後殺賊十餘萬克復城池二十餘處厥功甚偉茲以勞瘁歿於軍中深堪憫惻著加恩晉贈布政使銜即照二品例從優議卹並准其子諡仍於湖南江西地方建立專祠該故員父母賞給二品封典以獎勳勤而褒忠義尋子祭葬諡壯武○駱秉章奏王鑫一軍屢次大捷業經江西撫 臣 曹齡奏請保獎自應聽候覈明辦理惟查卹選同知張運蘭同知銜王開化兩員在王鑫軍中最久自援剿江西以來奮勇當先屢獲大勝本係應保之員茲既委帶該道舊部職分較小雖期鎮壓應請旨先將卹選同知張運蘭以知府卹選並賞加道銜同知銜王開化以知府卹選出自 天恩其餘出力文武各員仍由江西撫 臣 彙保 上諭卹選同知張運蘭同知銜王開化隨同王鑫援剿江西甚屬得力張運蘭著以知府卹選並賞加道銜王開化著以知府卹選所有王鑫原帶各勇即著該二員分帶進剿其餘在事出力員弁兵勇著 曹齡查明彙案保奏○諭軍機大臣等王茂蔭奏請飭外省廣鑄制錢暫濟民急等語據稱江浙銀價向來每兩換至制錢二千有零自英國人在上海收買制錢銀兩貴以銀易錢之數漸減至半見在每兩僅易制錢一千一百餘文兵民交困而洋人竟據為利藪函請飭於江浙兩省加鑄加卯廣鑄制錢以濟目前之急該侍郎所奏自係為賑賤錢貴變通調劑起見著該督撫等各就地

方情形的量數辦至洋人收買銅錢應如何杜漸防微設法阻止之處並著何桂清趙德敏晏端書悉心籌議具奏王茂蔭原奏著鈔給閱看將此通諭知之○扎拉芬奏奏俄羅斯夷官帶領夷匪人等啟程回國並不提及賠償之事已由該將軍派員款待護送出卡○辛巳諭軍機大臣等有人奏廣東客匪肆劫請飭查辦一摺據稱廣東肇慶府屬向有外來客民雜處山谷在恩平開平新甯鶴山新興高明六縣者爲尤眾咸豐四年土匪滋事該匪等藉團練爲名糾眾數萬焚毀村落百數十里內人煙爲之一空地方官止報土客械鬪容隱不辦恐將來釀成大患等語匪徒假團練爲名聚眾至萬樹立旗幟擾害閭閻必得及早查拏庶可散其黨與據奏情形恐不能以理論著某名琛柏貴派委明幹大員督同該管地方官將爲首各匪查拏治罪僅敢恃眾拒捕即著帶兵勦辦嚴擒首夥各犯解散餘從毋使屯聚以靖地方而弭後患原摺著鈔給閱看將此由五百里諭令知之○壬午諭內閣御史何兆源奏捐納司員請照月選官之例由該堂官分別考其文理等語各部院司員向例於三年報滿後由該堂官分別咨爾近來捐納司員人數較多能否主爰辦事自應豫爲察看著各部院堂官於該司員等奏留之先驗其文理如果能辦案即與正途人員一體派差其或未能主爰而心地明白行走勤慎者派當雜項差使以資練習○諭軍機大臣等勝保奏軍務稍鬆循例奏請陞見等語覽奏殊堪詫異前因英桂分兵馳赴河南是以命勝保專辦三省督勦事務又因勝保患病實假一月命袁甲三馳赴正陽幫辦原因英桂離營之後勦捻重任係勝保專責見在正陽雖已克復而李兆受等股匪未殄即張落刑韓狼仔等是否殲斃亦尙無確據途匪並未肅清正宜偵探賊蹤節節技勦何得舍此重任遽請陞見且不待批回竟欲迎摺北上實屬不知輕重自用兵以來軍營大員升遷者甚多不獨統帥之員不克進京即在營提鎮亦從無因升調而即來陞見之率勝保豈毫無見聞若云有要事數陳何妨登諸奏蹟如果能合機宜朕亦必加採擇或迂疏窒礙豈能因而奏而遂見施行朕昇勝保以督兵重任何又慮遲退隨人驅事掣肘勝保著傳旨申飭所請迎摺北上之處著不准行該副都統接奉此旨即著折回正陽與袁甲三會商勦捻事宜督率諸軍安良紳暴俟捻匪肅清應否移師南下候旨遵行毋得輕率冒昧有負朕恩將此由六百里諭令知之○諭前因安徽布政使恩錫奏皖餉支絀請飭部另撥整餉十萬兩赴皖當令戶部迅速籌撥茲據該部奏稱山陝等省本省有協濟安徽之餉餘省並無款項可撥惟江蘇上海關稅每月得項較多必能均勻接濟請飭提撥等語見在皖省攻剿喫緊餉需支絀各省零星款項陸續解到分給兵糧雜費周徧自係實在情形著何桂清等查照該部所議於上海各項捐款內提銀十萬兩就近迅速解赴安徽軍營以濟要需毋稍遲誤將此由五百里諭令知之○勝保奏以前以鳳臺縣屬苗家寨生員苗沛霖借團練爲名到處均擾附近居民無不言其心懷叵測臣因其逆迹未彰不能不暫示羈縻當飭鳳臺縣知縣李霖持手諭前往開導並因捻逆李兆受在迎河集一帶滋擾即令就近酌帶練勇前往迎擊以觀其是否聽命即可決其從違嗣李霖於八月二十三日來營面稟親赴苗家寨面見苗沛霖曉以大義當交閱臣所給手諭據該生面稱本擬赴營謁見大帥但因團眾過多無人統束一時難以遠離容後再行請示令具稟

呈覆等語。查聞苗沛霖原稟尙無悖詞。是否陽奉陰違不敢深信。但此時若遽給之以威。轉恐阻其歸正之路。是以復開誠示諭。並諭以正陽餘賊僅乘流下竄。令其帶勇截擊。萬不准滋擾善良。貽害閭閻。俟該生稟覆到日。再當酌奪辦理。得旨。該生所稟雖無逆詞。然其以難於約束爲辭。飾其旁觀之計。正當示之不疑。激其義奮。令自出以明心迹。潛清反側。斯爲計之上也。○奏未諭軍機大臣等。張芾奏帶兵將奔過賊。逃竄等語。據稱崇覺寺爲徽甯門戶。二月間。副將蕭知音督帶兵勇駐守。適賊犯霧露嶺。帶勇官劉福林先逃。該副將遂退往章村。拋棄軍械。致石埭縣城被陷。鄧紹良不行參劾。猶謂蕭知音之退不爲無見。旋在孝思嶺挫敗。反捏報賊復由章村退往涇縣。嗣因周天受克復石埭。經鄧紹良派副將蔣錫光移紮崇覺寺。該副將以不可守爲詞。其心存畏葸。有意阻撓。已可概見。五月間。周天受以大通有賊窺伺。請飭蔣錫光回涇。畱守。備馬雲龍堵剿。馬雲龍亦聞警潰逃。至七月間。賊援萬穀嶺。守備吳正傑兵敗。總兵秦如虎不往接應。退回涇城。致令該逆入嶺。大掠以上各情。張芾近在徽州。見聞確切。何以鄧紹良未聞咨報。懇辦恐該提督駐軍較遠。誤信蕭知音等詳報之詞。致受欺蒙。抑或因該總兵副將等皆其派往。心存徇庇。當此賊氛未息。豈可博寬厚之名。致失律將弁。毫無微畏。著何桂清按照所奏情節。據實查參。毋稍姑容。原奏片鈔給閱。看將此由五百里諭令知之。○諭本日據張芾奏請嚴懲偵軍之將一摺。據稱晏端書議由衢州撥兵扼守婺源。總兵饒廷選委遊擊楊國正相度地勢。謂中雲不可紮營。宜守婺源城。張芾與江長貴力爭。晏端書卒從楊國正之議。饒廷選旋將該遊擊調回。而派知府畢大鈺遊擊楊金榜帶兵分紮城外。竟似豫爲退步。迨賊備婺源城。楊金榜等棄營而走。以致縣城失陷。見在屢催楊國正進兵會剿。乃月餘之久。始到德興縣。屬新建。鎮紮帶兵三千數百名。尙欲稟請添兵。觀望遲延。不知是何肺腑。請旨嚴飭查辦等語。楊國正曾經何桂清奏賞勇號。並據晏端書奏稱該員久歷戎行。胸有韜略。令其統帶在防官兵。而債事若此。楊金榜於七月中棄營逃走。而晏端書稱其潰圍而出。身受重傷。情節亦不相符。張芾近在徽州。見聞較確。該推遠在浙省。恐該員等捏詞稟報。受其蒙蔽。著晏端書按照所奏確切查明。如婺源失守。實係楊國正貽誤。事機今復擁兵不進。即將該遊擊撤回。嚴參懲辦。並另派得力之員前往管帶兵勇。不得以保奏在前。心存回護。自干重咎。楊金榜是否受傷。抑係棄城逃避。著一併查明。參奏。按律懲辦。以伸軍法。而儆效尤。原摺著鈔給閱。看將此由五百里諭令知之。○丙戌 上幸靜明園。○諭內閣。法福禮奏官軍立解城圍。並收復回城一摺。官軍自克復英吉沙爾回城後。探聞餘匪逃往喀什噶爾。聚回城。引水淹灌。漢城八月初三日。法福禮督兵前進。行抵該城。該匪聞風。遂散。官軍分路追剿。即將回城收復。邊境一律肅清。所有蒙古官兵著先行凱撤。歸伍。續調官兵即行停止。該回城被匪蹂躪。應善後事宜。即著法福禮等妥籌辦理。安輯回民。使無失所。○諭軍機大臣等。法福禮奏行抵喀城。回黨潛遁。請簡員籌辦善後各等語。此次大兵甫抵喀城。該匪聞風潛遁。並未大受懲創。難保其不去而復來。且以數萬之眾。一時紛散。豈能全行出卡。其附近地方山深林密之處。必有餘匪潛蹤。尤應實力搜捕。法福禮係此次統兵大臣。即著暫駐該城。會同裕瑞將善後各事宜妥籌籌辦。並商酌農英固農悉

心參酌便咨明扎拉芬奏會同具奏該處地方甫經肅清自應酌留兵丁以資防守土爾扈特蒙古兵已有旨諭令先行撤回其伊犁等處官兵應酌留若干著法福禮體察情形會同扎拉芬奏具奏其蒙古官兵歸伍時應如何酌加犒賞著傳知奎棟酌量辦理常清見無應辦之事著即傳旨令其來京扎拉芬奏前奏應辦事宜各條所稱嚴查辦以重職守簡伯克以資撫綏平差係以杜苛派三條均係善後要務著將原摺鈔給法福禮閱看即著按照所陳各條並應行參劾各員認真查辦法福禮體察調葉爾羌伊什罕伯克邁瑪第敏著准其調往喀什噶爾令其安集回匪扎拉芬奏所稱喀什噶爾阿奇木伯克愛瑪特與該處人地不宜並著酌量揀調至此次回匪逃散多係聞風先竄即沿途小有斬擒並未應戰法福禮保奏人員未免過多因念賊事迅速加恩允准此後獲剿餘匪著毋庸再請獎勵以示限制將此由五百里各諭令知之○以英吉沙爾等處剿賊出力賞土爾扈特罕布彥烏拉哲依圖霍碩特貝子多爾濟納木扎勒雙眼花翎並賞給土爾扈特護盟長喀屯鄂斯庫吉爾噶勒 御書扁額○以葉爾羌等處剿賊出力賞伊犁領隊大臣錫拉那等巴圖魯名號參贊大臣法福禮花翎頭品頂帶烏魯木齊提督業布沖額等花翎餘升敘有差○戊子諭內閣巴哈善伊綿阿奏連次剿賊情形並自請治罪一摺此次回匪突入喀什噶爾占踞回城該大臣等未能先事豫防本屬罪有應得惟念漢城防守尙嚴援兵到後回城亦即克復巴哈善伊綿阿均著從寬革職留任○諭軍機大臣等此次回匪入卡滋事圍撲喀城致回城失陷漢城被圍所有該城文武各員均有疏防之咎其中有無畏慮逃避禦侮不力之員尤當查明懲辦至英吉沙爾回城失守除烏勒欣泰已疊降諭旨令扎拉芬奏等查參此外文武員弁當起事之初何人貽誤亦應分別查明一體懲辦慶英等係統轄大員亦有應得處分至其起釁根由前據慶英等奏傳聞各異請俟蕩平後會查此時賊匪業已竄出卡外所有失事情形不難確切查明法福禮見雷喀什噶爾等善後事宜著即就近詳查據實具奏至賊匪由卡外竄入守卡各員何以漫無覺察卡內回眾紛紛從賊該管伯克等何以不能約束輒行逃避均著嚴參懲辦毋稍疏縱將此由五百里諭令知之○己丑諭內閣文祥奏參玩視軍務各員請分別懲辦等語雲南省城勦匪喫緊經文祥派合遊擊孫鈺抽帶賓川等處兵練赴援該員輒敢託病他往抗不同營經文祥摘頂示懲猶復沿途逗遛實屬屬玩著即行正法以肅軍律革職守備丁鶴齡隨同孫鈺赴省遲不起程都司高天澤託故回城以致兵練無人統馭高天澤著即革職與丁鶴齡一併交吳振棫提省嚴行審訊按律定擬具奏儘先遊擊何有保捏稱患病不候批示輒即離營不知去向實屬膽大妄為著迅速查拏即行正法都司韓寶守備李高於回匪撲營時未能悉力堵禦致有損失均著革職留營以觀後效文祥自請嚴加議處之處著加恩改為交部議處○諭軍機大臣等前因文祥奏軍務緊急請撥兵餉當經諭令吳振棫於川省籌撥滇餉十萬兩內酌量分撥本日復據文祥奏報兵單餉匱情形並稱見暫移營鎮南就糧請飭調陝甘兩省兵二千名並於都省撥餉十萬兩藉資進剿等語該營兵練餉銀欠至三月有餘自應速籌接濟著吳振棫遵照前旨於川省撥滇餉銀十萬兩內酌量分撥滇委委員迅速解往傳資散放陝甘兩省官兵撥赴各路軍營者過多勢

雖再調且兵多則餉益難繼文祥惟當就見有兵力督飭進剿如果必須添兵著俟吳振械到漢後酌度情形仍於四川各營內抽調至餉需不敷亦惟川省與漢較近藉可接濟著有風督同藩司祥奎豫爲籌畫以免臨時貽誤吳振械此時當已赴漢即著嚴督官軍沿途堵剿以期星速進行毋稍延誤將此由六百里各諭令知之○庚寅諭軍機大臣等福濟鄭魁士奏逆捻南竄並湖北賊匪回擾皖境一摺逆匪由六安竄入舒城並有捻匪從謝家河繞至該縣桃鎮營後圍撲各營情形危急福濟等見派協領桂成等帶兵千餘前往救援如兵力尙單不敷攻剿鄭魁士自應規督大隊前往不得以待餉爲詞株守廬州前此克復舒城亦非易事乃自奉定三退後福濟等卽置桐城於不問會無一旅之師赴桐攻擊舒城督道相安能無事今既復失卽責成福濟鄭魁士迅速克復然後由舒攻桐次第進剿豈得以分兵策應遂可塞責耶至廬州缺餉前因恩錫奏請飭撥整餉十萬兩業經諭令何桂清等照數撥給其山陝兩省月解皖餉亦據恆福等先後奏報委解啟程該撫等卽迅速進剿克復舒城毋誤大局將此由六百里諭令知之○諭本日會望顯奏接准英桂咨照知捻匪竄入南陽府城見等商維一帶調兵防堵一摺捻匪由泌陽舞陽竄陷南陽該府城池如何失守及見在籌辦情形想英桂業已奏報在途前據勝保袁甲三奏飭令邱聯恩統原帶南陽鎮官兵八百名星馳回豫助剿於八月三十日啟程嗣聞南陽賊勢猖獗聞不敏龍澤厚等連次挫敗勝保復將劉尚義張玉榮勇隊帶赴陳州撥卽酌撥糧棧策應見在邱聯恩一軍自當隨同英桂進剿角子山等處竄匪而南陽被陷距許州較遠必得另派一軍馳往援救是否可派劉尚義等所帶之勇前往南陽抑另有可派之兵著英桂卽與勝保商辦理至勝保奏請陞見會經降旨申飭寄諭卽令折回昨知其竟於初六日啟程由水陸行走恐前次奇險未及奉到著於接奉此旨後迅速折回正陽與袁甲三會商攻剿機宜昨據奏派出參將賈沙布等共帶兵勇一千一百名前往河口集防堵見在李孟羣攻六安未下而竄匪躡至深恐兵單應否將賈沙布等所帶一軍移營前進與李孟羣會合攻剿之處並著勝保袁甲三迅速籌辦毋誤事機將此由六百里各諭令知之○辛卯諭軍機大臣等本日據李孟羣奏匪圍攻蘇家埠營盤卽退河西請兵協助一摺據該匪每以大隊衝突我軍自應添調馬隊以資攻剿勝保軍營馬隊已無可撥惟湖北見在肅清兵力尙可分調該藩司奏稱與副都統巴揚阿共事最久所帶馬隊實爲得力請飭酌帶馬隊二百名步隊三百名前往該營著官文都興阿胡林翼酌量抽撥卽派巴揚阿統帶前往幫同李孟羣進攻六安毋稍延緩至勝保克復正陽關後奏稱霍邱一帶空虛已派參將賈沙布等帶兵一千一百名駐紮河口集以爲李孟羣聲援此項官軍自應移前前進與李孟羣會合不應遠紮河口昨已諭令勝保袁甲三酌量調遣該藩司見在紮營獨山先就見有兵力安爲布置一俟湖北馬隊到營或與勝保等所派之兵聲勢聯絡卽可相機進攻爲克復六安之計本日奏保各員業經降旨獎勵所請執照已著該部照數頒給矣將此由六百里諭知官文都興阿胡林翼並傳諭李孟羣知之○裁撤甘肅嘉峪關外略乾廠西雙井火燒溝防兵四百五十名改撥蘭州及安西等營兵七百名分駐嘉峪關安西州玉門縣每月會哨三次並於關外青頭山設總戶二百名亦金

營設城戶一百名駐守所需口食銀五千四百兩除向領銀一千兩外由肅州等鎮管指辦及甘省道府廳州縣養廉內撥捐支就
○王慶諭內閣前因端華等奏查出八旗步甲空缺一千五百餘名當文步軍統領衙門確查挑補茲據文彩等遵議具奏八旗步
甲各有守衛之責豈容額缺入惡虛糜糧餉既據查明款額數目相符即著照所議章程挑補足額至各甲喇充當差使向無
經費這將步甲空缺錢糧摺補辦公雖非侵吞入己究屬私自那用惟念事關多年官非一任所有八旗協尉以至步軍校各員應
得處分著從寬免議其兩翼翼尉等未能隨時查察得有應得兩翼翼尉海福烏勒興阿右翼翼尉官壽均著降為四品頂帶左
翼翼尉富寬前次督緝不力處分尚未開復仍著降為四品頂帶協尉兼委翼尉法保永泰均著降為五品頂帶仍各降三級留
任以示懲儆所籌整道公費並著照議辦理經此次查明挑補後務須兵歸實數傾不虛糜備有履督空額等弊即著步軍統領左
右翼總兵嚴多慈辦片片奏八旗地面堆撥多有損壞滲漏之處著准其將八九兩月空缺步甲錢糧責令該翼尉等勒限一月修
葺整齊工竣覈實查驗毋得視為具文○諭著給奏贛州府屬堵剿粵匪土匪獲勝全境肅清一摺江西贛州府屬各縣縣於咸豐
六年春間被粵匪闖入勾結土匪分擾定南等縣經該地文武員弁督同紳民團練防勦將此股竄匪次第殲除全郡一律肅
清所有在事出力官紳兵勇均屬著有微勞著該撫查明酌量保奏候朕施恩定南縣汛把總歐陽劍失守城池旋即隨同克復究
屬防守不力著革職留任以觀後效○予江西陣亡府經歷姚世恩祭葬世職○癸巳隸內閣會望顏奏查出官錢鋪委員等那移
私取請旨革職並究出藩司司徒照家人夥開錢鋪一摺陝西委員候補知縣郭廷椿丁憂未入流李洵見在甘肅禮縣知縣李應
詔先後管理官錢局鋪事務竟敢那移官項與捐贖上迎科及司徒照家人黃君任開設義源硯等錢鋪並將官錢運往各處售賣
既據該撫派員查明亟應徹底根究郭廷椿李洵均著革職交會望顏嚴行審辦李應詔著一併革職即著梁斌派員將該員解赴
陝西歸案訊辦以儆官邪定案時將該藩司參辦○甲午諭軍機大臣等前據法福禮奏回匪逃竄出卡邊境肅清當諭令法福禮
暫爾喀什噶爾會同裕瑞籌辦善後事宜並令其面商慶英固慶查明扎拉芬奏會同具奏茲據扎拉芬奏請開常清會同裕瑞
等辦理善後章程自係未經接奉前旨常清已有旨令其來京著毋庸留於該處所有應辦一切事宜著仍遵前旨交法福禮會同
裕瑞等妥為籌辦至賊首倭里罕如果尚在內地自應早為捕獲以絕根株今既已逃出卡外毋庸深入窮追惟當嚴防邊卡不使
再行竄入自可杜其窺伺其附近地方仍當搜捕餘匪毋令潛蹤片奏喀城貿易安集延回子礙難令其仍住回城請仍照伊犁
等處安頓哈薩克章程於距城二三里地方擇一曠地令其自行建房居住以便貿易等語自為弭患未萌起見著法福禮等籌商
妥辦前此各諭令知之○肅德勒克多爾濟等奏俄羅斯換班學生停止來京迎接學生之筆帖式等官是否回京一摺並鈔呈該
西番覆庫倫及薩納特衙門咨理清院文各一件該國學生見屆換班之年中國照例派員迎接今俄羅斯因不准普提雅廷進京
之故停止學生來京並非中國拒絕止可聽之著德勒克多爾濟等體察衷情如果該學生並無來京消息自應將派出之筆帖式

等官撤回不妨稍爲從緩亦不必與之辨論至普提雅廷於七月間到津經直隸藩司錢忻和等接收咨文據情轉奏即經諭令該藩司等以禮相待並特派大臣赴黑龍江會同該使臣查勘烏特河分界事宜隨行復遣員相送普提雅廷收受回文欣喜而去並稱待回國告伊國主辦理是該使臣到津並無嫌隙此時分界事宜自應靜候會辦諒該使臣回國必有分曉此次陸納特文內請撰照恰克圖例內第九條仍令普提雅廷入都等語理藩院事例第九條內皆指使臣到邊界而言並無進京明文又是專言貿易並非將來辦何事先行聲明此次普提雅廷並未說明何事又非到貿易處所與向例迥不相同恰克圖是否另有通商事例抑即是理藩院條例著德勒克多爾濟等查明遇使附奏其蘆納特衙門來文已由理藩院咨覆矣將此諭令知之○江蘇布政使文煜奏陳江南糧臺辦理棘手情形得旨改委身任其難務須不顧情面力求撙節所汰者考員之浮冒所籌者閩營之兵餉若不改絃易轍深恐不能挽回○乙未兩江總督何桂清等奏楊能格才具優長惟自恃高明凡事不求實際見在江北糧臺較前漸有起色已詳屬楊能格率由舊章妥爲辦理得旨如此刻切訓飭該司儘仍華而不實則是一無用之人伊苟知愧奮尙可期其有成惟該司自覺自勵也可傳諭楊能格知之○以葉爾羌守城出力命三品阿奇木伯克那王阿克賴都在御前行走賞四品伊什罕伯克貝勒邁瑪第敏雙眼花翎在乾清門行走○丙申諭內閣福興奏克復東鄉縣城乘勝進攻金谿一摺江西東鄉縣城被匪占踞總兵李定太督帶兵勇於八月二十八日冒雨進攻直抵城下於是夜派撥兵勇四面圍攻並於平塘縱火杜賊竄往撫州之路逆眾蕩亂棄城而逃官軍奮力追勦當將縣城收復著福興即著李定太乘勝進剿金谿以孤撫州賊勢其新竄萬年等處股匪並著該將軍督率兵勇迅給堵剿毋任蔓延○丁酉諭軍機大臣等官文等奏請添調吉林黑龍江馬隊並開單請調帶隊各員一摺本年夏間通諭各路軍營將吉林黑龍江馬隊分別撤回原以該二處調出之兵數較多本省未免空虛歷經景瀉奕山奏明無兵可調是以各軍營有續請添調者皆未允准今官文等奏請添調雖爲征勦得力起見而吉林黑龍江根本重地亦不可不籌兼顧本日已諭知景瀉奕山酌量各調西丹二三百名實於無可調撥之中勉爲抽派此項西丹恐亦須加訓練方能得力因思荆州駐防旗兵當較練營兵丁爲得力都興阿熟悉馬隊訓練自必有方若能於駐防兵內挑選精壯合其隨同見有馬隊練習技藝亦可以成勁旅著官文西興阿知會綿海挑選訓練令其隨同征勦以省征調之煩其單開各員已諭知奕山酌派數員帶領西丹前往該員等既俱係得力之員本地亦資差委不能全數調出再前諭官文等派巴揚阿帶馬隊二百名步隊三百名前赴六安幫同李孟舉進攻此項馬隊爲數無多而李孟舉接援甚急諒已遠冒派往矣將此由五百里各諭令知之○諭官文都興阿奏請續調吉林黑龍江馬隊及西丹各數百人並開單請派帶隊各員等語吉林等處馬隊調出過多餘應備備本省操防未便再行調撥惟官文等所請挑選西丹三四百名赴地係爲挑補馬隊缺額起見著景瀉奕山於該省西丹內各挑選二三百名派往湖北軍營至官文等所關協領察隆額等三十五員名據解廳技兼優自係黑龍江等城得力之員亦未便全行派往著奕山於單開各員內酌撥數員

印合管帶西丹前赴湖北其吉林派出之西丹並著景瀛揀派得力將領管帶前往俾資攻勦原單著鈔給突山閱看將此由五百里各諭令知之○己亥以江蘇糧價昂貴籌辦採買事宜免上海運米商船關稅○庚子諭軍機大臣等奇諭吉林將軍景鴻等突山等奏普提雅廷由天津折回尙無消息其會勘烏特河地界一節據稱尙待回國請示伊主奕山自未便在彼久候惟界址未經議定而海蘭泡崗吞屯等處早有搭蓋房屋烏魯蘇木丹卡屬西甯根奇海蘭通兩處左岸近復添設窩棚並有火輪船駛出黑河口至薛爾古左岸停泊之事夷日中央衷枯幅既故意推諉木哩斐岳幅又擅敢駁回文書惟有嚴加防範斷其接濟著該將軍等妥籌辦理本日已諭理藩院各行薩納特衙門查詢普提雅廷於來春何時到黑龍江以便突山屆期馳往會勘地界且看其間文有無別生枝節屆時再行相機酌辦將此諭令知之○論德興阿等奏江北兵餉盡請飭江海關將欠解銀兩迅速撥解等語揚營汰兵減餉無可再省萬眾嗷嗷若專待三江營釐捐一款杯水車薪無濟於事見在上海稅務日有起色何桂清等自能不分畛域兼顧江北所有江海關欠解銀五萬五千兩著何桂清趙德輟即飭全數解交德興阿軍營以資接濟毋稍遲誤此後並著就近源源協撥冀得士飽馬騰南北合力迅速成功將此由六百里諭令知之○盛京將軍慶祺等奏遵旨查勘吉林與奉天河道東股既不能通西股上游又非產糧之區請仍照舊辦理得旨水運不如陸運之便自應仍舊貫也○辛丑 上幸萬壽山○諭軍機大臣等前據法福禮奏請將邁瑪第敏調署喀什噶爾三品阿奇木伯克當經降旨允准茲據慶英固慶奏葉爾羌被賊蹂躪之後一切善後事宜全賴邁瑪第敏相助爲理阿波斯人尙明白是以委署喀什噶爾三品阿奇木伯克事務法福禮奏稱該伯克聲名平常請飭據實陳奏以便遵辦等語邁瑪第敏熟悉葉爾羌情形既據慶英等奏爾該處辦理善後事宜即著毋庸調往喀什噶爾至阿波斯如果聲名平常不但喀什噶爾難於勝任即布古爾地方亦恐不能相當慶英到任未久於各城伯克恐未周知法福禮在南路多年著即將阿波斯劣蹟據實參奏其喀什噶爾三品阿奇木伯克員缺著與慶英等商酌另行揀調委員以資整頓此次喀英兩城解圍該匪多係聞風先竄並未痛加勦滅據慶英等奏傳聞後里罕霍卓尙在卡浪圭卡倫外盤踞並未歸巢儘大兵撤後乘虛復來滋擾亦不可不慮前因賊首逃出卡外諭令法福禮毋庸深入窮追若仍在附近地方盤踞窺伺應否撥兵追勦使其遠遁或卽責成守卡官兵嚴加防堵著法福禮裕瑞妥籌辦理至外匪竄入總因卡內有奸徒勾引務當嚴密查拏以除後患法福禮等會辦善後事宜不可但顧目前致成不了之局將此由五百里諭令知之○壬寅以捐輸軍餉承廣江西鄉試中額二名清江縣學額五名臨川廬陵吉水各三名高安南城金谿鉛山安福南豐各二名豐城奉新泰和南康新城贛宜黃廣昌上饒南昌甯都石城新淦安遠各一名○甲辰會國藩奏 臣初奉暫准守制之旨因軍勢未定恐有後命是以未敢遽行覆奏自七月以來聞龍泉克復吉安挫失之信又聞克復瑞州進賢等城之信頃又聞九江一軍攻克黃梅縣及小池口之信仰託 聖主威福江西軍務辦理得手諭旨飭令如有緩急卽行赴營之處揆度時勢自可無庸前往茲復欽奉諭旨飭 臣在湖南本籍辦理團防力圖報稱 聖主使

以禮因時制宜跪聆之下感悚曷勝目下全楚肅清臣當仍遵前旨暫行守制如果賊氛不靖湖南告警所有應須籌練團防之處屆時商之湖南撫臣再行奏明辦理臣自到籍以來日夕惶悚不安自問本非有爲之才所慮又非得爲之地欲守制則無以報九重之鴻恩欲奪情則無以謝萬世之清議惟盼各路軍事日有起色仰紓宵旰之憂臣恪守禮獻寸衷亦得稍安得旨江西軍務漸有起色卽楚南亦就肅清汝可暫守禮應仍候候旨大臣出處以國事爲重并忠卽爲全孝所云懼清議之營猶覺過於拘執也○乙巳子廣西殉難總兵官蔣福長祭葬世職諡忠愍○子廣東陣亡州判陳奉璋祭葬世職○丙午諭軍機大臣等福清等奏廬州喫緊督兵堵剿一摺安徽捻匪自六安分竄舒城圍撲桃鎮後見又竄至上派河中派河等處意圖窺伺廬州雖經鄒魁士督隊將南路之匪攻剿獲勝福清亦由梁園進紮店埠調度各軍以防巢湖賊眾並派總兵吉順防守店埠後路而捻匪水陸並進情形實屬喫重見在鄒魁士未暇進攻舒城著福清就現有兵力協同該鎮先行保固廬州毋令郡城稍有疏失俟內竄之賊擊退後仍督各軍進攻舒城不得株守一隅致該逆窺我虛實復生覬覦至李孟羣退守獨山鎮實因賊眾兵單不敷堵剿勝保接奉前旨當已由陳州折回正陽著卽迅赴六安與該藩司合力攻取俾賊匪知我援師將集不敢專注廬州正陽甫經克復地勢亦關緊要著袁甲三嚴密布置以防回竄李孟羣所帶兵餉已諗英桂籌撥接濟矣將此由六百里各諭令知之○諭福清奏李孟羣需餉甚急請於陝西月解餉餉內截留銀一萬兩並請飭河南省每月准撥銀一萬兩等語淮南賊勢蔓延李孟羣一軍見由六安西路進攻剿辦正當喫緊月需餉銀爲數甚鉅雖經福清設法湊撥而道路梗阻能否送到尙未可定豫省與李孟羣行營相距較近著英桂飭知瑛榮仍於陝西月解餉餉二萬兩由豫經過時就近截留一萬兩迅解李孟羣行營毋稍遲誤此時李孟羣雖在皖境實遙助豫軍英桂自應不分畛域就近接濟著每月定準協撥該藩司行營銀一萬兩一併搭解至豫省奉撥皖餉尙欠八萬餘兩並著陸續籌解以清欠款將此由五百里諭令知之○諭本日據福清奏副都統銜侍衛容照年老身弱臥病在牀精神不能周到委員每多蒙混作弊見在宿州地方安堵無庸大員坐鎮請飭回旗等語容照帶兵駐紮宿州已歷數年昨據奏報疊獲著名搶首宿州西南一律肅清請鼓勵出力員弁業經降旨允准福清所奏是否屬實部據等近在清江見聞較確卽著查明容照果否年力衰邁其歷次所報勝仗及所保員弁有無虛飾旨濫據實具奏宿州地方應否另派大員駐紮或卽責成地方官撥擊土匪之處並著體察情形一併具奏將此由五百里諭令知之○丁未諭軍機大臣等駱秉章奏湖南援軍收復後彈壓撫綏在在均關緊要且各苗寨既平府南路東南路各苗寨頗形震懾特洞等寨均已投誠其抗不受撫者見在另籌勸辦惟錦屏承從收復以後久無官守古州鎮道亦無到任之信請飭令速行赴任以資鎮撫等語貴州錦屏等地方經湖南援軍收復後彈壓撫綏在在均關緊要且各苗寨既案於投誠正賴地方官週機應導俾得迅就肅清楚中各軍勢難久駐設地方文武復不赴任則民苗之心無所繫屬深恐復滋事端著將該道飭古州鎮道及錦屏承從等處文武員弁速行赴任將善後事宜妥爲經理俾地方得就又安而湖南兵勇亦可漸

次凱敵將此由六百里諭令知之○駱章奏撫州賊首僞國宗石逆糾吉水新淦諸賊窺聚吉水縣屬之阜田地當衝要爲臨江袁州吉安瑞州四郡所必爭○飛飭都司楊虎臣帶所部潮勇逃掘新喻縣城速即返同知王勳行抵安福○即令其會同張運龍王開化等分軍駐安福而自率所部趨分宜與駐新喻之楊虎臣及劉長佑蕭啟江續派之知縣劉嶽昭等相爲犄角以圍袁州門戶而壯臨淮大營聲援八月二十一日賊悉眾數萬來攻爲首承堯部勇擊敗二十二日普承堯親督後隊繼至正相地築壘賊列陣羅坊對岸蓬萊而進普承堯率勇力戰當將各路之賊擊退忽賊馬數百回撲步賊亦回旗轉戰各軍力不能支全行敗退營壘盡陷賊遂大肆屠戮袁州臨江民情震懼劉長佑愈匪勢甚倡節道將梗惟有分軍先期援賊掩其不備盡力一戰或可轉危爲安二十至二十四二十五等日兩隊三成固守臨江長濠並各照劉于淳派勇防守親率老成隊嚴陣於秧田中亭一帶賊來路二十五日補開接賊數萬悉欲太平墟欲來撲營其時臨城賊眾亦於福壽門填濠拔棹以待劉長佑以事機危急傳令出隊江忠義等由中路郭在富等由右路漆盛年等由左路王高來等沿河岸進發黃開先率水師戰船護之劉長佑自率親兵四路策應天明行抵距太平墟五里地方值蕭啟江及參將田興恕等由右路至因督同進剿賊聞官軍驟至即出布陣是時風起塵飛天色慘黯劉長佑令各軍整隊勿動逆賊排開槍礮子如雨驟官軍屹立如故少頃鼓角齊鳴官軍張兩翼並進衝入賊陣無不以一當十賊眾披靡官軍乘勢蹴之立踏賊營六座賊旋以馬隊來衝劉長佑令槍礮隊分左右斜轟馬多擊斃餘皆以奔賊運大潰官軍追至太平市口賊復卓旗轉戰鄒其華盧秀峯繞由街後擊之賊復敗走將賊營一律踏毀追近黃岡地方始收隊回營是役破賊營四十七座約斃賊三四千生擒三百二十餘名奪獲大銅礮五尊擡槍二百六十桿鳥槍五百七十二桿大小旗幟二千五百餘件賊夜遺羅坊王勳張運龍王開化等於二十五六等日先後馳抵新喻縣城聞賊窺太平墟即於二十七日會同楊虎臣崔大光劉嶽昭各率所部進剿行至漆湖洲地方賊一擁而出王勳等率勇直前陣斬六百餘名追至羅坊連踏沿河賊營十餘座賊溺水過河官軍乘之槍擊子截斃賊無數王勳等仍揮令各軍回駐河岸以劈山礮擊之紛紛倒斃餘賊由陵上一帶回窺阜田計共斃賊千餘○羅臨江踞賊被官兵攻圍窮蹙潛約賊援窺擾羅江大營後路冀解城圍兼思乘虛伺隙復陷袁瑞兩郡其計甚狡當賊江被授羅坊軍潰之時賊氛逼近人情洶洶劉長佑於奇險之中出以鎮定卒能塔除劇寇轉危爲安其志慮忠純實爲可取見在城賊屢敗其勢斷難久支○已飭張運龍王開化等率所部湘勇全軍由新喻進並飭接帶湘後營劉騰鶴由羅坊進進相機會剿節節肅清俾臨江大營可無他慮此次出力文武員弁兵勇可否仰懇 天恩准 保奏又奏據知府張運龍王開化都司楊虎臣等稟稱九月初七日軍進白沙探報石逆敗竄阜田復又分股回剿劉田上劫各處張運龍等以映江縣屬船步灘當阜田之衝遂於初八日拔營前進行至獅子山甫欲安營遂見營南廟前一帶賊眾蟻集約八九千人營西有賊一股已至橋頭約六七千人張運龍等分軍禦之西路賊先至官軍連開劈山礮轟斃賊十餘名賊即敗走官軍從後掩擊共斃賊七百餘名南路賊覘知西路

賊已敗逃亦逸去初九日南路賊復傾巢而來張運蘭王開化潛分所部爲六隊嚴陣以待賊偵進候退官軍屹立不動未刻中營鳴鼓爲號分馳疾進賊爲數段奮衝殺燒其沿途相廝追至欄下賊復露所築四大壘開槍抗拒張運蘭王開化卻避從九品楊安臣各督所部四面蹙之賊向南奔潰官軍乘勢破其四壘賊數百賊委棄糧米糧山積張運蘭等下令焚之又追賊至田心地方始收隊歸伍是日共斃賊一千三百餘名生擒賊一百三十二名官軍無一傷者據生賊供偽國宗石逆見羅阜田噉偽指揮胡姓陳姓僞將軍周姓岑姓率黨窺分宜新喻兩縣以圖袁州府城而解臨江之圍不料官軍先到勢不得逞 維臨江一郡居江西西路之中地當水陸衝途最爲緊要逆首石達開之竄江西先陷此郡布置已定始陷吉安而趨撫建逆賊既以此爲老巢各渠目憑力援救自在意中頃接探報石達開率逆黨數萬自安慶渡江竄踞建德若由建德竄浮梁趨饒州則與撫建之賊合吉安臨江賊談必張應請飭下福興嚴扼該省東路勿令竄越西路得以次第整理臨江一下兵力更厚自可收節節肅清之效 上諭本月十四日據書齡奏報阜田賊匪圍援臨江調集兵勇由峽江新喻分路迎剿此次駱秉章奏劉長佑等大獲勝仗轉危爲安臨江當可得手惟據稱探聞逆首石達開率黨數萬自安慶渡江竄踞建德捕獲賊謀均有向該逆求援之說僞自浮梁趨饒州與撫建賊合則上游賊勢復張請飭福興嚴扼東路勿令竄越等語福興見已進軍弋陽擬由東鄉一帶進攻撫州自必籌及饒州後路俾建德之賊不能與撫建會合剿辦方有把握李定太一軍見由進賢進剿東岡李元度一軍見由貴溪進剿高阜著福興就近督飭速籌兼顧惟兵力尚恐不敷前據書齡奏派吳坤修赴進賢與李定太之軍合成四千餘名又派李新華赴杜家園與周鳳山之軍合成四千餘名均分路進剿撫州普承堯一軍四千餘名俟阜田賊事後即赴撫建均由福興督率調度以上兵勇諒已先後拔營見在東路情形喫重著書齡即飭帶兵各員迅速分路前進並著福興相機布置嚴防該逆率眾來犯至福興請調廣東官兵昨據葉名琛奏報已派總兵壽山帶兵二千名由汀州一路前進此項官兵如抵江西福興一軍兵力稍厚即當會合速克撫建並嚴扼廣饒門戶毋誤事機將此由六百里各給令知之○予江西殉難教諭胡熙奎祭葬世職○是月調綏廣西與安等三十九州縣暨萬承等四土州上年額賦並應徵兵米免湖南巴陵二縣蘆課銀

咸豐東華錄七十六

冬十月戊申朔享 太廟○官文都興阿胡林翼奏湖北下游官軍乘勝圍攻九江並進規湖口以聯江楚兩軍聲勢適接探報知湖口賊船增至數百號圍援九江九月初七日李續賓楊載福等商派陸勇由下游義攻湖口之背水師夾攻於前密料內湖水師彭玉麟同日大舉李續賓遂調各營聲言披勒宿太等縣即於初七日渡江是夜四更拔營揚載福亦由水路直下總管巴依爾呼蘭等馬隊亦由陸路馳赴八里江岸一帶初八日水陸各軍齊攻湖口縣附近之七里冲三街市月臺山等處賊墨水師復上下灘擊其奪賊船不下千餘隻至初九日早卡壘盡破李續賓與楊載福等營勇架梯緣城並將火箭射入城中適燒該逆火藥局營壘

震天滿城皆火賊眾洞開城門竄逃當將縣城克復其梅家洲偽城亦經兵勇攻拔我軍分道進擊追殺二十餘里斃賊二千餘名
燒斃溺斃者不可勝計等查該逆盤踞湖口已將五載今幸堵積年員固賊窟而外江內湖水師聲息相聯千里江面一律肅清
楚清城之賊援斷路窮實足以使天討而快人心再臣胡林翼於克復小池口後暫駐九江營內將勦守事宜籌商周安於九月初一日回省上諭內閣該逆盤踞湖口已及五載已將縣城克復著官文等營飭水陸各軍乘勝進剿迅掃賊氛以清江面○諭
勝保袁甲三奏勦匪連獲勝仗並攻破韓圩一摺官軍自平毀姚鄒二圩後擒匪堅守韓圩賊巢時出滋擾總兵朱連泰一軍於余
家集耿里寺靈臺廟一帶斬獲甚多韓兵史榮椿一軍移營韓圩西北之大陳家莊擊斃馬步賊百餘名該匪復分路來擾均被官
兵擊退韓圩之賊領巢而出經官軍設伏進攻擒斬無算追殺十餘里立將韓圩賊巢平毀其擒首王九功等先經正法甚為得手
著勝保等飭令史榮椿等將馬賊掃除淨盡毋留餘孽○諭蔣亦遠修黎梅奏勦辦苗教各匪屢獲勝仗一摺貴州下游苗教各匪
於七月初七等日復來麻哈城外肆擾經修黎梅派守備張元讓等進剿斃賊數百名賊匪分股來撲又斃數百名賊首五名紅袍
苗匪三名燒毀賊棚二十餘間餘匪逃竄又六月十五等日黑苗竄擾都勻經都司王萬祥賊斃賊二百數十名閏五月二十六等
日苗匪來攻獅子巖營盤蔣玉龍等督兵迎剿開放大砲轟斃賊目一名餘賊數十名賊仍抗拒復斃賊目數名賊匪數百名餘匪
奔潰此次各路勦匪尚為得手著蔣亦遠等激勵將弁迅掃賊氛毋留餘孽○諭軍機大臣等勝保等奏軍營需餉孔殷請飭山東
迅速籌撥等語勝保自攻克正陽關後兵勇雖經裁汰惟河南藩庫支絀不能以時接濟勝保計日帶兵南剿必須兵餉充足方免
貽誤著崇恩於山東儲運二庫迅速籌撥銀五六萬兩分起解赴勝保軍營以資接濟毋稍遲延將此由五百里諭令知之○諭官
文等奏請仍飭四川山陝三省按月撥餉等語湖北官軍已於九月初九日克復湖口縣城奪毀梅家洲賊壘水陸兵勇正可乘勝
攻持九江而各營口糧欠發甚多當此事機順利亟應迅籌接濟以期士飽馬騰為節節掃蕩之計著有鳳恒福會望顏各遵前旨
按月籌撥五萬兩陸續解赴湖北軍營以濟要需將此由六百里各諭令知之○子貴州陣亡知縣陳世遠祭葬世職○賞在京八
旗及綠營兵丁半月口糧○己酉 上幸圓明園○庚戌諭內閣端華曾格林沁會同刑部奏大員被參案內訊取供詞請旨定奪
一摺已革理藩院尚書步軍統領額爾順廣弛營務信任度陽納賄縱容家人索賄並失察屬員侵蝕公項及濫保營員各項業經端
華等逐款訊明惟得受錢糧房錢文一節據慶陽等供係面交而聯順恃無見證堅不承認聯順身任大員固知自愛被參職狀研
訊非虛豈能任其狡展以致案懸莫結朕不為已甚免其刑訊著端華等即照眾供確鑿之例定擬罪名具奏所有案內各犯一併
定擬奏結○諭英桂奏官軍追剿珍匪連獲大勝見飭接捕餘匪一摺河南珍匪自紅榴土山被勦竄歸翻山奔竄至南召縣界之
曹集斜合山內土匪復有二千餘人總管德榜額等越山追勦斃賊百數十名餘匪翻山我兵追獲八十餘名該匪由山後竄至黑
曠溝及馬市坪等處盤踞我軍乘夜進兵設伏誘擊槍斃齊進忽見馬市坪煙燄騰天伏兵大至前後鈔殺餘匪拋械登山復經龍

澤厚等伏兵齊起乘勝進追連越五山三十餘里統計此次兇劫共斃賊一千六百餘名擒斬賊目十餘名其在逃殘匪復經魯山縣知縣高天寵等督率勇團格殺及落水死者數十名此股賊殘餘匪此孽彼竄狡黠異常英桂飭令德榜額等追殺數百里辦理尚屬妥速見在裕州泌陽等山內尚有零匪潛匿仍著英桂嚴督帶兵員弁分路搜剿以除萌孽而安地方○論軍機大臣等前因倭里罕霍卓逃出卡外諭令法福禮如該逆仍在附近地方自應酌籌追剿茲據該大臣奏稱移營七里河沿相機旬捕拏獲賊犯知倭里罕尚在倭胡蘇魯爾壽奕兒已派兵赴喀浪圭卡倫堵剿並催錫拉那等出卡兜拏籌辦尙合機宜各莊回原經該大臣等安撫開導業已不肯從逆倭里罕勢孤力竭自不敢復來窺伺見在附近各卡均撥兵搜捕如該逆尙在附近地方不難擒獲正法以絕根株儘畏威遠竄亦不必深入窮追仍應責成守卡官兵嚴密梭巡杜其偷越以免後患法福禮等見在籌辦善後事宜總須先清內匪以杜其勾引嚴定守卡官員處分以固我清離使該逆無隙可乘庶可爲日久又安之計布置既定所有官兵亦可酌撤以節勞費將此由五百里諭令知之○何桂清趙德轍奏俄艦斯船於九月十四日駛至吳淞口十八日法蘭西請李梅帶同該奕官明常謁見蘇松太道詩煥聲稱該國大臣普提雅廷見在船內並呈出照會請詩煥催令起碇該船即於十九日出口奏入論何桂清趙德轍妥籌辦理嚴密稽查○辛亥胡林翼奏查水師一軍建議於江忠源撫造於曾國藩而整理擴充至近年而始大整艦輻重八九百號大小砲位二千尊江漢之師如雷如定軍聲不爲不盛惟是出楚入吳風利不泊即瓜步金陵均可隨機勦辦其應與吳皖統兵將帥互相策應之處既非李續賓楊載福彭玉麟所能吞商而李續賓楊載福彭玉麟之落落寡合亦非他省將帥所能調遣且軍旅之事以一面成以二三而敗唐代九節度之師潰於相州兵時名將郭子儀李光弼亦不能免益謀議可責於衆人而決斷須歸於一將此又軍事之大較矣楊載福彭玉麟經會國藩拔識於風塵之中自湘潭出師以至今日久已分爲兩部即不能統爲一軍在該員本無不和在兩營弁勇即有才力不相上下之勢是該鎮道又不能互爲統轄查丁憂兵部侍郎曾國藩持躬謹慎早退 聖鑒水師將弁皆其舊部吳會形勢扼塞之要尤所關心前請將制蒙恩准准曾國藩請歸家居官須臾忘天下哉茲幸機勢可乘東南大局時不可失移孝作忠出而任事天下後世將信其忠而必不能責其不孝懇請飭下曾國藩迅速啟程由鄂抵潯即日督同楊載福彭玉麟李續賓等水陸各軍會同將軍都興阿長驅東下都與河忠勁素著馬隊勇敢冠軍素與南勇將士一力一心可豫操勝算抑 更有請者軍興以來凡官軍所到之處賊必嚴爲之備我軍銳意仰攻礮石所及徒損精銳積日累月壯氣消銷悍賊乘之轉至於敢又賊之詭計以堅守綴我兵力轉於無兵及兵弱之處狡焉思逞循是不變將兵日見少而賊日見多矣竊計以陸師精兵六千人另籌每月船價銀二萬兩雇民船四百號從水師之役仍帶長夫鍋帳並二月米糧軍火週皖南皖北江南有賊之處隨機擊剿我兵所至皆賊計之所不及防迫聞警調援我軍即可迎戰抑或堅守不出我兵亦可改圖兵到之後賊必設備設備之役兵可過歸兵歸之日賊必弛備弛備之日兵可再出不數月而賊技必窮惟是以奇兵難初在乎審機

觀變無論南岸北岸江界統界應飭帶兵大員視賊所在不拘守成法不頓兵堅城不為鄰省所節制不為賊情所牽縱期羸之賊
款存於心若稍有沾滯兵機必鈍又兵勇之敢戰者傷亡必多九月初八初九湖日之役水陸中傷共九百餘員名亟宜調回武漢
加意休息以養士氣仍以精兵調赴下游彌縫其闕更番疊戰如環無端庶不至拘滯一隅轉誤大局應請以九江為老營根本仍
以武昌為換防並糧倉根本則餉糈不匱而士氣常新庶於討賊機宜大有裨益愚昧之見如蒙 聖明採擇可否一併飭下會同
諸部覆施行 上諭軍機大臣等官軍克復小池口湖口縣兩處九江已成孤立之勢即日攻克水陸大兵即可相機東下所奏不
為無見惟會國藩丁憂後奏派楊載福總統外江內湖水師彭玉麟協同辦理業經允其所請朕因該侍郎懇請經制情詞懇切且
江西軍務漸有起色是以令其暫守禮唐楊載福等統帶水師既已著有成效自應仍歸該總兵等相機調度以專責成會國藩雖
營日久於見在進剿機宜能否確有把握尚未可知若待其赴營督辦恐需時日轉懈軍心胡林翼久懸或行於軍務尚為熟悉著
將省城公事趕緊料理即行馳赴九江與都興一楊載福等會商安辦務使各營將士同心戮力以期迅殲逆氛共膺懋賞該撫奕
滑尚兵雕勦在乎審機請飭帶兵大員視賊所在不拘成法不為賊所牽縱等語此係出奇制勝之法見在若能抽出一軍即可照
此辦理著該撫與官文都興阿楊載福等商辦正不必待會國藩到楚方能定議也至受傷兵勇調回休息仍調精兵彌縫其闕亦
屬可行著與官文等一併籌畫辦理將此由六百里諭令知之○ 本日據福興奏逆匪合犯貴溪督軍扼勦懸陳兵單情形並書
諭奏克復東鄉籌辦省東防勦各一摺官軍攻克東鄉縣城前經福興奏到已令該將軍飭李定太乘勝進剿金溪以孤撫州賊勢
該撫見又抽調營勇三千餘名前赴東鄉歸李定太調遣茲據福興奏稱皖省大股逆匪闖入江境會合撫州匪眾南北夾犯貴溪
統計股匪前後六起數逾三四萬人貴溪孤城被撲並恐由歧路紛竄廣信該將軍已拔隊前赴該邑援勦自應先就現有兵力迅
解貴溪之圍兼顧廣信門戶但隨營兵數不及千名防勦兩形不足李定太一軍素稱得力加以此次由該撫抽調之勇為數已多
即可飭令策應貴溪弋陽等處其普承堯等所統湘寶各勇如即將阜田賊匪掃蕩亦可馳赴東路協勦此外有無可抽撥著福興
著齡會商辦理惟不可專顧一隅致他處或有疏失將此由六百里各諭令知之○ 追子江西陣亡直隸州知州劉騰鴻父母正四
品封典知府李新華等祭葬世職○ 王子福濟鄭魁士奏楚北竄回逆首李秀城糾遺潛太桐舒各處匪賊號稱數萬合併捻匪一
股由派河直撲廬城一股由巢湖直撲店埠一股由巢縣夏閣直撲枞皋意在分路突入 鄭魁士督同廬城各營進擊派河之賊
福濟督領水師賊船進擊巢湖之賊並分飭總兵吉順進擊夏閣之賊九月二十一日該逆竄至二十里鋪築壘七座欲撲廬城
鄭魁士即傳令各隊於二十二日五鼓會齊前進逆眾由數路彙擁而來先派協領桂成帶熱河因原大同滑山各兵為後應
鄭魁士即親督遊擊余成蛟等帶宣化陝安兵廣克勇由中路進剿都統麟瑞等帶吉林馬福凱銳勁勇由東路進總兵扎薩武等
帶漢中山東四川兵由西路進該逆待眾抵撲我軍擊斃賊捻不下千餘該逆退保巢縣各兵勇愈殺愈進直抵賊巢 鄭魁士帶

鎮各軍圍撲賊營全行踏毀營賊無得脫者三河派河各處賊匪奔赴援應我軍盡力衝殺約斃賊三千餘名巢縣逆匪句合湖北
竄賊於九月二十日分水陸兩軍進謁夏開橋東沿河一帶修築木城數座欲襲柘皋大營福濟即飭總兵吉順派隊迎勦二十
一日我軍馬隊先至楊徐山賊匪遙擁迎戰騎兵將槍箭衝放賊奪路奔回營總烏爾浚布等當先衝殺夏開到家橋各賊齊來接
應經吉順等各帶馬步兵左右擊制賊眾大敗向阿布魯兵直逼木城張遇春援入賊營各軍紛紛火礮官兵練勇乘勢殺入即
將木城四座踏毀餘賊向東逃逸我軍跟蹤追殺斃賊甚多其水路賊船見木城攻破即揚帆而去官軍由岸山進趕中槍落河者
無數守備王聯陞等覓水追殺奪獲賊船三隻燒毀糧船四隻二十二日該逆復回竄夏開仍飭吉順帶隊迎擊賊眾狂奔入城即
將夏開賊壘卡館全行塌平據生擒賊供逆首李秀城約會巢城偽先鋒黃和錦等有由施口進撲振鎮船廠直攻店埠埠繞至蘆城
之謀福濟先飭知州黃際昌等迎擊一面派合總兵嵩瑞等整備接應二十日探明逆船百餘隻分泊湖邊陸路之賊欲往塘口
河搭橋內竄二十一日都司黃國亮紮出施口西向以禦丙子鋪逆船守備范玉林東向以禦蛇山逆船黃際昌約集團練沿岸助
威哨官楊宏勝等帶三板船十隻南向直搗孤山之賊該逆以戰艇二十餘列陣抵敵我軍衝鋒而入破手梁文昭躍上賊船斬爲
將軍楊萬復首級逆船起碇回竄我軍圍住問該逆聚情急投水黃國亮等督同哨官水勇分上賊船擒獲偽指揮陳尚林等多名
奪獲逆船十二隻燒毀及沈水者十一隻嵩瑞等趕帶店埠兵勇前往接應並將陸路援賊同時擊退旋據探報蛇山賊船連夜遁
回巢縣其丙子鋪逆船移泊蔣口二十三日又竄至塘口河范玉林親率三板十三隻布陣圍擊破賊長龍船一隻該逆紛紛落
水各勇乘勢緊攻逆匪轉舵南竄我軍尾追二十餘里燒毀賊船五隻奪獲六隻等查前次舒廬和州水陸獲勝欽奉諭旨准即
查明彙保此次各路大獲勝仗應懇 天恩俯准擇其尤爲出力者併案保奏以資鼓勵 上諭內閣湖北京回逆匪糾合皖省變
捻各匪分股竄撲蘆城店埠柘皋等處經水陸各軍分路進勦斬賊逆匪數千將士用命大獲賊鋒出力員弁准其併案擇尤保奏
以示獎勵○以迎勦竄匪出力賞還提督銜總兵鄭魁士頂帶花翎○甲寅諭軍機大臣等據法福禮奏官兵出卡追勦賊匪至黑
孜倭依地方大獲勝仗因卡外道路迷漫擬難深入已飭業布沖領巴哈善撤兵歸營仍令錫拉那伊綿阿退兵沿卡駐紮密探賊
蹤並諭知浩罕伯克及布魯特如倭里罕逃至該處即行縛送各等語賊首倭里罕如尙在卡外附近地方盤踞恐其復圖進卡自
宜設法擒獲以絕根株今業已遠遁僅日久並無蹤迹即著飭令錫拉那等將駐紮沿卡官兵酌量撤回法福禮等見在籌辦善後
事宜總須布置嚴密自固藩籬使卡內無好徒句結自可絕外匪窺伺之端將此由五百里諭令知之○予湖北陣亡調導姚元余
等祭葬世職○丙辰官文弼與阿三不貴奏等於小池口克復後偵知逆眾固守九江當即咨行水陸各軍襲取湖口惟該逆盤
一湖口以來拆毀舊城於下鋪山自麓至頂疊石重關築城如帶復於西岸梅家洲堅築偽城掘濠植樹與湖口對峙以逼援應八
日內湖口賊船將分路進援九江李續賓揚威福商同內湖水師惠湖蕭道彭玉麟設計水陸夾擊訂期九月初八日進勦初七已

李續賓合李柏宜李壽官何紹彭等馬步各隊攻梅家洲僑城自率湘凱各營渡江揚言拔窺宿松太湖是夜駐師張家壩四更後
許李續賓胡裕發並副右副此下各營紆曲繞道伏於湖口後山築作樞等伏於山麓專俟水師得手水陸夾擊黎明時彭玉
麟率遊擊蘇在位等攻湖口不克擊鄂翼升等攻西岸梅家洲賊船參將劉國斌由中路橫排接應賊分兩岸迎拒都司羅勝發
中覆陣亡後隊繼進拋擲火彈賊船火起我軍乘勝搶斬焚奪賊即紛紛投水先見楊載福於初七日派參將孫壽國等以長龍三
板分放陸勇虛作聲勢以待接應自率各營於初八日抵湖口縣派參將萬化林等攻梅家洲賊船參將李朝斌副將李成謀等於
下鐘山賊船大幫停泊之處上下夾攻至是會合彭玉麟水師揚帆直進北風大作舟駛如飛兩岸及賊賊同時開放大礮各軍應
戰多時忽陸師由山頂礮空而下賊遂大潰我軍以刀斧火炬斷其鐵練偏賊船於崖下計殺斃燒斃溺斃者二千餘人將船焚奪
一盡惟時梅家洲賊船亦焚毀無遺五更時我兵飛火箭入城中適中火藥瓦石飛空牆壘迸裂賊開城奪路而出我軍乘勝追殺
楊載福彭玉麟水師分道繞截又殺二千餘名生擒偽總制陳中理等二百餘名湖口縣城即日克復梅家洲之賊見湖口已破不
戰而逃李續宜等由開道燒出賊前聚而屠之無一遺者十三日楊載福帶外江水師彭玉麟帶內湖水師又奪彭澤縣賊船數十
號攻空小孤山賊卡江面一律肅清見飭水陸馬步專注九江以期建瓴東下迅掃妖氛所有戰功懋著之水陸員弁謹隨摺繕單
顯懇恩施其餘出力員弁兵勇並傷亡將士各分別查明具奏按察使李續賓等應請恩施先行分別獎敘都司羅勝發勇捐糧
實軍餉例請照參將例優卹把總胡永和陳長勝均請照千總例優卹外委易玉佐六品軍功彭瑞益彭雲漢常晉臨敵陣亡均請
照把總例優卹一上諭內閣湖北水陸各軍克復江西湖口縣城並將梅家洲賊匪僑城同時攻破上游江面一律肅清李續賓等
督率該軍出奇制勝洵屬可嘉布政使銜記名按察使李續賓著遇有布政使缺出由軍機處提奏總兵楊載福著遇有提督缺出
由軍機處提奏廣東惠潮嘉道彭玉麟著賞加按察使銜候選知府李續宜著免選知府以道員選用羅勝發等均著照所請優卹
○官文都興阿胡林翼奏小池口克復後 都興阿當即分兵駐守一面分撥馬步兵勇進剿宿太連日偵知安慶桐城潛山來賊
萬餘盤踞太湖已分股竄至楓香驛涼亭河一帶又宿松一路亦有石牌賊匪數千直至桃花舖乘我軍營壘未就意圖乘虛攻撲
擾及新黃邊界而涼亭河距我師進紮之 鄧河僅二十餘里九月十九日翼長多隆阿由宿松率馬隊會同副將鮑超步隊至祝
家坊一帶偵賊匪分路出撲我兵亦四路迎敵當總兵薩林祿昌左右鈔截正遇伏賊竄起薩林等率馬隊縱橫衝突賊斃騎馬悍賊
多名餘賊四散奔逃我兵追殺斃賊又千餘名生擒長髮老賊五十餘名正法將涼亭河一帶賊壘十餘座全行平毀查點兵勇亦
多受傷俟查明分別辦理報聞○丁巳諭軍機大臣等前據贛奏委貴州錦屏永從等處業經湖南撥軍收復請飭請飭速令
古州鎮道及錦屏永從等處官弁赴任經理以便湖南兵勇撤回當經諭知該撫遵照辦理茲據將領奏委六洞首逆黑大漢等見
尙竄伏少洞古州開洞上下江等處亦未克復教匪余老科仍在太平山屯聚或恐湖南兵撤而苗匪復來滋擾請飭暫緩撤兵略

乘章撥兵援應原屬不分畛域緊平接壤湖南所有前報之兆琛一軍既能得力著督雷協勦將窮遠身任封疆豈可以該省初匪
要務盡行委之他人若即飭令代理黎平府知府多文參將威瑞等乘此楚軍得力督率兵練會同進剿以期盡肅匪類毋得一籌
莫展專恃鄰省救援致千重營將此由六百里各諭令知之○己未諭軍機大臣等勝保袁甲三奏擬先清北路再剿六安並李孟
蘇兵潰請派兵勇馬匹各摺片韓圩賊巢總官兵攻克餘匪劉老洞等句結土匪授及南陵商邱等處勝保等已飭史榮椿朱連泰
張軍進擊請派兩河餘黨時聚時散等語一帶道路仍然梗塞勝保等擬將厚晚賊連之虞一神肅清再行移師六安著即照所籌
辦理至李孟蘇孤軍深入屢次失利現在退紮麻埠情形頗為嚴重前據官文等奏已派副將長多隆阿等帶兵數千由宿太一帶進
剿以為李孟蘇聲援勝保等須嚴飭慶瑞暨沙布相機前進與李孟蘇會合不得徒為株守之計英桂督勦豫省西路匪徒漸就肅
清能否將格羅額等馬隊調來勝保軍營即由勝保等商酌英桂辦理勝保病假將滿如果可乘之機著即與袁甲三會商進兵
嚴肅匪類毋得延緩時口致贖委任將此由六百里諭令知之○諭勝保袁甲三奏李孟蘇退守麻埠請飭湖北迅撥兵勇越又十
勦等語六安州大股賊匪竄至獨山李孟蘇兵潰退往麻埠勝保等因北路伏莽未清尚難前赴六安會剿其派往馬隊僅二百名
另派慶瑞暨沙布等援兵尚須由霍邱節節進剿當此賊氛猖獗該藩司兵力較單急須撥兵策應前據官文等奏派馬步兵勇數
千人交長多隆阿副將鮑超帶往宿太以為李孟蘇後路聲援並據奏報獲勝等情著官文等即飭該翼長等就近迅赴麻埠
帶援應合力進攻六安毋稍遲緩將此由六百里諭令知之○勝保袁甲三奏鳳臺縣文生苗清霖等密把總鄧都徵祥廖生王
尚辰前往申諭嗣接該生稟覆情願來營謁見察其情詞頗知感化適據蒙城縣知縣俞海泉稱城北餘捻竄聚家集一帶勢甚披
猖請飭苗清霖帶練會剿等情當即諭令率練前往會合截擊並由藍捐項下撥給銀四百兩作為犒賞沿途不准稍有滋擾該生
遵於九月二十六日率眾進剿似尚能就我範圍如果殺賊立功等報酌量奏獎以安其心使其終為我用彼時再當酌量情形
辦理報聞○庚申諭內閣蘇濟鄭魁士奏官軍擊退大股賊捻攻克純鎮收復各要隘一摺捻匪與粵賊合股純鎮被匪河經福
濟等飭令協領桂成等分路進攻九月二十四五等日逆賊蜂擁撲營營兵勇擊退已革遊擊蘇林豪督隊環攻槍過桃鎮北柵
外大橋直衝人街賊軍披靡敗退即將桃鎮收復該逆復糾合舒城廬江賊匪接應上派河之賊舒城縣知縣計文淵等截扼其後
鄭魁士督同副將蕭開甲等分路前進兵勇疊抵北岸趕搭浮橋過河夾進奪燄賊十一座賊眾奪路竄出我軍仗兵喊殺逆賊頭
營已破後營火起同將潰散馬隊跟剿計文淵等由後路兜擊福濟豫派廬州府知府馬新貽等接助截殺該逆由東南竄逸又被
水師擒殺殆盡當路上派河中派河賊營二十餘座盡毀擒賊七百餘名焚賊不計其數此次水陸進攻次第收復各要隘賊鋒大
挫著福濟等乘此聲威激勵將弁迅圖進剿毋稍延緩○諭軍機大臣等福濟鄭魁士奏餉需不繼請飭山陝兩省按月解解兵勇餉
銀補山西應解七月分餉銀陝西應解七八兩月餉銀俱未經撥解見在該省初戰喫緊全賴各處協撥若不按月解解兵勇餉

兩更足以資接濟該撫等務當酌量情形設法措解毋誤要需將此由五百里各諭令知之○癸亥諭內閣和春奏官軍攻勦鎮江
擊張國棟知逆匪欲圖西竄接應金陵援賊先於高資地方添營扼守該逆果於運糧河之北清某營壘張國棟派參將余光一等
四面進攻並親督兵勇過港直撲賊營都司賴鎮海亦督率水師開砲轟擊將賊壘毀臺踏平守臺逆匪悉被殲斃官軍乘勝進攻
六堰渡賊營立將逆學平毀張國棟復親督兵勇渡過運河即補副將馮子材等首先搶入賊壘奮力擊勦其摩旂山賊軍經總兵
虎嵩林等會合敢勦水師總兵李德麟進攻泥汊賊匪擊沈賊船十餘隻焚毀賊卡三座轟倒賊營望樓一座總兵泊承陞等復於
釣魚臺獲勝此次鎮江一帶陸路攻勦接仗六晝夜之久斬賊千計水師復乘風應擊賊勢已窮著和春等嚴飭將士迅圖克復毋
再延緩○先是鄭親王端華奏籌撥京餉章程命惠親王軍機大臣等會同戶部議至是奏應如所奏以資補救並酌籌緩急分別
施行一各省一切放款均改用二兩平每年節省銀兩按季報解以充京餉一淮南淮北並兩浙能否鹽歸場應當此餉需支絀
之際該督撫等應嚴實辦理一上年冬開奏撥京餉銀共四百萬兩節經戶部奏催未解應令各督撫統限年內一律解齊至無益
三給放應俟議款稍裕分別辦理一原奏見在捐輸官職太輕仍照舊例銀數應由戶部隨時體察俟軍務稍定的復舊章一地丁
額共濟時艱斷不准見好市恩賄徇情而務宜懷道部議認真辦理○予江蘇陣亡遊擊多陞額等祭葬世職○修江蘇寶山縣海
塘○甲子諭內閣前因會望顏奏參陝西官銀鋪委員候補知縣郭廷格等那移私販並與藩司司徒縣家人黃君任夥開錢鋪等
情弊當降旨將郭廷格等革職交會望顏嚴行審訊定案時並將該藩司參辦本日復據會望顏將續查虧短銀數並收買大錢漁
利私錢鋪費用銀錢委員隱匿錢鋪帳本各款臚列具奏委員郭廷格等與管事之王迎科通同藩司家人種種舞弊隱匿侵
蝕管委員著一併提訊如有扶同侵蝕情弊並著嚴參懲辦務期各為教不少疎屬可懲該撫見在督同道府各員查覈嚴究所有
徹底根究毋許稍有不自不盡陝西布政使司徒照於家人通同局員舞弊為時已久毫無覺察實屬昏愎著先行撤任聽候該撫
查辦○命候補侍郎黃贊為以二品頂帶為通政使○以林揚祖為陝西布政使蔡宗茂為陝西按察使
游蘇雲龍等祭葬世職典史陳福年建祠○乙丑官文都興阿胡林翼奏楚省官軍克復江西湖口後續接探報首逆石達開渡江
會集都昌鄱湖各賊盡踞崇德鎮行止向無定向而賊目賴桂英等嚴守彭澤實為下游肘腋之患○官文等復飭水陸各軍急攻
彭澤率制石逆以免回援金陵九月十七日李續賓將老營圍紫湖口同楊載福師船直抵彭澤縣境距城五里有小孤山挺立江

十朝東華錄

咸豐七十六

官文等復飭水陸各軍急攻

起小孤山北岸又派楊得武率湘亂各營回湖口縣直趨小孤山南岸二十一日楊載福雷都司楊明萬駁船轟北岸偽城自率大

隊後給阿荷城排礮一周卽往下游進發李續賓飭各勇夫於距偽城三四里多修營壘伴作長圍之勢自率親兵校巡城外拔取

木橋忽該逆出隊抗拒我軍奮勇迎戰賊匪退奔我軍復伴退誘之該逆又出數千人追撲李續賓令親兵排陣以待復密傳馬隊

從賊後逆擊該逆大敗不能回城我軍掩殺數十里至吉水溝適遇楊載福駁船橫截轟擊賊斃千數百名餘賊向望江竄逃楊載

福率師直逼望江縣境登岸投勦賊斬擒殆盡卽駛下安慶維時彭澤縣城內之賊紛紛竄逃被楊明萬率勇追殺斃賊無數二

十二日李續賓與楊明萬以礮船轟擊南岸偽城陸勇與馬隊亦會合輪攻至四更時見城中火起知賊已遁當飭馬步隊窮追三

十里沿途斃賊數百名小孤山伏賊閉門堅守我軍誘令下山斬之此二十一二十二等日攻克彭澤縣並拔其兩岸偽城及勦除小

孤山賊壘之實在情形也等查楊載福率師進規安慶已有直搗金陵之望見在潯城之圍功虧一簣卽當設計勦除都興阿

因能逆尚嶽新黃路路可通楚境北岸勦守不容鬆動見仍率馬步各軍由宿太節節堵蕩相機而進以期肅清皖北專意東征

上諭內閣此次楚北官軍水陸進剿辦理甚爲得手著官文等乘此聲威激勵將士迅克九江進攻安慶並由宿太節節堵蕩俾皖

北一律肅清○諭葉名琛奏克復廣西南甯府城一摺廣西股匪竄陷南甯府城於五月敗回橫州後復竄至靈山經著參將廖達

章等會勦連獲勝仗進追至黃地嶺大蘆村殺賊無數餘匪竄回粵達章等分兵前進將橫州各處賊巢盡行攻破賊援已絕色克

精阿督兵進薄城下左江道吳德徵馳抵南甯會勦該匪潛逃設伏夾擊專沈賊船三十餘隻獲賊船三隻其陸路賊匪俱被兵勇

追殺殲除當將南甯府城克復此次勦除廣西股匪該鎮道等於失事之後勦捐募勇克復郡城辦理尙爲迅速著葉名琛督飭將

弁乘勝進攻迅圖克復橫州永濟二縣毋需餘孽並責成色克精阿吳德徵等督率勦辦以贖前愆○戊辰胡林翼奏前奉諭旨將

林翼著將省城公事趕緊料理卽行馳赴九江與都興阿等會辦勦賊事宜等因欽此跪讀之下曷勝感奮惟全師出境必使軍無

返顧之虞乃得銳意長驅節節攻勦不僅圖潯城之克復已也查九江城賊岌岌孤立雖米糧尙足而援絕勢窮見又聞淪兩重匪

竄無路字籍密楊載福調度速籌早已豫探勝算萬無疏虞對酌情形暫可不必前往且潯城既下必有擊散之賊紛紛上竄湖北

大軍移動門戶堪虞接准勝保八百里咨稱安徽獨山軍營失利西面緊接湖北之羅田麻城屬卽迅速防勦查羅田麻城均在九

江之上四百餘里亦在宿松太湖以上三四百里大兵盡駐下游賊若聞道橫撲則德安安陸一帶亦必驚擾見已派兵前往堵勦

如有警急應再籌撥兵勇以昭慎重○之步軍分防襄陽及新黃興國各營一時尙難抽調又瑞州克復王鑫劉騰鴻先後獲謝臨

江吉安之師乍前乍卻勝敗不常查臨江距瑞州百餘里距湖北之通城崇陽亦止數百里江西內地被賊竄擾者尙有六府不僅

與鄂省行商相依兼與湖南邊界處處相通是上游南岸亦屬空虛設有不備則東下之師首尾受敵不可不慮又兵之所向

與鄂省行商相依兼與湖南邊界處處相通是上游南岸亦屬空虛設有不備則東下之師首尾受敵不可不慮又兵之所向

宜籌見辦牙帖釐金等項漸有起色雖計每年所入僅數大營得半之餉尙不至十分饑困惟章程初經釐定必須試行一年方能覈實又鄂省漕糧弊竇太深今則兵燹餘生脂膏已竭更不堪其股削於九月初一日從九江回省後即遣委道府大員澈底清查逐縣剔賦上下衙門陋規浮費一概革除見當立法之初亦須切實整頓又本年馳赴下游督勸隨處察看地勢於邊界要隘地方修築礮樓以資防守燒砌石須數月畢工以上各事宜爲鄂省切要之急務亦與東征之師牽涉關緊潯城克復後東南全局節節可圖時固不可暫失而事必策其萬全應俟九江攻克再行前往會商以期地方軍務均有裨益上諭軍機大臣等前因胡林翼奏請飭曾國滿赴江西統率水師當諭令該撫將省城公事料理馳赴九江與鄒德興阿等會辦茲據奏稱九江賊勢已窮李續賓楊福禧理已有把握舊可不必前往等語潯城一經克復散餘匪上竄堪虞自應嚴密設防使我兵無後顧之虞然後節節進剿方爲計出萬全至等處兵餉釐剔游弊擇要設防皆係目前切要之務該撫身任地方責無旁貸著卽逐件籌辦暫時毋庸前赴九江所有攻剿事宜見有都興阿楊福禧李續賓等水陸並進當可迅速奏功俟克復九江後胡林翼再行察看情形酌量進止將此由五百里諭令知之○胡林翼奏湖北通省有漕州縣凡三十有三額征北漕正耗米十五萬石有奇南米十三萬七千石有奇北漕由丁船兌運京倉南米由州縣解交荆州滿營及各標練營咸豐三年因湖廣漕船停運部文令變價解部每石折銀一兩三錢各州縣仍照舊徵收時因省城失陷未及辦理自咸豐五年三月蒙恩擢署湖北巡撫卽訪聞各州縣徵收漕糧多所浮勒大爲民病每思有以變易之適以軍事方殷無暇及此上年武漢克復楚境漸次肅清今歲雨暘時若年成頗稱豐稔漕糧可望開征不於此時設法清釐舉債而一更張之國計民生將何補救惟是楚北漕弊浮收之重實由於完費之多使非先察積弊之由是猶止沸者不去其薪墾田者帶圖其稔也請爲皇上密陳之查湖北各州縣額徵米數多者二萬餘石少者二千餘石或數百石北清南米合征分解其徵收米石者謂之本色以錢折米者謂之折色其征收折色多寡不同有本色多於折色者有折色多於本色者有本色折色各半者有全收折色者其徵收折色每石折收錢或五六千或七八千或十二三千或十五六千寬有多至十八九千者其徵收本色每石浮收米或五六斗或七八斗或加倍收竟有多至三石零者此外又有耗米水腳等項分款另收又有由單券票樣米號錢等名多端需索民力幾何其能堪此而州縣則有所藉口也向來漕運到通時不無津貼方能挽運人都而丁船藉此需索兒費爲數甚鉅者固無論已卽現在停運免兌幫費可省而糧道有漕規本管道府有漕規丞倅尹尉各官俱有漕規院署有房費司署有房費糧道署及本管道府署書吏各有房費此充費之在上者也又有刁紳劣監包攬完納其吞取於小戶者重其整交於官倉者徵民謂之曰蝗蟲更有挾州縣浮勒之短分州縣浮勒之肥一有不遂相率告漕甚或聚眾哄倉名雖爲民請命實則爲己求財也官謂之蝗蟲費種種蠹弊盈千累百無不於州縣取之其派撥南米者檢定後由州縣自運交荆州府衙門或交本色或交折色其交本色者正米耗米之外尙需雜費銀兩甚多其交折色者每米一石或二兩或三兩不等費未交

足米故遲收此充費之在南米者也夫州縣既多充費勢不能不向糧戶浮收州縣既有浮收勢不能不受刁民挾制於是大戶折色之價日減小戶折色之價日增土棍豪紳多方抗欠得胥蠹役從中欺侵各州縣雖勒折浮收開有所得半皆耗於上下充費之中而國家維正之供往往微不足數則相率捏報災歉藉緩徵爲騰那而漕政因之益壞百餘年來日甚一日東南數省積弊相同而湖北則幾有不可挽回之勢矣湖北見當兵燹之餘若聽有漕州縣仍照前此之每石十餘千收取必致民困難甦有負 皇上

修恤凋殘愛養民生至意臣自九江旋省日與省中司道武漢二府晝夜籌商立意減漕以甦民困竊謂欲禁浮收當先革充費見

已遺委道府大員馳詣各州縣體察情形破除積弊盡除民力藉以稍紓國賦得歸實濟易云窮則變變則通通則久此其時也然積重

從欺隱取中飽之資以分益乎上下務期積弊盡除民力藉以稍紓國賦得歸實濟易云窮則變變則通通則久此其時也然積重

難返弊已百年利之所在人人得而爭之一旦發其病疾窮其新故取而還之於民歸之於公將必有疑之怪之且從而譏毀之者

臣愚以爲苟利於國苟利於民孰殺之敢在所不恤臣庸封圻重寄錢漕係臣職守漕弊一日未清臣職一日未盡除俟辦有端倪

再行另摺陳明謹先將湖北漕積弊承當清釐情形繕晰密陳伏乞 皇上訓示遵行得旨所奏實屬切汝能不顧情面祛百

年之積弊甚爲可嘉俟辦有端倪再行具奏○己巳諭軍機大臣等連日據德興阿和春奏報瓜州鎮江疊獲大勝情形兩處逆匪

均已窮蹙南北兩岸布置周密一旦攻克鎮江該匪逃竄高資西路已斷而德興阿等嚴扼北路亦斷不慮其疏失惟念揚州西路

自樸樹灣直連儀徵六合江岸綿長上下游皆須兼顧德興阿營中惟翁同書以文員幫辦尚無武職幫辦之員設有緩急分兵統

帶尚恐乏人見在江南軍營不少帶兵大員何人堪勝幫辦之任和春必能知悉著卽酌保一員一面奏聞一面先行飭赴江北幫

同德興阿籌辦軍務當此圍攻喫緊之際全在同心協力庶可迅奏膚功和春不得以無員可派一奏塞責務與德興阿運籌合勦

無分畛域備瓜州先克卽可進攻江浦以掣金陵賊勢或鎮江先克而該逆有北竄之謀則南路追襲之兵卽當迅速渡江與北路

互相援應總在該大臣等統籌大局計出萬全朕將拭目以待捷音之至也將此由六百里各諭令知之○命慶康來京以李翰章

爲浙江布政使記名布○子雲南殉難學正盛續芳祭葬世職○庚午諭軍機大臣等前據英桂奏官軍越山由裕州一帶追剿賊

匪疊獲大勝餘匪四散奔逃各路竄伏者尙多並節據會望顏以匪偪南陽邊派將弁兵勇馳赴商南雜南一帶分投防堵本日復

據會望顏奏賊匪二千餘人由盧氏縣一路先撲箭桿嶺復窺近龍駒寨武關等處滋擾各等語賊匪既經竄入陝境若不以兩省

兵力四面兜擊恐被勦再奔雙及南山一帶陝省完善之區豈容任其蹂躪會望顏前經派兵由潼關商州兩路前進茲據奏詞陝

安鎮兵取道南山進剿又飛催龍澤厚一軍就近追擊兵力已不爲單弱著英桂卽飭帶兵員弁不分畛域越境追剿會合陝省兵

勇協力兜擒務須一律殲除毋留餘孽將此由六百里各諭令知之○子江南陣亡從九品胡光前等祭葬世職○壬申諭內閣何

桂清等奏刁劣官幕盤踞勾串滋鬧擾臺侵吞軍餉違旨按照軍法從事一摺江南丹陽分局糧臺有候選從九品王聯甲王先鑑

等

等

等

等

及赫友曹金聲於委員散放兵餉時聽敢惡惡游棍從旁滋鬧乘機侵吞餉銀一千三百餘兩之多該督於訊明後即將該三犯處

斬梟示所辦甚是刁劣官幕視糧臺為利藪把持舞弊法已極見在江南已將王聯甲等二名懲辦此外各路糧臺如有此等

類隨營滋擾著統兵大員各督撫即行照此辦理以儆刁頑其在逃各犯仍著何桂清等查拿務獲按律嚴懲將此通諭知之○

軍機大臣等福濟等奏賊匪分擾和合見籌布置音德布因糧盡退守各等語賊匪分股竄擾和合音德布營盤被陷退往赤德

地方賊勢已極猖獗必當以重兵扼剿惟瓜州尚未克復圍攻正在喫緊和春德興阿斷不能撥兵先往皖北援應儘瓜鎮攻克自

當諭令分兵前往見在福濟等已於蘆城調派兵勇二千餘名又加調千餘名並調壽山駐防參將吳秀帶兵勇一千名會合赴援

其音德布所帶兵勇本有四千見雖接仗潰散不難招集合計兵力已不為單弱著福濟鄭魁士督飭前項兵勇趕緊追剿毋令蔓

延至皖北江面亦關緊要並著福濟等設法嚴防毋令賊匪再有北竄將此由六百里諭令知之○轉國瑞為刑部左侍郎調孟保

為刑部右侍郎以靈桂為理藩院右侍郎由內閣○准截留兩淮起解甘餉銀三萬兩備安徽軍需○子安徽軍營病故副統咨

照祭葬卹廕○子安徽殉難國子監典籍唐長齡等祭葬世職○癸酉諭內閣會望顏奏賊匪竄入武關直撲商南縣城見在擊退

並追剿情形一摺陝西試用同知張兆蓉候補知縣施作霖督帶勇練在商南防堵探聞賊將下竄當即督勇迎擊次日馳抵清油

河該匪偷由天橋河小路竄入武關等處至頭條嶺截擊有馬步賊百餘人先來撲營擊退後賊又率眾擁至施作霖首先下

山張兆蓉整隊齊進賊遂回關固守施作霖身先士卒奮進關前賊匪三面夾撲施作霖手刃數賊力竭遇害張兆蓉亦受矛傷賊

遂由清油河直撲商南縣城該縣知縣趙繼芳遊擊常有督率兵勇轟斃騎馬賊目數名始行退走由富水關一帶竄去此股賊匪

由河南境奔竄商南又由富水關逃逸雖經商南擊退尚未悉數賊除著英桂會望顏不分畛域前後兜剿並飭龍澤厚一軍合力

追捕勿爾餘孽○子陝西陣亡知縣施作霖祭葬世職如知府例並建祠○甲戌諭內閣借格林沁會同刑部等衙門奏遵旨定擬

大員被參各款及案內各犯罪名並端華奏聯順等家產不應請抵各一摺此案已革理藩院尚書步軍統領聯順身任一品大員

不知自愛於所屬錢糧有監臨之責竟敢得受換銀餘錢及辦公錢文至三萬四千餘串之多並有廢弛營務及信任慶陽納賄紙

咨家人索賄失察屬員侵蝕官項濫保官員各款實屬孤恩昧良聯順著照從新監候勒限一年完贖後從重發往新疆酌鈔家產

不准作抵已革筆帖式蘭森廉保恩錫恩需穆克登額已革員外郎毓量已革主事德清已革司務伊奇立均照擬斬監候勒限一

年完贖後從重發往新疆已革郎中椿齡已革主事常順均著照擬杖流限內完贖發往軍臺如逾限不完即著發往新疆以上各

員查封家產一併入官均不准作抵已革筆帖式慶陽著從重發往黑龍江充當苦差遇赦不赦著落該革員家屬勒限追贖亦不

准以家產相抵已革書吏章安瀾著照擬斬監候並即查鈔家產入官亦不准作抵吏部主事恩輝著交都察院照例議處解任中

營副將李英著即革職參將李萬年馬莊遊擊蘇恩綬馬服襄李炳業都司王全山筆春守備程秀純貴特通阿周光恆張海筆帖

武憲斌均著分別交部議處世襲雲騎尉蘇聯芳著交部照例議處筆帖式慶春著交部察議○子安徵軍營病故提督奏定三祭葬卹應議恭武○丙子論軍機大臣等法福禮奏飢餓官兵並請雷帶兵大員及籌辦各情一摺官兵自出卡追擊獲勝後匪踪遠竄邊圍肅清回民復業所有土爾恩特和碩特蒙古及喀喇沙爾絲營兵自應分別飢餓至一切善後事宜業已有旨令法福禮會同裕瑞並面商慶英固慶會同扎拉芬泰酌量辦理並未另派大員著該大臣仍遵前旨悉心覈辦常清即遵旨來京毋庸暫留軍營至首逆倭里罕在逃前據慶英固慶奏已飭阿奇木伯克阿克拉依都爾改浩罕伯克胡達雅爾合將賊目擊送許以恕罪通商並諭知卡外各愛曼布魯特一體擒拏若能殲厥渠魁自可消弭後患儘浩罕伯克抗不遵照即如慶英等所議不准安集延等通商以示懲儆仍無庸深入窮追致有挫失將此諭令知之○丁丑諭內閣雲南各屬漢回警戢幾遍三連一載有餘兵連禍結朕以起釁根由總因地方官辦理不得其平是以特授吳振械為雲貴總督統帶四川官兵前往復命前任山東巡撫張亮基帶兵隨後繼進諭令該督等但分夏莠不分漢回秉公查辦以息爭端而紓邊圍本日據吳振械奏行抵曲靖沿途查訪情形此次回民滋事半由漢民倡議滅回以致回民疑畏憤激而成該督入境停兵軍車曉諭悔悟者頗多試思漢回皆朕赤子本不應有所偏袒若使啟釁之初地方官即從公判斷以服人心何至報復相等重煩兵力今吳振械既查知回民有負冤之處而漢民中乘機搶掠可誅者亦復不少則從前辦理錯謬已可概見所有散貼告示倡議殺回之前任侍郎黃瑛前任御史賈瑛業經降旨革職治罪並將辦理不善之大員交吳振械查明參奏朕大公無我之心雖在愚民亦當共喻著吳振械宣播朕旨曉諭各屬回民果係止鬪報復並無叛逆之心准其悔罪輸誠各安生業大兵所至毋許妄戮一人其能解散脅從縛獻兇渠實在出力者不特寬其既往之罪仍准該督等據實保奏給予獎敘其漢民有藉團練為名肆行殺掠者即以軍法從事經此次剴切曉諭之後漢回皆知悔禍該督等即可持平辦理慎選良吏妥為安撫商直分明明人心自定儻仍敢負隅抗拒則是自外生成甘心叛逆即著該督等統兵進剿該回民皆由自取並非朕不施寬大之恩也該督即刊刻勸諭諭使各屬漢回人等咸知朕除莠安良之至意○諭前因雲南省漢回警殺當令在籍侍郎黃瑛御史賈瑛著辦團練原為保衛聞起見該侍郎等自應會同地方官熟籌妥辦乃本日據吳振械奏黃瑛賈瑛在省城設立總局鑄刻關防備貼告示令民間紛紛集團其意專主殺回以致回眾懷疑等語不已而漢民之奸者又復散播謠言乘機搶掠蔓延各屬辦理實屬不善等語辦團所以安民黃瑛等以鄉紳擅出告示已屬非是且持論不得其平轉致激成釁端非徒不能保衛地方並使民遭荼毒辦理實屬錯誤黃瑛賈瑛均著革職交吳振械查訊治以應得之罪至辦團事宜係地方官專責何得任聽紳士惟所欲為所有從前辦理不善之地方各官除恒春已故外其巡撫司道及各府州縣均著吳振械查明參辦嗣後各處練勇均歸文武官員統帶如有未奉調遣自行募隊者即將練頭按軍法從事統帶官嚴行參處毋稍寬縱○諭軍機大臣等吳振械奏參紳士辦團不善一摺並請將黃瑛等以吏切

兵威使羣民知所儆惕再議撫綏惟是在東南各省軍務未平兵力斷難彙集餉需亦難於籌措且據吳振械奏回民之紛紛尋釁實由官紳辦理失宜所致此時匪徒蜂起發徧三遠儻率行進剿深恐於事無濟徒損兵威且曲靖及省城一帶回民尙不肯自居叛逆乘其有一絛可原請旨剴切曉諭廣有轉機所奏不爲無見本日已明降諭旨曉諭回民如該回民悔悟自新即可從公辦理並著慎選良吏加意撫綏曲直分明人心自定儻仍負固不服或曲從心違則是自外生成國法斷難寬宥該督惟有統率官兵痛加剿辦無得姑息查奸爲所輕視將此由六百里諭令知之○是月調撥直隸開州等六十三州縣被水被雹地畝額賦並給賑有差准河南被旱地方漕米昨徵小麥准山東德州等十二州縣歛收漕麥改徵粟米調撥湖南武陵等九州縣並岳州衛水災額賦續江蘇員補截留漕米陝西綏德等二州縣旱災應徵兵糧河南考城等十二慶州縣被災被擾新舊額賦並給難民一月口糧

79288

一
五
十
五

人
生
一
二

五
十
五

106